

БОДО
ШЕФЕР



ГОЛИБЛИК ҚОNUНИЯТЛАРИ

- ▶ Ўқиши – ўсиш демакдир
- ▶ Пулга усталик билан ёндашинг
- ▶ Танқиддан чўчиманг
- ▶ Ўзингиздаги қўрқувни
енгишга ўрганинг
- ▶ Масъулиятни ўз
зиммангизга олинг

УЎК: 821.512.133

КБК: 88.3

Ш 51

Шефер, Бодо.

Ғолиблик қонуниятлари / Б.Шефер;
таржимонлар: Хайрулла Қосимов, Тоҳир Ҳакимов,
Наргиза Анорбоева – Тошкент: Yurist-media markazi, 2015. -
240 б.

Бу дафтарда сиз ҳаётда музaffer бўлиб яшаш, мақсад,
интилиш, унга эришишдаги табиий ва сунъий ғовлар,
уларни бартараф этиш қонунлари билан танишасиз.

Хаётда фаровон турмуш асосларини барпо қилиш ёки
ношудлик орқасидан қашшоқ яшаш – шахсан ўзингизга
боғлиқ эканлиги руҳий-фалсафий тарзда содда баён
этилади.

Кўлингиздаги бу китоб ҳаётда музaffer бўлишни
хоҳлаганлар учун ёзилган.

Такризчи ва масъул муҳаррир:

Гулаандом Тоғаева,
филология фанлари номзоди

ISBN 978-9943-4336-9-4

© Ғолиблик қонуниятлари, Бодо Шефер.
© “Yurist-media markazi” нашриёти, 2015 йил.

МУАЛЛИФ МУҚАДДИМАСИ

Сиз ўзингизни катта муваффақиятларга эриша оламан, деб хисоблайсизми? Сизнинг орзуларингиз юксак, аммо ҳаётда рўй берувчи турли сабабларга кўра, уни ҳали амалга ошира олганингиз йўқ. Эҳтимол, аллақачон турмуш синовлари деган тўсикларга бошингизни уриб, пешонангизни ғура қилишга улгургандирсиз?

Машхур олим Эйнштейн: ҳар бир гўдакда даҳолик яширин, деган экан. Чиндан ҳам ҳар биримиз ФОЛИБ бўлиш имконияти ва хукуқига эгамиз.

Ҳозир эҳтимол, мени бир неча йиллар аввал қийнаган оғир ҳолатлар сизнинг ҳам бошингизни қотираётгандир. Ҳа, ўша йилларда ҳаётда ўз ўрнимни топишим учун маслаҳат берувчи ҳалол кишиларнинг кўмагига жуда ҳам муҳтоҷ эдим. Бошқачароқ ифодаласам, менга “йўл кўрсатувчилар” зарур эди.

Ажойиб кунларнинг бирида мен ўз устозимга шундай дедим: “Сиз каби муваффақиятга эришиш йўлини билиш учун ҳамма нарсамни бағишлиган бўлардим”. Ҳаммаси шундан кейин бошланди. Устозим менинг сўзимга ҳайрон бўлган ҳолда мийифида кулиб, оҳиста бош чайқади: “Мен бунга ишонмайман, Бодо”, деди. Мен ўйлаб, жиддий гапираётганимни айтиб, устозимни ишонтирдим. Шунда у: “Ундей бўлса, ҳар ҳафтада уч марта менинг ўкув машғулотларимда қатнишинг. Нимани эшитсангиз, ҳаммасини ёзib олишга ҳаракат қилинг, мен нима десам, шуни бажаришга киришинг”, деди.

Аввалроқ муваффақият ва баҳтга эришишнинг ўзим учун маъқул формуласини изладим. Афсуски, ҳаётда бундай тайёр формула йўқ экан.

Мени қийнаб турган муаммоларимни бартараф этишга ёрдам беришини сўраб, яна устозимга мурожаат қилдим. Аммо умидим пучга чиқди. Устозим мураккаб ҳолатимни тартибга келтиришга кўмаклашиш ўрнига, менга ғолиблик қонуниятларини тушунтира бошлади.

Гарчанд, дастлаб гап нимада эканлигини яхши англай олмаган бўлсам-да, пировард натижада ҳаёт тажриба-синовларини ўзида мужассамлаштирган ибратли хикматларнинг маъносини тушуна бошладим.

Мен нафақат, айни дамда бошимни қотираётган жиддий масалалар ечимини топа бошладим, балки келажакда бажаришим зарур саналган вазифалар ва унинг оқибатларини ҳам якқол ҳис этадиган бўлдим.

Албатта, хозир ҳам жиддий, оғир ҳолатлар билан “тўқнашиб” тураман. Ана шундай кезларда “Бу масалага устозим қандай ёндашган бўларди”, дея ўзимга савол бераман. Ўз тасаввуримда устозимнинг самимий киёфасини ҳис этаман, овозини эшигандай, мени қўллаб-кувватлаётган каби унинг маънавий далласини якқол сезаман.

Хаётимда шундай пайтлар ҳам бўлганки, атрофим-дагилардан баъзилари тўғри ишимдан кир кидириб ҳаммани чалғитишга, шубҳа остига қўйишга харакат килишган. Бундай лаҳзаларда доимо устозимнинг куйидаги сўзларини қалбан такрорлайман: “Мени ташвишга соладиган бир нарса бор – кимдир бошқалар ишончига путур етказар экан, у катта бахтсизлик келтиради. У бошқаларнинг ютуқ ва толеини шубҳа остида колдиради. Ёдингда тут: ҳеч кимга “Сен хаётда ҳеч нарсага эришолмайсан”, дейишга ҳак-хукуқ берилмаган. Ҳатто буни ўзи ҳакида ҳам сўзламаслиги лозим!”

Менимча, бундай меҳрибон устозга ҳаётда рўбарў келиш ҳар кимга ҳам насиб этавермайди. Шунинг учун ҳам ушбу китобни ёзишга катъий жазм қилдим. Бу китобда муваффакият қозонишнинг барча тартиб-коидалари, ишончли манбалардан ўтган тажриба-синовлари, устоз ўғитлари бир-бирини тўлдириб келади. Ҳа, ҳаммаси вакт синовларидан ўтиб, ҳакиқат мақомига етишган ҳаётбахш лавҳалардир. Улардан баъзилари қўпчиликка таниш бўлиши мумкин. Биз қачонлардир билган, эшигтан, қўллаган нарсаларимиз унутилиб

кетгач, бирдан бугун ёдимизга келиб қолиши ҳам ҳар ҳолда ҳайратомуз туюлади.

Сиз бу китобни мутолаа қиласыр экансиз, уч нарсага дуч келасиз.

Бириңчиси шуки, ушбу қонунларни ўқиётиб, баъзилари иккинчисига қарама-қарши бўлиб қолаётгандай туюлиши мумкин. Кимdir буни бошқача тушуниб, танқид қилишга киришиши ҳам эҳтимолдан холи эмас. Йўқ, асло хукмга шошилманг. Барчасининг ўз ўрни, вазифаси, йўналиши мавжуд. Ҳа, унумтманг, Ғолиблик қонуниятлари бизни бошлара бошлар экан, у бошдан-оёқ зид тенгламалардан иборатлигини билиб оламиз.

Иккинчиси, китобда сиз қайтариқ-такрор жумлаларни учратишингиз мумкин. Бу услуб билан мен айрим қонунларнинг ички боғланишларига эътиборингизни тортишга харакат қилганман.

Учинчиси, сиз Ғолиблик қонунлари асосида ҳар доим ҳам яаш осон эмаслигини тушуниб оласиз. Аммо аслида, сиз жуда ҳам керакли куч-кувватга эгасиз. Онгли фаолият доимо юкорилаб боришингизга имкон беради. Сиз истаган вақтингизда ҳаётингизда туб бурилиш ясай оласиз. У сизнинг аниқ ва қатъий ҳаракатингизга, яаш тарзингизга боғлиқ. Тўғри, талаблар ҳаммага ҳам ёқавермайди. Кимdir кескин қўл силташи ҳам мумкин. Баъзилар бу ишда ўз вактларини совураётгандай хис қилишса ҳам, ажаб эмас! Бундай вазиятларда баъзилар ўзини оклаш учун ҳар хил баҳоналар излашга тушишади.

Мен бир нарсага жуда-жуда ишонаман. Сиз “Ғолиблик қонуниятлари”ни ўқир экансиз, ҳаётда ўз порлоқ мавқеингизга, албатта, эришасиз.

Ҳаётингизни ранг-баранг ибратли воқеалар билан безатинг. Қандай инсон ва ким бўлишни орзу килгансиз, ҳаётда ўз орзунгиздагидек яашашга интилинг!

Чин юракдан сизга омад тилаб,
Бодо Шефер.

БИРИНЧИ ҚОНУН

ҚАРОР – ДИЛ АМРИ

Айтишларича, кичкинагина жилға бепоён чүлгә қадар оқиб борибди. Шунда у ғойибдан: “Хавотирланмай оқиши давом эттири”, деган овоз эшитибди. Аммо оқиши давом эттириш жилғага хатарли туолибди. Негаки, нотаниш ва номаълум қақраб ётган ерда оқиши мони йўқолиб бораётганидан қўрқиб кетибди. Ахир, унинг бирдан-бир орзуси тўлиб-тошиб, мароқли яшаш эди. Таваккал қилиб йўлга тушиб, ҳаётида ниманидир ўзгартирмокчи бўлганида, куриб-қовжираб қолиш даҳшати пайдо бўлганди. Аммо ғойибона товуш уни яна оқишига ундарди: “Агар оқишига қарор қилмасанг, ҳеч қачон сен ўзингни нималарга қодир эканлигининг билолмайсан. Сен шунга амин бўлгинки, янги ҳаёting ўзгача – фараҳбахш кечади. Хотиржам ҳолда яна оқишида давом эт”.

Жилға руҳланиб, ўз йўлини давом эттириди. Унга осон бўлмади. Сахро кун сайин қизиб, жилға сувлари буғланиб кетди. Ҳавога буғланиб қўтарилиган жилғанинг ҳар бир томчи суви булаттга айланди. Шамол булатни бир неча кун сахро узра ҳар томон сурди. Ва... бир куни булат денгиз тепасига етиб келди-да, шаррос ёмғир ёғди.

Жилғанинг ҳаёти ўзи кутганидан-да ортиқ гўзал тус олди. Жилғанинг ёмғирга айланиб, денгиз оғушига қўшилган сувлари қудратли тўлкинларда мавж урад экан, табассум-ла шивирлади: “Ҳаётим неча бор ўзгарган бўлса ҳам эндиликда ўз орзуимга эришдим”.

* * *

Бирор ишни таваккал килган ҳолда бошлаш учун бир тўхтамга келиш ҳаммага ҳам осон эмас. Сабаби, бизни номаълум, ҳис этиб бўлмайдиган нарсанинг ваҳимаси чўчитади. Ахир, шундай килинадиган бўлса, кўп нарса ўзгариб кетади. Яъни ўзимиз униб-ўсган жойдан

бутунлай күчіб кетиш ҳам осонмас. Құни-құшни, қадрдон дүстлар, танишлар... Энг катта үзгариш эса үз бошингизга тушади. Мана шу хиссиёт кишини безовта килади. Аввалғи эски ҳолат – даражаны саклаб қолиши керакми ёки янги жойда янгича яшаш, ишлашни шакллантириш лозимми? Уни танлаш үзингизга ҳавола. Ёдигизда бўлсин: ҳар қандай иш, ўсиш ва үзгариш сиз бир тўхтам-қарорга келганингиздан сўнг бошланади.

Инсон ўзи кўнишиб қолган шарт-шароит, муҳит билан ўралашиб колса, ҳар қандай үзгариш, тўкнашувлардан безиллаб туради. Шунинг учун ҳам ўзини безовта килувчи ҳар хил таклифлардан нари тутади. Аслида эса сизнинг янги қадамингиз ўсиш, үзгариш учун бир имкониятни пайдо килади. Ҳа, яна тақрорлайман – бу сиз учун янги ва катта имконият бўлиб қолади..

Таёқнинг икки томони

Ҳар қандай қарор қабул килинганидан сўнг унинг маъқул ва нокулай томонлари мавжуд. “Қарор” сўзи “воз кечиш” сўзи билан ёнма-ён харакатга тушади. Эътибор беринг: Сиз узил-кесил бир қарорга келар экансиз, максад сари жиддий қадам ташлашга аҳд қилган бўласиз. Ана шу буюк максадга етиш учун эса сизга шу пайтгача яқин бўлиб қолган анча-мунча нарсаларингиздан воз кечишингизга тўғри келади. Бу табиий ҳол. Бусиз харакатларингизда самара сезилмайди. Депсиниш пайдо бўлади. Ҳа, онгли равишда сиз олдинги имтиёз ва имкониятларингиздан воз кечишга – “хайрлашиш”га мажбурсиз.

Демак, ҳар қандай қатъий қарор ўтмиш ва келажак ўргасида узил-кесил танловга эга бўлишингизни тақозо этади. Фикр-мулоҳазаларга аҳамият берар экансиз, янги қадамдан кўра ҳозирча сиз эгаллаб турган мавке ва имкониятлар ғири танланади. Афсуски, бунда сиз барча

янги имкониятларингизни барбод этган бўласиз. Бу сизнинг келажак ҳақидаги орзуларингизни янада орқага суриши, масофалар узоклашиб кетиши мумкин. Аҳднияти қатъий киши эса ўтмишга хотима ясаб, келажак сари ишонч билан қадам ташлайди.

Аввалги имкониятларингизни маҳкам ушлаган ҳолда янгисини олға силжита олмайсиз. Ўзингизнинг “садоқатли”, “эски” кўникмаларингиздан воз кечиб кучкуватингизни янги ҳаёт сари баҳш этинг.

Айтинг, Сиз қай бирини танлайсиз? “Имтиёзли” ўтмишингизними ёки фаровон ҳаёт имкониятиними? Бунинг аниқ жавобини факатгина Сиз биласиз, холос. Сизга аник-равшан бўлиб турибдики, янги ўзгаришлар, алмашинувлар арафасидасиз. Яна такрорлайман: ҳар қандай ўзгаришлар узил-кесил қарор қабул қилинганидан сўнг бошланади. Албатта, нималарданdir қатъий бош тортишингизга тўғри келади. Бунинг учун қатъият ва матонат талаబ этилади. Ахир, ҳар қандай нарсанинг ҳам икки томони бор: масалан, таёқ, танга, медаль...

Бекарорлик – ўсиш эмас, чўкиш

Африкада маймунларни қандай овлашларини биласизми? Овчи бор-йўғи диаметри олти сантиметрча келадиган дараҳт кавагига товук тухумидек тошни гўё яшириб қўяди. Маймунлар табиатидаги ўта қизиқувчанлик ва ғафлат бу ишда қўл келади. Буни кузатиб турган маймун, овчи жўрттага яшириниши билан кавакка қўл солиб, тошни чиқариб олишга берилиб кетади. Кавакнинг оғзи торлиги туфайли тошни тортиб олиш осонмас. Шу лаҳзада овчи келиб, маймунни қопга солади. Ваҳоланки, маймун тошни қўйиб юбориб, қўлини кавакдан яшин тезлигига олса, қочиб кетиши мумкин. Йўқ, бундай қилишга маймуннинг кайсар табиати “йўл” бермайди. Кавакдаги ушлаган нарсасини олиб қўриши, “билиши” шартдек, гўё!

Хүш, бу билан нима демоқчимиз? Гап шундаки, биз күпинча ўзимиз ўрганиб қолган, күниги кетган ўтмишдаги фаолиятимизга сал шамол тегишидан чүчиймиз. Ундан воз кечиб, янгрок, кулайроқ, самаралироқ, гүзәлрок ҳаётга қадам ташлашга журъатимиз суст тортади. Маймун тошни қўйиб юборса, нажот топарди-ю, аммо қўйиб юбормайди. Биз ҳам ўзимиз ўрганиб қолган шароит ва баъзи “имтиёз”лардан воз кечолмай тараккиётимизга тескари ўгириласиз. Юзма-юз бўлишга юрак дов бермайди. Нега ўтмишдан ўзимизни ёки кўлни тошдан холос килмаймиз? Шундай кезларда қаршимизда муҳим масала пайдо бўлади: биз киммиз, нимани хоҳлаймиз? Нимага эришмоқчимиз?

Америка Кўшма Штатлари тараккиётида муҳим бурилиш ясаган буюк ислоҳотчи Теодор Рузвельт шундай деган экан: “Ҳаётда қувонч ва қайгуни, ғалаба ёхуд мағлубиятни ҳис этмайдиганлар билан муроса қилиб яшагандан кўра, минг бор муваффакиятсизликка, кулфатга дучор бўлса ҳам буюк мақсадлар сари интилиш, музafferлик маррасиiga жасорат тулпорини тик солиб яшаш завқлироқдир”.

Ғолиблар ҳеч қачон рўй берган ноқулай вазият билан боғланиб қолмайдилар. Сабаби маълум: рўй берган фожианинг олдини энди олиб бўлмайди. Унга ўралашиб қолиш фаолиятни орқага тортади, мусибатни оғирлаштиради, холос.

Ҳа, ҳар қандай ноқулай вазиятда қолиб кетгандан кўра, ундан чикиб кетиш йўлидаги таваккалчилик манфаатлироқдир. Европада яшовчилар учун очлик қашшоқлик эмас, ўзига хос ички тозаланиш, танага дам беришнинг бир кўриниши ҳисобланади.

Шуни унутмангки, сиз олиб бораётган ўйинда қатъий қоида бор: ютқазмаслик. Лекин ютқазиш аламини тортмаган – ютиш завқини ҳам ҳис этолмайди. Яъни ўйинда ютиш ҳам, ютқазиш ҳам, табиий. Буларсиз ғалаба эҳтимолини тасаввур килиш қийин.

Қарор қабул қилишимизга ғов бўлувчи сабаблар:

1. Кўпчилик умр бўйи бир юмуш билан машғул бўлган яхши, деб хисоблашади.

Кўпчилик ҳали билим ва малакаси етарли бўлмаган ёшлиқ даврида ўрганган ҳунар билан кифояланишни маъқул кўришади. Эҳтимол улар ҳақ, балки адашишаётгандир? Нима бўлганда ҳам янги мақсадлар сари интилиш ривожланиш сари бошлайди. Шу нуқтаи назардан ўзингизга жиддий савол бериб кўринг: ҳозирда шуғулланаётган ишингиз ўзингизга маъқул келадими, уни ёқтирасизми?

Ўйлаб кўринг, умр шундок ҳам ўлчовли, ҳар куни ишга бориб-келиш учун ўзига яраша сабр-тоқат керак.

Ҳар ҳолда, сиз нима билан машғуллигингизнинг кизиги йўқ, лекин қалбингизда Сиз қаердадир, кимнингдир ёнида ёки ўрнида бўлишни, албатта, хоҳлайсиз.

2. Кўпчилик қарорни сал кейинроқ қабул қилса ҳам бўлади, деб хисоблашади.

Ёдингизда бўлсин: ким қарор қабул қилишни орқага сурса, келажакда бирор бир ишга қўли бормайдиган, ўзига ишонмайдиган журъатсиз кишига айланади. Аслида эса бирор қарорга келишни истамаганингизнинг ўзи қарор қилганингизни билдиради. Сиз ҳамма нарса аввалгидек бўлгани яхши, деб ўзгаришларга кўнмаган тақдирингизда ҳам қарор қабул қилган бўласиз. Бошқача ифодалаб айтадиган бўлсак, сиз ҳеч қандай қарорга келмасликка қарор қилдингиз. Бундай тўхтамда қолиш куч-кувватни сўндиради. Эркин фаолият кўрсатиш, ташаббусларни йўққа чиқаради.

Бошидан кўп воеаларни ўтказган тажрибали кишиларнинг эътироф этишларича, нима қилиш керак, қандай йўл тутиш зарур, каби бир тўхтамга келиб мулоҳаза

юритишнинг эрта-кечи бўлмайди. Аслида шундайми? Метро ва кўп қаватли расмий бинолардаги эскалатор (ўзи юрар зина)да ўзингизни қандай ҳис этасиз? Чиқиш ёки тушишнинг охирги нуқтасида сиз ҳаракатдаги зинадан ажralишингиз керак. Ўзингизни бир четга олмасангиз кўнгилсиз ҳодиса рўй бериши мумкин. Мажбурсиз. Эскалаторни бўшатасиз. Сиздаги мақсад ҳам маълум бир фаолиятсизликдан сўнг саробга айланиши муқаррар. Сал фурсатни бой берсангиз бас, мўлжал хато кетади. Бошқача айтсак, икки қўлингиз куп-курук қолади.

3. Кўпчилик “нотўғри” қарор қабул қилиб қўйишдан хавотирланишиди.

Дўстим, “нотўғри қарор” деган тушунчанинг ўзи нотўғри. Ахир, сиз мақбул қарорга келгунча бир қанча ўй-фикрлар, танловларни чамалаб кўрасиз. Ҳеч қачон дарёни тик кечиб ўтишни фикр қилмайсиз-ку? Ҳаётингиздаги мураккаб ҳолатларни хар томонлама хомчўт қилиб, энг мақбул ечим билан қоласиз, тўғрими?

Чунончи, дам олиш учун денгиз бўйи яхшими ёки тоғ бағрими – билмайсиз. Таваккал қилиб тоғ бағрига жўнадингиз. Бахтга қарши бу ерда ўн кун мобайнида тинимсиз ёмғир ёғди. Бундай вазиятда кўпчилик: “Нотўғри қарор қилган эканман”, дейиши аниқ.

Ростдан ҳам шундайми? Аслида, денгиз бўйида ҳам сизни нима кутаётганлигини билмайсизку? Эҳтимол, у ерга борганингизда, ёқимсиз овқат туфайли беҳузур бўлиб, кўрпа-тўшак қилиб ётишингиз мумкин эди...

Бордию ўша ёмғирли тоғда сиз бир умр орзу қилиб юрган инсон билан кўришиб қолганингизда борми – ҳамма кийинчиликларни унуглан, хатто “Нотўғри қарор қабул қилган эканман”, демаган бўлардингиз.

Сиз қандай қарор қабул қилишингиздан катъий назар ҳаётингизда рўй бериши мумкин бўлган мураккаблик-

ларни ҳеч қачон олдиндан била олмайсиз. Яхшилаб ўйлаб қаралса, ҳар қандай қарорга келиш тек тургандан юз бор яхши.

4. Кўпчиликнинг фикрича, қарор қабул қилиш осон ва мешақкатсиздир.

Одамларнинг ўйлашларича, энг мақбул қарор қабул қилишнинг қулай палласи пайдо бўлади. Шунинг учун ҳам кўпчилик ягона қарор қабул қилиш пайти келишини кутишади. Бундай вазият қарор қилиш эмас, имкониятдан фойдаланишдир. Ундай кишиларда аслида барқарор тўхтам йўқ! Улар бўлса-бўлди, бўлмаса-ундан нари қабилида ҳаракат қилувчилардир.

Қарор қилиш ўзига хос интилиш ва куч-ғайратни кучайтиради. Уни амалга оширишнинг аниқ ечимлари сиз учун нақадар қадрли аҳамият касб этади.

Ўз иззат-хурматини билган киши самарали қарор қабул қилишнинг барча томонларини аниқ ҳисобга олади.

Сиз ҳам аниқ қарорлар қабул қилишга интилинг. Бунинг учун сабот мускулини чинктиришга киришинг.

Қарор қабул қилаётган пайтимизда биз ўз тақдиримизни ҳал этаётган бўламиз.

Тасаввур қилингки, сизнинг келажақдаги ҳаётингизда янги киши пайдо бўлади. У сизнинг хонадонингизда яшаб, иш столингизда ўтиради. Сизнинг ўйингиз ва машинанингизнинг калити ҳам унда бўлади. У умр бўйи сиз захмат тортиб олган, тўплаган ҳамма нарсаларингиздан фойдаланади. Янада ҳайратлиси, у сизнинг банк чекларингиз ҳисоби ва меҳнатларингиз натижасини кузата бошлайди, назорат қилади. У айнан сиз ётган хобхонада ухлайди. Ким у? Кўзгуга яхшилаб қаранг, у кишини кўрасиз. Ҳа, у шахсан ўзингиз, бошқа ҳеч ким! Ўзингизнинг қатъий ва мантиқли қарорларингиз билан

бу инсонни Сиз шакллантиридингиз. Ҳа, бугун сиз жиддий қарор қабул қиляпсиз, унинг натижаси ҳам бугун ташлайдиган янги қадамингиз билан чамбарчас боғлиқ.

Бу инсон келажакка қандай қарайди? У қандай яшайди? Нима билан шуғулланади? Кимлар билан дўстона муносабатда бўлади? Кувончли ва мазмунли хаётда ўз ўрнини топа оладими?

Бу саволларнинг ҳамма-ҳаммасига сизнинг бугунги қарорингиздан жавоб излаш лозим. Одамлар ўзларини таваккалдан сақлаган ҳолда имкониятларига паст баҳо бериб, гўё мен бунга ярамайман қабилида ўз журъатсизликларини химоя килмоқчи бўладилар. Шунинг учун улар ўзларига асло ёқмаса ҳам маҳкам боғланиб оладилар. Ажралишни истамайдилар. Лекин умр бўйи ҳеч нарсадан қониқмай, ҳис қилмай яшаб ўтишлари ҳам мумкин. Омадсиз кишилардан бири айтган экан: “Ўзингни ҳар ёққа урганинг билан ердан бошқа жойга йиқилмайсан”.

Голиблар бошқарув дастгохини қўлга олишар экан, нимани хоҳлашаётганини аниқ тасаввур этишади. Улар тез ва узок муддатни кўзлаб режа туза олишади. Бошқалар эса бу ишда сусткашликка йўл қўйишади, бу ҳам етмаганидек, қабул қилган қарорларининг натижаси бир ёклик бўлмай туриб уни ўзгартира бошлайдилар, янгилайверадилар.

Голиблар тезкор қарорлари билан мақсадга яқинлашадилар. Улар жимгина ўтиришдан кўра ҳар қандай ёмон қарор ҳаммасидан ҳам аъло эканлигини яхши билишади. Шунингдек, улар нима қилишаётганини ҳам, нимани хоҳлашаётганини ҳам жуда яхши билишади.

Сиз ўзингиз учун нима қадрли ва бебаҳо эканлигини яхши билсангиз, сиздаги танлов имкониятингиз шу қадар осон ва аниқ бўлади.

Амалий машғулотлар

Мен бугундан бошлаб ҳар бир қабул қиласидан қароримни такомиллаштирадиган салохиятимни ошириш учун қуидагиларни бажаришга ўзимга ваъда бераман:

1. Мен ҳар қандай масала юзасидан тезкор қарор қабул қилиш илмини ўрганишни бошлайман. Ўзимда тезкор танлов учун “қатъият, сабот мускули” кучли эканлигини ҳис этаман. Майда-чуйдалар борасида қарор қабул қилиш учун менга ўттиз сония кифоя.

2. Ҳар қандай қарор қабул қилар эканман, “Оқибати қандай бўлади?”, “Бундан ўзим ва атрофимдагилар учун манфаат борми?” дея ўзимдан сўрайман. Бу билан ҳар бир нарсани ўзим муҳокама қила олишни ўрганаман.

3. Ўзим учун қуидагича ёзма саволлар тузаман: “Беш йилдан сўнг ким бўлишни хоҳлайман?”, “Беш йилдан сўнг мен нималарга эга бўламан?”. Шу тариқа ўз орзуласимга аниқ муддат белгилайман ва мақсад сари интиlamан.

4. Агар бу йўлда жиддий муаммолар пайдо бўлса, қабул қилган қароримни бир муддат тўхтатиб, унинг муқобил варианtlарини ишлаб чиқаман. Зарурият туғилса, мен ҳал этишни истаётган муаммо бўйича соҳа мутахассисларининг фикрларини олишга ҳаракат қиласман. Буларнинг ҳаммаси аввалги қароримнинг ўз муддатида ечимга келиши учун хизмат этади.

ИККИНЧИ ҚОНУН

ҮҚИШ – ҮСИШ ДЕМАКДИР

Хиндуларнинг асотирларига кўра, дастлаб чиғанок яратилган ва у денгиз тубига ташланган. У чиғаноғини очиб бир оз денгиз сувидан ҳўплаган-да, яна ёпиб шу тарзда зерикарли хаёт кечирган.

Сўнг бургут яратилган. У чексиз фазода учиш имконига эга бўлса-да, тирикчилик учун ўзига ўлжамесиши излашга мажбур эди. Бундан ташқари янги полапонлари пайдо бўлгач, машаққати икки хисса ошган. Ўз келажагини билгани ҳолда Бургут мамнуният билан тақдирига рози бўлган.

Нихоят, инсон яратилган. Унга хоҳласа чиғанок каби, хоҳласа Бургут сингари яшашга изн берилди...

Ҳамиша үқиб, үсиш лозим

Бу бизнинг асосий шиоримиз бўлсин. Юқоридаги масалнамо ҳикматда биз учун икки хил яшаш тарзидан бирини танлаш имконияти берилди.

Чиғаноқ инсон сиймосида акс эттирилиб, бепоён уммон қаърида ўз чегараларини кенгайтириш имконини бой бераётганини, яъни бир ҳўплам денгиз суви билан кифояланишига киноя килинмоқда. У умр бўйи шу бир хил машғулот билан шуғулланиб яшайди, холос.

Машҳур бизнес файласуфи Наполеон Хилл шундай ёзади: “Баъзи кишилар ҳаддан ташқари кўп овқат еганлари туфайли бу дунёни барвақт тарк этишади, бошқаси эса меъёrsиз ичкилик оқибатида ҳалок бўлади. Учинчиси, моҳиятан унга бундан бошқа чора қолмаган каби – бекорчилик сабабли хаёт билан хайрлашишади”.

Бинобарин, кимки ўзига бургут ҳаётини татбик этаман деса, бу осон йўл эмас. Демак, бу йўлдан юриш ва шодон яшаш имконияти – үқиши ва камолот сари

интилишдир. Биз қанчалик кўп билиб борсак, шунчалик куч-кувватимиз, бўй-бастимиз ўсиб боради. Билиш бизга муаммоларсиз эркин яшаш имконини беради.

Ҳаётда рўй бериши мумкин бўлган қийинчилик ва мусибатларни ҳам навбатдаги ўкиш-сабоқнинг давоми, деб қабул этишга тайёр туришимиз лозим.

Ўкиш, ўрганиш, ўсиш фалсафаси тўрт кисмдан иборатдир:

1. Ўсиш қонимиздаги тириклик белгиси

Биз тирик ва ўликни қандай фарқлаймиз? Нимаики ўсар экан, у тирикликтан нишондир. Тирик маржон (коралла) айнан тошга айлангунча яшовчи жонивордир. Ҳақиқий маржон-тошга айланганидан сўнг ўлик жисмдан бошқа нарса эмас. Яъни, ўсиш ва ривожланиш мутлако тўхтамайди. Демак, ўсиш, ривожланиш бор экан, бу хаётнинг ўзига хослигидан белгидир. Бу ерда гап фақат ўсиш ҳакида эмас, ўзига хос ривожланиш, босқич (эволюция) тўғрисида ҳам кетаётир.

Буларнинг барчаси бир максад сари йўналтирилган ривожланиш ва яшаш қобилиятини юксалтиришга каратилгандир.

2. Ўкиш, ўрганиш, ўсиш – инсон эҳтиёжидир

Биз болалар хатти-ҳаракатини кузатар эканмиз, табиатимизда умр бўйи ўкиш, ўрганиш ва ўшишга эҳтиёж катта эканлигини хис қиласиз. Кичкинтоллар муттасил равишда нима биландир машғул бўлади, ҳаракатларида нималарнидир ўрганиб, одатланиб боради. Улар ҳар қандай саргузашт ёки таваккалчилликка тайёр туришади. Улар ўзларининг бу қизикишлари, ҳаракатлари билан катталарга озмунча ташвиш келтиришмаса-да, бир нарса ҳайрон қоларли даражададир. Улар бунча куч-кувватни қаердан олишаркан?!

Зеро, инсонлар ҳам ўз эҳтиёжларини қондириш йўлида аниқ ҳаракат қилишар экан, ўzlарида қўшимча тарзда энергия пайдо бўлаётганини сезиб туришади.

Сиз ҳеч нарса билан шуғулланмаётган, қизиқмаётган, ўқимаётган ўсмирларни бир кузатиб кўринг. Гарчанд улар вақтларини қизиқарлироқ ўtkазишни ўйласалар-да, юзларидаги ўзига ярашмаган маъюсликдан ҳайрон бўласиз. Бунинг ягона сабаби: ўқиши ва ўсишдан тўхтаб қолишганидир. Эътибор беринг: ўсиш деганда факат бўй чўзилишини назарда тутманг. Ўсиш – бу ҳам маънавий, ҳам жисмоний ривожланиш, ақл ва тажриба, билимнинг такомиллашувини ҳам англатади. Шу нуқтаи назардан эътибор берсак, ўқиши, ўсиш, ўрганишдан тўхтасак, ҳаётимиз маъносиз ва бўшлиқдан иборат бўлиб қолади.

Қондирилмаган талаб ва эҳтиёжларимиз бизнинг куч-куватимизни, ақл-идрокимизни, матонатимизни тортиб олади ва ўзимизни кулатади.

3. Ҳар қандай дин инсонни баҳтли бўлишга даъват этади

Мен дунёдаги барча динларни назарда тутар эканман, улардаги бош ғоя – эзгу ният билан яшаш, меҳр-муҳабbat, ахил, кон-қариндошлик руҳида ҳаёт кечиришга даъват этишдан иборат. Яхшилик ва ёмонлик учун келажакда инсонни нималар кутиши қайта-қайта таъкидланади.

Бирон бир дин: “Қандай бўлсанг, шундайлигингча қол”, деган турғун таълимотни тарғиб қилмайди.

4. Ҳар қандай иқтисодий тизим ва уюшма фаолиятсиз бўлиши мумкин эмас.

Ҳар қандай уюшма (компания) ривожланиши ҳам, мавқеи пастлашиши ҳам мумкин. Улар рақобатдошлари билан олиб борилаётган курашда маълум бир даражани,

яъни бутунлай синиб, адо бўлмаслик ўлчамини ушлаб туришга интиладилар.

Ҳар қандай ишбилармон, муассаса эгаси энг аввало ўкиши, ўрганиши, ўсиши шарт. Ишлаб чиқариш, умуман, ҳар қандай фаолият билимсизлик асосида курилган бўлса, ҳайбаракаллачилик таъсирида инкирозга йўликиши аниқдир. Ҳа, бундай ҳаракат окибати хатарлигина эмас, балки ҳалокатли ҳамдир.

Эдвардс Деминг сифат тушунчасига шундай таъриф берган экан: “Сифат қандайдир андозани баркарор белгилаб берувчи нарса эмас. Фаол ва ривожланиб борувчи жараён эса тараққиёт аломати бўла олади”.

Сиз ҳайт конунларига, ривожланиш босқичларига риоя қилмасдан мұваффакият қозонаман, десангиз янглишасиз. Ўз манфаатларингиздан келиб чикиб, иктиносидий бир бутунликка эришишнинг йўли ўкиш ва ўсиш билан боғлик. Дарвоке, ҳайтнинг маъноси ҳам шу. Ҳеч қандай мўъжиза ёки сеҳрли дори туфайли кўзлаган маррамизни забт этолмаймиз. Факат ўкиш, ўрганиш ва ўсишгина бизни ниятимизга етказади.

Доимий равишда қарор қабул қилишга тўғри келадиган ҳолатлар

Турмушда шундай мураккаб ҳолатлар рўй бериб турадики, баъзан бир бор қабул қилган қарорингни мустаҳкамлаш учун кўп куч сарф этишга, қўшимча чоратадбирлар белгилашга тўғри келади.

Буларнинг барчаси айланиб келиб яна кўп ўқишинингизни, ўрганишингизни ва ўсишингизни такозо этади. Керакли кишилар билан учрашиш, ишимизга дахлдор бўлган семинар-кенгашларда катнашиш, зарур қўлланма ва йўлланмаларни излаб топиш, мутолаа қилишни талаб этади.

Иккита ҳолат кишиларни изланишдан тўхтатиши мумкин. Биринчиси шуки, баъзилар энди бундан

яхширок натижага эришиб бўлмайди, деб ҳаракатни бас қилишади.

Иккинчиси эса эришилган даражага билан қаноатланиб лоқайдликка берилишади. Одамзодни энг паст даражага тушириб юборувчи куч – лоқайдликдир. Биз доимий ҳаракатдаги ўқиш-ўрганишдан чекинар эканмиз, хаётдаги даражаларимиз ўз-ўзидан чўка бошлайди. Ҳаммадан даҳшатлиси, озгина майда кадам ташлаш ишни ҳеч қачон ортга тортолмайди, деган хуносага келишдир.

Қурбақага қўйилган қопқон

Идишдаги исий бошлаган сувга қурбақани ташласангиз нима бўлади? Қурбақа дархол идишдан сакраб чиқиш учун оёқларини жуфтлайди. Бордию ана шу қурбақани идишдаги совуқ сувга солиб, аста киздира бошласак, қурбақа дастлаб бепарво бўлади. Илий бошлаган сув ҳам унга хавотирли туюлмайди. Оқибатда, шўрва бўлганини ҳам билмай қолади. Бундан чиқарилган ҳисса-хулоса шуки, кўпчилик сезилмас даражада таназзул сари оғиб боради. Ёки бошқа бир мисол: сиз эрталаб уйғониб, қарзингиз олтмиш саккиз минг европга етганини билсангиз, кайфу корингиз ўчиб кетади, шундай эмасми? Аммо бу карз оз-оздан пайдо бўлса-чи? Яъни бугун тўқиз евро, эртага ўн тўрт евро ва ҳоказо. Бу ҳолда сизда эътибор сусаяди, аҳамият бермайсиз. Ҳаётда ҳамма нарса томчилаб кўпаяди. Ҳа, кунлардан бир кун шундай ҳолат пайдо бўладики, қарзингиз сизни эркин нафас олишга қўймай, бўға бошлайди.

Сизнинг вазнингиз тарозуда тортиб кўрилганда бирданига ўттиз кило кўшилганини билсангиз, ташвишга тушиб қоласиз. Аммо ҳар куни бир килодан кўшилаётган бўлса – бепарволик қиласиз. Бир ойда ўттиз кило бўлишни хаёлингизга ҳам келтирмаймиз. Қурбақани эсланг. Ҳолат билан ҳисоблашинг. У муттасил томчилаб туради. Ҳар қандай майда-чуйданни ҳисоблаганимиз бир

кун келиб биз кутган натижани бериши ёки кўп нарсадан жудо қилиши мумкин. Бетараф ҳолат юз бермайди: ё бор, ё йўқ бўлади!

Шунинг учун ҳам доимо ўзингизга ўзингиз қуидаги саволни бериб боринг: Мен қайси йўналишда харакат киляпман?

Узоқ давом этадиган ҳолатлар

Биз бугун олма еймизми ё шоколадми, яхши китоб ўқиймизми ё телевизорда опера томоша қиламизми, ўн евро иқтисод қиламизми ёки харажатми – фарқи йўқ.

Бироқ сиз ўн йилдан сўнг бу фарқни яққол тушуниб етасиз. Шоколад, опера, харажатлар ёғ босиб семиришингизга, нарсаларга юзаки карашга, қолаверса, кашшоқликка олиб келишини ҳис этасиз.

Мева истеъмол қилиб, яхши китоб ўқиган, тежамкорликка аҳамият берган бўлсангиз – буларнинг бари сизга саломатлик, билим ва моддий фаровонлик бахш этади.

Ҳеч ким доим ҳам доно карорга келолмайди. Аммо турмуш биз қабул қилган ҳамма қарорларимизга ўзининг одил баҳосини, албатта, беради. Лоқайдлик эса энг ёмон маслаҳатчи бўлиб қолаверади.

Бир ота хотиржам ишлаши учун ўғилчасини нима биландир банд қилмоқчи бўлибди. Шунда у журналда берилган дунё харитасини йиртиб, майдалаб ўғлига қайтадан жой-жойига қўйишни буторибди. Маълум вақт ўтгач, караса ўғли йиртилган қоғоз-харитани жой-жойига ёпиштириб чиқибди. Ота ўз кўзларига ишонмабди. Шунда ўғли тушунтирибди: йиртилган хаританинг оркасида бир кишининг сурати бор экан. Суратни жой-жойига қўйиб чиқиши осон бўлгани учун харитани тиклаш жўнгина битибди. Хуллас, дунё харитаси аввалги ҳолатига қайтибди.

Ўқиши, ўрганиш ва ўсиши мана шундай вазиятларда бизни муаммолардан халос этади, келажагимизни

таъминлайди. Ўғил билимдон, фаросатли бўлгани учун ҳам суратли томондан осонгина йиртилган саҳифани бутлай олган. Ҳа, сиз ҳам ўз билимингиз туфайли муаммонинг орка-олдига қараб керакли ечимга кела оласиз. Бу билан ҳамма ишимиз тартибга тушади.

Пэт Райли

“Лос-Анжелес Лейкерс” командасига раҳбарлик қилган Пэт Райли Америка баскетболи тарихида энг кўзга кўринган тренер даражасида эътироф этилади. 1986 йилда команда шундай нокулай вазиятга тушиб қолгандики, эндиликда бу жамоа ўйинчиларининг ғалабага бўлган умидлари сал бўлмаса сўнаёзди. Аммо Пэт Райли командани руҳий инқироздан кутқара олганди. У: “Ҳар бир ўйинчи ўз имкониятига қараганда ўйинда лоакал кўшимча бир фоиз куч-ғайрат сарфлай олса, муваффакиятни таъминлаши мумкин”, деганди. Чиндан ҳам ҳар бир ўйинчи (ўн икки нафар) айни ҳолатга кўра ўйиндаги бешта босқичга кўшимча тарзда интилганда ҳам олтмиш фоизга самарага эришиш мумкин. Пэт Райли эса: “Биз олтмиш эмас, ўн фоиз ўсишга эриша олсак ҳам чемпионлик унвонини забт этишимизга кифоя қиласди”, дея ишонтириди. Ўйинчилар ўз етакчиларининг руҳлантириши эвазига ҳақиқатдан ғалабага эришиб, 1986 йилда ҳам чемпион бўлишади.

Тасаввур қилингки, сиз ҳам ҳаётнинг беш босқичида ўз иқтидорингизга нисбатан қўшимча бир фоизга малакангизни оширангиз нима бўлади? Яъни: саломатлик, ўзга кишилар билан ҳамкорлик қилиш, молия ва умуман ишда, қолаверса, ҳис-туйғулар борасида аввалгига қараганда бир фоиз ўзимиздаги иқтидорни ўстиришга интилсак, йил давомида биз олтмиш фоиз самарага эришган бўламиз.

Ўз-ўзини қўллаш

Демак, ишончингизнинг қай тарзда бўлиши биз қабул қилган қарорнинг қай даражада эканлигига ҳам боғлик. Шунингдек, кундалик турмуш тақозоси ва талаблари, вазият, ўқиётган, эшитаётган турли ахборотлар оқими ва натижалар ҳам бизнинг фаолиятимизга, қабул қилган азму қарорларимизга сўзсиз ўз тъсирини ўtkазади. Бу таассуротлар ҳам бизнинг фаолиятимизда ижобий ўсишимизни таъминлайди. Янги ғоялар, йўналишлар, интилишларнинг пайдо бўлишига туртки бўлади. Ғолиблар ҳамиша интилувчан, руҳий кўтаринкилик туйғуси билан янги мэрраларга кучларини сафарбар этадилар. Улар ўzlари учун ибратли бўлишга арзидиган, билимдон, қатъиятли инсонлар билан танишишга, ўшалардай эришган даражаларига етишга орзу қиласидилар. Улар ўzlари юритаётган фаолият тури бўйича ғолибларнинг фикр-мулоҳазаларини эшитишни, маслаҳат олишни, нималар қилиш лозимлигини сўрашга орзуманд бўладилар. Улар бу ҳаракатларида асло мақтов, табрикни эмас, холис бериладиган баҳони эшитишга шай турадилар.

Мақтov ҳаммага ҳам ёқади, қачонки у самимий, бегараз бўлса. Аксинча, ишни мутлақо чаппасига оғдириб юбориши ҳам мумкин.

Эътибор беринг: телешоуларда саволларга тўла жавоб беролмаган иштирокчи кейинги давраларда қатнашмайди. Ҳаётда ҳам айнан шундай. Бугунги талаб ва эҳтиёжлар, тилаклар даражасини аниклашдан ожиз кишилар эртанги кунда оркада қолишлиари, шубҳасиз.

Демак, Сиз ҳозирги ҳолатингиздан чиқиш учун изланишингиз, самарали ечимни топиш йўл ва тажрибаларини қунт билан ўрганишингиз лозим бўлади.

Амалий машғулотлар

Сиз ҳар куни ўз билим ва савиянгизни ошириш учун қуидаги қоидаларга қатъий амал қиласман, деб ўзингизга вайда беринг.

1. Мен ҳар ойда камида иккита фойдали китоб ўқииман. Вақти келганда кейинчалик ҳафтасига иккита ўқишга харакат қиласман.

2. Мен қандай мавзулардаги йиғилиш-семинарларда қатнашиш кераклигини белгилаб оламан.

3. Мен эндиликда иккита кундалик тутаман. Улардан бирининг номи “Муваффакият кундалиги”, деб номланади. Унда олган сабокларим, кузатишларим, ишда йўл қўйган хатоларимни, иложи борича унинг сабабларини ҳам ёзиб бораман. Иккинчи дафтарни “Лойиха ёки гоялар кундалиги” деб атайман. Унда олган билимларим асосида менда пайдо бўлаётган янги режа, қарорлар – лойиҳаларни ёзиб, уни амалиётга айлантиришнинг аник тадбирини белгилаб бораман. Бу борадаги ўзгалар фикрмуроҳазалари, таклифларини таққослашга интиlamан.

4. Мен ўзим учун ибрат бўладиган, иш фаолиятини ўрганишга арзийдиган инсонлардан ўн нафарининг аник рўйхатини тузаман. Улар билан якиндан танишишга, ўрганишга харакат қиласман.

5. Мен юкоридаги режаларни сабот билан бажаришга киришган ҳолда, қўлимдаги ушбу “Фолиблик қонуниятлари” номли китобдан ҳар куни бир бобни эътибор бериб мутолаа қиласман.

УЧИНЧИ ҚОНУН

ҮТАЁТГАН ҲАР БИР КУНИНГИЗГА ОҚИЛОНА ЁНДАШИНГ

Жейн оғир ўтган мәхнат хафтасидан сүңг бир оз нафас ростлагани денгиз бүйига отланди. У ерда жижжигина қизалоқ Мелани билан танишиб қолди. Қизча сохилдан узок бұлмаган жойда онаси билан яшарди. Қизчанинг құвноқ ва тийрак карашлари, сұзлаши Жейнга жуда ҳам ёкиб қолди. Күп вакт бирғаликда сайр қилиш Жейнга завқ бағишиларди.

Бир куни улар сохилдаги күмлөқда ётишаркан, шундоққина құллари етадиган даражада тепаларидан қалдирғоч вижиirlаб учеб ўтди.

— Кувонч қанот қоқиб ўтди, — деди Мелани учеб кетаётган қалдирғоч ортидан севиниб бοқаркан.

— Нима дединг?

— Кувонч парвоз құлмоқда. Онам менга ҳар доим қалдирғоч инсонларга кувонч келтиради, деб айтади.

Кечга томон Жейн қизча билан хайрлашиб уйига қайтди.

Эндилікда унда галати одат пайдо бўлганди. Качонки у ўзида нохушлик ҳис қила бошласа, яъни “қалдирғоч” етишмаётгандек туюлса, дарҳол денгиз бүйига – Мелани билан учрашувга ошикарди. Бу учрашув иккиси учун ҳам мароқли эди. Чўмилишади, кумда ётиб, офтобда тобланишади. Баъзан югуришади. Гоҳо бир қанча вакт учайтган шўх қалдирғочларни завқ билан кузатиб, нималардир ҳакида кизғин сұхbatлашишади. Бир қанча вакт ўтгач, Жейн ҳам чиндан қалдирғочлар инсонга шодлик бағишилашига ишона бошлади.

Улар яқдил дугоналарга айланишди.

Бир куни Жейн чўмилиш жойига жуда ҳам қайғули кўринишда келди. Шу алфозда Мелани одатдагидек

Жейнни күрдио, шодлигидан унинг қучоғига отилди.
Аммо... Жейн кутилмаганда:

— Менинг ёлғиз қолгим келяпти, сен билан үйнаш күнглимга сиғмаяпти. Илтимос, мени холи қолдир. Онам вафот этди... — деди.

— Онангнинг вафоти сенга оғир бүляптими?

— Жудаям. Күниколмаяпман, — шундай деб қарама-карши томонга үгерилиб кетди. У ўз қайғулари билан банд эди.

Орадан бир неча кунлар үтиб, Жейннинг кайфияти ўрнига туша бошлади. Ҳамма нарса вакт үтиши билан ўзгаришини тушунди. У Меланини қўмсаётганини ички туйғу ила ҳис қилди. Ва шу аснода охирги учрашувда Меланини хушламай хайрлашгани ёдига тушиб, хижолат тортди. Денгиз сари отланди. Бирок чўмилиш жойида Мелани кўринмади. Уни излаб хонадонига борди. Эшикни ёш, аммо ғам-қайғуга чўмган аёл очди.

Жейн аёлга ўзини таништириди.

— Мен Меланини кўргим келганди. У билан бирга сайд қилиш мен учун жуда ёқимли. Қаерда у?

— Мелани ўтган ҳафта оламдан үтди, — деди аёл қайғу билан, — унда оққон (лейкомия) хасталиги бор эди. Эҳтимол, у бу ҳақда сизга ҳеч нарса демагандир?

Кучли оғриқ гўё Жейннинг кўксини ёриб чиққандай бўлди.

— Мелани бу соҳилни жуда ёқтиарди, — давом этди она, — у доим шу ерга келишга мени ҳам қистар, мен эса унинг ёлворишларини рад этолмасдим. У бу ерда ўзини bemalol, эркин ҳис қилишини билдим. Бу ерда гўё ўзини баҳтли сезарди. Кейин... бирдан соғлиғи ёмонлашди. Нима таъсир қилганини билолмадим... У... сизга... бериш учун бир нарса қолдирганди... Ҳозир олиб келаман.

Она Жейнга катта, оппок хатжилд (конверт) топшириди. Устига: “Менинг қадрли дугонамга” деб ёзилганди. Ичидаги варакда денгиз, қумлоқ ва каттакон

калдирғоч тасвири акс эттирилган эди. Сурат остида ёзув хам бор эди: “Қалдирғочлар қувонч келтиради”.

Жейн күз ёшларини тийиб тура олмади. У Меланининг онасини қучоклаб йигларди...

Бу сурат ҳозир Жейннинг иш столи тепасида осиғлик турибди. Кизалоқнинг бу арзимас совғаси Жейнни хаётдан ҳамиша завқ олиб яшашига чорлаб туради.

Гоҳо хаётнинг оғир гирдобларидан бизни оғир мусибатлар ҳам ҳалос этиши мумкин. Зеро, ҳар қандай ҳолатда ҳам бизнинг турмуш тарзимизни ўзгартириб юборувчи у ёки бу таассуротлар рўй бериб туриши табиий. Ачинарлиси шундаки, бизни қуршаб турган муҳит гўзалликларини, яхши, оққўнгил, меҳрибон инсонлар тафтини хис килиб яшашига ҳар доим ҳам фурсат топа олмаймиз. Гўё ҳаддан ташқари иш билан банддекмиз. Шунинг учун ҳам ўзимиз билан ўзимиз овора бўлиб, яқинларимизни унутиш даражасига етамиз. Ва бу бизни асло ташвишлантирмайди.

Тақдир “зарбалари”

Биз – кўпчилигимиз хаётда тақдирнинг турли фожиаларини бошимиздан кечиришимизга тұғри келади. Гоҳо хаётда шундай ҳодисалар рўй берадики, нима бўлаётганини тушуна олмаймиз. Шундайки, тогни талқон этгудек куч-қувватга эга бўла туриб, ҳеч нарса қилолмаймиз. Турмуш тақозоси биздан устун эканлигини ҳам дарҳол била олмаймиз. Очик тан олиш, эътироф этиш лозимки, хаёт бошдан оёқ ўйин-кулги, завқ-шафқдан иборат эмас. Баъзан қақшатқич фалокатлар, ҳалокатлар, хавфли касалликлар, кугилмаган ўлим ҳодисалари рўй беради. Бу нохуш кўргилик, балоқазолар сабабини биз қаердан излаймиз, нимага боғлаймиз, қандай хулоса-сабоқ чиқарамиз?!

Аjlоҳнинг ихтиёридаги воқеа-ҳодисаларга ўзимизча турлича талқинлар ясаймиз, хулосалар чиқарамиз. Содир

бўлган кўргиликлардан ҳам қандайдир енгиллик, тасалли излашга интиlamиз, кечикиб бўлса-да, “Шунисига ҳам шукр”, дея шивирлаб дуо қиламиз.

Президент Жорж Буш ва рафиқаси Барбара хоним уч ёшли қизилоклари Робин вафот этганида, оғир жудоликка рўбарў бўлишганда ҳам шундай сўзларни изҳор қилишган экан: “Қизалоғимиз ёруғ дунёга келиб, мана шу замин узра қадам ташлаб қувнаб юрганидан бехад шодланамиз. Бу замин ҳаммамизнинг иккинчи дунёмиздир. Биз у билан ўтган завқли кунларимизни яратгандан миннатдор бўлиб эслаймиз. Биз Робин туфайли инсон қадр-қимматини ҳар қачонгидан ҳам юксак ҳис этадиган бўлдик. У бизнинг қалбимизда, хотирамизда ва ишларимизда доимо барҳаётдир. Биз бу айрилиқ учун ортиқ қайғурмаймиз.

У ҳаётимизнинг ёрқин саҳифаси бўлиб қолади”.

Ҳар лаҳзадан лаззатланишни билинг

Йўлимизда учрайдиган ҳар бир инсоннинг қадр-қимматини, тинч, осуда ўтган кунларимиз нақадар бебаҳо эканлигини ҳамиша ёдимизда тутишимиз лозим. Бахтга қарши, айrim инсонлар бунга аҳамият беришмайди. Гўё уларни келажакда фаровон ва осуда хаёт кутиб тургандек.

Биз қачонки жиддий йўқотишларга рўбарў бўлсак-кина кўзимиз очилади. Ҳар бир олаётган нафасимиз биз учун бетакрор, бебаҳо илоҳий неъмат эканлигини тўла идрок этишда ожизлик қиламиз. Бундай бебаҳо неъматларнинг канча-қанчасини елга совуриб юборганимизни эътиборимиздан сокит этамиз. Башарти, ёдимизга тушганида ҳам муҳим “ишлар” билан банд бўлганимизни рўкач қилиб, гўё ўзимизни оқлаб юборамиз. Буларнинг барчаси барибир виждонли инсонларни тўла маънода юқоридаги маънавий бухронлардан сақлаб қололмайди.

Ҳар қандай пайдо бўлган муаммога фалсафий, мантикий жиҳатдан баҳо беришга ҳаракат қилинг. Ошиқмасдан, совуққонлик ила масаланинг туб илдизини топишга интилинг ва ўз-ўзингизга: “Бу туғилган муаммони ҳозир қандай ҳал этиш мумкин? Беш-олти йилдан сўнг ундан қандай асорат қолади?” каби саволларни бериб кўринг. Ана шунда ўзингизда бир енгилликни ҳис этасиз. Руҳий аҳволингиз яхши томонга ўзгариб, қадр-қимматингизни тўғри англайсиз. Ўлган, йўқолган, синган, кўлдан кетган, бўлар иш бўлган ҳолатларга қаттиқ ёпишиб олманг. Ҳаёт талаби, тақозоси шундай. Ўз ихтиёrimиздан ташқари содир бўлган нохуш йўқотишларни кидириш, кайтариш, тиклаш учун қилинадиган ҳаракатлар бизни адойи тамом этади, емириб ташлайди.

Ҳа, кўнгилсизликка, жудоликларга рози бўлмасангиз, соғлиғингизга жиддий путур етади, ҳатто оқибати ўлимга олиб бориши ҳам мумкин. Майда-чуйда дилхираликларга аҳамият бераверсак, ўз фаоллигимизни ҳам йўқотамиз, иштиёқлар сўниб, лоқайдлик асирига айланамиз. Ҳаётдаги энг нокулай ва даҳшатли ҳолатлар лоқайдлик ортидан саф тортиб келади.

Ўтмиш доғининг юрагимизда қолган асоратидан дарҳол қутулиш, ҳалос бўлиш, албатта, қийин кечади. Аммо атрофимиз бутун умримизга татийдиган гаройиб мўъжизаларга тўла. Уни ҳис қила билиш инсонга ажойиб хуш кайфият ва баҳт ато этади. Бундай туйғулар бизга ёнма-ён ва доимо ҳамроҳдир. Факат биз буни идрок этиш санъатини ўрганишимиз керак...

Ҳамма нарсани ўз вақтида режалаштиришни биламиزمى?

Биз кундалик режалар тузишни яхши ўзлаштириб олишимиз керак. Афсуски, бунга доим ҳам эриша олмаймиз. Аниқ режаларга эга бўлишимизда куйидагилар бизга кўпинча ҳалақит беради.

1. Шундай кишилар борки, улар ҳар хил ўкув семинарларида иштирок этишади. Нималардир қилгандай, дегандай, билгандай бўлишади. Аммо ишдаги депсинишлар бархам топмайди. Уларнинг маслаҳати ҳеч нарсани ўрнидан силжитишга кўмак бермайди. Аксинча, вақтингизни ўғирлайди, ортга судрайди.

2. Кўпчилик гўё ҳар бир сонияни тежаётгандай иш тутишса-да, аслида йилларни бехуда совураётгандарини ҳеч фаҳмлашмайди. Улар мақсад сари тўғри ҳаракат қилмаётгандарини сезиб туришса ҳам ўжар режаларидан воз кечишмайди. Ҳа, кўп нарса бой берилгач, биз энди самара бериши оғирлашиб кетган йўлни тутмоқчи бўламиз. Коидалар, тартиблар минг йиллар ҳосиласидир. Унга риоя қилишни билиш жуда ҳам зарур.

3. Бизга аввалдан маълум бўлмаган кўп нарсаларни ғов-тўсик ҳисоблашга одатланиб колганмиз. “Нима бўларкан?” деган ташвишли савол қўксимизга “ўтириб” олади. Ҳатто биз эътироф, эҳтиром қилувчи кишилар ҳам назаримизда ишимиз ривожига атайлаб йўл бермаётган шахсиятпастга айланиб қолиши мумкин.

Режамиздаги муддат ва шартноманинг бажарилишига оз вақт қолган бўлса, ҳамма нарсани остин-устун қилиб юборгимиз келади. Аслида эса бу муддатларни биз белгилаган эдик. Биз муддат учун эмас, муддат бизнинг фойдамизга “ишлаши” керак эди.

Ким аввалдан режалаштирган нарсаларининг уdda-ниши муддатлари бўйича оғишмай иш юритса, факт ютади. Келажакдаги ишлари ҳам режа асосида сезиларли даражада силжишига замин ҳозирлайди. Масаланинг хатарли томони келажакдаги ўсишлар ҳам ўзига ярашмаган ғовлар билан илгарилайди. Ҳеч нарса осон кўлга кирмайди. Буни фаҳмламаслик хақиқий ахволни ва атрофидаги кишилар ҳолатини тўғри баҳолай олмайди.

Ҳамма нарсадан кўра инсон биринчи даражада турувчи зот эканлигини ёдда тутайлик.

4. Биз ҳеч нарсага қўл урмай қўйсак, ҳар холда виждонимиз оз бўлса-да қийналаётганини хис этамиз. Биз ҳаётда нима биландир машғул бўлишимизни биламиз – сезамиз. Ваҳоланки, бу туйғудан узок кишиларнинг ҳаёти нафакат зерикарли, балки уларни ноҷорлик ҳам ўз исканжасига олади. Аслида, инсон ўз фаоллигини фойдали ишларга бағишилаётганини сезиб турса – бу тақдири илоҳийнинг унга кулиб боққанидир. Ўзига хос совға – имкониятдир. У вақт нисбий эканлигини яхши тушунади.

Фурсат ва рўй берган ҳар қандай ҳолатни баҳолай олмаслик оқибатлари ҳамиша ҳам хайрли бўлавермайди.

Вақтдан ўзиб бўладими?

Вақтдан илдам бўлиш ғолибларга доимо мамнуният багишилаган. Яъни режада белгиланган ишни муддатидан аввал бажариш, ҳал эта билиш ана шундай туйғуни пайдо килади. Бу келгусидаги ишларни ҳам хотиржам, тигизсиз адo этиш имконини беради. Гўё кино тасмасидаги асосий кадрларни секинлаштириб намойиш этиш каби тасаввур қолдиради кишида. Демак, бир озгина тўхташ, секинлашиш (пауза) ҳам кишига ўзига хос мароқ бағишилай олади. Ўйлаб кўринг, ҳеч нарса килмасдан тинчгина ўтириб, бош масала тўғрисида фикр юритиб, унинг ечимини топиш ҳам, албатта, завқлидир.

Ҳамма вақт, албатта, бир ишини бажариб туриши шарт, дейшидан йироқмиз. Ишимиз бошимиздан ошибтошиб турган бўлса ҳам баъзан инсон ўзини алаҳситиб, бир муддат юмушдан ҳалос бўлишга эҳтиёж сезади. Ҳатто ишга оид нарсани ҳам ўйламасликни хоҳлаб қолади. Яъни ўзи билан ўзи машғул бўлади.

Ҳар биримизда ҳам бундай тўхтаб олишга мойиллик сезилиб қолади. Бу эса яна ўз-ўзимизга баҳо бериши, танланган йўл, азму-қароримизнинг тўғрилигини белгилаб олишида жуда ҳам аскотади. Axir, узоқ йўлга

*отланган киши ҳам вақти-вақти билан бир тұхтаб,
босиб үтган йұлиға қараб құяды-ку!*

Хотиржам палламиизда күп нарсаларни қайта-қайта текшириб күриш, ҳаракат давомини белгилаб олиш осон кечади. Белгиланган муддатлар нисбийлигига эришгандар учун режа янада ахамиятли туюлади. Одамлар билан яқиндан мулокот қилиш, уларнинг ахвол-рухиятини билиш имкониятлари кенгаяди. Биз ўз оиласиз, ишчи жамоамиз билан қанчалар күп бирга бўлсак, шу қадар бир-биримизга ишончимиз, ҳурмат-эътиборимиз, ҳаёт тўғрисидаги дунёқарашларимиз такомиллашиб боради. Бошқача бўлиши мутлақо тасаввурга сифмайди. Рухий маънавий қўллаш мана шундай мулокотлар негизида сезилиб туради ва унинг ўрнини ҳеч нарса босолмайди.

Бугунги кун – бизнинг имкониятимиз

Ўтмишнинг марокли дамларини эслаб ёки келажакдаги орзуларимиз ҳақида ўйлаб тайёргарлик күриш – инсонга хос хусусият. Ҳар ҳолда ўтмишдан кўра келгусидаги ҳаётимиз қандай бўлиши бизни кўпроқ кизиктиради. Лекин бу туйгулар қаърига чукуррок назар ташласак, биз ўтмиш-у келажакдан ўзимизга яраша тасалли излаётган бўламиз. Ўзимизни овунтириб, бугунги кун имкониятларини барбод этамиз. Аслида эътибор беринг, чиндан ҳам бугунги кун биз учун ажойиб тухфа. Унинг ҳар лаҳзасидан унумли фойдаланиш, самарали фаолият даражасига кўтариш биз учун улкан зафар, муваффакият келтиради. Ҳа, асло кечаги кун эмас, асло эртанги кун эмас – бугунги кун биз учун кадрлидир. Бугунни бой бериш – галабани, имкониятни, бойликни, умрни бой бериш демакдир. Бизни баҳтли қилиши мумкин бўлган фурсат – БУГУНдир. Бу ҳақда минг-минглаб ҳикмат ва ривоятлар, шеъру насиҳатлар мавжуд.

Замонавий латифалардан бирида шундай дейилади: “Она қизчаси билан ўрмонда сайд қилишарди. Ҳар ким ўз завқига берилиб, бир-бирларидан узоклашиб кетишганини сезмай қолишади, шу аснода атрофни коронғулик босиб, момақалдиrok қарсиллаб, чақмок чақади. Онаси күркіб кетиб, қизчасини чакириб, уни излай бошлайди. Қарангки, қиз күркмай шодон ҳолда онасининг қаршисидан чиқади. Онаси ҳайрон бұлади. Ҳар гал оловли чақын чакнаса, қизча қийқириб осмонга бοқарди.

— Наҳотки, чақмокдан күркмаётган бұлсанг, – ҳайрати ортиб сұрайди она.

— Йўқ, күрқаётганим йўқ. Ҳар сафар чақмок чараклаганида мени фаришталар суратга олишмокда, – мамнун ҳолда жавоб беради қизча”.

Юкорида сизга бўлар-бўлмас ҳар хил нохушликларга парво қилманг, дегандик. Юрагингизга асло яқинлаштирманг уларни. Ҳеч нарса сизнинг кайфиятингизга ёқимсиз таъсир этолмасин. “Бугун мен билан нимадир содир бўлса, у ҳам умримнинг бир лаҳзали ўтмишига айланади”, дея бағрикенглик қилинг. Вазият устингизда хукмронлик қилишига йўл қўйманг. Бенжамин Дизраэли бир куни шундай деган экан: “Турли нохушликлар, арзимас майда-чўйдалар юраги тор кишилар устидан ўз хукмини юргизади”.

Агар бағри кенг инсон бўлсангиз, Сизнинг кайфиятингизни унча-мунча нарса ўзгартиролмайди. Ҳар бир кунингиз хушвақт, баракали ўтади.

Ривоят қилишларича, қадимда кимёгарлар қўрошини тиллага айлантира олган эканлар. Фолиблар, муваффақият эгалари ҳам кимёгарларга ўхшашади: ҳар бир кунда рўй бериши мумкин бўлган хатоларни донолик билан таҳлил қилиб, хулоса чиқариб, олтинга тенг лаҳзаларга айлантира оладилар.

Шукронা

Ҳаётда шундай кишилар борки, ҳар бир нарсанинг икки томонни кўра биладилар. Улар ҳар лаҳзанинг кадр-қимматини баҳолай оладиган баҳтли кишилардир. Улар ёмғир, жала остида қолишиса-да, хуштак чалиб ёки хиргойи қилиб шундай ҳолларда ҳам завқланишини ўрнига қўя оладилар, нолимайдилар.

Ихтиёрингиздаги кунда сизни шодлантирувчи асослар кўп: соппа-соғсиз, ўзгалар кўмагисиз юрасиз, турасиз, кўрасиз-эшитасиз, англайсиз, сўзлайсиз... Бу рўйхатни яна давом эттириш мумкин. Каранг, қанчалар баҳтли ва бой инсонсиз!

Бугунги кун имкониятлари ва неъматлари учун ҳар қанча шукrona айтсак, миннатдорчилик изҳор қилсан арзиди.

Ғолиблар ҳар куни ўз аҳд-ниятларига яраша муносиб тухфаларга эга бўладилар. Улар ўзгалар наздида арзимасдек нарсаларга ҳам акл кўзи билан, яъни эътибор бериб карайдилар. Ўзгаларга аён бўлмаган фойдали томонларини аниқ ҳис этиб турадилар.

Улар ҳаётда инсонларга бўлган очик юз, самимий муносабат, беғараз кўмаклари, фойдали маслаҳат-кўрсатмалари билан доимо хурматга сазовордирлар.

Қўролмаслик, ҳасад, ичиқоралик – буларнинг ҳаммаси баҳилликнинг ноҳуш сифатлари хисобланади. Бу сифатлар билан қуролланиш ҳеч қачон инсонга баҳт келтирмайди. Аксинча, низо ва жанжалларга, ҳатто оламшумул ғалаён, урушларга сабаб бўлиши мумкин. Тарихнинг олис сахифаларида фикримизга далил бўлувчи ҳужжатлар, воқеалар тўлиб ётибди.

Яшаш санъатини билиш – бу ҳаётда музaffer ва мамнун яшаш омилидир. Ғолиблар бунинг барча икирчикирларини яхши билишади. Улар учун керак бўлмайдиган нарсанинг ўзи йўқ. Ҳар бир харакат, ҳодисадан оқилона ечим топа олишади.

Амалий машғулотлар

Мен ҳар бир кунимга онгли муносабатда бўлиб, ўз имкониятларимни рўёбга чиқаришда қуидагиларга амал қиласман:

1. Ҳаётимни фаровонлаштиришда, бойитишда иштирок этаётган инсонлар билан онгли ва яқиндан муносабатда бўламан.

2. Режалаштирилган ишларимга тасодиф туфайли таъсир этувчи бирон нохуш ҳодиса рўй берса, уни зудлик билан бартараф этишга, хотиржамлигимни сақлаб колишга ҳаракат киласман.

3. Бугунги ҳар бир ҳолат, ҳаракатдан миннатдор бўлишнинг йигирма беш қисмдан иборат рўйхатини тузаман. Бу билан бўш вақтда бефойда ўй-хаёллар билан банд бўлиш ёки келажакни кутиб ўтириш каби мавхумот қуршовидан халос бўлиб, рўйхатдаги хайрли ишлар билан шуғулланаман.

4. Бугунги кунни ўзим учун шундай кунга айлантираманки, унда мен ва атрофимдаги инсонлар бир-бirimиздан мамнун бўламиз. Ўтаётган умр онларининг баракали ва хайрли бўлишини таъминлашга интиласман. Ҳар бир сонияни марғуб инсонлар билан ўtkазиш – таърифдан холи бўлган мўъжизанинг ўзидир.

ТҮРТИНЧИ ҚОНУН

МАНФААТ КЕЛТИРУВЧИ ФАОЛИЯТ БИЛАН МАШГУЛ БҮЛИНГ

Бир куни шогирд устози билан меҳнат ва унинг самараси ҳакида сұхбатлашиб қолди. Унинг мақсади – эришиладиган натижа учун нималар мезон бўлиши мумкинлигини билиш эди.

Устоз қаршисида турган дарахтни шогирдига кўрсатиб сўради:

- Бу нима?
- Анжирга ўхшаш дарахт.
- Қара, меваси борми?
- Ҳозир авжи ёз палласи бўлса-да, ҳосили кўринмаяпти, устоз.
- Бу бефойда дарахт. Курилиш учун ҳам яроқсиз. Богимизда мевасиз дарахт бўлмаслиги керак. Уни илдизи билан кўпориб ташла, – деди устоз.

* * *

Меҳнатдаги мезон – ўлчов нима? Кўплаб кишилар бу борада хато қарашларга эгадирлар. Биз меҳнат килганимиздан сўнг натижасига эга бўлишимиз, яъни у ёки бу тарзда ҳақ олишимиз лозим. Бизнинг фаолиятимизнинг ўз баҳо-нархи бўлиши керак. Бошқача айтганда, бу – бозор. Биз бозорда нимани таклиф қилсак, кўрсатсак, мижозлар ўшангага қараб киймат, баҳо берадилар.

Биз ҳар кадамда ҳозирги олаётган маошимизга қарандан кўпроқ ишлаб, кўпроқ ҳақ олишга қодир бўлган инсонларни учратишимиш мумкин. Факат гап – энди шу даъвойимизни исботлаб кўрсатишимишда қолган. Бошқача айтганда, куруқ гапдан амалий ишга ўтишимиз лозим.

Бугунги кун бозор ҳақиқатига асосан ким нимага, қанчага қодир бўлса, ўшанигина тўлайди. Ётганга ҳам, ишлаётганга ҳам бир танга, дейдиган вақтлар ўтиб

кетган. Ҳар ким ўз қобилияти, кучи нимага қодирлигини билади. Шунга қараб беради ва олади.

Мехнат ва даромад

Биз модомики иқтисодиёт ҳақида сўз юритар эканмиз, бу ўз-ўзидан меҳнатимиз натижаларига бориб тақалади. Бинобарин, ҳақ айнан натижага қараб тўланади. Сиз турли баҳоналарни рўкач килиб, маҳмадоналик учун сариқ чака ҳам ололмайсиз. Сабаби, бирор бажарган ишингиз ва унинг ҳолатини белгиловчи натижа йўқ. Йўқнинг баҳоси ноль!

Йирик саноатчи, машхур Клемент Стоун шундай деган экан: “Мен одамларнинг иш натижаларига қараб баҳо бераман. Бу ҳар қандай мақтov ва разбатлантиришидан устун туради”.

Сиз кўпроқ пул ишлашни хоҳлайсизми? У ҳолда сиз ўзингизнинг бозор қийматингизни оширинг, юксак натижаларга эга бўлинг. Бунинг учун эса бозор талабини ўрганинг. Содда килиб айтганда, ишдаги касб маҳоратингиз ва малакангизнинг сифат жиҳатидан юқори бўлишига эришишингиз талаб этилади.

Тажрибали ишбилармонларнинг фикрича, биз саксон фоиз бажарган ишимизга бор-йўғи йигирма фоиз эътиборимизни қаратамиз, холос. Бундан кўриниб турибдики, ишдаги саксон фоиз ҳаракатимиз беҳудага соврилибди.

Бу гўё маҳмадона сотувчининг харидорга асосий гапни тушунтирмай, куруқ гап билан маҳсулотни сота олмаган ҳолатига ўхшайди. Кўплаб хизматчилар соатлаб хужжатлар ҳаракатини кучайтиришга интиладилар. Кўплаб бошликлар эса хизматчиларининг вазифаларини ўzlари бажарадилар. Бу ҳаракатлар замиридаги ғоя битта – кўпроқ ва тезроқ фойда олиш. Йўқ, иш сиз ўйлаганча жўн ва осон эмас.

Голиблар ҳамиша саксон фоизли беҳуда ҳаракатни самара берувчи фаолиятга айлантириш учун кураша-

дилар. Максадли фаолият туфайли улар ишлаб чиқариш самарадорлигига эришадилар.

Хар бир ишни бажаришда бир неча мухим босқич – вазифалар мавжуд. Уларни ўз вақтида түғри адо этмай туриб, юксак даромад олиш ҳақида ўйлаш кулгили бўларди. Голиблар хар қандай осон ишни ўз мураккаб-ликлари ва айни вақтда, ҳар қандай оғир юмушларни ўзига хос осон томонлари билан кўра биладилар. Мухими, хар қандай шароитда ҳам ҳеч нарсани ўз ҳолига ташлаб қўймайдилар – бажарадилар. Ҳа, охиригача бажарадилар!

Ўзингизга шундай савол беринг: “Ишлаб кўп пул топиш учун нима қилиш керак?” Сиз нима билан шуғуллансангиз ҳам жавоб ягона: “Қўлингизга олинг ва бажаринг!” Яъни ишни бошланг!

Ишимиздаги унумсизликлардан бири – буни эплай олмасам-чи, қўлимдан келмаса-чи, деган ноўрин хавотирланишнинг кўнглимииздан кечишидир. Бунинг ҳам икки сабаби бор: биринчидан, биз хатога йўл қўйишимиз мумкин – бунинг учун жавоб берамиз. Иккинчиси, биз кўзланган максадни тўла амалга оширмаслигимиз мумкин, аммо бунда биз айбдор бўлмаймиз. Иккала ҳолатда ҳам тўла ишонч йўқ. Кўплаб кишилар, ҳатто баъзи ишбилармонлар ҳам журъатсизлик оқибатида хато ва муваффақиятсизликдан шу қадар чўчийдиларки, уни гўё сўнгги ҳукмдай қабул этишади. Ахир, ишламасдан хатога йўл қўйиб бўлмайди-ку?! Хато қилмасдан муваффакиятга етиш қийин.

Мағлубият ва йиллар

Биз масъулиятини зиммамизга олмайдиган муваффакиятсизликдан гап бошламоқчимиз. Иш юритишдаги нуқсонларимиз барча тизимга тааллуқли бўлиб, ўз таъсирини ўтказмай қўймайди. Нега биз хатога йўл қўйишдан чўчиймиз? Ўзимизга нима учун ишонмаймиз? Имкони-

ятларимизни түғри хисобга олишда ҳам аниқлик етишмай қолади.

Европача ривоятлардан бирида шундай дейилади: ер остида яшовчи гном (митти, серсоқол одамча)лар тинчгина ҳаёт кечиришар экан. Ногоҳ улар ўртасида шундай миш-миш ўрмалаб қолибди: ер юзи гўзал, аммо унда юриш хатарли. Гномлар бу хабардан ҳайратланиб текшириб келиш учун элчи тайинлашибди. Вакил юкорига ўрмалаб кетибди. Манзилга етиб, бошини ер остидан кўтариб атрофга қараса, қиши фасли экан. Ҳамма ёқ оппоқ қор ва совук. Қор ва совукдан жунжикканича дарҳол ортига қайтиб, кўрганларини ваҳима билан сўзлаб берибди. Ҳамма жим бўлиб қолибди.

Орадан ҳафта ва ойлар ўтиб, гномлар ўртасида яна аввалги миш-миш қўзғалиб ер сатҳига чиқишига қизиқиш ортиб кетибди. Яна юкорига элчи йўллашибди. Вакил бошини кўтариб қараса, ёз фаслининг ўртаси экан. У аввалги элчидан мутлақо бошқача манзарага дуч келибди. Атроф ям-яшил, қуёш ҳамма ёқни ўз нурлари билан чароғон килиб турган экан. Кушлар учиб, капалаклар кувлашиб юрибди. У очик ҳаводан тўйиб-тўйиб нафас олибди. Қуёш нурларида танасини тоблаб, мева-чеваларга тўйибди. Мухлат битиб, ноилож ортига қайтибди. Барча кўрган-билганларини ер остидагиларга сўзлаб берибди.

Гномлар кимга ишонишни билмай, бошлари қотибди. Нима қилиш керак? Улар ўйлай-ўйлай яна икки вакил жўнатишибди. Уларнинг ҳам гапи бир-бирига тўғри келамаганидан бир умр яна ер остида яшашга карор килишибди. Ушбу антика ривоятдан қандай хулоса чиқариш лозим?

Бу ривоят йил фасллари ҳакида. Ҳар қандай фаолиятнинг ўзига хос томонлари, яъни қулай ва нокулай фасллари пайдо бўлиши мумкин. Айниқса, қишининг қаттиқ-куруқ совукларида бирон ишни уддалашда турли нокулайликлар халақит бериши мумкин. Яъни ишдаги

силжиш оғир кечади. Яна шундай вазиятлар пайдо бўладики, айни ишлайдиган вақт келганида негадир кўзланган мақсаднинг бázзи қисмларигина бажарилади, холос.

Кўпчилик доимо ёз фасли ҳукмрон бўлган жойлардан ўзига иш топишни кўзлайди. Ваҳоланки, табиат қонуларини ҳеч ким ўзгартира олмайди: ёз ортидан куз, киш, баҳор навбатма-навбат муттасил айланаверади.

Унутманг, ишда, бизнесда ҳам худди шундай: унда яхши ва ёмон ҳолатлар бўлиб туради. Бундай таассурот иктисодиётнинг ҳамма соҳаларига у ёки бу даражада сезилиши табиий ҳолдир. Сиз ҳётни мутлақо ўз икирчикирларидан, қонуниятларидан ташқарида тасаввур килманг.

Ғолиблар ёздан кейин куз, киш фасли келишини жуда яхши билишади. Бинобарин, ҳар қайси фасл учун улар қандай ҳозирлик қўриш лозимлигини ҳам тўла ҳисобга олишади. Қишининг ташрифи ғолиблар учун бекорчилик бошлианди, дегани эмас. Чунки киш абадий эмас, ўткинчи эканлигини доимо ёдда тутишади. Шунга кўра ҳаракат дастурига эга бўлишади. Шунинг учун ҳам уларда тўхтаб қолиш, яъни бекорчилик тушунчаси нисбийдир.

Миқдор қонуни

Муваффақиятга эришиш учун миқдор қонунларидан қандай фойдаланишни билиш керак. Сиз қайси рақамни хоҳлаб нарда тошини отсангиз – чиқса, бу тасодиф, холос. Ўн бор такрорласангиз ҳам тасодиф хисобланади. Нима бўлганда ҳам ютуққа эришишнинг ягона кафолати – битта. Сиз ҳар гал қандайдир ишни бажармоқчи экансиз, аста унинг ўзига хос шакл ва ҳажми намоён бўлади. Шунга қараб ҳаракат йўналишингизни белгилайсиз. Самараси ҳам фаолиятингиз даражасига яраша акс садо беради.

Ҳа, фаолиятингиз суръати, сифатига қараб, натижа ҳажми-миқдори кўринади. Сиз машғулот туфайли ўсиш-

ўзгаришга, ютуққа эришасиз. Қолгани ҳаваскорлар қизиқадиган лотерея чиптасининг ўзи: бунда ютукнинг 99 % чипта ҳомийсига, бир фоизигина эса уни сотиб олган ўйинчига имконият қилиб берилади.

Ишлаган хато қилади

Ҳаётий тажрибамизнинг ортишида хатоларнинг ҳам ўз улуши ва ўрни бор. Сиз ҳаёtingизда илк бор хато қилганингизда бир энтикиб оласиз-у, кейин чўчимайдиган бўлиб қоласиз. Қайси ишда бу кўргилик (хато)ка учраган бўлсангиз, энди бу борада хушёр тортасиз. Ахир, кўр ҳам хассасини бир бор йўқотади, дейишадик! Аммо ҳамма гап хатодан қандай хулоса чиқариб, сабок олганимизга ҳам боғлиқ бўлади. Эски матал ҳамма даврларда ҳам янгидай сас беради: “Ким ишламаса, у хато қилмайди”. Бинобарин, барча соҳада ҳам хатолар учраб туради. Биз ўз фаолиятимизда ана шу хатони пайқасак, иккинчи марта унинг содир бўлишидан аввал олдини оламиз. Демак, яна бир ўсишга эришдик. Фойда олишни бошладик.

Ўзимиздаги иккиланиш, чўчиш хисларини бартараф этсак, унча-мунча автомат усулида бажариладиган ишлардан кўра унумлироқ самарага эришамиз.

Жуда катта фойдага эришиб, шахс даражасига етиш учун нима қилиш керак, деган саволга “Хатолар сонини икки мартага ошириш лозим”, деб жавоб берган эди IBM компанияси асосчиси Уотсон.

Ғалаба ҳар доим эътироф ва рағбатлантириш, гулдурос қарсаклар билан тақдирланади. Хатолар эса дастлабки онларда ҳеч кимга мукофот келтирмайди. Аксинча, таъна, маломат ва жаримага рўбарў қилиши мумкин. Аммо шуни унутмангки, бунинг эвазига тажрибангизнинг ортишига, ривожланишига катта ҳисса қўшади. Ўз навбатида тажриба тўғри ва аниқ қарор қабул қилишда аскотади. Тўғри қабул қилинган қарор ортида

эса муваффакият нақддир. Шунинг учун ҳам ким хато қилишдан тўхтабди, у ўзида ривожланишни ҳам ортга сурган бўлади.

Голиблар хатоларни қанча тўғри таҳлил қилишса, галабалар сони шунча ортиб боришини яхши билишади. Улар хато ва мағлубият учун асло қўл силташмайди.

Амалий машғулотлар

Ўз даромадимни ошириш ва фаолиятимни янада яхшилаш мақсадида мен қуидагиларга қатъий амал қиласман:

1. Мен кечаги кунимдан қандай фойдаландим, нималарга эришдим – атрофлича таҳлил қиласман. Агар мен ўз мақсадим йўлида ҳаракат килмасам, ҳеч ким даромадимни оширмайди. Ҳеч нарса ўзгармайди. Ҳар доим ўзимга: “Бугун мен қайси ишни амалга ошира оламан? Даромадимни ошириш учун қайси иш билан машғул бўлишим лозим?” каби саволлар билан ҳисоб бераман.

2. Даромадим миқдорини кўтариш ва муваффакиятга эришиш учун менга қанча муддат керак? Уч ой мобайнинда миқдор қонунига асосан аниқ натижага эришишимни билган ҳолда керакли қарор қабул қиласман.

3. Ҳозир мен учун “Ёз фасли” экан, қиши келгунча қиласиган ишларимни – яъни ҳосилни пишириш, саралаш, йигиштириб олиш чораларининг ҳар томонлама тадбирини белгилайман. Токи ҳеч қандай қиши менинг қатъий мақсадимдан қайтара олмасин.

4. Қишини қандай ўтказишнинг ҳам чора-тадбирларини кўриб қўйиш лозим. Улардан бири, ҳар куни ушбу китобдан бир бобдан ўкиб, билимимни ошираман. Ўз соҳамга оид йигилиш-семинарларда қатнашаман. Илғор тажрибаларни таққослаб кўраман. Шахсиятимни такоммиллаштиришга кўмак берувчи омиллардан оқилона фойдаланиш – қишки режаларим асосини ташкил этади.

БЕШИНЧИ ҚОНУН

ШАХС ДАРАЖАСИГА КҮТАРИЛИНГ

Бир куни шох саройи қизиқчиси (масхарабоз) күнглида ўз ҳаётини ўзгартириш хоҳиши пайдо бўлди. У бадавлат бўлиш, ғаройиб саёҳатларга чиқиш ва дабдабали ҳаёт кечиришни хоҳларди. Ҳаммасидан ҳам кўра одамлар уни иззат-икром этишларини истарди. Чунки бутун умри давомида одамлар уни қалака этиб, “Анава масхарабозни қара”, дея қўлларини бигиз килишарди. Шунинг учун ҳам одамлар унга ҳурмат кўрсатишиларини истарди. У фурсат келганида юрагидаги бор гапни шоҳга сўзлаб, мадад тилади.

Шоҳ унинг илтимосини қабул этиб, шундай деди: “Эй, қизиқчи, сен кўп йиллардан бери менга хизмат киласан. Доимо хурсанд юришим учун қўлингдан келган хунарингни намойиш этдинг. Шунинг учун ҳам сенинг илтимосингни бажараман”. Шундай қилиб, шоҳ қизиқчига катта миқдорда бойлик ва тураг жой берди.

Қизиқчи мақсадига етган эди. У энди шоҳона бинода яшар, тансиқ таомлар билан лаззатланар, хуллас, қўлини каёққа узатса етадиган мақомга эришди. Аммо у қанча ой-кунлар ўтиб, мислсиз бойликларга эга бўлса-да, эл назарида ҳамон бир қизиқчи-масхарабоз сифатида қолганди. Бундан ташқари, у меҳнатсиз ортирилган бойликнинг қадр-қимматига етмасдан, кайф-сафо қилиб ҳаммасини тез орада совуриб юборди. Яна эски ҳаммом, эски тос ҳолига етишди. Шунда у барча кўргиликлар сабабини билишга қизиқиб, шоҳнинг энг яқин маслаҳатчисига арз этди.

Шоҳ маслаҳатчиси кулди. Бошини сарак-сарак килдида, унга жом ва кўзада турган шаробни кўрсатди.

— Мен кўзадаги ҳамма шаробни анави жомга сиғдириб куя олмайман. Негаки, жом кўзадан бир неча маротаба кичик. Шунинг учун ҳам сиғмайди. Демокчиманки,

сенинг шахсиятинг ҳам ҳоҳишиңгга нисбатан жуда кичик. Асло мутаносиб эмас. Ахир, сенга шоҳ бир умрга етадиган молу давлат берди. Аммо сенинг шахсиятинг бу ганимат бойликни саклаб қолиш иктидоридан ожиз келди. Шунинг учун ҳам аввалги ҳолатингга тушдинг. Аввалдан шахсиятингни тарбиялаб, хаётдан курашчан ўрнингни топишиңг лозим эди...

Қадамма қадам, сабокма сабок...

Биздаги ҳолатнинг яхши томонга ўзгариши учун аввал ўзимиз ҳам яхши сифатларга эга ҳолда ўзгаришимиз лозим. Бизга таниш бўлган кўплаб кишилар ўзлари эришмокчи бўлган муваффакиятларни таъминлаш учун вазият ўзгаришини, қулай фурсат келишини кутадилар. Ваҳоланки, улар кутаётган қулай вазият келганида ҳам ҳеч нарсани ўзгартира олмайдилар. Сабаби, уларнинг ҳали шахс сифатида бўйлари “паст”. Улар қулай вазият билан киришиб кетиш санъатидан жуда олисдирлар. Ҳа, энг аввал улар ўзларида шахс комиллигини таъминлашлари зарур. Бу ишда ҳамма нарса гўё мактабдаги талаб ва қоидаларга жуда ўхшайди: биз биринчи синфдан бошлаб ўқиймиз. Аста-секин иккинчи, учинчи синфга ўтамиз, бунинг учун йиллар керак, ошиқманг. Бу жуда оқилона тизимдир. Биз қанча яхши томонга ўзгариб борсак, имкониятларимиз даражаси ҳам шунча ўсиб боради.

Кимдир бу қоида ва талаблардан коши чимирилиб, “Менга икки миллион евро беринг, қоидаларсиз ҳам пул топишини, бой бўлишни кўрсатиб қўяман, сизга!” дейиши мумкин. Бу мутлақо нотўғри, хато ёндошиш бўлади. Энг аввал бугунги кун талаби ва вазиятни тўғри тушуниб, билиб олиш лозим. Шунга кўра, дастлаб минг еврони ақл ва ишонч билан муомалага киритиб кўринг. Натижага қараб, аста-секин минглар сонини орттириб бориш мумкин. Зўр бўлиш учун “кулай ҳолат”ни

кутмасдан вазиятни аниклаб, тез харакат қилишни билиш лозим. Яна шуни алоҳида эслатиб ўтиш жоизки, биз у ёки бу ишни бажаришга яраймизми, деган саволни ҳеч қачон одиндан тайёрлаб олманг. Биз ҳар қандай ишни бошлар эканмиз, аста-секин ўша иш-вазифанинг моҳир бажарувчисига айланамиз. Сиз бирор юмушни хали бошламай туриб, иккиланар экансиз, ўша иш елкангизга миниб олади ва ўсишга йўл бермайди. Имкониятни бой бермаслик ҳам муқаррар фалабани таъминлайди.

Экишнинг беш сабоги

Уруг сочиш ҳакидаги ривоятни эшитган бўлсангиз керак. Дехқон уруг сочибди. Аммо ҳамма сепилган уруг униб чикмабди. Уруғнинг баъзиларини кушлар еб битирибди, баъзиси сувсизлиқдан ковжираб қолибди, айримлари эса ёввойи ўтлар қуршовида авж олиб ўсмабди. Мана шу ҳолатлардан мухим хулоса чиқариш мумкин.

1. Ҳар бир сепилган дон униб чиқавермайди, шунинг учун ҳам хасислик қиласдан уругни кўпроқ сочиш керак.

2. Ишингиздаги камчилик сабабини рақибларингиздан ахтарманг. Сиз ўз рақибларингизни енгиб, йўқ килган тақдирингизда ҳеч қачон ўсиш, ривожланишга, мақсадингизга эриша олмайсиз. Ахир, ўйлаб кўринг: ҳамма нарсага ўз вақтида улгурувчи, тадбиркор, меҳнаткаш кишиларнинг ютугини кўра олмайдиган, каршилик кўрсатувчи “дўстлар” ҳамиша етарли бўлади. Табиатан бу шундайлигича қолади.

Донни еб кетувчи қушлар ва бегона ўтлар ҳар доим бўлган ва бундан кейин ҳам йўқ бўлмайди. Акли расо дехқонгина уруг сепишни тўхтатмайди.

3. Ўйлаб кўринг, ерга уруг сепмасдан ҳеч ким ҳосил йиғиб олмайди. Ажру мукофот сиз ишларни бажариб

бўлганингиздан сўнг келади. Аллоҳ ҳар қандай меҳнат эгасини беҳисоб неъмати билан мукофотлайди. Қуруқ гап ва ўзини оқловчи баҳоналарни инобатга олмайди. Аммо барибир айримлар табиатнинг бу нозик қонун-қоидаларини четлаб ўтишга, ўзгача йўллар билан неъмат эгаси бўлишга интилишлари сир эмас. Йўқ, бу мумкин эмас. Бу фикр хиёнатга, жиноятта олиб боради.

4. Сиздан кучли иродада талаб этилади. Ўсиш ва ривожланиш учун жиддий вақт керак. Уругни сепиб, икки кундан кейин Сиз дархол ҳосил йиғиштириб ололмайсиз. Гарчанд катта меҳнат ва маблағ сарф қилган бўлсангиз ҳам бунинг иложи йўқ. Яна меҳнат ва бардош, сабр-тоқат туфайли сиз кутилган натижага етиб борасиз.

5. Сиз нима эккан бўлсангиз, ўшанигина йиғиштириб оласиз. Инсоният бутун умри давомида яхши ва ёмон уруғликка дуч келган. Эҳтиёт бўлинг. Сиз эккан экин ичида ёмон уруғ ҳам ўсиши, ҳосил бериши мумкин. Бу масалнамо қоидалардан ҳар ким ўзига тегишли хулоса чиқариб олсин.

Меҳнат жараённида инсон камолотга эришади

Ёдингизда бўлса, ҳамма буюк кишилар меҳнатлари туфайли юксак шахс даражасига кўтарилганлар. Масалан, Эйнштейн ўзининг гаройиб назариялари билан фан оламида машҳурликка эришган бўлса, Беккенбауэр футболдаги муваффакиятлари билан дунёга танилган ўйинчидир. Махатма Гандини эса Ҳиндистонни мустабид тузум исканжасидан халос этган буюк инсон сифатида қадрлайдилар. Она Терезага эса қашшокларга меҳр-шафқат кўрсатиш бўйича қилган хизматлари Нажот фариштаси унвонини олиб берган. Улар ўз foялари, мақсадлари йўлида фидокорлик кўрсатган олийжаноб инсонлардир.

Эътиқод, ишонч ва меҳнат инсонни олий даражага кўтариши аниқ. Ҳа, меҳнат инсонни улуғлайди. Сиз

бахтли, фаровон ҳаёт кечирмокчи экансиз, қалбан меҳнат килишга, дадил ва журъатли бўлишга интилинг. Дастрлаб ишлар кўнгилдагидек бажарилмаслиги мумкин. Лекин бунинг ҳеч қандай ташвишланадиган, қўркадиган жойи йўқ. Мухими, қўлингизни ишдан тортманг.

Бизни сўзсиз, муваффакиятларимиз бадавлат қилади. Бироқ мағлубиятларимиз бизга сабоқ бериб, руҳий, жисмоний ўсишимизга бош омил бўлади.

Муваффакият йўлидаги олти тўсик

Нега ҳамма ҳам муваффакиятга эриша олмайди? Ахир, ҳаммада ҳам ўзига яраша имконият, иқтидор борку?! Бизнинг имконият ва журъатимизни ҳали руҳиятимизда тўла уйғонмай туриб бўғиб таинловчи олтита нокулай ғов мавжуд. Айнан ана шу ғовлар туфайли кўпчилик инсонлар муваффакиятгача етиб келолмайдилар. Улар ҳаёт, яъни турмуш талаб ва қоидаларини ўз вақтида илғай олмасликлари сабабли ҳам ҳеч қачон мақсадга эришолмайдилар. Гап инсоннинг ички, руҳий ҳолатидаги ўзгартириб бўлмас феъл-атвори, одат тўсига айланган худбин қарашлари устида кетмоқда.

1. *Ўзиникини маъқул билувчилар.* Бундай инсонлар сизга таниш. Бирор нарса сўрамайди. Ўргатай, тушунтирай, десангиз ўз билганидан қолмай жавраб, миянгизни суюлтириб ташлайди. Ҳамма нарсага ёлгиз ўзининг акли етадигандек қилиб кўрсатишга ҳаракат қиласди.

2. *Битимсизлик.* Кўпгина кишилар турли сабаб, баҳоналарга кўра, ўзларини орқага тортадилар. Интилмайдилар. Янгилик сари қадам ташламайдилар. Лоқайдлик устун туради.

3. *Манманлик.* Биз кўпинча ўзимизга ортиқча бино кўйган холда атрофимиздагилардан иззат-икром кутамиз. Ҳамиша уларга тик қараб муносабат

билдиришга тайёрмиз. Бундай бадковоқликлар ҳеч қачон биз кутган самарали натижага олиб бормайди. Аслида, такаббурлик – жаҳолат ва нодонлик белгисидир.

4. *Құрқұв*. Бу түйғу ҳамма имкониятларни барбод этади. Биз нимани хоҳламасак, ўша нарса бор бўй-басти билан кўнглимизга қўрқув солади. Журъатимизни ўлдиради. Бундай түйғулар оламшумул фожиаларга ҳам сабаб бўлади.

5. *Гумонсираш*. Бу түйғу куч-қувватимизни, имкониятимизни ўзгаларга солишигаётганимизда пайдо бўлади ва ютуқларимизга соя ташлайди. Биз ўзимизга каттиқ ишонишимиз лозим.

6. *Айбдорлик ҳисси*. Баъзилар худбинларча ўзларини кўпчиликдан олиб қочишади. Гўё кимdir уларни бирор ишда айблаётгандай хис этишади. Аник мақсад сари дадил киришилса, бу ҳолат барҳам топади.

Ишлашнинг тўрт усули

Иш ҳакида сўзларканмиз, уни яхши ва ёмонга ажратишимиз мумкин. Яхши ишлар бизга қоникиш, курсандчилик бағишлийди. Иккинчидан, биз нималарга қодир эканлигимизни, иқтидоримизни кўрсатади. Учинчидан, биз эришган ютуқларимиз оркали бошқаларнинг муаммосини тажрибакор сифатида осон ҳал этамиз ва кўшимча даромадга эга бўламиз.

Эътибор беринг: ёмон иш ва нотўғри муносабат натижаси ҳеч қачон яхши бўлмайди ва турмушда бирор манфаат бахш этмайди.

Иккинчиси, иш ёмон-у, аммо унга нисбатан тўғри муносабат бўлса, одам нимагадир эришади, аммо кўп вақт кетади.

Учинчиси, иш яхши-ю нотўғри муносабат бўлса, бунда натижа паст, аммо мақсад сари қисман яқинлашилади.

Тұртінчиси, иш яхши, муносабат ҳам тұғри бўлса, кўнгилдаги ишга батамом эришилади.

Юқоридагиларга кўра, ўзингизга қуидаги саволларни бериб кўринг: Ишингиз кўнгилдагидекми? Манфаат ва кизиқишиңгизга мувофиқми? Бу ишга бўлган муносабатингиз қандай? Ишингиз ўзингизга ёқмаса, уни ўзгартира оласизми? Юқоридаги коидаларга қандай фикр билдирасиз?

Кўплаб кишилар тақдирларидан норози ҳолда доим адолатсизлик ҳақида жаврайдилар. Улар, аслида далага уруғ сочмаган ҳолда, хосил йиғиши ўйладилар.

Ғолиблар вазият яхши томонга ўзгаришига ишонган ҳолда ҳеч қачон фурсатни бой бермайдилар. Улар вазиятга караб турланиб, баҳона изламайдилар.

Рихард Бах шундай деган экан: “Хар биримиз ёргуғ оламга келаётганимизда ичимишга маҳфий равишда мармар таҳтаси ва унга ишлов берувчи асбоб яшириб қўйлади. Биз умр бўйи бу мармар таҳтасини ҳеч қандай ишлов бермай кўтариб юришимиз ёки уни майдалаб ташлашимиз ҳам мумкин. Аммо қунт билан ҳаракат қиласак, ўша мармарга ҳайратга сабаб бўлувчи шакл ҳам бериишимиз мумкин”.

Бизга туғилишданоқ баҳтли бўлиш ва муваффакият козониш кобилияти берилган.

Амалий машғулотлар

Кучли шахсиятга эга бўлиш учун, албатта, ўсиб-ривожланишим зарур. Бунинг учун қуидагиларни бажаришим керак:

1. Ишим учун бор куч-қувватимни сарфлайман.
2. Хатоларимни тақрорлашни хоҳламайман. Шунинг учун кундалик тутиб, олдинги хатоларимни ўрганаман.
3. Шахсиятимни ривожлантирувчи адабиётлар ўқишига киришаман. Бунинг учун бир кун давомида камида бир соатлик вақтимни ажратаман.

ОЛТИНЧИ ҚОНУН

ҚҰЛІНГИЗГА ОЛИНГ ВА БАЖАРИНГ

1960-1970 йилларда спорт пойабзали халқаро бозорида “Adidas” компанияси олдига тушадиган бирон бир әкебатлашадиган фирма йўқ эди. Бу вактда бир қанча ғайратли йигитлар пойабзал ишлаб чикарувчи ўз фирмаларини ташкил қилишга, шу йўл билан “кураги ерга тегмаётган” баҳайбат концерн (ишлаб чиқариш корхонаси) билан беллашишга аҳд қилдилар. Бу ҳаракатнинг амалга ошишига унча-мунча одамнинг акли етмасди. Ҳали ростмана ташкилий ишлар маромига етмай туриб, уларни танқид килувчилар, калака килувчилар, улар устидан гоҳ пинҳон, гоҳ ошкора кулувчилар топиларди. Чунки “беллашув”сиз ҳам улкан муаммо ва кийинчиликлар яккол кўзга ташланиб турарди.

Кемага тушганинг жони бир, деганларидек, ташкилотчилар кўп ўйландилар. Ишни юритишига асосан нима тўсқинлик қилаётганлигини аниқлашга киришдилар. Кўп баҳс-мулоҳазалардан сўнг улардан бири шундай деди: “Бизнинг бу ердаги ҳамма гапимиз, агар билсангиз, сариқ чақага арзимайди. Ишимизнинг сал бўлса-да, олға силжишига ёрдам бермайди. Ишни қўлга олайлигу бажарайлик”. Шериклар бир-бирига қарашибди. У нима деяётганлигини англагандай бўлишди. Рост-да! Бошқалар билан бизнинг нима ишимиз бор. Улар нима деб вайсаса, вайсаб ўлмайдими?! Ҳаммамиз ўз ишимизни бажаришга, шунга жавоб беришга масъул бўлайлик! Ҳаёлпарастликни бас қилайлик! Аллакачон ишни бошлишимиз керак эди!

Бу илхомбахш ва кинояга тўла аччиқ даъват йигитларни жиддий ҳаракатга келтирди. Улар “Ол ва бажар!” сўзини фирманинг катъий шиорига айлантиридилар. Улар ана шу мақсадда майка буюртма

бердилар. Майка орқасида “Ол ва бажар” ёзуви бор эди. Шу тарзда майкани кийиб, иш бошладилар.

Мұхтарам үқувчимиз гап қайси фирма устида кета-ётганлигини фахмлаган бұлса керак. Бир неча йил үтгач, спорт оёқ кийими ишлаб чиқариш бүйіча “Nike” дунёда биринчи үринни ишғол қилиб, “Adidas” ни қувиб үтди.

Шуни алоҳида таъкидламоқчиманки, бугунги кунда ҳам “Nike” компанияси ишчи ходимлари “Ол ва бажар!” деб ёзилған майка кийишади.

* * *

Бу дунёда үз куч-қуввати ва имконияти даражасида меҳнат қилмаётган одамлар тұлиб-тошиб ётибди. Бунинг сабабларидан бири қандай иш юритиши, иш бошлашни билмаганларидан бұлса, иккінчиси, қандай ишлашни, нима қилишни билған тақдирда, уларда журъат, шаҳдайрат етишмайды.

Сукрот ҳаким бундай кишиларга: “ҳамма нарсага кодир-у үта ялқов” деб баҳо берган.

Билим – жуда катта имконият бахш этувчи күчdir. Бу күчга эга бўлган қўл ўзига рўбарў келган ҳар қандай ишни қандай ҳал қилиш, қўллаш лозимлигини жуда яхши билади.

Ғолибларнинг ҳал қилувчи иқтидори, кучи шундаки, үз шахсий нуктаи назарида вазиятни аниқ белгилай оладилар.

Кўпчилик сувдан чўчиш касалидан хавотирланиб яшашади. Улар ҳаёт дарёсига – оқимига ўзларини ташлаганлари билан аввалдан йўналишларини белгилаб олмаганлари учун ҳас каби бекарор ҳолда дуч келган томонга кулоч отадилар. Кўпинча қирғоққа чиқиб олгунча ҳалокат даражасига етадилар. Бундай журъатсиз, лоқайд одамлар ҳеч качон үз кучлари билан мақсадга ета олишмайди. Вакт үтгани сари уларнинг имконияти сўниб, чегарагача қадалиб келади.

Биз қанчалик барвакт фаолият кўрсатишига интилсак, ҳаётимиз ҳам шунчалик мураккаблашиб боради. Барча

қонунлар агар биз амалиёт билан боғланиб бормасак, ҳеч қандай маъно англатмайди. Осоишта, тинч сувда чўмилиш кишига роҳат бағишлийди. Аммо ҳаётдаги бундай “роҳат”лар биз учун фароғат бағишимайди.

Кўпчилик нима хоҳлашини, ким бўлишини билгани ҳолда ишга киришиб кетолмайди.

Ўзидаги ялқовликни оқлаш учун баҳона – “асос”лар

Ҳар доим ўзингизга қўйидагича саволларни бериб боринг:

1. Сиз бирор ишни бажаришда хатога йўл қўйишдан қўркиб уни орқага сурасизми? Уялиб қолишдан чўчийсизми?

2. Сиз “Ҳали бу ишни килишнинг вакти-соати етиб келгани йўқ”, деб баъзи бир ишларни бажармаган пайтингиз бўлганми?

3. Сизга баъзи ишларни бажариш учун қўшимча, алоҳида тайёргарлик керак, деб ўйлайсизми? Сизнингча, қўшимча тайёргарлик билан тажриба ишончли таянч бўла оладими?

4. Сиз “яхши имконият” ҳаётда бир маротаба берилади, ундан фойдаланиш учун шошилмай, қулай фурсатни кутиш керак, деб хисоблайсизми?

5. Ишга киришишдан аввал нималарнидир ўзгаришиш лозим, деб хисоблайсизми?

6. Сиз ўз мақсадларингизни амалга ошиrsa бўлади, деб хисоблайсизми?

Юқоридаги саволларни жиддий мулоҳаза килиб кўринг. Ўзингизга халол танқидий баҳо беринг: сизнинг ишга тўла киришиб кетишингизда юқоридаги каби баҳоналар “оклов” вазифасини бажармайдими? Аслида эса худди юқоридаги каби “ундай-бундай”лар йўли-мизни “тўсади”.

Энг зүр пайт – ишни бошлаш эканлигини яхши биласиз. Бу ишни эртага ёки индинга эмас – айнан ҳозир бошлиши зарур, вассалом! Сиз ишни бошлashingиз билан майда-чуйда кийинчилик ва етишмовчиликлар ўз-ўзидан даф бўлади. Унутманг, дадиллик, камолотга эришишнинг тайёр ва осон тавсияномаси ҳеч қачон бўлмаган. Шунингдек, қулай фурсат келса, бошлайман, деб вақтни совурманг. Бошланг! Одатда ғолиблар ҳамиша ҳар бир ишга тезкорлик билан ёндашадилар ва ҳал қиласидир.

Шуни асло унутманги, барча улуғ ишлар кичкинадан, оз-оздан бошланади. Ҳамма ҳам дастлабки қадамларда адашади, хатоларга йўл қўяди. Хатолар келгусидаги ютукларимиз, тўғри қарор ва ҳаракатимизнинг келажакдаги бош омили ҳисобланади. Хатолар – жуда катта аҳамиятга эга бўлган, эсдан чиқмайдиган сабоқdir.

Секинлик билан, хатога йўл қўймаслик учун имиллаб мақсадга интилгандан кўра хато бўлса ҳам жисддий фаолият кўрсатиш юз марта аълодир. Биз ҳеч қачон тўла, тайёр ҳолатда улуғ ишларни бажаришга шай бўлмаймиз. Биз ишни бошлаганимиздагина паст-баланд, оз-кўплигию, нима керак, нима ортиқча – яққол кўзга ташланади. Энг яхши тайёргарлик – бу ишга киришиш, бошлаш! Бошқаси ортиқча вақт йўқотишдан бошқа нарса эмас. Ҳар замонда баъзилардан эшишишга тўғри келади: “Менда имконият ва катта куч пайдо бўлиши билан иштон-кўйлагимни ечиб ташлаб, ҳар қанақа ишни котириб қўяман!” дейишади.

Бу гапларга асло ишонманг. Бу ўзини ўзи алдаш! Бу масалага биз яна қайтамиз. Аслида Сиз иш учун югура бошлар экансиз, ўзи куч пайдо бўла бошлайди. “Агар мен доимий иш топиб олсан, юрагимдан ишлашини бошлардим”. Бу ҳам бир ландовурнинг сиз ва бизга ўзини оқлаб айтган кесатиги. Ёлғон. Доимий иш доимий ишлаб келаётганлар учун ҳамиша етарли. Бунинг учун ҳам кўп, узок меҳнат қилиш керак.

Бажарилган меҳнат учун ажр-мукофот берилади

Бир саройда икки омоч бор эди: бири занглаган, иккинчиси эса олмосдай ярқиарди. Занглаб ётгани ялтираб турган күшнисидан ҳасадланиб сўради: “Нега сен чиройли, мен эса емирилиш даражасидаман? Бу адолатдан эмас, мен тенглик талаб қиласман!” Ялтирок омоч лўнда жавоб берди: “Менинг гўзаллигим меҳнатим туфайлидир”.

Бу масал-тамсилни ким қандай хоҳласа, шундай тушуниб етади. Биз назарда тутаётган ғоя эса бошқа маънони ифодалайди.

Бугунги кунда хоҳлаймизми-йўқми ижтимоий тенглик ва адолат ҳақида кўп гапирилмоқда. Ҳақиқатдан ҳам бу борада қилинадиган жуда кўп оламшумул ишлар, ислоҳотлар бор. Амма адолатни ўз манфаатига, дунё-қарашига мослаб ўзлаштириб бўлмайди. Қандайдир аҳолининг бир қисми ётиб олиб есин-да, иккинчи қисми меҳнати билан ўзини ва бошқаларни боқсин?! Бунга йўл кўйиб бўлмайди.

Унутманг, бошқалар меҳнати эвазига яшовчилар гирт текинхўр, балки ўғри қаторидаги инсофисизлардир. Колаверса, улар ҳеч қачон ўzlарини ўнглаб оломай, баҳтсиз, бадбаҳт кишилар мақомида қолиб кетадилар.

Ҳамма учун ягона талаб ва қоида бор: меҳнат қилиш кобилиятига қодир ҳар бир киши тенглик тамойилига бўйсуниши шарт. Эҳтиёжларни бажариш йўлида тенглик йўқолмаслиги лозим. Ишлаган-у ишламаганни асоссиз равишда тенг тутиш – адолат мезонини ишдан чиқаради. Норозилик, нафрат ва ҳатто, уруш чиқишига сабаб бўлади.

Дунёдаги барча дин таълимотлари ва муқаддас китобларда адолатли бўлиш, инсоннинг ҳақ-хуқукларини, меҳнатларини қадрлаш – бош қадрият даражасига кўтарилиган.

Мехнатга лаёкатсиз кишилар, яъни майиб-мажрух ногиронлар ҳамма даврларда ҳам халқ ва давлат ҳимоясида бўлиб келган. Хайриялар уюштирилган. Ҳаёт неъматларининг асосий кисми айтиш лозимки, иш билан банд, ишлаб чиқариш воситалари, кишилар ҳўжалиги ходимларининг катта меҳнатлари эвазига бунёд этилади. Яратилган ҳаёт ашёларига – ишлаш, меҳнат қилиш қобилияти бўла туриб, зўраки шерикка айланиш – ўғриликдан-да оғир ижтимоий гуноҳдир. Уларнинг жамиятда мавқега эга бўлиши ҳар қандай халқни, ҳар қандай ҳокимиётни ҳолдан тойдиради. Мамлакатда низожанжалларнинг кўпайишига, натижада биз юқорида эслатиб ўтган халқ норозиликларининг келиб чиқишига туртки бўлади.

Бизнинг бош кўмагимиз эса ўзи учун ғамхўрлик килиш қобилиятидан узоқ бўлган кишиларни қўллаб-куватлаш, очлик машақкатини тортмасликлари учун уларнинг ҳаётларини енгиллаштиришдан иборатдир.

Ишловчилар, иш берувчилар, яратувчилар инсоният ҳаётини, яашаш тарзини шакллантиришда етакчи шахс сифатида олқишига, шон-шарафга сазовор кишилардир.

Шунга кўра ҳар нарсанинг ўз ўрни, ўз вақти ва ўз номи бордир. Ўзини ўзи таъминлай олмайдиганлар, яъни меҳнат қобилиятини йўқотганлар ҳаётини фаровонлаштириш ҳар биримиз учун асосий маслак бўлиши лозим.

Бу китобни шунчаки вараклаб чиқиш билан сиз ҳеч қандай натижага эришмайсиз. Баъзи қоида-хулосалар сизни нималаргадир руҳлантирса, чорласа, бу ҳам ҳали ҳеч нарсани ўзгартиришга кодир эмас. Сиз ҳаракат қилишингиз лозим. Кунма-кун, соатма-соат ўрганаётган, ўзлаштираётган қонун-коидаларни ҳаётга татбиқ этишингиз талаб этилади. Бу китоб сизни ноқулай вазиятлардан олиб чиқишида кўмакдошингизга айланиши керак.

Ўзингизни қийнамасдан ҳар куни бир боб (кисм)дан эътибор бериб ўқинг. Сизга берилаётган эслатма ва таисияларга эътибор килиб, уларни ишда, ҳаётингизда

қўллаш билан китобнинг таъсирчанлигини, ҳаётбахш қўлланма эканлигини исботланг. Китобни охиригача ўқигач, яна бошидан такрорлашга эринманг. Китобнинг барча боб-мавзуларини аралаштириб, қандай ёзилган экан, деб чалкаштирмасдан, ҳар бир бобни яхши мутолаа килиш, мағзини чақиш, фикр-мулоҳаза юритиш сиз учун энг фойдали, даромадли машгулотга айланади.

Беҳисоб иқтидорли кишилар ишни нимадан, қандай бошлиш, муваффакиятга қандай эришиш, ўзаро ҳамкорлик иқлимини яритишдаги тажрибасизлклари туфайли ночорлик исканжасида қолиб кетгандар. Тажрибалар ўз-ўзидан пайдо бўлиб қолмаган. У беҳисоб хато, сабоқлар, йўқотишлар, зиён-заҳматлар эвазига пайдо бўлган ва минг йиллар наридаги тарих билан чамбарчас боғлиқдир. Китобни ўкиш, кўчирмалар олиш, кундаликлар тугиб, фаолиятингиздаги асосий лаҳзаларни қайд этиб бориш, шубҳасиз, сизни босик, салобатли, донишманд кишига айлантиради.

Ягона мезон

Кўпчилик кишилар ўз олдиларига ҳеч қандай мақсад қўймаганлари ҳолда нималаргадир интилаверадилар. Бу кулгили эмасми? Қаёққа қараб, нима учун югуриш кераклигини билмаган ҳолда дуч келган томонга тез югуришдан қандай манфаат бор?

Билиб қўйинг, сизнинг ягона имкониятингиз – мақсадга элтувчи мезонингиз бор. У сизнинг ҳаракатингиздир. Яъни, ишга киришиб кетиш – бошлиш! Бошқа йўл йўқ!

Бордию фаоллик кўрсатишга ҳолим етмайди, демоқчи бўлсангиз, унда сабабларни таҳлил қилиб кўринг. Хўш, сиз нега мақсадга етишни хоҳлайсиз? Сизга муваффакият қозониш нима учун керак бўлиб қолди?

Бу саволларга жавоб беришга ошикманг. Сизнинг олға интилишингизда зарур саналган омилларни

белгилаб олиш учун ишга қандай киришиш керак, деган саволга эмас, балки нега шундай ҳаракат қилиш лозим, деган саволга жавоб топиш муҳимдир.

Энрико Карузо

Болалигидан Карузо Миланнинг “Ла Скала” театрида кўшиқ айтишни орзу қиласади. Аммо ёшлигидаги орзусини четга суриб, сайдёр опера трупласига кўшилиб кетади.

Кунларнинг бирида у Сицилияда дўсти билан учрашиб қолади. Ўртоғи сайдёр труппа ҳакида индамайди. У Карузонинг истеъодига ишонарди. Унинг болаликдаги орзусидан ҳам хабардор эди.

— Нима қиляпсан? — сўрайди у.

— Ҳозиргина сенга айтдим-ку, ҳаммасини, — жавоб беради Карузо.

— Мени тушунмадинг, — дейди ўртоғи, — ёшликдаги мақсадинг нима бўляпти?

Карузо ҳаётини ўз ҳолига ташлади. Машқ қилишни бас қилди. Орзуларини унугтди. Ўртача ҳолатга тушиб қолди. У ўзини ҳурмат қилишни, имкониятларини ривожлантиришни тўхтатди. Булар ҳам етмагандай, ичишни бошлаб юборди.

Бир куни сахнага ҳам маст ҳолда чиқиб кўшиқ айта бошлади. Шу ҳолатда сахна безаги ағанаб кетди. Жиддийгина опера намойиши тўполонга айланиб кетишига сал қолди. Карузо вазиятдан чўчиб, дархол ўзига келди. Сўнгти сахна кўринишидаги арияни бор маҳорати, имконияти борича куйлади. У ҳаётда ҳеч қачон бундай куйламаганди. Нималарга қодир эканлигини намойиш этди. У гўё ўзини “Ла Скала” сахнасидагидек ҳис қиласади.

Томошибинларнинг баданидан гўё чумоли ўрмалагандек бўлиб кетди. Томошада иштирок этаётган театр арбоблари, танқидчиларнинг ҳам оғзи очилиб колганди. Уларнинг фикрича, ҳалигача бирор артист бу даражада

маҳорат билан қўшик ижро этмаганди. Бу ижро труппадаги унинг сўнгги чиқиши бўлди. Шу тариқа у Миланга жўнади. У энди ҳар куни машқ қилар, маҳоратини оширади... ва ҳар куни томашабинларни лол қолдириб, ижрочилик иқтидорини намойиш этарди. У эндиликда “Ла Скала”нинг қўшиқчисигина эмас, балки дунё тан олган санъат юлдузига ҳам айланганди...

Ҳеч қачон ҳеч кимга “Бунинг иложи йўқ”, “Бу сенга тўғри келмайди”, “Бошқа иш қил”, “Менга ёқмаяпти” каби киши кўнглини орзу-хавасидан сўндирадиган, иштиёкини йўқ киладиган гап айта кўрманг. Шунингдек, бошқаларнинг ҳам мавхум, танқидий, маломатли сўзларига парво қилманг. Уларнинг гап-сўзи ҳеч нарсани ўзгартира олмайди. Ичи қора, баҳил, ҳасадгўй кишилар ҳеч қачон инсонга ёқадиган гап гапирмайдилар.

Ўзингиз синаб кўринг: анчайин обрў-эътиборли кишидан бирор нарса ҳакида маслаҳат сўрасангиз, “Бунинг иложи йўқ”, деб жавоб беради. Иккинчи бир киши эса масалани ҳал қилиш мумкин, дейди. Кўряпсизми, иккаласи ҳам ўзича ҳақ. Аммо биринчиси ўтирган жойида бошини қотиришга ҳафсаласи йўқ, иккинчиси эса фаолиятдаги одам. У дарҳол ишга киришиб кета олади. Бу ёруғ дунёда нимаики бўлса, ҳаммасининг ўз қиймати, вазни, ўрни бор. Инсонларга кашф этиш, яратиш, куриш учун иш берилган. Улар ишни қўлга оладилар-да, бажаришга киришадилар. Фолиблар ҳал қилувчи масала – бу ишга тезрок киришиш эканлигини яхши биладилар. Оддий шиор: “Ол ва бажар!”

Амалий машғулотлар

Бугун мен фаолият күрсатиш учун қобиляйтимни ривожлантиришга доир күйидаги ишларни бажараман:

1. Мен қачонлардан бери бажаришим керак бўлган ишларнинг рўйхатини тузаман. Унда шу кунларда қайси ишни бажариш мумкинлигини хисобга оламан. Кейин қўлим теккандага қиласман, деб режалаштирилган ишларга қатъий муддат белгилайман. Бугун қилишим лозим бўлганларни қўлга оламан.

2. Орзу альбомимга назар ташлайман. Ҳаётнинг беш йўналиши (соғлиқ, ўзаро муносабат, молиявий аҳволим, ишнинг бориши ва ҳис-туйғуларим) бўйича мақсадларимни аниклайман. Бу мақсадларим ушбу альбомимда ўз ифодасини топганми?

3. Ушбу китобда берилган амалий машғулотларга ёзма жавобларимни ёзиб бориш учун алоҳида кундалик тутаман. Бу ҳеч нарсани кўздан қочирмасликка ва муваффакиятларимни таъминлашга ёрдам беради.

4. Ўзимга савол бераман: “Ишларимни кейинга сурининг бирор сабаби борми? Ишларни бошлишнинг айни вақти эмасмикан? Балки буларнинг барчаси бор-йўғи баҳонадир?”

ЕТТИНЧИ ҚОНУН

ХИС-ТУЙГУЛАРИНГИЗНИ ТҮФРИ ТАРБИЯЛАНГ ВА АСРАНГ

Үқувчилар ўз ўқитувчиларининг толмас иш қобилиятига эга эканлигини фаҳмладилар. Улар чарчаши ҳис қилмаган ҳолда хотиржам, доимо ўзини тутиб олишга қандай эришиш мүкинлигини устоздан сўрадилар.

Донишманд устоз жавоб берди:

— Мен тик турган вақтимда турман, юраётганимда юраман, югураётганимда югураман.

— Буни қандай тушуниш керак? — сўрашди шогирдлари. — Ахир, биз ҳам айнан шундай ҳаракат қиласиз-ку?! Аммо тезда толиқамиз, кўп ишлашга ярамаймиз, сабаби нима?

— Сиз турган пайтингизда юришни бошлайсиз. Юрганингизда эса югурасиз. Қачонки югурба шласангиз, гўё ўзингизни мақсадга етган ҳисоблайсиз, — дея жавоб берибди. Қиссадан хиссани ўзингиз чиқаришга ҳаракат қилинг.

Сиз-у биз одамларни ўзгартиришга қодир шахслар эмасмиз. Лекин биз шахсан ўзимизни ўзгартира олсак, бошқалар ҳам ўзгариши мумкин. Бу ўзгариш ташки қиёфамиз ёки кийим-бошимиз билан белгиланмайди.

Биз, аввало инсонларга, табиатдаги мавжуд нарсаларга, қонун-тартибларга, ўзаро муносабатлардаги феъл-авторимизга нисбатан дунёкарашимизни ўзгартишимиз лозим. Қарашларимизда ўзгариш бўлмас экан, муаммо ва низолар, кескинликлар, норозилик ва исёнлар ҳарорати пасаймайди.

Биз ҳаётда кўплаб ёкимли ёки нохуш ҳодисавоқеаларга дуч келамиз. Шунга яраша руҳиятимизга таъсирини ҳам сезамиз. Мұҳаббат ва нафрат, ҳавас ва

ҳасад, ҳалол ва ҳаром каби сўзлар дунёда яхшилик ва ёмонлик мавжуд деган огоҳлантиришни эслатиб туради.

Яхшилик оламни гўзал қилиб, шодлик бахш этса, ёмонлик кишилар муносабатини издан чикарувчи кулфат тимсолида акс этади.

Ҳаракатсизлик инсонни тушкунликка солади, руҳий ҳолатдаги мувозанатни издан чикаради.

Сиз ҳар доим муайян бир иш билан машғул бўлсангиз, ташки таъсир ва ҳар хил ўй-фирклар, изтироблардан нажот топасиз. Бу дунёда асло ҳеч ким билан ўчакишиб яшаманг. Хотиржамликни кўзлаган одам узок яшайди. Муроса йўлларини билади.

* * *

Бизнинг давримизга келиб, руҳий ҳаяжонланиш оммавийлашиб бораётган мусибатга айланмоқда. (Шуни алоҳида таъкидлаш лозимки, ўзбек тилида оғир ҳаяжонланиш, руҳий зарба, руҳий ғам-алам, заҳмат каби кўплаб маънодош сўзлар мавжудлигига қарамай, маҳаллий матбуотда, гоҳо радио-телефидениеда ҳам русча стресс сўзини қўллашмоқда. Бу хатогина эмас, ҳатто уят! Таржимон Х.К.) Аслини олганда ҳар бир киши оз таъсирда бўлса ҳам бундай уқубатга дучор бўлмоқда. Руҳий зўриқишига берилаётган баҳо қариб бир хил: саломатлик учун хатарли! Кўпчилик бу ноҳушликдан сақланишга, эҳтиёт бўлишга ҳаракат килишади. Бу борада, яъни ғам-ғуссалардан, маънавий изтироблардан сақланиш борасида беҳисоб маслаҳат, ҳикматлар, китоб-у рисолалар, хуллас, огоҳлантирувчи кўплаб олтин қоидалар мавжуд. Уларнинг кўпини ёддан ҳам биламиз. Шунга қарамай, барибир бу кўргиликка дучор бўлаверамиз. Биз ҳам бу аламдийдаликтин уч турга бўламиз:

1. Ҳаяжон – бизни касалликка мубтало қилиши мумкин.

2. Бу оғир туйғу ноқулай иш шароити туфайли пайдо бўлади.

3. Бу нохуш туйғулардан сақланиш лозим.

Юқоридаги уччала фикр ҳам мутлоко нотұғри десак, ҳайрон бүлманг. Биз үз даъвоимизни сизга жонли мисоллар билан түшунтириб беришга ҳаракат қиласымыз.

Нохуш туйғу саломатлық учун зарур

Биз таҳлил қилишни рухий зұрикиш касаллик келтириб чиқаради, деган фикрдан бошлайлик. Аслини олганда бу нохуш туйғу саломатлық учун жуда зарурлыгини унугиб құямыз. Эътибор беринг: бизнинг ички органларимиздаги ҳужайраларда мутаносиблик издан чиқа бошласа нохушлик пайдо бүлади. Ва у янгидан мувозанатни тиклайди. Ҳамма аъзоларимизга тикланувчи таъсир үтказади.

Туйғуларимизни жиловлай олсак, рухий түшкүнликлар құрқинчли әмас

Кейинги – нокулай иш шароити туфайли оғир ҳаяжонга гирифтор бўлиш мумкин, деган фикрга ҳам унча қўшилиб бўлмайди. Масалан, Махатма Ганди етмиш ёшида ҳам энг оғир шароитларда ва кунига ўн олти соатдан ишлаган бўлишига қарамай, ҳорғинликка тушмаган. Бу чиниқищ, сабр-бардошнинг тобланганлиги, дунёқарашибдаги баркамоллик самараси хисобланади.

Черковнинг икки роҳиби бир гўзал аёлнинг тезоқар анхордан кечиб үтолмаётганини қўришди. Роҳиблардан бири вазиятни англаб, аёлни чақирди-да, елкасига үтказиб, нариги қирғоққа үтказиб қўйди. Иккovi йўлда давом этишаркан, иккинчи роҳиб шеригига таъна қилди: “Бизга аёлларга яқинлашмаслик, тегмаслик буюрилган. Сен эса аёлни елкангга олиб қўтаришга журъат этдинг”. Шериги жавоб берди: “Мен аёлни елкамга қўтариб нариги қирғоққа үтказиб қўйганимга бир соат бўлди. Афтидан сен уни ҳозиргача қўтариб келяпсан, шекилли”.

Күпчилик ўз фикр-мулоҳазаларини етарли даражада назорат қилишни билишмайди. Улар бир масалани ҳал қилаётib, унга кечаги масалани ҳам қўшиб юборишади. Окибатда, бирорта ҳам масала қўнгилдагидек охирига етказилмайди. Ёки чала-чулпа, тушунарсиз бир алфозда бажарилади. Гоҳо кўриниб турган аник ечимлар йўқолиб кетади. Натижада унутилади. Уларнинг фикрлаш тарзи қўшалоқ ҳолда бир-бирига туташиб кетаётган ёнғинга ўхшайди. Зеро, хис-ҳаяжонни жиловлаб олиш учун аввал ўй-фикрларимиз назоратда бўлиши лозим. Очикроқ айтсан, нима деяётганимизни, қилаётганимизни, вазифани аник билиб фарқлаб олишимиз лозим бўлади.

Сизнинг барча дикқат-эътиборингиз айни дамда бажараётган ишингизда бўлиши шарт.

Елка ва жағингизга эътибор беринг

Учинчи сабаб ҳам асосли эмас. Сабаби, нохуш туйғудан ўзингизни сақланг, деган билан уни амалга ошириб бўлмайди. Очиги, бунинг ҳеч иложи йўқ. Ундан кочиб-қутулиб бўлмайди. Ҳар қандай харакат акс таъсирга эга. Ҳатто, ундан баттарига йўлиқиши мумкин.

Яна такрорлаймиз: нохуш таъсиротларсиз ҳаёт бўлиши мумкин эмас. Яхшиси, бу туйғу билан “келишиш”, “енгиллатиш” сари қадам ташлаш керак бўлади. Унинг икки белгиси бор: биринчиси, елкаси тик кўтарилиган кишидир. Унинг кўзига ва елкасига қарааш етарли. Асабий ҳолда таранг турибди. Иккинчиси эса жағларини бир-бирига зич қадаб, тишларини қирсиллатиб турган кишидир. Бундай ҳолатда тезлик билан бажараётган ишингизни тўхтатинг. Оёқ-қўл, бошни бўш кўйиб, икки ёнингизга машқ қилган ҳолда каранг. Кафтларни эркин ёзиб юборинг. Аста бўшаша бошлаган сайин танглик барҳам топаётганини ҳис этасиз, бундай машклар учун беш дақика кифоя. Бу туйғуларни “енгиллатиш” учун

ўзингизни асло спиртли ичимлик, наркотик модда ва тамакига урманг.

Ноҳуи туйғуни назорат қилишнинг йигирма тўрт қоидаси

Саломатлик ва куч-кувватни эҳтиёт қилишда руҳий тушкунликни назорат қила билиш мухимдир.

Қўйидаги қоидалар хотиржамлигингизни сақлаш ва ишлаш қобилиятингизни ривожлантиришда ёрдам беради:

1. Айни вақтда, яъни хозир сиз нима билан бандсиз? Овқатланаяпсизми, ўқияпсизми? Билиб қўйинг: агар овқатланаётган бўлсангиз, асло ўқиманг. Ёки аксинча, ўқиётиб бошқа машғулот билан шуғулланманг. Тушунган бўлсангиз, бир вақтнинг ўзида 2-3 ишни бажаришга ҳаракат қилманг. Сиз цирк масҳарабози эмассиз. Ҳаётдан тўлақонли лаззат, хуш кайфият олиш учун ҳам ўй-фикрларимиз бир йўналишга жалб этилган бўлиши керак. Каёққа шошиляпсиз? Сиз тезлаштири-масангиз ҳам, шошилмасангиз ҳам борадиган томонингизга бир куни етиб борасиз... Жисмоний куч, ҳаракат талаб қиласиган ҳар қандай ишнинг энг муҳими, яъни бирини бажаринг, сўнг навбатдагисини қўлга олинг.

2. Ишдаги шошқалоқлик ҳеч қачон яхши самара бермайди. Сиз ишда ўзига хос маром (темпер) яратинг.

3. Ҳаётда сиз учун энг муҳим бўлган вактни ўтказиб юборманг. Бунинг учун кун ва ҳафталикдаги юмушиларингизни режалаштириб олинг.

4. Ўзингизга оғир юмушларни қалаштириб ташламанг. Зиммасига залвори масъулиятли вазифаларни олволиб, иш бошлашда унумсизлик пайдо бўлади. Катта куч талаб қиласиган ишларни анча олдин режалаш, унга керакли бўлган восита-анжомларни тўплаб, йиғиб бориш – хозирлик кўриш лозим.

5. Сиз ишга киришар экансиз, үзгаларнинг ҳар хил гап-сўзига чалғиманг. Ҳатто энг якин, ёқимтой киши ҳам сизда бўлмағур туйғуларни уйғотиши мумкин. “Илтимос, безовта қилманг” деган ёзув тахтаси фақат меҳмонхоналар эшигига осиб қўйиш учун эмас.

6. Сиз бирор ишни режалаштирас экансиз, ҳар эҳтимолга қарши уни бажариш муддатига эришиш учун кўшимча вақт ажратиб қўйганингиз маъқул. Шошилиш ҳам бемаъни туйғуларга рўбарў қилади.

7. Ҳар қандай ишга бирданига киришиб, ҳаммасини бажариб ташлаш имкони бор, деб ҳисобламанг. Бу сизни кибр-ҳавога, манманликка олиб бориши мумкин. Манманликка салгина берилган киши атрофидагиларни месимай қўяётганини ўзи билмай қолади. Бундай кишилар хаётда сўзсиз қоқиладилар.

8. Сиз ўз кучингиз, меҳнатингиз билан бирор ютуққа, муваффакиятга эришсангиз, ўз-ўзидан кувониб кетасиз. Бунга ҳаққингиз бор. Хурсанд бўлишга арзиди. Бундай пайтда озгина танаффус килиб олинса ҳам бўлади. Сиз қалби очиқлик билан баҳтли онларингизни кадрланг.

Барча хуш туйғуларингизни бор бўйича бўшатиб юборинг.

9. Сиз ҳамиша муваффакиятга эришаман деб соддадиллик қилманг. Унутманг, ёз ортидан қиши келади.

10. Ўзингизга ҳаддан ташқари жиддий тус беришга уринманг. Сизнинг ҳолатингизни на ютуқ, на мағлубият, на мақтов ва на камситиш үзгартира олмаса, демак, анча босик ва хотиржам киши экансиз.

11. Келажак ҳакидаги ўй-ташвишлар сизда нохуш туйғулар уйғотиши мумкин. Сиз ўз билим ва куч-куватингизни ҳозирги кун учун ишлатинг.

12. Ҳар бир ишингизда қатъий тартиб ўрнатинг. Иш столингизда бугун сиз бажаришингиз керак бўлган юмушларингизга таалукли нарсаларнинг мавжудлиги ишингизнинг унумини таъминлайди. Янги иш бошлашдан аввал эса ортиқча нарсаларни, яъни ишга

халақит бериши мумкин бўлган майда-чуйдаларни йиғиштириб ташланг.

13. Нима иш қилаётган бўлсангиз ҳам ундан завқ ола билишни ўрганинг. Бажараётган ишингиз ўзингизга ёққани сари иш унумли ва сифатли бўлиб боради. Чарчамайсиз. Ишни бажариб бўлганингиздан кейин ҳам сизни завқ-шавқ қуршаб туради.

14. Танаффус вақтида бажараётган ишингизнинг навбатдаги қилиниши лозим бўлган томонларини пухта ўйлаб олинг. Агар иш зарурлигини, дам олишга имконият йўклигини билсангиз, чиндан ҳам ишингиз муҳим экан. У вақтида бажарилмаса, кейинги иш жараёнларига таъсир этиши мумкин.

15. Ўз нуқсонларингизни кўздан қочирманг. Инсон ўзини ҳар томонлама назорат қила билиши катта аҳамият касб этади.

16. Агар сизни катта ҳажмдаги иш кутаётган бўлса, ҳамма зарур жиҳатларини ҳисобга олиб, рўйхат тузинг. Шунда қилинадиган ишнинг бўй-басти хомаки ҳолатда кўз олдингизда акс этади. Гарчанд аввал иш жиддийроқ зътибор талаб этаётгандек туюлган бўлса ҳам рўйхатга олганингиздан сўнг иш унча мураккаб эмаслигини тушуниб етасиз. Энди уларни режа асосида ўрни, аҳамиятига қараб бажара бошлайсиз.

17. Сиз ўз ишингиз лойиҳасини соҳа кишилари билан муҳокама қилинг. Балки кимдир бу ишнинг маълум қисмини бажаришга ҳоҳиш билдира... Ишнинг моҳиятини англаш ва масъулиятини хис этишга ўрганинг. Ҳамма ишни ўзингиз бажаришга киришманг. Хато қиласа ҳам бошқаларнинг эркин ҳаракат килишига имконият яратиб беринг.

18. Ҳар кунги одатингиз бўйича шуғулланадиган машғулотларингизни тарқ этиб юборманг. Бу сизнинг шахсий интизомингиз ва ички осойишталигингиз маромини саклаш учун керак бўлади.

19. Вакти-вакти билан ўзингизни тентакона киликлар билан “сийлаб” туриング. Вактичоғлик қилинг. Буларнинг хаммаси тана ва руҳиятингиздаги губорларнинг, чарчок ва арз-гиналарнинг чиқиб кетишига, енгиллик бағишлишига сабаб бўлади. Табассум қилишни, самимий кулишни билган кишилар тинчлик, осойишталикни саклашга кодирдир.

20. Бошқариш фикр-ёдингизни чалғитиб ташласа, хаёлга келмаган аллақаётдаги ишлар билан машғул бўлинг. Озгина вакт, депсиниш холати ўтиб кетсин. Ҳар доим ҳам мухим ишларга шўнғиб кетиш шарт эмас. Ўзингизни қийнаб юборманг. Бироз “енгилтак”лик қилиш руҳий кенглик бағишлийди.

21. Кўпчилик даврасида ўзингизни кўз-кўз килиб, маҳмадоналика зўр берманг. Сиздан ақли, тажрибали кишилар, турли мутахассислар иштирок этаётган йиғинларда иложи борича ўзингизни кўлга олинг. Пишиб-етилмаган, хом-хатала фикрларни ўзгаларга зўрлаб тикиштиришга ҳаракат қилманг. Бундай жойларда ён телефонни ўчирмай ўтириш бальзилар наздида қаҳрамонликдай туюлса ҳам Сиз ундей кила кўрманг.

22. Ўзингизни ҳар хил кўнгилли машғулотлар билан банд килиб туринг. Атрофдагилар билан самимий мулоқот олиб боринг. Янгиликларни кузатиб боринг, мулоҳазаларингизни кўпчилик нуктаи назаридан устун кўймай, таклифингизни “Сиз нима дейсиз, балки мен янглишаёт-гандирман” қабилида ўртага ташланг. Жамоатчиликка хурматингизни билдиринг. Ўз соғлифингизга доимоғамхўрлик қилинг. Асабингизга ноxуш таъсир этадиган нарса, ҳодиса, давралардан нари юрсангиз кифоя, осойишталигингиз ўз кўлингизда бўлади.

23. Ҳар замонда ўзингиз учун “Ялқовлик” куни белгиланг. Ҳамма ишларни йиғиширинг. Эслай оласизми: энг охирги марта қачон ҳеч бир ишга қўл урмай тўшакда кун бўйи ағанаб ётгансиз?! Бу ҳам бутун

танангизни ва рухий оламингизни босиб ётган бўлмағур “юқ”лардан халос бўлишингизга кўмаклашади, келгусидаги ишлар муваффақиятини, унумини таъминлашда омил бўлиб хизмат қиласди.

24. Ҳамма қоидаларни бира тўла бажаришга харакат қилманг. Аста-аста, вақти-вақти билан, ўрни келганда амалга оширасиз. Агар аксинча харакат қиладиган бўлсангиз, ҳаммаси алов-далғов бўлиб кетади. Бошингиз сегриб, биз нимадан хавфсираб сакланишга харакат қилаётган бўлсак – айнан ўшанга дучор бўламиз. Барча харакатларимиз зое кетади.

Хотиржамлик ва ўз даражамизни сақлаб туриш – бизнинг макбул ҳолатимизни билдиради. Баъзан эса руҳиятимиз минг хил ўй-фикрлар билан бизни чалғитиб туриши ҳам бор гап. Биз уни бошқаришимиз керак, аммо унга ҳеч кандай фармон беролмаймиз. Ўй-фикрни жиловлаш бўйича ҳали бирор механизм ёки қоида ишлаб чиқарилмаган. Факат бунда амалиётни узокроқдан, бошқача йўл билан амалга ошириш лозим бўлади. Бундай йўллар қадимдан мавжуд. Синовдан ўтган усуулар жуда кўп. Чунончи, ибодат килиш, тибетчалиндча медитация, йоглар машғулоти ва кишига хотиржамлик баҳш этувчи воситалар ана шулар жумласидандир. Табиатни, сокин тоғ ёнбағирларини сайр этиш, балиқ овлаш каби кўнгилхушликлар инсонни бардам ва тетик қиласди. Дилни равшан этади.

Бизнинг кунларимизда кўлчиликни олий-илоҳий неъмат – муҳофаза билан таъмин этилганимизга ишонтириш кийин. Аммо барибир юкоридаги тадбир-амаллар ҳамма-ҳаммага бир хил таъсир килиши, кўмаклашуви сир эмас. Сиз кайси миллат ёки дин, мазҳаб вакили эканлигингизни аҳамияти йўк. Дунёқарашларингиз ҳам кизиқтирмайди.

Ихлос ва эътиқод билан ишга киришсангиз бас, илоҳий имтиёзларга эга бўласиз. Ҳар кунлик ҳаётимизда бундай ибодатлар бизнинг руҳиятимизни енгиллаш-

тиради ва унинг ўрнини ҳеч нарса билан алмаштириб бўлмайди.

Амалий машғулотлар

1. Агар телефон жиринглаб қолса, мен буни ўзим учун шартли огохлантириш каби қабул қиласман. Елкамни бўш кўйиб пастки жагимни аста тушираман. Агар тангликни ҳис қиласам, чукур нафас оламан-да, бир неча маротаба чиқараман ва елкамни тушираман.

2. Мен сухбатдошларимнинг фикрини бўлмасдан барча сўзларига қулоқ солиб тинглайман. Улар нимани гапиряпти, нега гапиряпти, қандай сўзлаяпти – ҳаммасига эътибор бераман.

3. Мен 24 та маслаҳат-қоидалардан ўзимга ёққанини танлаб, алоҳида қоғозга катта ҳарфлар билан ёзаман. Уни хонамга – кўзга ташланадиган жойга ёпиштириб кўяман.

4. Мен ҳар гал ўзим учун қулай ва тинч бўлган жойда оқшом чоги, хотиржам 20-30 дақиқа ҳеч нарса билан машғул бўлмаган ҳолда ўтираман.

САККИЗИНЧИ ҚОНУН ҚИЙИНЧИЛИКЛАРНИ ЕҢГИШНИ ҮРГАНИНГ

Англия университетларидан бири Уинстон Черчиллни талабалар олдида нутқ сўзлашга таклиф қилишган эди. Үшандаги Черчилль тўқсон уч ёшда эди. Унинг овозини эшитиш, юртдош ва замондош билан учрашиш учун мамлакатнинг бир қанча олис жойларидан кўпчилик етиб келганди.

Черчилль аудиторияга кирган пайтдаёқ минглаб кишилар йигилиб бўлган эди. Университет декани машҳур давлат арбоби, ҳозир эса оддий инглиз фукароси бўлиб яшаётган Чирчиллни йигилганларга таништирди ва ўзининг узоқ умри давомида босиб ўтган ҳаёт йўли ҳакида сўзлаб беришини эълон килди. Аудиторияда йигилганларнинг гулдурос қарсаклари остида Черчилль минбарга чиқиб, шундай деди:

— Ҳеч қачон, ҳеч қачон, ҳеч қачон таслим бўлманг!

Черчиллнинг ҳаёти

...Нутқ тамом бўлганлигини англаш учун одамларга бир мунча вақт керак бўлди. Жуда кўпчиликка бу ёқмади: ахир, бу қанақаси?! Неча чақиримлаб масофадан унинг нуткини эшитамиз, деб келишсаю тўрт оғиз сўздан бошка ҳеч нарса демаса-я?! Агар биз Черчиллнинг автобиографияси билан танишар эканмиз, ҳамма нарса равшан бўлишига имонимиз комил. Яъни у нега жуда кисқа гапирганини билиб оламиз.

Унинг ёлғиз мақсади тингловчилар онгига энг зарур фикрни етказиш бўлган: у айтмоқчики, ким курашни тўхтатса, сўссиз мағлубиятга учрайди. Енгилиб, ўйиндан чиқади. Биз ҳаммамиз хотога йўл қўйишимиз мумкин. Бунинг вахимаси, қўрқинчли жойи йўқ. Ҳар биримиз

турли муамоларга дуч келишимиз ҳам аник, лекин хавотирга ўрин йўқ, унча-мунча масалаларни ақл-идрок, маслаҳат ва тажрибаларга таяниб ечиш, ҳал қилиш мумкин. Агар қийинчиликлар олдида иккиланиш пайдо бўлса, ҳаммаси орқага кетиши мукаррап. *Кимдир мақсади сари интилишини тұхтатса, у энди келажак орзу-умидларидан ҳам воз кечиши мумкин.* Максадсиз яшаш эса чинакам хаёт саналмайди.

Бир вактлар Черчилль нокулай, қалтис сиёсат оралиғига тушиб қолганди. У жуда қаттиқ синовларга бардош бера олган улкан инсондир. Уни мамлакат бош министри этиб тайинлашганица Иккинчи жаҳон уруши бошланиб кетади. “Шундай бир оғир пайтда бу мансабга ўтиришингиз түғри бўлдими”, деб сўрашади ундан. Черчилль жавоб беради: “Мен буни жуда яхши биламан. Шунинг учун ҳам бу лавозимга умр бўйи интилиб келдим”. Кейин эса... Лондон узра немис авиацияси уча бошлайди. Тинчгина яшаётган аҳоли ҳалок бўлади. Англия яксон қилингандай эди. Ҳар куни кечаси Англия бомбардимон қилинарди. Вайрон бўлган қадим бинолар, бехисоб инсонлар ҳалокати давлат раҳбарларини эсанкиратиб қўйганди. Шунда улар ноилож шаҳар ва ҳалкни омон сақлаб қолиш мақсадида Уинстон Черчиллга немисларга таслим бўлишни таклиф этишади.

Навбатдаги оқшомлардан бирида Лондон яна мисли кўрилмаган даражада бомбардимон қилинган. Черчилль эндиликда катъий қарорга келиши лозим эди. Унинг яқин маслаҳатчи ва ҳамкорлари таслим бўлишни катъий талаб қила бошлаганлар. Ҳаттоқи уни кўр-кўrona тарзда ҳалкни ҳалок этишда айблай бошлашган. Яқин ҳамкорлари ҳам ватандошлар ўлимида уни айбор, деб эълон қилишганди.

Черчилль эса таслим бўлиш икки ҳисса, балки ортиқроқ ҳалок бўлиш, тор-мор этилиш эканлигини яхши биларди. У қўлларини мушт қилган ҳолда қоронғу осмон ва бомбардимончиларга қараб: “Мен ҳеч қачон,

ҳеч қачон, ҳеч қачон таслим бўлмайман!”, дея хайқиради.

Қийин сабок

Юқоридаги каби оғир синовлар ҳамманинг ҳам бошидан ўтишини тасаввур қилиш қийин. Лекин бундай вазиятда ўзини тута билиш, ишонч билан қийин ҳолатга қарама-қарши туриш, кучли ирода – энг зарур хислат ва фазилатлардандир. Буларсиз қаршимизда турган залворли муаммоларни ҳал эта олмаймиз. Қолган ҳамма майда-чуйда нуқсонларни тузатиш, тўғрилаш мумкин. Аммо сиз таслим бўлар экансиз, ҳамма нарса ўз-ўзидан барбод этилиши, ўнгланмайдиган оғир мағлубиятга дуч келишингиз ҳеч гап эмас. У ёғини гапирмаса ҳам бўлади. Шунинг учун ҳам ҳар бир инсон ўзида муаммо ва каршиликларни енга олиш “иммунитет”ини, хушёрлик, ирода ва билимдон бўлиш фазилатларини тарбиялаши лозим.

Нега ғолиблар қийинчиликларни ўзига хос дарс-сабок сифатида баҳолайдилар. Нима учун меҳнат қилиш коидаларини ўзлаштириб олишимиз керак? Нега ҳамма курашиб яшаши лозим? Бундай саволларга очик-ойдин, тайёр жавоблар йўқ. Бу ҳаётниң ўзига хос, бизга рўбарў этаётган жумбоғига ўхшайди. Факат бир нарса аён: ҳаёт шундай тузилган. Бизнинг танамиздаги суюкларимиз юклар залворини тўла хис этиши, чиниқиши лозим. Акс ҳолда суюкларимиз худди ойга учган астронавтларники каби мўртлашиб, узок вакт вазнсизлик ҳолатига тушиб қолиши мумкин. Демак, ҳаётда биз учун қийинчиликлар сўзсиз керак. Ҳа, биз оғир-машаққатли ишларни бартараф қилиш, бажариш эвазига энг кучли, бардошли, матонатли инсонларга айланиб борамиз.

Бир куни болакай ўз пилласи (тухум)ни тешиб, ташқарига чиқишига интилаётган капалакни куриб қолди. Унинг қийналиб ҳаракатланаётгани болакайнинг

раҳмини келтириди. У пилла-тухумни кенгайтириб, капалакчани тезрок чиқариб юбормоқчи бўлди. Ногоҳ, отаси қўлидан ушлаб қолди. Чунки боланинг соддаларча “кўмаги” капалакни ҳалок килиши муқаррар эди. Мўъжаз бу жонивор қийналса-да, пиллани ўзи ёриб чиқади. Шу аснода ўзи, қанотлари тобланади. У харакатларини жадаллаштирмаса, янада ожиз маҳлук ҳолатида қолади ва учиш имкониятидан маҳрум бўлади.

Янги авлод болалари

Дунёдаги кўпгина давлатлар бир вақтлар иқтисодий қийинчиликларни бошдан кечириб турган бир пайтда Икинчи жаҳон уруши бошланган. Оғирчилик, иқтисодий танглик ўн баробарга ортган. Аммо инсоният, ўша даврдаги ота-боболаримиз ҳаммасига чидашган. Имконияти йўқ ҳисобланган ишларни ҳам сабот билан ўрнига қўйиб қўйишган. Уларнинг матонати ва мислсиз меҳнатлари эвазига буғунги озод ва фаровон кунларга етиб келдик. Эндиликда у фидойи инсонлар қариб, кучдан қолиб, муггасил равишда раҳбарлик ўринларини, иш жойларини, фирмаларини ўғил-қизларига бўшатиб бермоқдалар. Улар доимо фарзандлари оғирлик, қийинчилик кўрмаслиги учун ғамхўрлик қилиб келдилар. Ўзларидан кўра болаларини кўп ўйлашди. Энди эса... буғун иш тепасига келган бу авлод вакиллари ўзларини гўё азалдан шундай баҳтиёр ва бекаму-кўст яшагандай ҳис қилмоқдалар. Қийинчилик ва муаммолардан ўзларини олиб қочадилар. Кўпчилиги эса уларга ишониб топширилган вазифаларнинг уддасидан чиқишида ожизлик, тажрибасизлик килишмоқда.

АҚШ тараккиётидаги буюк ислоҳотчи Авраам Линкольн шундай деган экан: “Биз инсонлар ўзи бажариши лозим бўлган ишларни уларнинг ўрнига килишимиз керак эмас. Бу хеч қандай ёрдам ҳисобланмайди. Аксинча, уларни оғирчиликдан, масъулиятдан

халос қилиб, текинхүрга айлантириб күймиз. Үзи бажарсин, ўргансин, билсин”.

Қийинчиликларнинг янги поғонаси

Ҳаёт бамисоли нарвонга үхшайди. Унинг бир поғонасидан иккинчи поғонасига кўтарилиш ҳамиша ҳам осон кечавермайди. Борди-ю кўтарилигантакдиримизда ҳам навбатдаги поғонанинг ўзига хос машакқатлари бўй кўрсатади. Бир вақт карасанг, кутилмагандага кўтариласан. Аммо у ерда янада янги ва мураккаб вазифалар, муаммолар бизни қарши олади. Уларда ҳам ўзига яраша яширин маъно ва жумбоқ бор. Бизга галдаги даражага интилишимиз учун куч-кувват бағишлайди. Ҳар поғонанинг талаб ва муаммоларини енгмай туриб янгисига кўтарилоғомайсиз. Бошқа йўл йўқ. Үзи шундай бўлади. Ҳа, навбатдаги поғонага кўтарилиш учун янги кучга эга бўлишимиз лозим.

Шуни ёдингизда тутингки, ҳеч ким омадсизликдан қочиб қутулолмайди. Улар ҳаётда ҳам, ишда ҳам рўй бериши мумкин. Сиз-у биз одамларни ва табиат қонунларини ўзгартиришга асло қодир эмасмиз. Шундай вазиятлар рўй берадики, улар сиз-у бизнинг назоратимизга асло бўйсунишмайди. Кимда ким бу ҳолатларга барҳам бера оламан, деб бел боғласа – бели чиқиб кетадигина эмас, синиб ҳам кетиши мумкин. Сизнинг ихтиёрингизда фақат ўзингизни ўзгартириб, қўлингиздан нималар келишини намойиш этиш қолади.

Яна бир гап: сизнинг энг яхши ғоя ва мақсадларингиз, маҳсулот ёки шартларингиз ҳамиша ҳам амалга ошавермайди. Гоҳо мағлубият ёки нокулайлик пайдо бўлиши табиий ҳол. Сизнинг ғояларингизни гоҳо баъзи кишилар остин-устун қилиб ташлаши ҳам мумкин. Демоқчимизки, қийинчиликлар ҳар доим бўлиб туради. Осон ишнинг ўзи йўқ. Обру мөхнат билан топилади. Ҳар қандай раддия ва қаршиликлар дуч келганда ўзингизни

оклаш учун баҳона-рӯкач изламанг. Қўлингизни ундан тортманг. Билсангиз – бу ҳам ўзига хос ўқиш ва ўсишга хизмат қиласди.

Қийинчиликлар сизни қўрқитмасин, бу нарвоннинг янги, навбатдаги поғоналарига кўтарилишда, сўзсиз кор келади. Қай бирини танлаш ўз ихтиёргизда.

Осон йўл борми?

Сиз қанчалик олға интилган, ютукларга эришганингиз сари, каршингизда шунча янги масала ва ноқулайликлар пайдо бўлади. Уларни оқилона тарзда ҳал этиш жуда ҳам зарур. Бундай ҳолатларда кўпчилик “шунга ҳам бошимни қотириб ўтирайми”, қабилида ўзларига ҳеч қандай масъулият талаб этмайдиган бошқа иш билан машғул бўлишни мақбул, деб биладилар. Афсуски, бундай йўл тутишларининг оқибати войдир. Улар ҳар қандай машаққат галдаги муваффақиятнинг узвий қисми эканлигини идрок этолмайдилар.

Баъзилар эса ўзлари етиб борган поғонада қолиб кетиши билан кифояланадилар. Ўзлари эришган даражага қандай меҳнат билан етиб келганларини билган ҳолда янги поғоналарнинг ҳам ўзига хос қийинчиликларини хис килиб, яна кўтарилишга юраклари дов бермайди. Тўхтайдилар. Афсуски, ўзлари тўхтаб қолган поғонада туғилиши мумкин бўлган янги эҳтиёж ва заруриятларни тўла ҳисобга олмайдилар. Даражалар бундай ҳолатда пастлаб кетиши мукаррар. Янги муаммоларни пайқаган аснода кеч бўлиши мумкин. Унда энди муваффакият эмас, қийинчиликлар ўсиб боради. Биз бундан етарли сабок олмас эканмиз, ҳамма қўлга киритган имконият ва натижаларимизни бой берамиз. Бинобарин, фаолияти-мизда ишонч ва қатъият бош мезон бўлиб қолиши лозим. Умрни, вактни бекорга совургандан кўра, оғир бўлса-да, фойдали иш билан банд бўлиш лозим.

Даражалар имконияти

Хар бир поғонада янги ва масъулиятли вазифалар пайдо бўлишини ғолиблар жуда яхши билишади. Улар поғоналарда дуч келган муаммоларининг мураккабликларини ўзлари учун навбатдаги бир синов, ўсиш имконияти, дея ҳисоблайдилар. Бизнингча, Черчилль: “таслим бўлманг”, дегандан сўнг бекорга “ҳеч қачон, ҳеч қачон, ҳеч қачон”, дея хитоб қилмаган. У ҳар бир даражада бир-бирига ўхшамаган турли мураккаб масалалар кўндаланг бўлишини доим билган.

Бизнингча, инсон ҳаётий фаолиятида куйидаги муаммоларга дуч келиши мумкин.

Биринчи даража. Сизда ажойиб ғоя бор, лекин уни амалга ошира олишингизга ҳеч ким ишонмайди. Кариндош-уруг, дўстларингиз ҳам: “Ақлингни ишлатсанг-чи, шу ҳам иш бўлдими?” дея сизга танбеҳ бериб, йўлингиздан қайтаришади. Сиз ўз мақсадингиз йўлида курашмоғингиз керак. Ўзингизга тўла ишонмас экансиз, орзулар оддий ҳаёл бўлиб қолаверади.

Иккинчи даража. Сиз ўз ишингизни бошламокчиз, аммо бунинг учун сўzsиз, масала катта маблағга бориб тақалади. Банк эса сизга тўғридан-тўғри кредит бермайди. Сабаби, ҳали сиз бирор ишни қотириб бажариб, ўрнига қўйган эмассиз. Ишонч кам. Булардан қатъий назар, барибир пул керак. Ўз мақсадингизга эришиш учун курашиш зарур.

Учинчи даража. Фирмангизда ишнинг кетиши ёмонмас. Лекин ўзгалар томонидан эътироф этилмаётгани қандайдир сизнинг ғашингизни келтиряпти. Ҳар хил гаплар қулогингизга етиб келяпти. Сиз ҳақингизда ким нима деяётган бўлса ҳам ишингизга таъсири ва заррача фойда-зиёни йўқлигини тушунинг. Парво қилманг.

Тўртинчи даража. Сиз вақтинчалик қийинчиликларга ўралишиб қолишингиз мумкин. Ҳамкорлар билан чиқишолмаяпсиз. Уларни тўғри йўлга солиш учун нима

килиш кераклигини билиб олишга Сизда вақт етишмаяпты. Сиз ходимларни ўз тарафингизга оғдиришга харакат қилинг. Улар сизни түшүнсүн. Имкон беринг. Сиз ўшалар билан кучли эканлигингизни асло унутманг.

Бешинчи даражада. Сиз ўз маҳсулотингиз ёки хизмат кўрсатишиңгиз учун улгуржи мижозларни топдингиз. Ҳаракат бажарилди. Аммо банкдаги ҳисоб ракамингизга улар пулни ўтказиб беришмаяпти. Қарз миқдори кўтариляпти. Бу ҳолда сиз ҳар қандай кутилмаган кўргиликларга тайёр туринг. Кўлингиздан келса, захира режаларингизни қўшимча равишда ҳозирлаб қўйинг.

Олтинчи даражада. Сиз ютуқдан ютуққа эришиб, олға кетяпсиз, бироқ саломатлигингизнинг мазаси йўқ, қийналяпсиз. Сиз шуни яхши билиб олингки, ҳаёт факат ишда ғалаба қозонишдангина иборат эмас. Атрофингизга ҳам бир қаранг. Ўзингизга, оиласигизга, дўстларга ғамхўрлик килишни унутиб қўйманг. Шундок ҳам умр кисқа, абадий эмас.

Еттинчи даражада. Сизга зудлик билан малакали ходимлар керак бўлиб қолди, сиз эса уларни тополмаяпсиз. Бундай вақтда ўз талабларингизни бир оз юмшатинг ва мулоҳаза қилинг: сизга айнан ким керак? Юқори малакали бажарувчилар керакми ё ҳамкорларми?! – билиб олиш имкониятига эга бўласиз.

Саккизинчи даражада. Сиз кўпдан бири яхши натижаларга эришиб келаётган эдингиз. Эндиликда ишлар сал орқага кетаётгандек туюляпти. Сиз бир нарсани яхши билиб олинг: ҳеч ким доим муваффақиятга эришавермайди. У абадий эмас. Унутманг: чўккига етиб боргач, оғиш ҳам бўлади. Ҳатто бу жараён ҳавфлироқ кечиши мумкин. Ҳар бир тоғ чўккиси ортида янги водий кўзга ташланади. Водий қаршисида эса яна янги чўккилар бўй кўрсатади.

Тўққизинчи даражада. Сизнингча ҳаётнинг маъноси йўқолиб боряпти. Аввалги суръатларда ишни давом эттириш хоҳиши сусайган. Ҳозирги молиявий қўр зўрга

ички эхтиёжларни қондиришга етапти. Сиз аввало ўз ҳаётингиз, яшаңдан мақсадингизни қайта таҳлил қилиб күринг. Қалбингизга қулоқ солинг. Атрофингиздагиларга ғамхўрлик нуктаи назаридан бокинг.

Бу ҳаётимизда рўй берадиган кўплаб ноҳушликлардан бир парча, холос. Улардан бирини эндингина бартараф этиш билан, иккинчиси пайдо бўлади. Ҳаёт шундай. Ҳар сафар қаршимизда янги вазифалар бош кўтаради. Бундай воқеаларни ҳал этишнинг икки усули бор: сиз ё курашни тўхтатиб таслим бўласиз ёки ҳаммасини енгиб кучли бўласиз.

Юқоридаги санаб ўтилган даражаларга ўз нуктаи назарингиздан қараб, хулоса чиқаринг. Модомики, галдаги кийинчиликка дуч келган экансиз, билингки, сиз учун ўсиш имконияти берилди. Сиз аввалги босқич – даражалардан кўра янада юксакроқ, кенгрок, каттароқ ишларга ҳам қодирсиз. Қайси даражага интилсангиз – ўшанга муносибсиз.

Ўсиш суръати

Ўрганиш ва ўсиш жараёнини жадаллаштиришнинг бир канча услублари мавжуд. Ғолиблар ҳеч қачон қийинчиликлар пайдо бўлишини кутиб ўтирмайдилар. Онгли равишда унга қарши қадам ташлайдилар. Улар канчадан-канча муаммолар кутиб турганидан қатъий назар, янги лойиҳаларни ишлаб чиқиш, амалга оширишдан ҷўчимайдилар. Улар ўша муаммо, машақкатлар ортидаги кўзга ташланмас янги вазифа ҳамда имкониятларни ҳам яққол тасаввур қилиш қобилиятига эгадирлар.

Сиз ҳар қандай ишни: “Мен бирор муаммони ҳал этганим заҳоти иккинчисининг ечимини топишга интиламан” деган шиор билан ҳаракат қилишингиз лозим. Ҳар қандай оғир юмуш кишидан катта меҳнат, сабот ва акл-идрок талаб қилишини яхши биласиз. Шунинг учун ҳам ўз билим-маҳоратингизни ошириб боришингиз за-

рур. Шунда сиз ҳар бир қийин ишнинг ўзига яраша енгил томонлари ва енгил деб ўйлаган ишларимизнинг ўзига яраша қийин томонлари ҳам мавжудлигини билиб оламиз. Бу худди ёзишни ўрганишга ўхшайди: дастлабки дарсда гарчанд “А” ҳарфини ёзиш қийин бўлса-да, йиллар ўтиб “электрлаштириш” сўзини ёзиш каби оддий эканлигини билгандек гап.

Бизни олға юришимизга, муваффакият қозониши-мизга халақит берадиган нарса қийинчиликлар эмас, унга тўғри ёндоша билмаганимиздадир. Бизга энг катта каршилик ташқаридан эмас, ичимиздан бўлади.

Голиблар ҳеч қачон, ҳеч қачон, ҳеч қачон таслим бўлмайдилар!

Амалий машғулотлар

Қийинчиликларни бартараф этиш учун қўйидаги-ларга риоя қилиш лозим:

1. Таслим бўлиш, енгилишнинг йўллари жуда кўп. Аммо мен ҳар қандай вазиятда чукур мулоҳаза юритган холда муваффакият учун курашаман.

2. Ўзимга тааллукли ишларни ўзим ҳал қилишга киришаман. Бир қарашда машақкатли түюлган нарсалар моҳиятига этишга, нарвон нимадан, қандай ясалганига эътибор бераман.

3. Жиддий холатларда билимдон ва ғолиблар маслаҳа-тига амал қилиб, пайдо бўлган муаммони бартараф этаман.

4. Ўзим дуч келган ва бартараф қилган барча қийин-чиликларнинг рўйхатини ёзаман. Улар келажакда мени янада кучли бўлишга ундейди.

5. Бошимдан ўтган барча воеа-ходисалардан олган сабокларимни кундаликка ёзиб бораман. Бу мен йўл кўйган хато-камчиликлар, эришган мавке-даражаларни ўрганиб, янада ҳушёрроқ, журъатлироқ, ишончлироқ харакат қилишга ўргатади.

ТҮҚКИЗИНЧИ ҚОНУН

ҚАЙТАДАН ФИЛДИРАК ЯСАМАНГ

Хаёт асрорларини ўрганиш мақсадида ёш йигит устоз ҳузурига келди. Устоз ундан ўзи ҳакида сўзлаб беришини сўради. Йигитча узоқ вакт ўзининг ютуклари, билимдонлиги ҳакида маҳмадоналик қилиб гапирди. Мақтанди.

Устоз унга биринчи топширикни берганидаёқ эътиroz билдиришни бошлади. У ҳар қандай нарсага нисбатан “Буни мана бундай бажариш керак”, дея билимдонлигини пеш қиласади. Эҳтимол, шогирд ҳам унча-мунча нарсани билар, балки баъзи ютукларга эришгандир. Лекин нима бўлганида ҳам устозининг топширикларига нисбатан бу қадар лоқайдлик қилмаслиги зарур эди. Аксинча, у доим ўз “таклифи”ни тикиштиради. Нихоят, устоз бошқача йўл тутишга мажбур бўлди. У кўзадаги сутни кўтарди-да, шогирдининг қўлига коса тутқазди. Сутни косага куя бошлади. Коса тўлиб, сут тоша бошлади. Ерга тўкилди. Шунда бирданига шогирд қичкира бошлади:

– Бас, устоз! Нима қиляпсиз? Ахир сут сифмай, тошиб ерга оқяпти, тўхтатинг!

– Билим ҳам худди шундай нарса, – деди устоз. – Уни ўзлаштирган, ўрганган сари одамнинг фикрлаш тарзи аста-секин ўсиб боради. Мен сенга оз-оздан ўргатмоқчи эдим. Сен эса уни қабул қила олмаяпсан. Ўз аклинг етмаган нарсани талаб қиляпсан-у, ҳеч балога тушунмаган ҳолда каллангдаги оз билиминг билан вақиллаб, вақтни оляпсан, холос. Сен ана шу тўлган косанинг ўзисан, унга энди ҳеч нарса сифмайди. Ким унга сифдирман, деб уринса, ерга тўкилади. Бошқача айтганда, ҳамма қилинган меҳнат зое кетади.

– Наҳотки менинг билганларим, тажрибаларим ҳеч нарсага арзимаса, – ғудранди у.

— Сен нимани билсанг, ўшандан ортигини асло тасаввур қила олмайсан. Шу ҳолингда фикр юритадиган бўлсанг, ҳеч нарсага эришолмайсан. Яхиси, ортингга қайт, қачон миянгни “тозалаб”, бўшатиб келсанг, сени ўқитиш мумкин, — деди.

* * *

Сизнинг соҳангиз бўйича ишлаб, унча-мунча муваффакият қозонган кишиларни кўп учратган бўлишингиз керак. Улар билан танишиб, бирор маслаҳат сўрашга тўғри келганми сизга? Бунақаси учраб туради. Аммо соҳалар бошка-бошқа бўлган ҳолда бирининг иккинчи сига акл ўргатишига рўбарў келганмисиз? Масалан, бинокор дехқонга ёки сартарош денгизчига акл ўргатганини учратганимисиз? Ҳаётда шунақаси ҳам бўлади. Ўзини билимдон ҳисоблаб, сухбатдошининг қулок-миясини “доно”лик билан ачитиб, қоқиб қўлига берувчи бефаросат кишилар ҳам йўқ эмас. Улар ўзларининг ақлли эканликларига шу қадар ишониб кетиб, уни зўрга ҳурмат қилиб жим турганларни нодон деб ўйлашса, ажаб эмас. Шундайлардан қочинг.

Ўзгалар тажрибасидан ўрганинг

Ишга ҳамиша ижодий ёндашиш энг яхши фазилат. Ўзгалар тажрибасидан ўрганиш ҳам ёмон эмас. Аммо бу доим қўллайдиган усулга, яъни ижодий ўрганиш ижодий ўзлаштиришга, ўғриликка айланиб кетмаслиги зарур. Ўзгалар ғояси, лойиҳаси ёки тайёр ёзилган асаридан “қаҳрамонларча” ўзлаштириб, “бунинг ягона муаллифи менман!” дейишдек сурбетликка етиб бормаслик керак. Мард, ҳалол инсон эса яратган кашфиётини нимадан, кимдан илҳомланиб ёзганини очиқ-ошкора эслатиб ўтади, изоҳ беради. Асримизда ғояфурушлик, ғояни ўзлаштириш айб саналмай қолган. Борди-ю сиз бирор соҳада янги иш бошламоқчи бўлсангиз — бошқа гап. Бошловчилар доимо йўл-йўрик, кўмакка эҳтиёж

сезадилар. Шундай вазиятларда ишга тааллуқли құлланмалар, тажриба ва модел (шакл)лардан ўқиб-үрганиб, янги йұналишни белгилаб олиш мақсадга мувофиқдир. Дастлабки пойдеворни қўйишда кўпинча иш шундай бошланади. Афсуски, баъзилар юкорида эслатганимиздек, тавсия қилинган тизимларни ўрганаётіб “зәвқ”ланиб кетган ҳолда тажрибадан аллақачон ўтган ва ясалған курилмага ўзларича ўзгартиришлар, құшимчалар “киритиш”га берилиб кетадилар. Бундай “изланиш” аллақачон кашф этилган фидиракни қайтадан “яратиш”, “ислоҳ қилиш” билан баробар. Гоҳо бундай изланишлар бизни ўзимиз режалаштирган йұналишдан чалғитиб юбориши ҳам мумкин. Ижодий ёндашиб бизни алифбони бошдан ўрганишни бошлашдек ҳолатдан куткаради. Вактимизнинг унумли бўлишини таъминлайди. Қачондир ўзингиз кутган янги бирор қурилмани кашф этишингиз мумкин. Аммо қимматли вақтингизни қайтадан гилдирак ясашга совурманг.

Биз бошланғич даврда беҳуда нарсалар учун куч-қувватимизни, вақтимизни беҳуда ўтказмайлик. Пойдеворни мустахкам ўрнатиш, қуриш асосий ишни бажариш билан teng. Бусиз олиб борилган ҳаракатлар самарааси мувакқат шакл ҳолатида қолиб кетаверади.

Одатларни ўзгартириш

Бошланғич пайтдаги фаолиятни алоҳида баҳолаш нокулай. Кўпчилик эса бу босқичда ишнинг у ёк бу ёғига қараб, ҳолатни ўтказишни маъқул кўради. Бундай ҳаракат кўпинча нотўғри бўлиб чиқади. Вахоланки, бу босқичда кейинги ҳаракатини белгилаш ва нималар кераклигини аниқлашда ҳам бош йұналиш асос бўлиб қолади. “Такрорлаш – ўқишининг онаси”, деган мақол ҳаммамизга ёд бўлиб кетган. Ҳозирги ишимиизда эса бу хикмат бизга кутилган маъно ва қарорларни бера

олмайди. Ўтмиш тажрибаларини вақти-вақти билан такрорлаш мумкин. Аммо ўзимизча такрорлайвериш – бизнинг маҳоратимизни оширмайди. Сиз нимани кўп такрорлайверсангиз – охир-оқибатда, бу одатга айланиб кетади. Ўз фаолиятингизда бундай нокулай одатлардан сакланинг.

Болалик, ўспиринлик ва камолот босқичлари

Инсон камолотга эришгунича бир қанча ривожланиш, ўсиш босқичларидан ўтиши табийй.

Келинг, бу босқичларнинг биринчисини “Болалик” деб атай қолайлик. Болалардай серғайрат, ҳамма нарсага қизиқувчан, кўрган-билганига тақлид килувчи ким бор? Улар сиз-у бизга тинимсиз саволлар ёғдирадилар. Ўзларининг гоҳо ҳайратомуз, оқил, гоҳо нодонларча саволлари билан бизни лол қолдиришади. Бизнинг ҳамма жавобларимизга ишонишади. Улар бирор нарсани билиб ёки ўрганиб олсалар ҳаммага ўз “доно”ликларини намойиш қилишга шошиладилар ва бундан чексиз кувонадилар. Аста-секин уларнинг нуткида, килиқ ва ҳаракатларида рисолага мувофиқ ҳолатни кузатасиз. Демак, болалик ортда коляпти, ўсиш бор. Останада ўспиринлик мағрур ва ўжар ҳолатда турибди. Энди у ҳамма нарсани ўзим биламан, бажара оламан, деб ишонч билан олдинга интиляпти. Мана шу палла ҳамма-ҳаммани ташвишга соладиган давр эканлигини асло унутмаслигимиз керак. Фарзандимнинг ҳамма нарсага акли етадиган бўлиб қолди, деб у билан савол-жавобларни тўхтатсак, машғулотларини кузатмасак, нима кўряпти, нима ўқияпти, нима деяпти, каби жараёнларда иштирок этмасак, катта хато қиласиз. Бола ўзини биздан торгадиган, ҳеч нарса сўрамайдиган, ўз билганидан қолмайдиган, баъзида ўзи эришган ютуқлари билан мактандиган даражага тушиб қолиши аниқ. Биз

кузатиши сўзини – боланинг атрофини қуршаб олиш, қафас ҳолатида фаолият юритиш ва мажбурлаш оҳангида қўллаётганимиз йўк. Демак, бу ишда янгича ёндашув ва ўқитиш талаб қилинади. Ҳаракатимиз ижобий самара бергунча давом этамиз. Бугунгача биз нимага кодир бўлган, эришган бўлсак, ўспиринга ўсиши сари мувофиқ тарзда кўмаклашиб борамиз.

Шундай қилиб, болажонимиз балоғат ёшига ҳам етди. Энди биз ўкиш-ўрганишни янада такомиллаштириб борамиз. Бунда ўсишнинг тайёр кўрсатмалари билан аввалги натижаларимизга эриша олмаймиз. Уларнинг ҳамма саволларига ҳам тўла жавоб беришимиз мушкуллашиб боради, биз қандай ишлашни, қандай қилиб кўп пул топиш ва жамғаришни аъло даражада билсак-да, муаммолар тўхтаб ёки тугаб қолмайди. Ҳар бир кун, вазият ва давр нуқтаи назаридан ўзига хос жумбок-масалаларнинг пайдо бўлиб бориши табиий ҳолдир. Камолот ёшидагилар ўзларига хос ўлчам ва кенгликлар кашф этадилар ҳамда фаолият кўрсатадилар. Баъзан эса унда ўзимиз ҳам иштирок этамиз. Юкорида баъзи белгилари кўрсатиб ўтилган ўсиш босқичлари айнан янги иш бошлаётган, ўз йўналишини излаётган шахслар учун ҳам тааллуқли. Янги бошловчилар янгилишилари, бузишлари, ҳамма нарсани барбод қилишлари, қайтадан иш бошлаш тараддудига тушишлари мумкин. Ана шундай кезларда улар ёнида бўлиб, тўғри ва фойдали йўналишини бир бор бўлса-да кўрсатиб кўйишимиз бурч мақомидадир. Ўзимиз ҳам янги билим ва тажрибаларни тўхтовсиз ўзлаштириб боришимиз зарур.

Мутахассис зарурияти

Ҳаётнинг баъзи тармоқларида бошқалар тажрибалари-ни қўллаш ғилдиракни қайта яратишга ўхшаса ҳам кўпинча наф келтириши мумкин. Шунингдек, баъзи масалаларни ҳал қилиш ўзимизга ҳам аскотиб қолиши

мумкин. Чунки ҳар қандай жиддий масалага дуч келаётган ягона одам эмассиз. Ҳамманинг бошида бор савдо. Шуни алоҳида таъкидлаш лозим: ҳётда ажойиб инсонлар борки, улар ақл-идрок билан ҳар қандай масалага ижобий ва ижодий ёндаша оладилар. Масала ечимини ҳал этадилар. Айрим кишилар эса бу борада мутахассисга, таҳлил килиб, аниқлик киритиб берувчи, тузатувчи ходим кўмагига муҳтож бўладилар. Булардан ташқари, ҳар соҳага оид адабиёт-қўлланмалар ҳам мавжуд.

Ақлингиз етмаган ишга ўзгалар фикр-мулоҳазасини олиш, мутахассис ёллаш билимингиз етарли эмаслигини кўрсатмайди. Аммо баъзилар мутахассис, текширувчи (эксперт) ёллашдан кўра, маблагини тежаш мақсадида, ўзлари муаммога шўнғиб кетадилар. Бу нарса ҳар доим кўнгилдагидек натижа беравермайди. Бир мунча созлашимиз мумкиндири, лекин сал фурсатдан сўнг бу муаммо яна такрорланиши, ҳатто бошқа механизмларга ҳам таъсири курсата бошлиши бор нарса. Шунингдек, билмаган соҳага тузатиш киритиш кўп вақт олишини изоҳламаса ҳам бўлади.

Голиблар ҳеч қачон ғилдиракни қайта ясашга уринмайдилар. Улар барча ишбилармонлар, мутахассислар фикр-мулоҳазаларига, таклифларига холис ва йшонч билан ёндашадилар.

Муаммо маблағ-пул билан ҳал этиладиган бўлса, дарҳол мутахассис ёки эксперт ёллайдилар. Мутахассислар учун кетган пул ҳеч нарса эмас. Муҳими, вақт тежаб қолинди. Ишдаги марорнинг узлуксизлиги таъминланади. Голиблар малакали инсонлар учун сарф килган пулларига асло ачинмайдилар. Негаки, у пуллар эрта-индин кўпроқ микдорда унинг қўлларига қайтиб келишини жуда яхши билишади. Ҳа, улар ўз пулларига вақтни сотиб оладилар. Вақт эса улар фойдасига юра бошлайди.

Ёдингизда бўлсин: йўқотилган пулларни қайта топиш мумкин, аммо бой берилган вақтнинг бирор лаҳзасини хам қайтара олмайсиз.

Тақлид фойдалими?

Кўп холларда бошқаларга тақлидан ҳаракатланиш учча маъқулланмаса-да, аксарият кишилар бундан мустасно эмас. Бошқалардан нусха кўчириш, ўзлаштириш ижодий иш эмас, ўзига хос текинхўрликка яқин туради. Ундан кўра, шахсий имкониятимиз даражасида биз нимага қодир эканлигимизни намойиш этиш юз бора афзалдир.

Биз кўп ҳолларда тақлидчиларга ўз эътиrozларимизни ошкор қиласермаймиз. Аксинча, “У фалончининг ёзганидан ёки ясаганидан ўзлаштириб олибди”, деб қўя қоламиз. Энди нусхакаш “ихтирочи”га келсак, у озмунча меҳнат қилмаганини, роса тер тўкканини уялмай-нетмай жаврайди. Ақлу идрокига тасаннолар кутади. Мағрурланади. Ваҳоланки, ғилдиракнинг пайдо бўлиши юз минг йил аввал роса байрам қилинган. Бугунга келиб яна ғилдирак учун тантана кутиш жуда нокулай! Бундан хеч кимга наф йўқ!

Ҳаммамиизда ҳам Аллоҳ берган ақл-идрок, истеъдод бор. Истеъдод жуда катта изланиш, ўқиш, ўрганиш ва меҳнат эвазига намоён бўлади. Яна тақрорлайман. Сиз нимага интилсангиз, бажарадиган ишингиз, меҳнатингиз курашингиз қай даражада бўлса, ўшанга яраша ютуққа эришасиз. Бошқача ифодаласак, мукофот ва ҳақ меҳнат натижаси билан белгиланади. Сиз ўз кучингиз, ақлингиз етган иш-касб билан шуғулланинг, билим ва малакани доимо ошириб боринг. Ёш болалар ён-атрофидагиларга қараб тақлидан ҳаракат қиласр экан, охир-окибатда улар ўзларининг йўлларини топиб олишлари шубҳасиз. Ўз камолотимизни таъминлаш учун ҳам илфорлар ғоясини, амалга ошираётган лойиҳа ва бошқа ҳаракатларни ибрат

кўзи билан кузатишимиз, ўрганишимиз зарур. Бу ўз хаётингиз асосини ўзгалар кўтарган пойдевор устига ўрнатинг, деганимиз эмас. Бошқалар муваффақияти унинг ақли маҳсули. Сиз ўз ақлингиз маҳсулотини кўрсатинг.

Ким узок-узоқни кўришни хоҳласа, ён-атрофига анча баланд, юқоридан қарашига тӯғри келади. Бу ҳаёт нарвони поғоналаридир. Ҳар бир поғонадан кўтарилиш ўзига хос куч-ғайрат талаб этади.

Маҳоратли кишилар тажрибасини ўрганиш, фойдаланишни истамаслик худди кўролмаслик, ичиқоралик, жаҳолат каби туюлади. Ҳар кандай шахсий маҳорат ўтмиш аждодлар яратган омиллар таъсирида шаклланади.

Унутманг, буюк ва машхур бастакорлар Моцартга қадар ҳам^{*}бор эдилар. Моцарт уларни ўқиди, ўрганди ва санъат оламида ўзининг дунёвий ўрнини ишғол этди. Ҳа, уларни ўрганиш, тинглаш ва албатта, буюк меҳнатлар дохиёна мусиқий асарлар ёзилишига асло халақит бермади.

Амалий машғулотлар

1. Мен ўз соҳамга оид бўлган барча асос, хужжат ва далилларни, муваффақият сирларини чукур ўрганаман. Бу ишда менга яна қандай қўлланма ва ўқув куроллари кераклигини аниклайман. Ҳар бир ютуқ сирларини ўрганиш учун шу соҳа мутахассислари билан маслаҳатлашаман. Уларнинг фикр-мулоҳазаларини алоҳида ёзib бораман.

2. Ўз фаолиятимда “болалик босқичида”манми ёки “ўсмирлик босқичида”ми, таҳлил қилиб бораман. Мен барча ҳаракатларимни ўз қобилиятимни ўстиришга, ўқишига қаратаман.

3. Бирор муаммога дуч келсан, бундай масалани аввал ким, қандай ҳал этганлигини, зарур бўлса, у кишига мурожаат қилишни режалаштираман.

4. Ўз фаолиятимга мутахассис кишиларнинг муносабатларини билишга ҳаракат киламан.

ҮНИНЧИ ҚОНУН

ҲАМИША ИНТИЛИБ ЯШАНГ

Сиз- соатига икки юз километр тезлиқда рельсда “учиб” кетаётган поездни тұхтатиб қолишини тасаввур эта оласизми? Йүк! Унинг каршиисида ғиштдан девор уриб қўйган бўлсангиз ҳам ҳеч қандай машакқатсиз тўзонини чикариб ташлаши аниқ. Сабаби, катта тезлиқдаги поезд кудратли ҳаракат кучига эга.

Локомотив қуввати минг от кучига эга. Мана шу қувват эвазига бутун бир бошли составни бемалол юргизиш мумкин. Аммо поезд ўз ўрнида турганда унинг кимиrlамаслиги учун энг кичик қаршилик кўрсатувчи восита ҳам кифоя қиласди. Масалан, тўхтатувчи (тормоз) бошмокни бир фидирак остига қўйиш етарли саналади. Локомотив ҳаракатга келмайди. Барча ҳаракат зое кетади.

Демокчимизки, ҳаракатга келтирувчи куч ишга тушмас экан, ҳар қандай майда-чуйда туюлган компания ишни барбод қилиши мумкин. Биз ҳаракатни жонлантирувчи, қувватлантирувчи манбанинг узлуксизлигини таъминлай олсак, ҳал бўлмайдиган масалага ҳеч қандай йўл қўймаган ҳисобланамиз.

* * *

Эски одатлардан қутулиш доимо оғир кечади. Биз учун таниш бўлмаган янги фаолият бир мунча оғир туюлиши аниқ. Шунинг учун ҳам арзимаган иш орқасидан биз учун муаммо туғилиши осою. Унутманг, бундай кезда тезлик билан ишга киришиб кетиш, уни ҳаракатга келтирувчи кучларни аниқ белгилаб олиш зарур. Ҳеч ким сизни доимо қўллаб-қувватлаб туролмайди. Ўз аравангизни ўзингиз тортишингиз лозим. Акс ҳолда аро йўлда қолиб кетасиз. Ҳеч қачон йўлингизда пайдо бўлаётган тўсик ва нокулайликларни

бутунлай йўқ қилиб юборолмайсиз. Муаммолар ҳар доим пайдо бўлади.

Агар сиз ҳаракатлантирувчи кучга эга бўлсангиз барча тўсиқ ва нокулайликларни бартараф эта оласиз. Бу энг самарали усул. Сиз тезликни ошира борар экансиз, ҳеч қандай куч тўхтатишга қодир эмас.

Сиз муассаса ёки шахсий камолотингизни ривожлантирмоқчи экансиз, вакт келди. Ҳаракат қилинг: ишдаги юксалиш ёки пастлаш сизнинг қандай ҳаракат қилаётганингизга боғлиқ. Ҳамма соҳада ҳам дастлабки қадамларни ташлаш қийин кечади. Сиз тўхтаб турган автомобилни ўз кучингиз билан ўрнидан қўзғатишингиз оғирроқ бўлади. Лекин қўзғатиб олингандан сўнг у ёғи илдамлашади. Куч ҳам оз кетади. Аввалгидек чиранишнинг ҳожати йўқ. Шунингдек, бошқа тармокларда ҳам дастлаб катта куч ва меҳнат талаб этилади.

Кўп ҳолларда шахсий имкониятларга етарли баҳо бермасдан ҳаракатимизни пасайтириб юборамиз ва ўзимизни оқлашга ҳам тайёр турамиз.

Мана улар:

* “Мен ҳозир синааб кўрмокчиман”.

* “Бошида секинроқ ҳаракат қилиб турай-чи, кейин бир гап бўлар...”

* “Мен натижа қандай бўлишини чамалаб ишлаганим маъқул”.

* “Энг аввал тўғри йўлни белгилаб олишим керак”.

Қуйида бу тўрт журъатсизлик намуналари оқибатида нега кутилган натижага эришиб бўлмаслигини баҳоли кудрат кўриб чиқайлик.

Тўхтаб турган автомобилни ўрнидан қўзғатишини “синааб” кўриб бўлмайди. Сиз ё автомобилни ўрнидан қўзғатинг ёки тек туринг. Жиддий ишларга киришаётганда “бир ҳаракат қилиб кўрсаммикан”, деган тушунча билан иш юритманг. Сиз аввалдан режалаштириб келган ишни бажариш вакт-соати келдими – энди барча фикру зикрингизни шунга қаратинг. Хардамхаёл бўлманг. Сиз

модомики, ушбу сатрларңи үкиётган экансиз, соғлиғингиз ҳам жойида бўлса, ҳозирнинг ўзида сизга топширик; оёққа туриңг. Буни синаш ёки “бир ҳаракат килиб кўриш” орқали бажарилмайди. Сиз ё ўрнингиздан турасиз ёки ўтираверасиз.

Бир ишни бажариб кўрсаммикан, дегувчи айрим кишилар, умуман ҳеч нарса килмайдилар. Улар ўзларини гўё бу ишни бажариш фурсати келмагандай тутадилар.

Ишга киришган киши муваффақият ва натижани кутишга ҳақли. Ҳаммадан қийини – бошлаш. Бошланг! Яна фикрингизни тўхтаб турган автомобилга қаратинг: дастлаб силжитиш оғир кечади. Сиз ақл-хушни, куч-кувватни жамланг ва аниқ ҳаракат қилинг. Ёдингизда бўлсин: ярим ҳаракат – ярим натижа беради.

Баъзилар ишни янги бошлаганларида иложи борича “газни” босишади. Бу ҳам дархол натижа кўрсатмайди. Бу босқичда ҳали натижа мухим эмаслигини эсда тутинг. Ҳаракатлантирувчи куч мароми, суръати сизга натижани кўрсатади. “Мен аввал натижани кўрай, кейин бошлайман”, дегувчилар доим ортда қоладилар.

Сиз фаолият кўрсатишни бошласангиз, ортидан натижа ҳам кўринади. Ким ҳаракатни бошлабди, тек тургандан юз карра аълодир.

Кўплаб корхона, компаниялар ҳозирги даражадаги муваффақиятларига эришиш учун жуда кўп “тайёр лойиҳа”ларни кўллаб кўрганлар. Сиз ривожланишнинг мақбул услубига, шаклига эга бўлганингиздан сўнг ўзингизни ҳар ёққа уриб, бундан-да кўпроқ, унумлирок “loyiha”ни қўллаш-синашга ошиқманг. Шундай қилсангиз, қайта ғилдирак ясаётган бўласиз. Сиз ўзингизнинг самарали усулингизни янада такомиллаштиришнинг аниқ шаклини яратинг. Асло янги, нотаниш лойиҳа учун уринмай туриңг. Бу ҳаммасини қайтадан бошлашдек нокулай. Сиз ҳеч қачон ўзингизга мақбул бўладиган “вазият”ни кутиб ўтираманг.

Голиблар ҳеч қачон ишсиз ҳолатда вазиятни пойла-майдилар. Улар ҳаракатлантирувчи куч вазиятни ўзгариб юборишини яхши биладилар.

Сиз ҳаракатлантирувчи куч туфайли катта манфаат эгаси бўлишингиз, айни вақтда зарар ҳам кўришингиз мумкин. Дейлик, сиз кунига хоҳламасангиз ҳам шоколад ейишни вазифа қилиб қўйдингиз, орадан 15-20 кун ўтгач, энди шоколад ейиш сизга вазифа эмас, одат тусига кириб қолади. Сиз ўзингизда шундай одатни шакллантирдингиз. Демоқчимизки, вақти-вақти билан фаолиятингизни танқидий нуқтаи назар орқали кузатиб боришингиз лозим: ниманидир қўпайтириб, ниманидир камайтириб, ниманидир йўқ қилиб юбормаяпсизми?

Биз ҳаракатлантирувчи куч имкониятларини ошириш учун энг аввало қатъий интизом сохиби бўлишимиз шарт. Ҳар қандай ишни ўз қонун-қоидалари, тартиби, кўрсатмалари асосида амалга оширишимиз лозим. Бусиз мумкин эмас. Машқни такрорлаб бориш бизда чиникиш ва кўнишка ҳосил қиласи. Маҳоратимиз ортади. Маҳорат ошгани сари натижа ҳам юксалиб боради. Буларнинг ортида қатъий интизом ётади. Интизомки, ҳаммасини бошидан – алифбодан бошлиш лозим. Интизомда майдачуда нарса бўлмайди. Ўрнингиздан силжиш, қўзғалиш учун ҳам интизом керак. Сиз бир қанча фурсат ўтгач, интизом қоидаларини ўзлаштириб оласиз. Яъни нимани қилиш, нимани бажармасликни фарклай бошлайсиз. Булар сизда аввалдан пайдо бўлган баъзи одат, қилиқларни тарк этишингизда ҳам иштирок этади. Интизомни ўзлаштира олиш енгиллик багишлайди. Фаолиятингизда жиддий ва фойдали ўзгаришлар кўрина бошлайди.

Қатъий интизом туфайли биз юксалиш даражасига эришган эканмиз, энди биз катта меҳнат эвазқга қўлга киритилган ҳаракатлантирувчи куч самарасини тушириб юбормаслигимиз керак.

Йирик компаниялардан бири ўзини реклама килиш учун миллионлаб пул сарфлайди. Улар муваффакияттинг чўққисига чикдилар. Кўзланган марра ортиги билан забт этилди. Аммо реклама тўхтамас эди. Директордан айримлар сўрашди: “Аллақачон кўзланган мақсадга эришилди. Даромад кўпайди. Энди шунча пулни исроф килиб рекламани давом эттириш шартми?”

Директор жавоб берди: “Тасаввур қилингки, сиз самолётда ўтирибсиз. Унинг янада баландга кўтарилиши учун катта куч керак. У юқорига кўтарилиши учун тезликни оширгач, фазода осойишта парвоз қилиш босқичи пайдо бўлади. Мана шу кўтарилиш пайтида сиз двигателни ўчирад эдингизми?”

Ҳа, самолёт “осойишта босқич”га кўтарилгунча унчамунча куч ва тезлик сарф этади. Гарчанд, йўловчиларга бу анча нокулайлик туғдирса ҳам самолёт ҳаводаги ўз “қавати” – тинч йўналишга чиқиб олиши шарт.

Ҳар бир ишни энг бошидан бошлиш учун катта вақт ва куч талаб этилади. Голиблар бу вақт ва кучдан қандай фойдаланиш механизмларини жуда яхши билишади. Улар йўналишни белгилаб олишгач, ҳеч ким, ҳеч қаерда тўхтата олмайди. Бунга уларнинг ўзларигина кодирдирлар.

Амалий машғулотлар

1. Автомобиль ўрнидан жилгач, юриб кетиши осон кечади. Иш унумини таъминлашга ҳаракат қиласман.
2. Интизом ҳамма даврларда ҳам муваффакият калити саналади. Шунинг учун бугундан бошлаб ўзимни интизомга бўйсндириб ишлашга киришаман.
3. Мен қуляй фурсатни кутиб турмайман, чунки ишга нисбатан интилишнинг пайдо бўлиши қуляйлик яратади.
4. Менга фойда келтирувчи ишлар рўйхатини тузаман. Бошка интилишларим (спорт, овқатланиш, оилавий ҳаёт, ўқиш ва ҳоказолар)ни ҳам таҳлил қилиб чиқаман.

ҮН БИРИНЧИ ҚОНУН

ОРЗУГА ИНТИЛИНГ ВА УНИ ХАЁТИНГИЗГА ТАТБИҚ ЭТИНГ

Беш яшар қизалоқ эрта тонгда каравотда ётган онаси хузурига югуриб борди-да, сүради:

– Ойи, сиз катта бүлганингизда ким бүлмокчисиз?

Онаси үзича, қизим янги үйин үйлаб топди, шекилли, деган хаёлга борди-да, кулимсиради:

– Сенга нима десам экан? Хүп, айтайлик, улғайсам, она бүламан.

– Йүқ. Сиз она бүлолмайсиз, – қаршилик билдириди қизи, – ахир, аллақачон она бүлгансиз-ку?! Ким бүлмокчисиз?

– Ҳа, майли. Үнда үқитувчи бүламан.

– Ий-е, яна ёлғон айтапсиз-ку?! Шундок ҳам үқитувчисиз, ахир...

– Қизгинам, сенга нима дейишимни ҳам билмай колдим-ку? – ҳайрон бүлди онаси.

– Ойи, шунчаки айтинг қўйинг-да. Катта бўлсангиз ким бўлмоқчисиз? Ахир, нимани хоҳласангиз, ўша бўла оласиз-ку?

Қизчанинг чараклаб турган умидвор кўзларига боқаркан, савол замирига етгандай бўлди. Бу ногаҳоний савол, дастлаб унга аҳамиятсиздай туюлган бўлса-да, чиндан ҳам ким бўлишни хоҳласа, ўша орзусига ета олишини тушунди. Оила, иш, рўзгордаги қундалик икирчикирлар, икки қизи, бевалик – булар ўтмишдаги ҳаёти эканлигини бир зумда англаб етди.

У қизи айтганидай, нимани мақсад қиласа, ўшанга етиша олишига қалбан ишонди. Ҳали ҳақиқий ҳаёт олдинда эканлигини тўла ҳис эта бошлади. У чиндан ҳам камолотга эришуви, келажакда уни жуда кўп эзгу ишлар кутиб турганлигини яққол тасаввур қила бошлади.

Сиз она-бала ўртасида ўтган бу кичик “мунозара”дан хайрон бўлманг. Бу ҳолат, айни вазиятда сиз учун иккинчи даражали ахамиятга ҳам эга эмас. Бош масала шундан иборатки, ҳақиқатда сиз келажакда ким бўлмоқчисиз? Сизнинг мақсадингиздан хабардор бўлган киши: “Бунинг иложи йўқ, бўлмаган гап!” дейишининг ҳам асло ахамияти йўқ. Одамларнинг гап-сўзлариға парво килманг. Ҳали ҳаётингизда шаштингиздан қайтаришга ҳаракат қилувчи бундай мижғов шахсларни кўп учратасиз. Улар билан ишингиз бўлмасин. Бўлмағур фикрларга таслим бўлмайдиган, ўз мақсади сари дадил интилиувчи, кўлловчи ягона шахс – Сизнинг ўзингиздирсиз. Бошқа ҳеч ким!

Мухтарам дўстим, ҳеч қачон: “Энди умрим ўтди, кеч”, деган нохуш фикрни хаёлингизга йўлата кўрманг. Агар сиз ўзингиз мақсадингиз сари интилиб, уни ҳаётингизга олиб кириш учун курашмас экансиз, унуманг, уни ҳеч ким Сиз учун асло бажармайди. Иккинчи рақиб, сиздаги иккиланиш ва шубҳа-тумонлардир. Шубҳа инсондаги ишонч ва журъатни заифлаштирувчи куруқ васвасадан иборат. Эътибор беринг: сиз бир ишни ўз олдингизга мақсад қилиб қўйдингиз. Бирок бу фикр-режа сизда катъий бўлмаса, кўнглингизда “Бу ишни бажаришга ҳали вакт эрта. Шошилмаслик керак”, деган алдоқчи туйғу уйгонади. Сиз ана шу туйғуга асир бўлар экансиз, ҳамма имкониятингизни бой бераётганингизни, олтинга тенг фурсатни беҳуда совураётганингизни жудажуда кеч фахмлаб коласиз. Ҳар қандай янги ишни, режа ва лойиҳани амалга ошириш учун Сизга қулай бўлган вакт ҳеч қачон келмайди. Сиз бажаришини хозир, ҳа, хозир бошлишингиз лозим. Кутманг. Кутиш ҳар доим ҳам Сиз-у биз хоҳлаётган маррага олиб боравермайди.

Ёдингизда туting: қилмоқчи бўлган ишингизни Сиз канча кейин бажараман, деганингиз сари у иш ортга сурилиб бораверади. Бошқа ишлар такозоси Силан эса,

аввалги бажармоқчи бўлган ишингиз мутлақо рўйхатингиздан тушиб қолади. Бажарилмаган ишлар эсга тушгани сари кишидаги ғайрат ва ташаббускорлик сўниб боради.

Фожиа нима?

Ҳаётимизда биз кўрмаган-билмаган турли хил воқеа-ҳодисалар, жумладан, фожиалар ҳам юз бериб туриши мумкин. Ҳаёт текис, силлиқ йўллардан иборат, деб ўйлаш хатогина эмас, балки нодонликка яқин бўлган яна бир фожиадан бошқа нарса эмас. Шундай даҳшатли воқеа ҳам содир бўлиши мумкинки, бундан баъзилар: “Энди буёгини давом эттиришдан маъно йўқ” қабилида умидсизликка тушадилар! Йўқ, бу нотўри! Сиз катта хато қиляпсиз.

Буюк давлат арбобларидан бири: “Тўқсон тўққиз фоиз мағлубиятга учраганингизда ҳам курашни асло тўхтатманг”, деган экан. Биз ҳар қандай кўргилик, мусибат ортида эзгу бир имконият туғилаётганини ҳамиша ҳам илғаб ололмаймиз. Асло келажагингиз сари қўл силтаб, воз кечманг. Аксинча, енгни шимариб, астойдил ҳаракат қилинг.

Ўн етти ёшли кизнинг муҳаббати чиðаб бўлмас қалб жароҳатига дучор бўлди. Дугонаси устамонлик билан севган йигитининг бошини “айлантириб” тегиб олди. Киз куттилмаган бу жудоликдан узок вакт довдираб юрди. Ҳаёлпарастлик оқибатида бир юмуш бажаришга қўли бормади. Ногоҳ ҳонадонидаги катта кўзгуга онаси лаб бўёғи (помада)да ёзиб қўйган жумлага кўзи тушди: “Шайтон даф бўлгач, Раҳмон (Худо) кўллайди”. Сиз ўз ҳаётингизда Шайтон билан бўлмоқчимисиз ё Аллоҳ биланми?! Сиз иккиланмай, қайси қарорга кела оласиз? Бу саволга даб-дурустдан жавоб бериш осон эмас! Биз қайси эътиқодни виждонимиз қабул қила олса, ўшанга маънавий эшлик қиласиз. Биз шундай нарсаларга дуч келамизки, қайси томондан унга таъсир ўтказишга лол

коламиз. Аммо биз уни ўзимизга қандай сингдира олишимизга ҳам бөглик.

1914 йилнинг декабрида машхур олим Томас Эдисон олтмиш етти ёшга тўлганда, унинг лабараторияси бутунлай ёниб кетади. Бу фалокат олимга уч ярим миллион маркага тушган. Лаборатория бор-йўғи тўрт юз минг долларга суғурта қилинган эди, холос. Ҳаммасидан ҳам огири бутун амалий-илмий тадқиқот ва тажрибалари ёниб, кул бўлганди. Илмий мақолалар, китоб ва қўлёзма эсдаликлар ҳам куйиб кетган. Хуллас, унинг хаётида эришган барча ишлари барбод бўлганди.

Эдисонни унинг ўғли лабораториядан нарироқда топди. У ёнгинни кузатганича... хотиржам турарди. Шу ҳолатда хотинини ёнига чорлади. Аёли чопиб Эдисонга яқинашганда, кулимсираб шундай деган экан:

– Сен мана бунга яхшилаб қара. Бундай манзарани ҳеч қачон қайта кўролмайсан. Фожса – келажакдаги буюк эзгуликни баҳи этади. Ахир ҳозир бизнинг саҳву ҳатоларимиз ёнаяпти! Худога шукрки, эндиликда биз ҳаммасини янгидан бошлиш имкониятига эгамиз.

Бу парчани келтиришдан мақсад, бордию сиз моддий-маънавий йўқотишлардан эсанкираб колган бўлсангиз, ўзингизни тутиб олшингиз учун тасалли беради. Айни вактда, ишни бошидан, янгичасига бошлиш учун имконият түғилганлигини эслатиб ўтмоқчимиз, холос.

Ноқулай бўлса-да, шуни ҳам айтмоқчимизки, янги ишларни бошлиш учун албатта, бир фалокат рўй бериши керак экан-да, деган таънали қарашга борманг. Худо асрасин. Сиз асло фалокат-фожиаларни кутиб иш бошламанг. Аксинча, рўй бериши мумкин бўлган кулфатнинг олдини олиш, эҳтиёт бўлиш ақлли кишиларга хос фазилатdir.

Юкоридаги воқеа-ҳодисаларни сизга эслатишдан муродимиз қуйидагиларни эътироф этишдир:

Сизнинг, албатта, ўзингиз учун мақсад қилиб, интилишга, унга эришишга қурбингиз етади. Сиз ким бўлишни хоҳласангиз – ўша одамга айлана оласиз.

Сиз бутун ҳаётингиз давомида олдингизга буюк мақсадларни қўйиб амалга оширишга тўла ҳаклисиз. Ҳа, сиз ҳаётингизни жозибали ўtkазиш имкониятига эгасиз.

Сизнинг ўтмишингиз келажагингиз учун бегона, бу мутлако янги ҳаётдир.

Сиз хоҳлаган вақтингизда қандай ҳаётни орзу қилсангиз – шунга эриша оласиз.

Интилиш йўлидаги навбатдаги тўсиқ

Биз юқорида ўтмишнинг хатолари учун курашиб ҳеч нарсага эриша олмаслигимизни кўриб ўтдик. Янгисини бошлишимиз зарур. Дарвоке, биз янгисини бошлишга киришаётган айни вактда ҳам фаолиятимизга сунъий тўсиклар қўйилиши мумкин.

Оқшомда бир киши хонадонининг қалитини йўқотиб қўйиб излай бошлабди. Уни кузатиб турган аёл қўшни-сининг аҳволига раҳми келиб, биргаликда кидира бошлишибди. Аёл ён-атрофларни, ўт-ўланларнинг орасини кузатиб қараса, қўшниси факат фонар ёниб турган жойнинг ўзида тимирскиланар эмиш. Ҳайрон бўлган аёл танбех бериди:

– Ҳадеб фонар атрофида ўралашавермай, сал пастрокларни ҳам каранг, балки узоқрокка тушгандир?..

– Гапингиз тўғри, – дермиш қалит йўқотган, – лекин бу ер ёруғрок...

Кўпчилик кишилар ўз мақсадлари сари интилишни тўхтатиб турганларига ҳозирги банд бўлиб турган бошқа ишни рўкач қилиб кўрсатадилар. Аслида эса турмуш тақозосига кўра, биз излаётган, етишмоқчи бўлган нарса учун йўл бошқа қатламлар оралиғида бўлиши мумкин. Балки биз излаётган қалит ёғимиз остида эмас, аввалги босиб ўтган ўтмишимииз оралиғида занглаб ётгандир?

Хар қалай, ёшлик пайтингизда орзу қилган баландпарвоз мақсадларингизни бир эслаб кўрсангиз ёмон бўлмасди. Сиз ундан ўша вақтдаёқ қўл силтаб, воз кечган бўлсангиз-да, уни яна бир бор ёдингизга олинг. Негаки, бир вақтлар сизга оғир-мушкулдек туюлган интилишларингизни, балки энди ақлингиз, куч-кувватингиз бемалол етадиган даражада ҳал килишга қодирдирсиз... Азизим, сизда куч-кувват ҳам, имконият ҳам шахсий ҳаётингизни гуллатиб-яшнатиш учун етарли эканлигини тезроқ тушуниб еting.

Шундай кишилар борки, телевизион кўрсатувлар, кинотеатрларнинг репертуарлари каби дастурларни узлуксиз тарзда кузатиб боришини ўзлари учун вазифадек белгилаб олганлар. Бу борада “иқтисод” килинаётган дақиқаю соатлардан ҳаётингизни ўзгартиришга бирор манфаат етадими?! Олди-кочди газета, китобларни ўқишидан қандай фойда топасиз?!

Булар мақсадингизни рўёбга чиқаришдаги қатъий тўсиклардир. Сиз келажак ва мақсад сари элтувчи харат дастурини белгиланг. Қаёкка, нима учун бораётганингизни аниқ нишонга олинг. Ана шундай харакат йўналишга эга бўлган инсон бир кун келиб, кечаги ёки бугунги кунига ўхшамаган қатъиятли одамга айланиши, табиий. Вақт – умр, умр – биз.

Билингки, вақт эмас, биз ўтиб борамиз.

Ҳамма нарсани бошидан бошлиш мумкинми?

Йигирма беш ёшида Жилберт Каплан ўзининг биринчи журналига асос солган эди. У ўзининг меҳнаткашлиги эвазига ўн беш йил деганда журнални энг оммабоп, ўқимишли даражага кўтариб, катта тиражда нашр эта бошлаган. Каплан кун-у тун тиним билмай ишларди. Кейин у кирқ ёшга тўлганда нима бўлдию журнални сотди. Ҳамма хайрон. Ахир, бу ишга у озмунча тер тўкмаган эди-да.

Кунлардан бирида у машхур бастакор Молернинг Иккинчи симфониясини эшитиб қолди. Куй оҳанги гўё унинг бутун аклу ҳушини олиб, сеҳрлаб қўйганди. Афсунгар наво уни сеҳрлабгина қолмасдан, аллақачонлардан бери қалбида уйғониб келаётган номаълум хистайғуни янада тўлқинлантириб юборганди. Айни вактда, бу симфонияда нимадир етишмаётгандай, уни қайта талқин қилиш керакдай туюлаверди. Унинг бу фикридан Молер хабардор бўлганида, балки анчайин ранжиган бўлармиди.

Қалбида уйғонган бу ғоя Капланнинг тинчини батамом издан чиқариб юборганди. Шу мақсадда у нашриётини сотиб, келажакда дирижёр бўлишга қарор қилганди. Унинг бу ҳаракатидан атрофидагилар лол бўлибгина қолмасдан, у ақлини еб кўйибди, дея маломат қила бошлишди. Ахир у аввал, ҳеч қачон дирижёрлик билан шуғулланмаган, ҳатто бирор мусиқий асбобда куй чалишни ҳам билмасди! Яқин дўстлари ҳам энди унинг аталаси чиқадиган бўлибди, дея киноя қилишди: “Бирор нотани билмагани ҳолда, кирқ ёшида дирижёрликка ишқибоз бўлганига бало борми?!” Кесатиклар жиддий эди.

Каплан ўзи учун билдирилаётган танқид, масхараомуз сўзларга писанд қилмади. Ўз олдига Молер ижросини бирор бир киши куйлай олмаган тарзда талқин қилишни бош мақсад қилиб қўйди.

...Ва у ўрганиш машғулотларини бошлаб юборди. Энг машхур дирижёрлардан сабоқ олди. Ўз орзуси йўлида жиддий изланди, ўрганди. Орадан икки йил ўтгач, 1996 йилда Жилберт Каплан америкаликларга мумтоз мусиқий альбом тақдим этди. Альбом мисли кўрилмаган даражада муваффакият козонди. Ўша йили бўлғуси машхур бу дирижёр Зальцбургда мумтоз куйлар фестивали очилишининг ilk ташаббускори бўлиб чиқкан эди.

Мақсадға қандай әришилади?

Бизнинг орзу-мақсадларимиз аниқ бўлса, у кун сайин, қадамма-қадам оҳанграбодай ўзига тортиши, шубҳасиз. Уни бажаришга бўлган иштиёқ ортиб боради. Менинг бу сўзларимга кўпчилик, балки ишонқирамаслиги мумкин. Аммо ҳар бир ишда улгуриш, ўзлаштириш иқтидорига эга бўлган кишилар асло менинг бу сўзларимга эътиroz нуктаи назаридан қарамайди. Биз ўз ўй-фикрларимизни жамлаб, мақсад сари интилар эканмиз, унга ҳеч нарса ўзининг нохуш соясини ташлай олмайди. Бунда сизга энг оддий усул кўл келади.

Тасаввур қилингки, Сиз ўз мақсадингизга эришдингиз. Бу ютуқдан қанчалик қувонишингизни, кўнглингиз ифтихор туйғуси билан тўлиб-тошишини ҳис этасиз.

Ҳар гал ўз фикрингизни мақсад сари сафарбар этар экансиз, сизга керакли нукталар равшанлашиб, шу қадар амалиёт сари яқинлашасиз. Самарали фаолият ҳамиша ғалабани таъминлайди.

Мақсадга интилган сари биз кучли шахсга айланиб борамиз

Норман Винсент Пил: “Кўпчилик кишилар ким бўлишларини хоҳлаганлари билан ўзларида мавжуд бўлган куч-ишончга иккиланиб баҳо берадилар. Шунинг учун ҳам улар бирор ишнинг уддасидан чиқа олишга муносибликни фаҳмламайдилар”, деган эди. Шунга ўхшашиб фикрни Бенжамин Дизраэли ҳам ёзиб қолдирган: “Ўз мақсадига интилувчи кишилар бор-будуни, ҳатто ҳаётини тика оладиган ва уларга ҳеч ким қарши туралмайдиган иродали инсонлардир”.

Қаранг, иродали кишилар атрофидаги курсаб турганларни ўз ортидан эргаштира олганлари ҳолда, айримлар дум каби орқада қолаверадилар. Бунинг сабаби ўз мақсадларига ҳаётда қай даражада муносабат ва дахлдор-

ликларига боғлиқ. Ким қатъий қарорга келган бўлса, иш суръатини жадаллаштириб, муваффакиятни нақд қилади ва бу самарали фаолияти билан бошқаларга ҳам кучли таъсир кўрсата олади.

Бинобарин, бизнинг мақсадимиз қанчалар улуғвор бўлса, куч-қувват ва имкониятга ҳам шу даражада эгамиз. Яхши ниятга фаришталар ҳам хайриҳоҳдирлар. Ўйлаб қаралганда, чиндан ҳам мақсад сари дадил интилиш жозибали фаолиятдир. Лекин мақсадни амалга ошириш йўлидаги сусткашликини оқлаб бўлмайди.

Ғолиблар вакълар ўтиб бир тўхтаб оладилар-да, ўзларига шундай савол берадилар: “Мен ўз мақсадим сари тўғри йўлдаманми ёки оким бўйлаб сузяпманми?” Улар ўз келажакларига тааллукли йўл-йўриқларни яхши ўзлаштириб олишган. Улар ўzlари учун муносиб турмуш тарзини шакллантира оладилар. Ғолибларнинг ўтмиш ва келажаклари ҳозирги айни дамларига асло ўхшамайди. Ахир, ҳар бир киши ҳам бир хил бўёқда ўзгаларнига ўхшамаган бирор шаклни чиза олади. Данте: “Кучли аланга ҳам милтиллаб турган чўғдан, учқундан авж олади”, деган экан.

Сиз кўнглингиз хоҳлаган томонда яшанг. Машҳур хонанда Фрэнк Синатранинг қўшиғида шундай жумла бор: “Мен буни ўзимча қилдим...” Синатра қандай куйлаган бўлса, шундай яшади ва бу ёрут оламни тарк этди. АҚШ президенти ҳам унинг дағн маросимида: “У бу нарсани ўзича қилди”, деган экан.

Қаршимизда ҳамиша битта танлов бор: биз ўз мақсадимизни амалга ошириш учун яшаймиз ёки ўзгаларнинг орзулатига интилишларига кўмаклашамиз.

Авраам Линкольннинг онаси ўлими олдидан: “Келажакда бирор шахс даражасига кўтарилиш учун менга ваъда бер”, деган экан ва у онаси истаганидек ваъда берган. Келажакда у машҳур ҳуқуқшунос, давлат арбоби ва ўткир сиёsatчи, АҚШ тараққиётида улкан ислоҳотларни амалга оширган президент даражасига эришган-

лигига тарих гувоҳдир. Ғолиблар умр шундоқ ҳам қисқа эканлигини, хар бир нафас ғаниматлигини, уни бехуда совуриб яшаш бадбаҳтлик эканлигини яхши билишади.

Амалий машғулотлар

Бугундан эътиборан, мен ўз ҳаётимнинг бош йўриқ-чисиман. Буни бажариш учун куйидагиларни амалга ошираман:

1. Мен бугун хотиржам ўтирган ҳолда ёки оҳиста кадамлар ташлаб сайр қиласман. Осойишта бу ҳаракатим қалбимда рўй бераётган ички овозимни тинглашга кўмаклашади.

2. Кейинги етти йил ичида ҳаётимда рўй берган воқеа-ходисаларни эслашга киришаман: мен нима қилдим, даромадим қанчага ошди, қандай янгиликка эришдим, қанча яхши инсонлар билан танишдим, шахсиятимда қандай ўзгаришлар пайдо бўлди, нима янгиликлар рўй берганини бирма-бир хотирамга келтираман. Келгуси етти йилликда мени нималар кутаётганини, қандай фаолият юритишимни чамалайман.

3. Ўзимга қўйидаги саволларни бераман: “Мен ким бўлишни хоҳлайман, бунинг учун нима қилмоқчиман? Менинг имкониятимда нималар бор? Мақсадим нимадан иборат? Мен келгуси етти йиллик ҳаётимда ким бўламан ва нималарга эришишим мумкин? Буларнинг барча икир-чикирларигача ёзиб боришга ҳаракат қиласман. Бу билан мен нималарга қодир эканлигимни рўй-рост кузатиш, баҳо бериш имкониятига эга бўламан.

4. Шуни жиддий тан олиб айтаманки, қай бир ишни бажармоқчи бўлсан ҳам танлаш имконияти ўзимга тегишилдир. Мен исталган пайтда ҳаётимни мақбул бўладиган даражада ўзгартира оламан.

Мен ўз ҳаётимнинг эгасиман – уни баҳт-саодатга буркай оламан.

ҮН ИККИНЧИ ҚОНУН

СОҒЛИҒИНГИЗГА ҒАМХҮРЛИК ҚИЛИНГ

Айтайлик, сизнинг баҳоси бир миллион доллардан ортиқ турадиган тулпорингиз бор. Сиз уни қандай парвариш қилган бўлар эдингиз? Нима билан овқатлантирасиз? Унга лимон шарбати билан ароқ ичириб, майонезли қовурма картошкага берармидингиз? Сув ўрнига пиво ёки дессертли музқаймөк билан сийлайсизми? Уни тунги клубларга олиб бориб, шовқин-суронли музика, раксларни эшитишга мажбур этасизми? Тун бўйи телевизордан аллақандай кўрсатувларни томоша килдирасизми?

Албатта, бундай қилмайсиз! Ахир от оддий сувни, сули-арпани, қарсилама тоза хашак ва кенг майдонларни севишини кўпчилик билади. Аммо минг-минг таассуфки, жуда кўп кишилар юкорида тилга олинган ноқулай вазиятларга ўзларини уриб, бутун умрларини ўз ихтиёрлари билан заҳарлаб, саломатликларига қақшат-кич зарба бермоқдалар. Беўхшов “базму суронлар”да ўзларини ҳеч кимдан кам эмасликларини кўз-кўзлаш орқасидан ота-онасининг топган-тутганини, ўзининг соғлигини бепарво совурмоқдалар.

Саломатлик оғриқсиз яшашдангина иборат эмас

Сиз саломатлик деганда нимани тушунасиз? Кўпчилик кишилар, ҳеч қаерим оғримаяпти, демак, соппа-соғман, деб хисоблашади. Аслида, бу бошкарароқ. Бизнинг ғайратли ва ташаббускорлигимиз, қувноқлигимиз, меҳнатсеварлигимиз, иштаҳамиз, ўзгаларга самимий муносабатимиз – барча-барчаси саломатлигимиз билан боғлиқdir. Биз доимий равишда соғлигимизни мустахкамлаб, чиниқтириб боришимиз зарур. Баъзилар ҳаракатни саломатликка путур етгандан сўнг бошлишади.

Бунинг самарааси жуда кам ва қайталовчи дардларга айланиши мумкин. Ҳар қандай ҳолатларда ҳам олдини олиб, аниқ, вақтида ҳаракат килинмаса, кейинчалик вазият оғирлашиб, жиддий хатарларни юзага келтириши мумкин. Танадаги ногаҳоний зўрикишлар инсон фаолиятини издан чиқаради. Уни даволаш бош масала даражасига кўтарилиши керак.

Сиз, эҳтимол, ушбу сатрларни ўқиётиб, ғолиблар ҳақидаги бу китобга саломатлик мавзусидаги боб қаёқдан келиб қолди, деб ўйлагандирсиз?..

Голиблар ўз фаолиятларини сифатли давом эттириши учун жисмоний бақувват, кўтаринки рух эгаси бўлиши лозимлигини яхши билишади.

Ахир, дард туфайли тўшакка михланиб ётган киши қандай килиб дунёни забт эта олади?!

Сиз ўзингизни қандай ҳис қиляпсиз, оилада, жамоат жойларида, ишда кайфиятингиз жойидами? Ҳеч кимни ранжитиб кўймадингизми?

Биз қандай нафас оляпмиз, нима еб, нима ичяпмиз – ҳаммасидан лаззатланар эканмиз, демак, танамизда соғлом қон, соғлом куч уфуриб турибди. Бу кайфият кўтаринкилиги бизни ғалаба сари яқинлаштиради. Шодлигимизни таъминлайди. Ҳаракатларимизга аниқлик баҳш этади.

Ҳаддан ошмаслик керак

Бизнинг давримизга келиб саломатликни асрараш учун нима қилиш зарурлигига бағишлиланган рисола-китоблар, мақолалар, кўрсатувлар, турли учрашувлар кўпайиб кетди. Боз устига, номлари минг хил, аммо таъсири бир хил бўлган дорилар ихтироси ва рекламаси ўз чегарасидан чиқиб кетди. Тўғри, ҳамма ҳам ўз мизожига нима тўғри келишини билавермайди. Бу деганимиз кимгадир шифо бағишилаган дори иккинчи бир кишини, балки беҳузур қилас, ҳолатини оғирлаштириб қўяр. Шу

нарсани унутмаслик лозимки, саломатлик борасида таваккалчилик ва меъёрни унутиш хатарли кечади. Биз учун оқилона ва ишончли турмуш тарзи керак. Куйидаги соддалаштирилган тартиб-коидаларга бир эътибор беринг.

Бир хил таомни доим истеъмол қилишдан сакланиш лозим. Оз-оз, турли хил овқат истеъмол қилиш ҳамиша бехавотир бўлади. Аллақайси рисолани ўқиб, ўзингизда йўқ касалликни пайдо қилиб, парҳез тутиб юришлар хам ўзини окламайди. Кечасию қундузи валақлаётганларга эмас, организмингиз нимани хохляяпти – ўшанга қулоқ солинг. Овқатланиш, уйқу, тўғри жисмоний меҳнатни ташкил қилиш саломатликнинг бош мезонларидир. Колганларини танамиз талаб қилиши бўйича истеъмол этишимиз лозим. Шу маънода “яхши” ёки “ёмон” овқат йўқ. Уни қабул қилишга хохиш борми-йўкми, шуни ҳис эта олишимиз керак. Егиси келган нарсани беморга, хохлаганларга едиринг, кўмаклашинг.

Кўпинча биз нимани унутиб қўямиз?

Ҳаёт ҳамиша бизга завқ бағишлиши, эҳтиёжларимизни қониктириши лозим. Ҳар хил тақиқ ва чекловлар бизнинг сабр-бардошимизни тошириб юборади. Шунга қарамай, ҳамма хам шахсан ўзига тааллукли тарафлама жиддий бўлиши керак. Бу биздаги ҳолатни, ҳис қилишни яхшилайди. Саломатлигимизни катта-кичик хатарлардан саклайди. Меъёрни саклаш муҳимдир.

Қандай овқатланиш керак?

Очигини айтганда, ҳаммамиз ҳам билиб-билмай кўп овқат еймиз. Биз қабул қилаётган овқатлар салмоғини сўзсиз камайтириб боришимиз талаб этилади. Бу бизни оғир вазнли ҳолатларда машакқат чекишдан қуткариб қолади.

Олимларнинг кўплаб тадқиқотлари шуни кўрсатадики, инсон кундалик таомнинг учдан бир кисмини истеъмол килиш эвазига бемалол ишлаб, яшashi мумкин экан. Вахолангки, баъзи хонадонларда кун бўйи таом тайёрлаш ва истеъмол қилиш билан вакт ўтиб кетади. Ортиқча қабул қилинган таом бизга куч-кувват, лаззат бағишламайди. Саломатлигимизга жиддий путур етказади. Шунинг учун ҳам таом озрок ва охиста, шошилмасдан чайнаб истеъмол қилинса, овқат таъми ўзгача лаззат бағишлайди. Ҳеч қачон қуидаги кўрсатмаларни бузиб бажарманг: ҳамиша ўтирган ҳолда еб-ичишга одатланинг. Асло ғик ҳолатда, юриб кетаётиб, бирор транспорт воситасини бошқараётиб, ўқиб ёки телевизор кўриб овқатланманг. Овқатланиш пайтида тинчлик-осойиштадик ҳам иштаҳани очади, киши нима еяётганини ҳис қилиб туради. Овқатдан лаззатланмаган кишида ноxуш туйғу туғилади. Тез овқатланиш, ичимликларни аралаштириб истеъмол этиш ҳиқичоқ ва қекиришни пайдо қиласди. Бу энг одобсизлик ҳисобланади. Қанд, кофе, ҳайвонот ёги, спиртли ичимликларнинг саломатликка дахлдорлиги алдамчидир. Уларни кўп истеъмол қилиб бўлмайди. Энг табиий нарсаларни – мева-чева, полиз маҳсулотларини кўп тановул этиш керак.

Ичимлик

Ичимлик, деганда арок, вино, пиво, турли кимёвий усолда тайёрланган рангли сувларни ўйламанг. Тоза, тиник ва оддий сув ичиш организм мўътадиллигини таъминлайди. Овқатланаётган пайтда, иложи борича кам суюқлик ичинг. Кофе, кока кола ва бошқа рангли ичимликлар сизга оний хузур бағишиласа-да, организм учун турған-битгани заарадир.

Ҳар бир инсон ўз танасини етарли миқдорда суюқлик билан таъминлашни билиши зарур. Ҳар бир киши кунига ўртacha 2-3 литр суюқлик ичиши лозим.

Ишга киришаётиб, чиқаётиб, ётиш олдиdan бир стакан микдорда сув ичиш зиён қилмайды. Кучли газланган сув ва совутилган сувларни ичиш жигарни, ошқозон-ичак аъзоларини, ўт пуфакни яллиғлантириши, ични қотириши мумкин. Нафас йўлларига ҳам нохуш таъсир кўрсатади.

Ҳаракат

Ҳаракатланиш саломатликнинг белгиси хисобланади. Танамиз ҳаракат қилиш учун яратилган. Асло бир жойда кун бўйи ётиш ёки ўтириш учун яратилмаган. Ўртacha ҳар куни 50-60 чақирим йўл босиши кўзда тутилса-да, Сиз уни пиёда юриш имконияти туғилганда бажарсангиз ҳам катта гап. Ҳар куни бўш вақт топиш осон кечмайди.

Бизнинг кундалик жисмоний машқларимиз кун бўйи тетик, хушчақчақ, ишchan вазиятда бўлишимизни таъминлайди. Баъзилар буни яхши билишса-да, айримлар арзимаган сабабларни рўкач қилишади. Халкнинг шундай ибораси бор: “Ким ёшлигидан серҳаракат бўлмаса, кексайганда (касалхоналарга) кўп югуради”.

Ҳордик

Берилиб меҳнат қилгандан сўнг, дам олишни ҳам ўрнига қўйиш керак. Тўхтовсиз елиб-югуриш ҳаёт эмас – ҳалокатдир. Иш пайтида ҳам тез-тез танаффус бўлиб тургани яхши. Ёкимли куй тинглаш, мазмунли китоб ўқиш, тоат-ибодат қилиш, яқинларни зиёрат қилиш, медитация ва енгил спорт турлари билан шуғулланиш, чўмилиш кишига роҳат бағишлайди.

Узок муддатли режа

Хаваскор (бошловчи)лар ва катта тажрибага эга малакали кишилар ўртасидаги фарқ шундан иборатки, улар узок муддатларга мўлжалланган истиқболли режаларга эга бўладилар. Малакали инсонлар арзимас ютуклар учун узок муддатли режаларини ташлаб кўйиб, ўзларини дуч келган томонга урмайдилар. Ҳафтасига тўқсон беш соат меҳнат қилиб, озгина вақтда эришиладиган ютуқни таъминлаш мумкин, аммо келажакдаги катта режаларни бажаришда халақит бериши эҳтимоли бор. Масалан, чарчаш, бирор хасталикка йўликиш ёки маънавий-моддий харажатлар катта ишларни амалга оширишда депсиниш пайдо қилиш эҳтимоли бор.

Одатдагидан кўпроқ микдорда кофе солиб тайёрлаб ичиш бир муддатгача кишига тетиклик баҳш этиши бор гап. Аммо биз бу билан кейинчалик организмимиз фаолиятига зўрикиш пайдо қилишимиз мумкин. Сиз грипп хасталигидан халос бўлмай туриб ишга киришар экансиз, эҳтимол, лойиҳангизнинг кўзда тутилган қайсиdir кисмларини муваффақиятли ҳал кила оларсиз. Афсуски, узок муддатли режангизни амалга оширишдан аввал бундай ишга киришиш қисқа ўйликка, бошқача ифодаласак – нодонликка йўл очган бўласиз. Шунинг учун ҳам катта режаларни бажаришда қисқа муддатли ишларга ўралашиб қолмаслик лозим.

Голиблар ҳамиша янги режаларни бажаришга киришар эканлар, ҳар доим ўз касалликларига етарлича эътибор берадилар. Куч-кувват, ишонч билан келажакка кадам ташлайдилар. Велосипед пойгасида қатнашувчилардан уларнинг ортиқча вазни довонга чиқиш пайтида кўшимча куч-ҳаракатни талаб этади.

Голиблар шахсий саломатликларига эҳтиётсизлик қилишлари иш қобилияtlарини заифлаштиришини жуда яхши билишади.

Амалий машғулотлар

Бугундан бошлаб ўз саломатлигим билан етарли даражада машғул бўламан.

1. Бугундан эътиборан онгли равишда овқатланишга ўтаман. Овқатни оз еб, оҳиста чайнаб таъмидан лаззатланишни ўрганаман. Эндиликда нима истеъмол қилсан ҳам жиддий аҳамият бераман. Кўпроқ таомномамда мева ва сабзавотлар бўлишига эришаман. Мен енгил тамадди қилишни хоҳлаб қолсан, мева ва ёнғоқ истеъмол қиласман.

2. Бугун бир неча стакан сув ичаман. Агар овқатдан олдин сув иссан, қоринни таомга тўлдиришдан халос бўламан.

3. Ҳар куни камида ўттиз беш дақиқа жисмоний машқ билан шуғулланишни одат тусига киритаман. Югуришни ўрганаман. Чарчоқ сезсан, оҳиста қадам ташлашга ўтаман. Ўзимни асло зўриктирмайман.

4. Эндиликда иш вақтида ҳар тўқсон дақиқада дам оламан. Беш дақиқа очик ҳавода бўламан ва бир нечта жисмоний машқлар бажараман. Бу билан ўзимга қувват йигаман ва ишимда унумдорликка эришаман.

5. Ўз шифокоримга эга бўламан.

ҮН УЧИНЧИ ҚОНУН

ТАҢҚИДДАН ЧҮЧИМАНГ

Андреас машхур нотиқнинг сўзини эшигтгани келди. У нутқдан шу даражада таъсирландиди, шахсий ҳаётида нималарни дир узил-кесил ўзгартиришга қарор қилди. Бироқ нутқ тамом бўлгач, Андреас ғалати манзарага дуч келди. Тингловчилар маърузани ҳар хил баҳоламоқда эдилар. Баъзилари эса ҳатто нотикни танқид қилишгacha бориб етдилар. Бошқалар нутқ ёмон ҳам эмас, яхши ҳам эмас, чидаса бўлади, деган фикр билдирилар. Яна бошқа гурӯҳдагилар эса Андреас каби таассуротда эдилар. Улар ҳаяжонланиб нутқдан келиб чикқан ғояларни ўз ҳаётларига тезрок татбиқ этишга ошиқардилар.

Андреас бир хил фикрни нега ҳамма ҳар хил талкин қилаётгани сабабини нотиқдан сўрашга жазм этди.

— Ҳар бир нотик, — деди у, — уч хил гурӯҳдаги кишилар билан тўқнашиши муқаррар. Аудиторияга ташриф буюрганлардан кўпчилиги нутқка беътибор бўлиб, танқид қилишга киришадилар, айримлари бетараф қоладилар. Баъзилар эса нотикни қўллаб-кувватлашади. Мен ҳам барча тингловчилар нутқимни яхши қабул қилишларини хоҳлайман. Аммо бунга эришиш унча осон эмас.

Кўпчилик кишилар ҳар қандай масалага танқидий қарашни ҳаётий бурчи даражасида англайди. Бундан ташқари, янги фикрларни қабул қилиш учун аниқлик, очик мулоҳаза ва... жасорат керак. Бахтга қарши, бундай хислат ҳаммага ҳам берилавермайди. Мен ҳар уччала гурӯҳ билан ҳам келишишим зарур, деб хисоблайман. Бу борада мен асосий эътиборимни сўзимни дикқат билан тинглаётганларга қаратишга ҳаракат қиласман.

Учта гурӯҳ

Ҳар бир ғолиб киши танқидий фикрларга тӯғри ёндашишни билиши керак. У атрофидаги кишилар ҳар доим ҳам уч гурӯҳга бўлинишларини унумаслиги керак:

– биринч гурӯҳ, доимо унга танқидий муносабатда бўлади;

– иккинч гурӯҳ, масалага қандай ёндашишини билмай, фикр билдиришдан кўра жим туришни афзал кўради. Улар гўё бетараф қўринсалар-да, аслида журъатсиз кишилардир. Улардан фойда ҳам, зиён ҳам йўқ;

– учинчи гурӯҳ эса унинг ғояси ёки лойиҳасини тӯғри қабул қиласи, қўллаб-кувватлайди.

Бу уч гурӯҳ сиз қайси соҳада фаолият қўрсатишингиздан қатъий назар, хозир-у нозирдирлар. Улар билан доим тўқнашиб яшайсиз. Сизнинг маҳсулотингиз, баҳоингиз, таклиф ва шартларингиз, қайси компанияга мансублигингиз бу уч гурӯҳ қарашларини ўзгартира олмайди.

Уч босқич

Ҳар қандай ғоя ёки лойиҳа ўз мазмуни ва сифати қайдаражада бўлишидан қатъий назар, уч босқични “босиб” ўтиши мукаррар:

Биринч босқич: киноя ва масхара килиш. Сизнинг жиддий ғояларингиз устидан кулиб, масхара килиш даражасигача етишади. Иложи бўлса, ғоянгизни бутунлай йўққа чиқаришга харакат қилишади.

Иккинч босқич: танқид. Энди киноя ва масхара-лашлар барҳам топиб, илк муваффақият пайдо бўлади. Кулги ўрнига танқид килиш бошланади. Бу босқични энди сал бўлса-да, ўсиш, деб қабул этиш мумкин. Ахир, йўқ нарсани танқид қилишмайди. Ғоя ёки лойиҳангиз танқидга учрадими, демак, фикр-мулоҳаза билдириш учун нимадир бор.

Учинчи босқич: эътироф этиш ёки тан олиш. Модомики, сиз ўз ғоя ва лойиҳангизга қатъий ишонар экансиз, энди танқиднинг ҳам уни ўчади. Ўрнини эътироф, тан олиш эгаллайди. Гарчанд, танқидчилар уларга қўшилиш маса-да, барибир, озчилик сифатида жим бўлишади.

Демокчимизки, ҳар қайси босқични юкорида таъкидлаганимиз – уч гурух кишиларига қиёслаш мумкин. Демак, ҳамма ҳам киноя ёки танқид билан “шүғулланавермайди”.

Тўғри, баъзан улар сафида сизни қўллашига ишонган кишиларингиз ҳам бўлиши мумкин. Лекин бунинг ўрнига ишингизни беғараз баҳолашда уч босқичдаги коидалар сўзсиз қўлланади.

Танқидга қандай муносабатда бўлиш керак?

Юқоридаги уч гурух ва уч босқични истисно рад этиб бўлмайди. Масала шундаки, уларга қандай муносабат билдиришимизга боғлиқ. Кўп ҳолларда икки нарсани кузатиш мумкин. Биз шундай кишиларга дуч келамизки, улар асло ҳар қандай танқидга ён босмайдилар. Бу қилмишлари билан улар ўз ишларига танқидий нуктаи назардан баҳо бериш имкониятидан маҳрум бўладилар. Ниманидир билиш, ўрганишдан ортда қоладилар. Шундайлар ҳам борки, ҳар қандай танқидни ўзларига олишлари оқибатида фаолиятларидаги тўғри йўналишга шубҳа-гумон билан қарайдилар. Кўп ҳолларда ҳамма ишларини ўзгартириб ташлайдилар. Натижада, ўзғояларига нисбатан бўлмагур хаёлларга ғарқ бўлиб, ўз-ўзидан ишончлари барбод бўлади.

Бундай вазиятларда ўртача йўлни танлаш макбул усулдир. Бир томондан олганда, ҳаққоний танқиддан кўз юмиб бўлмайди. Биз ўз хатоларимизни мардона тан олишни билишимиз ҳам санъат. Бошқа томондан эса ҳар доим ҳам хатолар бўлиб туриши муқаррар. Шунинг учун ҳам танқиддан қочиб кутулиб бўлмайди. Бинобарин,

танқиддан шахсий камолотимиз, ўқиб-ўрганишимиз, ўсишимиз учун фойдаланишни ҳам билишимиз лозим. Бу билан биз танқид қанча нохуш бўлса, ўз қарашларингиздан мутлако воз кечинг, дейишдан йироқмиз. Ҳар қандай вазиятда ҳам ўз фикрларингизни сақлаб қолинг.

Бу икки йўлнинг кесишган, тўхтаб қолган чегараси йўқ. Шунинг учун ҳам танқид қанчалар асосли эканлигини чукур таҳлил қилиб, керакли кисмини қабул этинг. Ўзингизга тўғри келмаган мулоҳазаларни қабул этишга ҳеч ким сизни мажбур қила олмайди. Ҳа, сиз ҳазм эта олмайдиган танқиддан бутунлай воз кечинг. Сиз қовокбош танқидчиларга ўзингизнинг қатъий ғоянгиз билан муваффакиятни таъминлаб, зарба бера оласиз.

Ғолиблар аллақачон ҳар қандай танқидий қарашларга яраша ўз муносабатларини билдиришни яхши биладилар. Улар бундай танқидчилар билан тўқнашган кезларидан билдирилган қарашлар уларнинг шахсий муаммоларидан келиб чиқаётганлигини ҳам назардан қочирмайдилар. Улар маълум фоиздаги шахслар доимо таҳқирлаш, киноя килиш ва танқидга ўч эканликларини ҳам ёдда тутадилар.

Начора, бу дунёда ҳаммага манзур бўлиш жуда кийин...

Танқидни қандай қабул қилишини фақат ўзимиз ҳал этамиз

Шуни билингки, одамлар табиати, феъл-авторини ўзгартириш бизнинг ихтиёrimизда эмас.. Бу кўп жихатдан яхши. Боиси, ҳар бир одам ўз иродаси ва фикрини эркин ифода этиш хукукига эга. Аммо биз ишимизга атрофдагиларнинг турлича муносабатлари ва мулоҳазалари қай даражада таъсир этишини ўз идрокимиз билан ҳал эта оламиз. Бизнинг ишимизни ёқтирмайдиган шахслар ҳар доим топилади. Бунинг чўчийдиган жойи йўқ. Фақат ўзимиз ҳам ўшалар каби ўйламасак, бас.

Инжили шарифда шундай жумла бор: бирор уйдан чиқаётганингизда пойабзалингизни яхшилаб артиб, кейин кийинг. Яъни бу хонадонга тегишли бўлган нарса-буомлар, гап-сўзларни ташқарига олиб чиқманг, шу ерда қолсин, маъносида танбех берилмоқда. Аксинча ҳаракат эса хиёнатта тенг амал бўлиб қолиши мумкин. Аслида бу машхур иборанинг халқ тилидаги мантиқий тузилмаси куйидагича: бирор хонадонга киришдан аввал оёқ кийимингнинг остини яхшилаб артиб, сўнг қадам ташла. Яъни ўзгалар уйига кирганингда, кўзингни, тилингни, дилингни, қўлингни пок тут. Ножўя ўй-ҳаракатлардан ўзингни тийиб ол. Бу иборанинг зоҳирий маъносидир. Биз эса¹ бу ерда мутлақо бошқа нарсани назарда тутмокдамиз. Яъни бу хонадонда сизнинг тўғрингизда макташяптими ёки танкид қилишяптими, жуда берилиб кетманг. Ўзингизни дадил қўлга олиб, тарозини тўғри ушланг. Эҳтимоллик конуниятларига кўра, сизни юксак қўтаринкилил билан қўллаб-кувватловчи кишилар доимо топилади. Фақат эътиборли бўлинг.

Ва аксинча, сизнинг ғоянгизни кабул қилмайдиган шахслар пайдо бўлса, ҳайрон қолиб ўтираманг. Улар ўз карашларидан келиб чиқиб, сизга ўткирзабонлик, билимдонлик қилиши мумкин. Бундай жағи тинмайдиган маҳмадоналардан ҳам ранжиманг. Улар ҳеч нарсани ўзгартиришга қодир эмас. Карвон ўтаётганда илк аккиллайдиганлар ўшалар. Сиз сўрамасангиз ҳам жаврашдан тўхташмайди. Улар гўё пойабзалингизга қум-шағал кириб қолгандай ғашингизга тегиши мумкин. Бунақа халақит берувчилар кўп ва сиз уларга парво қилманг. Бундан кутулишнинг йўли оёқ кийимингизни ечиб, ичини қоқиб ташланг-да, йўлингизда давом этинг. Аксинча, дастлаб юраётганингизда кум-шағал унча сезилмаслиги мумкин, бироқ олисрек йўл босганингизда нокулайлик туғдираётганлиги яққол сезилиб колади.

Голиблар танкидни ўша кум-шағалга ўхшатадилар. Пойабзални тозалаб, қайта кийиб олишади, вассалом.

Уччала гурух билан муроса килинг

Биз юкорида таъкидлаганимиздек, нега уч гурухга мансуб кишилар мавжуд? Нега баъзилар ҳаммани камситишга, танқид қилишга ўч бўлади? Бу жумбокни ечишда куйидаги масалнамо воқеа туртки берса керак: Айтишларича, чаён дарёга дуч келиб қолибди. Нариги кирғоққа ўтишнинг иложини топа олмай, курбақадан илтимос қилибди.

— Мен ҳали аклимини еганим йўк, — жавоб берибди курбақа, — дарё ўртасига етмасданоқ сен заҳар тўла найзангни менга санчасан ва ҳалок бўламан, — дебди.

— Калланг қаёқда сени, — деб танбех берибди чаён, — ахир, сени чаккудек бўлсан, ўзим ҳам ғарқ бўлиб, ҳалокатга учрайман-ку?!

Унинг бу сўзи курбақага ростдай туюлибди ва уни устига чиқариб, нариги кирғоққа қараб сузаб кетибди. Улар дарё ўртасига етиб келишганда чаён барибир курбақага ниш санчиб, заҳар солибди.

— Нега ундей қилдинг? Энди иккаламиз ҳам ҳалок бўламиз-ку, — дебди ҳолсизланиб курбака.

— Нима, менинг чаён эканлигимни унугдингми, — деган экан сувга чўкаётиб.

Бундай феъл-автор эгаларини истасангиз ҳам, истамасангиз ҳам қўпгина жойларда — жамоатчилик орасида, йигилиш ва бошқа тадбирларда учратиб тура-сиз. Улар ўзларини шу ёрда эканликларини ҳаммага билдириш учун энг кабих ҳаракатлардан ҳам тўхтамайдилар. Ўзлари ҳеч нарса яратмайдилар, яратганларни тан олмаганлари етмаганидек, уларга жиддий халақит берадилар. Бундай майдакаш, паст одамларга яхшилик қилиб ҳам омонлик топмайсан. Улар олдингда таъзим билан бармоғингни ялагудек турадилар, йўқлингингда фийбатингни қучайтириб, барча бор-йўқ кирдикорларингни ошкор этадилар. Ҳамиша нолиб яшайдилар. Ўзгалардан ўзлаштириб олган бир-икки ўткир иборани

ёдлаб олиб, ўзларининг чакана эмасликларини англатиш учун оғизларидан тупук сачратиб вайсайдилар. Риояндишани тушунмайдилар. Аслида, хаётда ўз орзумаксадларига ета олмаган, бир ишни қойиллатмаган саводсиз, омадсиз кишилар кўпроқ танқидчиликка даъвогарлик килишади. Улар ҳеч нарсани ҳал этолманлари етмаганидек, олдинга интилаётганлар орасини ёриб, тутиб-нукиб олға ташланадилар-у, аммо ҳаммага ҳалакит бераётганларини асло тан олмайдилар. Улар ўз манфаати нуқтаи назаридан ор-номусни қўя туринг, сотқинлик, хиёнат эвазига, ҳатто ўликдан ҳам бир нима ундиришга шай турган қашқирнинг ўзгинасиidlар.

Унутманг, ёлғончи доим алдайди. ўғри ҳамиша ўзгаларникини ўмаради. Худбинлар ҳамма нарсани рад этади, масхарабоз доим ўзгалар устидан кулишга, таҳқирлашга ишқибоз бўлади. Уларга асло яқинлашманг!, улар билан ҳеч қачон пачакилашманг!

Бизни муҳофаза этадиган биргина усул бор – танқиддан қтулиш учун уларга карши ҳеч нарса қилманг. Мутлақо эътибор берманг.

Биз уларнинг “доно” фикр-мулоҳазаларини ҳисобга олиш учун ҳеч қандай шартнома ёки мажбуриятга имзо чекмаганмиз. Улар эътибор беришга арзимайди. Барча оқил инсонлар ҳам асоссиз танқид қилувчиларга ўнг қарашмаган.

Асосли танқидни ҳал этиш ўзингизга боғлиқ

Ҳар қандай танқид, аввало, галибларни унча-мунчага терлата олмайди. У танқид ва турли эътиrozлардан ўзини ранжитиб юрмайди. Энг асосий нарса – бизнинг муносабатимиздир.

Танқид ва эътиroz ҳар бир кишига нисбатан билдирилиши мумкин. Лекин уни ҳар ким ҳар хил қабул қиласи. Айни вактда, уларнинг ўз ишларига, ишчиларга, одамларга, ҳамкорларига муносабати ҳам назарда тутилади.

Асосийси эса – ўз-ўзига муносабати қандай эканлигини ҳам ҳисобга олиш зарур. Асоссиз танқидлар бизнинг бирор тужимизга ҳам таъсир этолмайди. Биз ўзимизни ўзимиз билиб-бilmай ранжитиб қўйишимиz мумкин, асло бошқалар эмас.

Сизнинг сўзлаётганингиз ёки ишлаётганингизнинг унга қизифи йўк. Сиз нимани сўзлаяпсиз, нима билан машғул бўлаяпсиз – ана шу нарса аҳамиятга эга. Ҳамма ҳам ниманидир бажариш даражасида ўзича ҳаракат килади. Аммо бажариш учун кўрилаётган тайёргарлик, ҳаракат бу хали ҳеч нарсани ҳал этмайди. Ўз ишингизга етарли аҳамият бермасангиз, турли огохлантирувчи сигналлар ҳаракатга келиши табиий. Ҳар қандай мағлубият Сизни тиз чўктириши мумкин. Фақат...

Ғолибларнинг ўзига хос фазилатларидан бири – ўзларининг улуғвор ишларига юксак кўтаринки рух билан киришадилар. Ўзларининг изланишлари, кўп ўқишлари, меҳнатсеварликлари билан мақсад сари яқинлашиб, унга тааллукли муаммоларни ташвишсиз ҳал эта оладилар.

Ўзгаларнинг қаланғи-қасанги муносабатларидан кўра, мақсадимиз юз чандон бизга кадрлироқдир.

Оқни оққа, қорани қорага ажрата оласизми?

Инсонга танлаш хукуки берилган. Ҳаётда муваффакиятли ва саодатли яшаш одамлар гурӯхини ажрата билиш билан боғлик. Бу гурӯхлар ичидан сизнинг ғоя ва лойиҳангизни қўллаб-куватловчиларни танлаб олинг. Бошқача ифодаласак, тарафдор – ҳаммаслаклар билан бўлинг. Ёркин хотираларингиз ҳисобини кўпайтиринг. Муваффакиятларингиз ошишини ёзиб боринг. Вақтлар ўтиб сизга бу хотиралар яна асқотиб қолиши мумкин.

Биласизми, кўпчилик ўтмишдаги ютуқларидан кўра, мағлубиятларини тез-тез эслаб туришади. Омадсизлар кўп ҳолларда бошларига тушган фалокатлар, зиён-

захматлар, йўқотишилар тўғрисида алам билан сўзлайдилар. Голиблар эса сўнгги ой-йиллар ўзлари учун баракали бўлганлигини мамнун бўлиб сўзлашади. Кўряпсизми, мағлублар фақат мағлубиятини хис қиласди, голиблар эса доимо муваффакият ҳақида бош қотиришади. Кимдир ўзини, кимдир бошқаларни айблайди. Кимдир оёқ кийимини ечади-да, кум-шағалдан тозалаб, йўлида давом этади. Улардан ким ҳак? Ким ўзини яхши хис этаётган бўлса, ўша голибdir. Биз бу гурӯҳ вакилларини қанча кўп кузатиб борсак, шунчалик ҳайратомуз жавобга эга бўламиз. Роса соддалаштириб айтсак – биз одам таниш санъатини чукурроқ ўзлаштишимиз керак.

Амалий машғулотлар

Бугундан бошлаб танқидга тўғри муносабатда бўлишга интиlamан. Бунинг учун қуйидагиларга риоя киламан:

1. Бугундан барча эришган ютукларимни ёзма равишда қайд этиб бораман. Бунда, нега айнан у ёки бу ютуғимни тилга өлганимга алоҳида эътибор бераман.
2. Ҳар қандай танқидни кийимимга қўнган гарддай қоқиб ташлайман. Негаки, мен энди қарашларимга карши бўлган гурӯҳ кишилари мавжудлигини жуда яхши биламан. Уларнинг фикр-мулоҳаза, кинояларини ҳеч қачон кабул қilmайман.
3. Мен атрофимдаги кишиларни ўзгартира олмаслигимни жуда яхши тушунаман. Шунинг учун ҳам назоратимдаги нарсаларнинг аҳамиятига эътибор берган ҳолда иш мароми ва сифатини оширишга ҳаракат қиламан.
4. Мен кўп тажрибаларга эга бўлган, бошидан иссиксовукни ўтказган кишилар билан тез-тез учрашиб, улардан хаётий сабок олишга вақт ажратаман. Бордию менинг қарашларимга зид мулоҳаза юритсалар – уларни тарқ этаман. Ҳеч ким экинзорни алафга бостириб юбормайди.

ҮН ТҮРТИНЧИ ҚОНУН

ИШНИ БИР ЮЗ ҮН ФОИЗГА БАЖАРИНГ

Бир куни журналист болгарилик оғир атлетика чемпионига шундай савол берди: “Машқ пайтида үн бор штангни құтаришингиз керак бўлади. Айтинг-чи, Сизга қайси бири мұхимрөк?”

Чемпион: “Үн биринчиси”, деб жавоб берди.

* * *

Бирор ишни бир юз үн фоизга бажаарар экансиз, унумтанды, юз фоизга бажарилган иш натижаси аъло бўлса ҳам энди Сиз учун кўрсаткич қоникарли ҳисобланмайди.

Бордию ҳозир бу ўқиётган китобингизни бир четга қўйиб, полда ётиб туриш машқини бажаришга ҳаракат қиласангиз, бу машқни нечтага етказа оласиз? Агар полга узала туриб олсангиз ҳам бу сизнинг яхши “натижа”нгиз бўлади. Балки сиз анчадан бери жисмоний машқ билан шуғулланмагандирсиз? Агар шундай бўлса, унда юқори натижага эришолмайсиз. Лекин ҳар куни беш дақиқадан полда ётиб туришни бошлар экансиз, уч ой деганда сиз мўлжалдаги натижага тўла эриша оласиз. Аввалдан машқ қилмасдан янги бошловчилар барибир сезиларли кўрсаткичга эришадилар.

Бу ҳаракатимизни ҳаётнинг ҳамма босқичларига татбик этишимиз мумкин. Бинобарин, бизнинг ҳамма соҳада ҳам камолотга эришиш имкониятларимиз мавжуд.

Кўшимча үн фоиз натижани кўп марта оширади

Тасаввур қилинг: сиз уч ой давомида қўл ва оёкларни полга тираб беш дақиқадан уч марта ётиб туришни бажаарар экансиз, ҳар сафар юз фоизли натижага эришасиз. Сиз тирагиб туришга мадорингиз қолмаганда яна бир бор интилиб ҳаракат қиласангиз, кўрсаткичингиз

бир юз ўн фоизга күтарилади. Сиз бунга хар доим мұяссар бұлавермайсиз. Баъзан ярмигача бажара оласиз, холос. Аммо хар бир спортчига яхши аёнки, қаңон қувват қолмаганда құшимча қилишга интилиш ўсиш натижасини таъминлайды. Сиз мунтазам равища машқларни давом эттириш әвазига юксак натижага әриша оласиз.

Сиз қандай ишга киришмоқчи бұлсанғиз, уни бир юз ўн фоиз бажаришга тайёр туришингиз керак. Доимий тайёргарлик ва машқларни бажариш бора-бора одат тусини олади. Сизда захира варианти пайдо бўлади.

Миллиардер Жон Темплтон ҳамма вақт биржа ишларида муваффақият қозониб келган. У камдан-кам ҳолларда мухбирларга интервью берган. Сабаби, у ҳар бир дақиқани юксак қадрлаган. Шунингдек, суратга тушишга ҳам күнмаган. Бир кун машхур журналда унинг суратини босмоқчи бўлишди. Жон розилик бериб, фотографга ўттиз дақиқа ажратди. Ваҳолангки, бу ишга ажратилган вақт етти соатга чўзилиб кетди. Ҳамма ҳайрон бўлиб, сабаби сўралганда, “Мен суратга тушиш учун бунча вақт кетказишни асло хоҳламаган эдим. Бирок сураткаш ўзининг ишини бир юз ўн фоизга бажаришга шу қадар берилиб кетдики, унга ҳавасим келиб, халақит беришни истамадим”, деб жавоб берган.

Ха, ўз ишини маромидан оширганлар учун мукофот ҳам ўзини куттириб кўймайди.

Нега ҳамма бир юз ўн фоизга етказиб ишламайди?

Нега энди баъзи кишилар имкониятлари бўла туриб, эллик-саксон фоиз иш бажарадилар, бошқалар бир юз ўнга етказяпти-ку?! Ошириб бажарувчиларнинг жавоби жуда ҳам оддий: “Қилаётган ишимиз бизга қувонч бағишилайди”. Ха, илгорлар мароқ билан ишлайдилар. Аммо ҳамма ҳам бунга қодир кишилар бўлиб тугилмайдилар. Сабаби, йўлимизда пайдо бўлувчи

озгина қийинчиликдан чүчіб тұрамиз. Эллик фоизга қаноатланувчи киши қандай қилиб күч-қувватини, вақтіни йүқотиб бир юз үн фоизга интилсін?

Биз ҳақыкатда нималарға қодир эканлигимизни тушуниб етганимизда эди, үз кадр-қимматимиз ва обруйимизни янада юксалтира олган бұлардик. Шундагина ҳаётда тұла қониқиши билан яшашни ўрганаңдардик. Ёдигизда тутинг: бизни бир юз үн фоизлик ишгина фароғатта олиб боради, камолотта етказади. Буни тушуна олган кишиларгина синов ва машаққатлар қаршиисида асло довдираб қолмайдилар. Аксинча, үzlарида гайрат ва жасоратни хис этадилар. Мақсад сари интилувчиларға қуйидаги шиор ёрдам беради: “Ағар мен бажаролмасам, шунга мажбурман”. Бундай кишилар, үз имкониятларидан фойдаланиб, муваффакиятта зришмасалар, қаттық оғрик тұядилар. Улар бундан баттарига ҳам күпинча тайёр турадилар.

Машхур киноактёр, жамоат арбоби Арнольд Шварце-неггер: “Оғриқ – бу яхши сезиш. Ҳолдан тойиб, оғриқ пайдо бұлғунича меңнат қилиши туфайли чемпион бұлғанлар чемпион бұлмаганлардан фарқланишиади. Келажакда чемпион бұлишимни таъминладиган бундай оғриқни севаман”.

“Юз фоизли” режа нұқсанлари

Кимдир шундай дейиши мүмкін: “Мен юздан оширолмайман, бунинг иложи йүқ...” Бундай кишиларға қуйидагича савол бериш мүмкін: “Сиз юз фоизга қандай зришганингизни түшунтириб беринг...” Тадқиқотчи олимларнинг фикрича, бизнинг үсиш имкониятларимиз чекланмаган. Ҳамма гап уни ҳаракатта келтира олишда, холос. Биз юз фоиз ҳисоблаёттан нарса аслида етмиш ёки ундан ҳам кам фоизни ташкил этади. Йүқ, биз күпроғини ҳам бажара оламиз. “Юз фоиз”чилар сунъий равища үз имкониятларини пасайтириб юборадилар. Улар үzlарини

оклаш учун “асос”ларга ҳам эга бўлишади: “Бундан ортигини кўтара олмаймиз...” Билиб қўйинг, бу кўртсаткич ўсиш-равнақни англатишдан йирок.

Голиблар ҳеч қачон ўз имкониятлари даражасида қаноатланиб қолмайдилар. Улар ҳозирги ҳолатларида нимага эга бўлсалар, унинг миқёслари, кўламини кенгайтириш захираларини кашф этадилар.

“Ишга киришсам, у ёғи-чи?”

Ялқовларнинг шундай бир гапи бор: “Талаб қилинган даражада ишни бошлайман-у, аммо натижа қандай бўлиши ёлғиз Худога аён”. Бундай дегувчилар ўзларини ўзлари хотиржам қилиш билан шуғулланувчилардир. Улар бир юз ўн фоиз ишлашга ярашмайди. Чунки бундайларнинг турмуш тарзи шунга одатланиб қолган. Бу уларнинг туғма фалсафаси дейиш ҳам мумкин. Бу харакатланиш шаклидир, асло назарий жиҳатдан тўкиб чиқарилган фоя эмас.

Сиз бир юз ўн фоизга ишловчиларни илк дафъя кўрганингиздаёк таниб оласиз ва ўзингизни ғолиблар орасида ҳис этасиз. Бу дунёдаги энг буюк кашфиётлар, ҳайратомуз ишлар айнан ана шундай фидойи инсонлар меҳнати эвазига юзага келган.

Муваффакият – ҳаётимиздаги энг муҳим омил. Муваффакиятнинг тайёр, осон мукобилий йўқ. Барча соҳаларда бўлгани каби саломатлик, ўзаро ҳамкорлик, молиявий даражага ва интилиш-ишонч муваффакиятга етказиб борувчи омиллардир. Муваффакият ортида улкан мукофот бор. Унга эришиш учун қўшимча ўн фоиз талаф этилади. Сиз ўз фаолиятинингизнинг исталган соҳасида бир юз ўн фоизлик даражага эришишингиз мумкин. Бу эса сизни роҳат-фароғатга олиб борувчи ёрқин йўлдир.

Амалий машғулотлар

Бугундан бошлаб иш унумимни бирюз үн фоизга күтариш учун барча имкониятларимдан фойдаланаман. Бунинг учун қуидагиларни бажаришим зарур:

1. Бугун фаолиятимнинг бирор соҳасида бир юз үн фоизлик даражага эришаман.

2. Мен ўзим учун ҳар қандай чекловларни бекор киласман. Юз фоизлик ҳаракат мен учун имкониятимни алдовчи даража. Мен нимани бажара олишга қурбим етса, ўшани ижро этаман. Агар бажара олмасам, демак шуни амалга оширишга мажбурман.

3. Мен ким бўлмоқчи эдим-у ким бўлдим – ҳаммасини чукур тахлил этаман.

4. Бир юз үн фоизлик қоида билан ишловчилар ишда танаффус қилиб туришлари керак. Шунинг учун иш билан бир вақтда дам олишни ҳам режамга киритаман.

ҮН БЕШИНЧИ ҚОНУН

МУАММОЛАР – ЎСИШ, КАМОЛОТ ОМИЛИ

Денгиз соҳилида бир қиз эски таниши, денгизчи билан сайр қиларди. Аёлнинг турмушдаги муаммолари кўп эди. Шунинг учун ҳам у доимо ташвишли ҳолда юарди. Денгизчи буни фахмлаб, сўради:

– Сен нима деб ўйлайсан, бордию ҳозир сувга ағдарилиб тушсан, чўкиб кетаманми?

Аёл сувнинг тошларга чайқалиб урилаётган совук тўлкинларига нигоҳини қадаб, деди:

– Албатта, чўкиб кетасан-да...

– Мен ҳозиргача сувга тушган бирор бир кишининг чўкиб кетганини кўрмадим. Агар мен сувдан қирғоққа чикиб олишга ҳаракат қилмасам, сен айтгандай, чўкиб кетишим мумкин.

– У вақтда, – деди аёл бўш келмай, – сен шамоллаб қолиб, касалхонага тушасан.

– Агар мен сувда кўп қолиб кетсан, сен айтгандай, шамоллаб қолишим мумкин. Лекин мен жуда кўп марта сувга тушиб кетганман ва ҳар гал ундан тезда чиқиб олишга ҳаракат қилганман. Тўғри, биринчи марта сувга тушганимда бироз кўрқинчли бўлган. Кейинчалик эса мен бунга парво қилмаганман. Тезда сувдан чиқиб олганман. Сенинг муаммоларинг ҳам худди илк марта сувга тушган кишининг аҳволига ўхшайди. Сен ваҳимага берилмасдан, рўй берган вақеанинг тўғри ҳал этиш йўлини топ.

* * *

Биз дуч келган муаммога муносабатимизни тўғри йўналтира олсак, унчалик мураккаб эмаслигини ҳис эта оламиз. Хавфли томони шундаки, биз ваҳимага берилсак, ўзимизни йўқотиб қўйиш даражасига тушсак, масала янада оғирлашади. Унинг ортидан каттами-кичикми, яна бири пайдо бўлиши мумкин. Ўз фикр-мулоҳаза-

ларимизни ўша масалага тұла қараты олсак, муаммонинг таъсири биз учун енгил күчади.

Биз ҳамма воқеа-ходисаларга ўз таъсиrimизни ўтказа олмаймиз. Вакти-вакти билан сувга тушишимиз табиий ҳол эканлигини унутмайлик.

Хаётда биз ҳамма күргиликлардан сақланиб, кочиб кутуолмаслигимиз мумкин, аммо унинг аламидан, ортиқча ташвишларидан ўзимизни сақлаб қолиш имкониятига әгамиз. Биз бирор нокулай вазиятга тушиб колсак, унинг оғриғини уч ҳафта ҳис этишимиз мумкин. Аста-секин бу муддатни кискартиришга ўтишимиз, билишимиз лозим. Яъни уч күн, уч соат, провардида уч дақиқада күргиликдан қтулиш санъатини эгаллашимиз керак бўлади. Голиблар худди шундай усулни қўллашади. Тақдир зарбаларига доим ҳам жавоб зарбасини бериб бўлмайди. Ўчакишиб жавоб ҳозирлаш хатарли касалликдир. Ундан ҳолос бўлинг. Ҳаммада ҳам етарли муаммолар бор. Кўпчилик бу муаммолар куршовида довдираб қоларкан, вазият узок вакт тангликни ушлаб туради. Ҳар қандай муаммо, кўргилик кишини бир қалқитиб олади. Голиблар ҳам бир сесканиб олишлари, табиий. Аммо уларда бу ҳолат узок давом этмайди. Улар дарҳол ноxуш туйғуларни жиловлаб олган ҳолда янада фаолрок бўлишни афзал биладилар. Порлок ечимга келадилар. Ноxуш туйғуга асир бўлиш бизнинг имкониятимиздаги ҳаракатга тўсик ташлайди. Муаммони ҳал қилиш учун ҳам ўн фоиз қўшимча тер тўкиши-мизга тўғри келади.

Муаммоларга муносабат

Голиблар муаммоларни нега осон ҳал этадилар. Бунга куч-куватни қаердан оладилар? Улар муаммо түғилганда ўз мулоҳазаларини атрофлича ўрганадилар. Улар ҳар қандай тўсикни ҳал этиш, ўзгартириш мумкинлигига қатъий ишонадилар. Аслини олганда,

билганлар учун муаммолар ўсиш, изланиш, топиш ва яратиш завқини берувчи манбадир.

Ахир, сиз учун мураккаб ва оғир туолган муаммони бартараф этиш усулларини топа олганингизда, қанчалар кўнглингиз кўтарилиганини, ифтихор туйғусини ҳис қиласиз. Кимда ким “Бунинг иложи йўқ”, деб чекинишни танлар экан, юкорида эслатиб ўтилган завқу ифтихордан, ўсиш ва ривожланишдан оркада қолади. Бора-бора ўз хайтини назорат кила олиш қобилиятини ҳам йўқотади.

Эслаб қолинг, ҳар қандай масаланинг ҳам жавоби бор. Гарчанд натижа “0”га teng бўлса-да, масаланинг ечими хисобланади. Биз муаммони кутмасдан, уни излаб топишни, ечимга келтириш санъатини ўрганишимиз энг марокли машғулотдир.

Сиз бойишни истаган тақдирингизда ҳам узундан-узун масалалар рўйхатини аввалдан тузишингиз ва навбати билан ҳал қилишингизга тўғри келади. Бизни муваффакиятга олиб борадиган қарорга эга бўлишимиз учун ҳам Худо берган каллани – ақлни ишлатишимиз талаб этилади. Муваффакиятга ҳар қандай нодон ҳам эришиши мумкин, мағлубият ва қийинчиликлардан эса ҳамма ҳам осонликча нажот топа олмайди. Малакали, билимдон кишиларгина ҳеч қандай имкониятлари колмаган тақдирда ҳам юкори даражани забт этадилар. Унинг эришган ҳар бир ғалабаси сўзсиз мукофот келтиради, олқишлияди. Ҳар бир омадсизлик эса унга куч бағишлияди.

Дов-дарахт, ўсимликларнинг гуллаб-яшнаши учун күёш ва ёмғир қанчалик зарур бўлса, инсоннинг камолоти ва муваффакияти учун сўзсиз, муаммолар тизими керак.

Биз муаммолар туфайли ўсибгина қолмасдан, катта куч-кувват, билим, жасорат ва метиндей бардош соҳиби бўламиз. Янги мэрралар сари дадил қадам ташлаймиз. Ўз ишимизнинг етук дошишмандинга айланамиз.

Ҳаётингизни ўзингиз бошқаринг

Ҳар доим ҳам ҳаётингизда бирор қийинчилик пайдо бўлса, дархол уни бартараф қилиш чора-тадбирларини кўринг. Беҳудага вактни кетказиб, ўзингизни ҳар томонга урманг. Бу ҳеч қачон ишга ёрдам бермайди. Аксинча, куч-кувватингизни, вактингизни олади. Бошингизга тушган ноҳушлики аллакимларга сўзлаб-тасвирлаб, ҳолатингизни икки баробар оғирлаштирунг. Улар сиз учун ҳеч нарса қилиб бермайди. Сиз ўз ҳолатингизга бошқалардан тасалли изламай, мардона туриңг ва ҳурматингизни сакланг. Биз қачонки бошимизга тушган омадсизликда кимнидир айблар эканмиз, катта хатога йўл қўяётганимизни сезмай қоламиз. Ўзингизни кўмакчисиз, ёлғиз хисобламанг. Сизнинг устингиздан Худодан ўзгаси хукмонлик қилолмайди. Ҳаётингиз эгаси ўзингиз. Сиз масъулиятни тўла ҳис қилишдан йироқ бўлсангиз, рўй бераётган кўргиликларда сўзсиз ўзингиз иштирок этаётганингизни тан олинг. Уни у ёки бу тарзда ҳал қилиш ўзингизнинг ихтиёригиздадир.

Эътибор беринг, муаммоларнинг уч хил кўриниши мавжуд:

1. Шундай муаммолар борки, уни биз бевосита назорат қилиш имкониятига эгамиз. Биз ўз одатларимизни тартибга солиб, ўзгартирсак, бу масалани осонгина ҳал этишимиз мумкин. Мисол, биз пулни тежаб ишлатамизми ёки исроф қилиб сочамизми – муносабатимиз ҳал этади. Ҳаммаси ўз ихтиёrimизда. Голиблар учун ҳал этилмайдиган муаммо йўқдир.

2. Қандайдир муаммога дуч келсангиз, энди ҳаётимни кувонч тарк этди, деб ўйлаб тушкунликка тушманг. Голиблар ҳаётига ҳеч қандай муаммо таъсир кўрсата олмайди.

3. Голиблар муаммоларнинг пайдо бўлишига ўзларини сабабчи санашмайди. Аксинча улар

муаммоларга муваффакият қозониш учун бир имконият сифатида қарашади. Агар муаммога ўз шахсиятингизнинг емирилиши, деб баҳо берсангиз, унда жуда ожиз бандасиз.

Ҳар қандай ҳолатда мұаммо пайдо бүлганида нималар килиш мүмкінлигини үйлаб күринг. Жавобни үтмишингиздан изламай, айни воқеа устида фикр юритинг: “Хўш, бу муаммони бартараф қилсам, қандай фойда кўраман?” тарзида иш тутинг. “Мазкур муаммонинг келиб чиқишида мен қандай хатога йўл кўйдим?” Бу савол сизни васвасадан кутқаради. Балки бирор шахснинг маслаҳат-кўрсатмаси билан бу кўргилик содир бўлгандир. “Бу хатога такрор йўлиқмаслик учун нима қилишим керак?” Биз фикрлаш, таҳлил миқёсларини кенг ола билсак, кўпгина масалалардан халос бўламиз.

Сизни қийнаётган масалага тааллукли бўлмаган шахслардан маслаҳат, йўл-йўрик сўрашингиз, айнан экин буёқда қолиб, ёввойи үт-алафга ўғит согландек гап.

Юқорида эслатганимиздек, кўп муаммоларга үтмишдан жавоб изламанг. Үтмишни ўзгартира олмаймиз. Ўзимиздан ранжишимиз ҳам ноўрин. Биз фақат олға юришимиз лозим.

Қарор ва ечим

Инсонлар муаммолар юки остида ўзларини яхши ҳис эта олмайдилар. Бундай ҳолатларда ҳаёт бизга сабоқ берадигандай ҳис қиласиз ўзимизни. Биз бу сабоқдан қандай хулосалар чиқара олишимиз ҳам мухим аҳамиятга эга.

Биз бор нарсаларни – иш жойимизни, тураг жойимизни, қарашларимизни, ҳатто дўстларимизни ўзгартирishимиз мумкин. Аммо олган сабогимиз моҳияти ўзгармайди. Биз ҳаёт олдимизга қўяётган масалалардан қочиб кутула олмаймиз. Гарчанд биз Японияга қочиб кетиб яшасак-да, бизга сабоқ бўлган нарса ўша ерда ҳам ўзини

эслатади. Фақат фарки – энди японча кўринишда бўлади, холос.

Бир ёққа йўл олган одам эски ўрнида қола олмайди-ку?! Ҳаёт бизга ҳеч качон зарба бермайди, аксинча, сабок беради. Аклинизни киритади. Оқ-қорани ажратиб олишга мажбур этади. Тарбиялайди, ўргатади. Баъзан айрим муаммоларнинг келиб чиқишига шахсан ўзимиз сабабчи бўлишимизни хар доим ҳам тўғри идрок эта оламизми? Соддароқ мисол шуки, пулимиз кўпайиб, автомобиль ва каттароқ уй сотиб олдик. Шу билан ҳамма масала ҳал бўлдими? Ўйлаб кўринг, ҳал бўлмади – янги муаммолар пайдо бўлди... Хўш, десак, аввалги фаслларда эслатганимиздек, ҳаёт факат хурсандчилик, фаровонликдан иборат эмас. Гоҳ ундей, гоҳ бундай... Ҳаёт оғриклиари бизни доимо огоҳлантириб туради, демак, асабларни тарапнг ва тажанг кайфиятга солмаслик учун бағри-кенглик билан яшаш санъатини ўзлаштиришимиз керак.

Ҳар қандай муаммолар ва синовлар бизни тарбиялаб, чиниктиради, тоблайди.

Амалий машғулотлар

1. Ҳар қандай пайдо бўлган масалани атрофлича муҳокама қиласман. Аҳамиятига эътибор қаратаман.

2. Муаммоларга дуч келиб қийналган ёлғиз мен эмасман. Ҳаётда ҳамма ҳам у ёки бу тарзда турли ҳолатларга тушиши мумкин.

3. Масаланинг катта-кичиклигидан қатъий назар, уни тўғри ҳал этиш менинг муносабатимга боғлиқ. Яхшиёмон томонларини хисобга олишим зарур.

4. Эндиликда муаммолар келажакда менинг ўсишим, чиниқишим, тажрибам ошишида муҳим аҳамият касб этувчи сабоқ эканлигини тўғри хис этаман.

Муаммоларни ҳал қилиш ҳам мен учун ўзига хос бир спортдир.

ҮН ОЛТИНЧИ ҚОНУН

ЎЗИНГИЗГА БОШЛИҚ ВА ТОБЕ БЎЛИНГ

Рольф мавсумий ишчилардан эди. У бу вактда жуда унумли меҳнат қилиб, яхши натижаларни кўлга киритарди. Қачонки, ишлар ниҳоясига етиб, “депсиниши” бошланар экан, қўлини совук сувга хам урмасди. Келгуси иш мавсумини кутарди.

Устози бу ҳолда Рольф ҳеч нарсага эришолмаслигини билиб, ачинарди. Ахир, у ажойиб истеъдод соҳиби эди. Бир куни бир пиёладан кофе ичиш баҳонасида бирга бўлиб колишди. Устози унга танбех бериш мақсадида чойнайдаги кофени полга куя бошлади. Бу ҳолни кўрган Рольф ўзича, устоз пиёлага кўйишни унугибди, деб ўйлаб, қичкирди:

– Нима қиляпсиз? Кофе полга оқиб кетяпти-ку?
Пиёлага кўймайсизми?

Устоз парво қилмай, кофени полга оқиза бошлади. Рольф ҳайрон бўлди. Шунда устози: “Сен умрингни, истеъдодингни ана шу полга оқаётган кофе каби беҳудага совураяпсан. Билсанг, кофе сенинг иқтидоринг, пиёла эса интизомдир. Сен интизомга риоя қилмай, истеъдодингни бекордан бекорга полга оқизяпсан. Сен истеъдод ва интизомни бирлаштириб, нималарга кодир эканлигингни намоён этишга харакат қилмаяпсан. Интизомсиз киши ҳаётда ўз ўрнини асло топа олмайди”, деди.

Бу бўлимда биз ҳар бир инсоннинг малакали фаолият эгаси бўлиши учун қандай жиддий вазифаларни бажариши лозимлиги ҳақида сўзлаймиз. Чунки биз энг муҳим, ҳал қилувчи боскичларни яхши ўзлаштириб олмагунимизча, ишда муваффакиятга эришолмаймиз.

Биз бирор корхонада меҳнат қиласизми ёки ёлланма иш билан шуғулланамизми – фарқи йўқ. Ҳамма хам ўзи

учун ишлайди. Шу нүктаи назардан қаралса, ҳар ким гүё
ўз хусусий корхонасида меҳнат қиласи.

Кўплаб корхона эгалари нега муваффакиятсизликка учрайдилар?

Ўз мақсадларига барвакт эришиш учун кўпчилик хусусий корхона ташкил этишга ҳаракат қиласи. Улар ўзларига ўзлари хўжайн бўлишни хоҳлайдилар. Бахтга қарши, кўпчилик бу эзгу ҳаракатларида омадсизликка дучор бўладилар. Улар сирасига бошқа фирмаларда ёлланиб ишлаб, ўз вактида талайгина тажриба ортирган кишилар кирадилар.

Кўп йиллар давомида самарали меҳнат қилиб, ишнинг паст-баландини билиб олган кишилар нега энди ўз корхоналарига эга бўлишни хоҳлаб қолдилар? Унумли меҳнат фойдаси бошқаларни бойитар экан, нима учун улар бу ишни ўзлари учун қила олмайдилар? Чунки улар ўзгалар назорати остида ишлаб, мажбуриятларни бажариш талабларига бўйсуниб, ўзлари раҳбарлик қилиш қобилияtlарини бой берганлар. Худди шундай, бу фикр катта маош олсалар-да, эркинликка интилиб колган шахсларга ҳам тааллукли.

Ҳамма гап шундаки, кўпчилик кишилар елкалари оша бошқалар назорат қилиб тергаганида, ўзларининг шахсий ишларини бажариш, ҳал қилишга асло киришолмайдилар. Улар шунга кўникиб, ўзгалар турткиси билангина ишлашга ўрганиб қолганлар ва бу ўзлари учун осондек туюлади.

Ютук ва омадсизлик биз кўникиб кетган одатлар билан боғланиб кетган.

Биз ўзгаришлар ясашни хоҳлар эканмиз, вазиятни, эски одатларимизни ҳам тубдан янгилашимиз лозим. Шундагина ютуққа эга бўламиз.

Узил-кесил ҳал бўладиган нарса борми?

Биз кўп ҳолларда “майда-чуйда”дай туюлган нарсаларга етарли ахамият бермаймиз. Эътибор берайлик, биз оз бўлса-да кунлик режамизни тўла бажармадик. Энди бу ҳолни ҳафталиқ ва ойлик, чораклик режалариға қиёслаб кўрсак, қандай манзара пайдо бўлади? Ойлик режани бажара олмас эканмиз, етти ярим минг марка ўрнига, олти минг марка маош оламиз. Сабаби, кунига ўн соатдан ишлаш имкониятимиз бўла туриб, саккиз-тўқиз соат ишлаганмиз, холос. Бу кўрсаткич ҳам аслида ёмон эмас. Ёмони шуки, биз тушлиқдан ташқари яна бир соат ушланиб қолсак ёки ишга тўккизда эмас, тўқиз яримда келсак ёки иш билан боғлиқ бешта учрашув ўрнига тўрттаси билангина мулоқот қилсак, ўзимизга сезилмасада, қанча вақт ва имкониятни бой берадиганимизга эътибор берамизми?! Булар “майда-чуйда”, “арзимаган” нарсалар эмас, режадаги даромадимизга манфий таъсир этувчи, йигиб, тўплаганда салмоқли, салобатли шакл олувчи йўқотишлардир.

Бахтга қарши, биз кўп йиллик иш фаолиятимизни шутариқа таҳлил этсак, пайдо бўлувчи манзара янада жиддий кўринишга эга бўлади. Бинобарин, аввал таъкидлаганимиздек, қайси ишда машғул бўлсангиз, уни бир юз ўн фоизга адo этинг. Ҳозир бу сиз учун бош вазифадир. Сиз ютуқка эришасизми, омадсизликка учрайсизми – бу ўзингизга қанчалик ишонишингизга боғлиқ. Сиз ё бой бўласиз, ё қашшоқликка маҳкумсиз. Ўртача кишилар ва ғолиблар ўртасидаги фарқ ҳам шундан иборатдир.

Икки хил кишининг ҳаёт йўллари ўртасида жуда кисқа фарқ бор. Аммо йиллар ўтгач, бу фарқ оралиғи сезиларли даражада ажралиб кетади. Бири муваффакият устида ғолиб жилмаяди, иккинчиси эса қуруқ қўл билан ҳайронликда бошини қаштайди.

Адашмаслик учун шахсий интизомни қатъий қуролга айлантириш лозим. Интизом ютуқлар гарови. Унинг аҳамияти жуда катта. Шунчаки қараб қўйиш, бепарво бўлиш – фаолиятингизга кескин таъсир кўрсатади.

Шахсий эркинлик нима?

Кўпчилик интизом шахсий эркинликни чегаралаб қўяди, деб катта хато қилишади. Аслида, эркинлик деганда нимани тушунамиз? Бу сўз замирида жуда катта аҳамиятга эга бўлган маъно мавжудлигини ҳамма ҳам билиб олиши керак.

Мавзу нуқтаи назаридан шахсий интизом ва шахсий эркинликни истисно тариқасида шундай изоҳлаш мумкин: “Эркинлик – сенинг хоҳишинг. Бажариш ёки қолдириш зарурияти ўзингга боғлиқдир. Ҳаётга татбик этмоқчи, амалга оширмокчи бўлган мақсадингни ўз ихтиёринг ҳукмига ҳавола этишингдир”.

Инсон ўзи режалаштирган ишини бажаришга киришолмаса, бундайларни шахсий эркинлик эгаси, деб бўлмайди. Ҳа, бундайлар эркин эмас, балки ўзининг тентакона қилиқ-одатларининг қули, дейиш тўғри бўлади. Табиатан бекарор, ожиз инсонлар шахсий эркинликдан узок турадилар. Улар ўзларича соф виждонлари билан бирор манфаатли фаолият кўрсатишга ҳам уқувсиздирлар. Улар ҳали ишни бошламай турибоқ, ниҳоясига етказа олмасликдан талвасага тушишади. Улар ҳамиша иккиланиб, гумонсираб яшашлари етмаганидек, бошқаларни ҳам ўzlари каби ҳисоблашади. Бундай кишиларнинг эркинлигига ҳеч ким ишонмайди.

Фаровонлик сари

Одамлар орасида: “Қандай қилиб бадавлат бўлиш, фаровон яшаш мумкин”, деган иккиланишга алоқадор тушунча мавжуд. Кўпчилик бунинг алоҳида, маҳсус

йўли бор, деб ўйлашади. Бу билан ўзларининг яроксиз иқтидорларини фош этадилар. Ахир, истеъдодсиз киши ниманинг уддасидан чиқиши мумкин? Нега бехуда ўйхаёллар билан ўзларини чарчатадилар?!

Бошқалар эса иш чиндан ҳам соз бўлса, бир юз ўн фоизга ишлашга тайёр. Лекин бир юз ўн фоизга қодир кишининг бекор туришини ҳам оқлаб бўлмайди. У кутаётган “соз, катта иш”ларга ўша “арзимаган”, “майдачўйда” ишлар орқали борилади. Ҳа, “катга ишлар”га етиб бориш учун ҳозирдан жон куйдириб машғул бўлиш керак. Чунки ҳозирги “арзимаган иш”лар уларга ўзига хос бир мактаб, сабок ва ўсишdir. Малакани ошириш, сифат сари интилиш “катта иш”ларнинг дебочаси бўлиб колади. Муваффакиятга тезкор ишлар эмас, бажарилиши кийин ва секин бажариладигани орқали эришилади.

Бизни муваффакиятга элтувчи омил – шахсий интизомни тарбиялаш, топширилган ишни нисбатан кўпроқ бажаришга интилишdir. Шундагина ўзимизни каноатлантирадиган даражада кўп ишлашга эришамиз.

Режалаштирган ишингизни, албатта, ортиғи билан адо этишга ўзингизни ишонтиринг. Ким кундалик ҳаётида “арзимаган” ишларни ҳам уddaрай олмас экан, у шахсий ишончини йўқотади.

Шахсий интизомни тарбиялаш

Ҳар бир инсон мустаҳкам, темир ирода соҳиби бўлиши керак. Бунда ҳал қилувчи куч бизнинг мақсадимиз билан боғлиқ. Мақсадсиз кишига интизомнинг сариқ чақалик киймати йўқ. Мақсад аниқ бўлса, режанинг бажарилиши ҳам аниқ муддат кашф этади. Мақсад бизни харакатга чорлайди. Тилак ва туйгуларимиз ўринини энди темир интизом эгаллайди.

Сиз ишни қўлга олар экансиз, ўзингизга бошлиқ сифатида буюринг ва уни бажаришга итоаткор сифатида киришинг. Бунда икки шахс вазифасини бажарасиз.

Яъни ўзингиз ўзингизга бошлиқ ва ўзингиз бажаришга дахлдор тобе бўласиз. Назоратчи ҳам, талаб қилувчи ҳам ўзингиз. Бу вазифаларнинг изчил адо этилиши Сизда шахсий интизом шаклланганлигини, энди харакатларингизда самарадорлик юксалишини кўрсатади.

Ўзингизни алдаманг

Сиз ўзингизда икки шахс – бошлиқ ва бажарувчи вазифасини ўтар экансиз, аввало, ўзингизни алдаш ҳолатидан халос этинг. Шунчаки орзу билан чекланиб, ҳардамхаёлликка берилиб, уни амалга ошириш чорасини кўрмас экансиз, ўзингизни ўзингиз алдаётган бўласиз. Бундай вазиятда иш мароми бузилиб, маҳсулдорлик йўқолади. Биз кун бўйи қўлимизни ҳеч нарсага урмай ҳам нималар биландир банд бўлишимиз мумкин. Масала шундаки, биз айнан нима билан машғул бўлдик?

Бундай хатарга йўлиқмаслик ва алданмаслик учун сиз бошлиқ сифатида кечкурун ўз-ўзингизга қуидаги саволни бериб кўринг: “Хўш, бугунги ишда мен эришган натижа қандай бўлди? Аниқ нима қила олдим? Даромадга таъсири борми? Нималар ҳал бўлмади?” Саволга бераётган жавобингизнинг кеча ёки бир ой, бир йил аввал нима иш бажарганингиз учун аҳамияти йўқ. Шунингдек, эртага ёки бир ойдан кейин “вазият, фурсат келса бажараман”, деган жавобингизнинг ҳам аҳамияти йўқ. Ҳатто бугун бажаролмаган режангизга ҳам алоқаси йўқ. Энг аҳамиятга сазовори шуки, сиз бугун бажараман, деган режангизни амалга оширдингизми? Аниқ нима иш қилолдингиз? Сизнинг даромадингиз бажарган ишингиз салмоғи билан ўлчанади. Бинобарин, қилган ишларингиз учун тўғри ва ҳалол баҳо беринг. Кўпчилик ўзига берган ваъдасини бажаришда интизомсизлик қиласи. Сиз режа ва назоратни фақат каллангизда тайёрлаб, иш юритмоқчи бўлсангиз, кўпинча янгилишиб кетганингизни пайқамай қолишингиз мумкин. Бунда, ҳатто бажарган ишларингиз

салмоги күпайиб кетгандай, сизни чалғитади. Бундай ҳолатда иш поёнида бугун нималар қилганингизни ўзингизга савол тарикасида берсангиз, виждонингиз сизга ҳақиқий жавобни айта олмайди. Бу ўзини оклаш ва алдаш туфайли рўй беради. Начора, бизнинг феълатворимиз шунаقا. Биз, яна таъкидлаймизки, ўзимизни алдашдан қатъий сакланишимиз лозим. Бундан халос бўлишнинг энг тўғри усули режа ва ўз фаолиятингизни, эришган-эришмаган натижаларингизни ёзма равища ҳисобга олиб боришингиз кулайлик туғдиради. Бунда хотира ҳам панд бермайди. Аммо халқ тилида “хатга тушдинг – ўтга тушдинг” ибораси бор. Демоқчимизки, килинган ишлар ёзма тарзда изоҳлаб борилгач, энди қофозлар сизни аяб ўтирумайди. Чунки ҳар бир хатти-ҳаракат натижаси, миқдори ёзувда акс этган бўлади. Ўзингизни доимо ҳақиқий аҳвол билан юзма-юз тургандай ҳис этасиз...

Рақамли кўрсаткичларни айниқса, аниқ қайд этиб, тўплаб бориш лозим.

Ғолиблар ҳамиша ўзларини, фаолиятларини шу тариқа қатъий назорат килиб борадилар. Бирор нарсани назардан кочирмайдилар. Ёзib борилган дафтар келгусида сизга йўрикномадай бўлиб қолиши мумкин. Эртага нима қилмокчисиз, бугун нимага эришдингиз – ҳаммаси кўзгуда акс этгандай кўриниб туради. Айни вақтда, кишиларни бошқариш, вазифасига масъулиятини ошириш, берилган топшириқ натижалари ҳамиша ёдингизда туради. Ҳамма ишни барча кўлами билан эсда саклаб қолиш кийин. Бизнес олами рақамлардан иборат эканлигини доим ёдингизда тутинг. Турли маълумот, ахборот ва бошқа ҳужжатларни пухта билмай туриб бизнесда фаолият юритиш мушкул.

Инсонни хатти-ҳаракати, қилган ишлари учун ҳамма вақт мақтаб туриш ёқимли туйғуларни уйғотса-да, камолотга эришиш имкониятларини йўқка чиқаради. Ҳаққоний танқид оғир ва аччик бўлса-да, уни оқилона

бартараф этиш сезиларли даражада манфаатли эканлигини англаймиз. Голиблар олди-қочди ахборот билан эмас, нақд, очиқ-ойдин, холис баҳолар билан фаолиятларини белгилайдилар. Ёдингизда туting: ўзини ўзига бўйсундиролмаган киши бошқаларга итоат килишга мажбур бўлади.

Амалий машғулотлар

1. Ишлаб чиқаришдаги муваффакиятим шахсий интизомга боғлиқлигини унутмайман.

2. Мен ўзимга ўзим бошлиқ ва ўзим ишни бажарувчи (тобе) вазифасини ўташни қатъий йўлга қўяман. Мен ё ўзимни ўзимга тобе киласман ёки бошқаларга итоат этишга мажбур бўламан. Мен бошқалар учун эмас, ўзим учун ишлашга ўтаман.

3. Иш ниҳоясида ҳар куни ўз фаолиятимга танқидий ёндашиб тамойилларига риоя этаман. Бажарилган, кўлга киритилган натижаларни, қандай бўлишидан қатъий назар, очиқ-ойдин ёзиб бораман.

4. Ҳар қандай киши ҳам умр бўйи темир конун ва интизом остида яшай олмайди. Шунинг учун ҳам икки хафтада бир марта ўзим учун “ялқовлик куни”ни белгилайман. Бу кунда ҳамма нарсани йиғиштириб қўйиб, кўнглим хоҳлаган нарсаларни амалга ошираман. Кун бўйи ётишим, сайд қилишим, овга боришим, исталган кўнгилхушлик билан машғул бўлишим мумкин. Эртасидан эса аввалгидек интизомнинг барча талабларига риоя этган ҳолда яна ишга киришаман. Агар ишда толикиб қолсам, “Ялқовлик куни”гача неча кун қолганини ҳисоблаб, ўзимни овунтираман-да, ишга шўнгийман. Бу менинг шахсий интизомимни мустаҳкамлашда катта кўмак беради.

ҮН ЕТТИНЧИ ҚОНУН

ЮҚСАК МАҚСАДЛАР САРИ

Американинг йирик нефть саноатчиларидан бири ўз шогирди билан сұхбатлашар экан, унга улкан мақсад ва режаларини тасвирлай бошлади. Шогирд ҳайрон бўлганича, катта рақамларга ишонмай қаарди. Устоз эса келажакда янада ўсиш кўрсаткичларини ифодаловчи режаларни ёзиб кўрсатарди.

Шогирд бу лойихаларни бажариш иштиёқида бўлса ҳам унча ишонкирамас эди. У ўз фикрларини устозига айтишга мажбур бўлди.

— Буни амалга оширишнинг иложи бормикан?

— Мен, — деди миллиардер, — ўз олдимга катта мақсадлар қўйиб, интилганим учун бадавлат кишилардан бирига айландим. Очиқроқ айтсам, ўшанда мен режалашибирган ишларни бошқалар ҳам сен каби, уddaлаш қийин, деб иккиланишди. Аммо мен мақсад йўлида онгли равишда қатъий меҳнат қилдим ва унга тўла эришдим.

Кейин у шогирдини ўз томорқасига бошлаб у ерда парвариш қилинаётган ошқовоқларни кўрсатди. Улар ҳосилга кириб, катта-катта бўлиб ўсган эди. Лекин тажриба учун биттасини гулидан тушгач, шиша банкага жойлаган эди. Ошқовоқ банкада бошқалари билан теппаченг бир хил парвариш қилинган бўлса ҳам унча каттармаган эди. Бўш шишани тўлдирган эди, холос. Устоз шогирдига бу манзарани кўрсатар экан, танбех берди: кўпчилик кишиларнинг бечоралиги шундаки, ҳали режани бажаришга киришмай турибоқ, натижага қандай бўларкин, деб иккиланадилар. Улар шу тарзда ўсиш имкониятини гўё шиша банка ичига ошқовоқни киритиб қўядилар ва ўzlари ҳам ана шу қобик ичидаги қолиб кетадилар. Бизнинг мақсадимиз натижаси ўсишимизга боғлик. Шиша қалпоқ остида ўсиш қийин. Биз ўзимизни ўзимиз хеч қачон ўсишдан чеклаб

қўймаслигимиз керак. Сен шунчаки доллар учун ишласанг, ҳаёт сенга бир доллар тухфа қилиши мумкин, холос. Катта мақсадлар катта натижалар беради. Ҳаётда ивирсиб яшаб бўлмайди, ахир, умр шундок ҳам ўлчовли берилган. Уни елга совурмаслик керак.

* * *

Қандай мақсадларни режалаштириш кераклигини бизга ўргатишнинг кераги йўқ. Негаки, бу борада қўпгина йўл-йўрикларни ўз ичига олган китоблар мавжуд. Лекин уларда айнан бизнинг мақсадимизга мувофиқ келувчи тайёр лойиха йўқ. Биз нимани мақсад қилишни биламиз. Аксинча бўлса эди, қўлимиздаги мавжуд нарсаларга эга бўлмасдик. Айтайлик, бизнинг келажакдаги мақсадимиз уй-жой қуриш ёки шахсий машина сотиб олиш бўлиши мумкин. Сиз аввал шуни хоҳладингиз, энди уни топиш, бажариш имкониятини яратдингиз ва эга бўлдингиз. Кўряпсизми, ҳаммаси оддий.

Хоҳиш кучли бўлса, уни амалга ошириш осон. Афсуски, қўпчилик кишиларда кучли хоҳишнинг йўклигидан, улар шунчаки майда-чуйдалар билан кифояланишади. Ваҳолангки, улуғвор ниятларни бажариш, унга эришиш имконияти ҳамма-ҳаммада бор.

Ёзуви Жонатан Свифтнинг шундай кинояли фикри бор: бахтли киши шуки, у бирор нарсани кутмайди ҳам, ҳеч қачон умидсизликка тушмайди ҳам. Кутиш – гўё алдокчи туйғу, инсон бир умр кутиши мумкин. Кутилаётган нарсани ҳақиқатга айлантирувчи омил – харакатдир. Бош масала майда мақсадларга ўралашиб қолмаслик. Остонада турибок мақсаддан чекинманг. Буни уддалаб бўлмайди, деган фикрни каллангиздан мутлақо чиқариб ташланг. Ёдингизда тутинг, улғайганингиздан кейин амалга оширмаган, килмаган ишларингиз учун пушаймон бўласиз. “Ушанда ҳамма нарсага қўлим етардию бажармаган эканман”, деб афсус чекасиз. Ваҳолангки, афсус-надомат, ўртаниш ва ғазабга миниш бирон бир муаммоимизга мутлақо таъсир ўтказа олмайди.

Бир кун атрофингизга боқиб, “Агар аввалдан мақсадимни каттарок килиб, имкониятни бой бермаганимда, ҳозирги ҳаётим мутлақо бошқача бўлиши аник эди”, деб кўксингизга алам билан муштлаб юрмаслик учун ҳозирдан ўзингизни қўлга олинг. Ишни бошланг.

Марк Аврелий айтганидек, келажакда яшашни орзу қилган ҳаётингни ҳозирдан бошла...

Мавхум ҳоҳишларнинг ўзи мақсад бўлолмайди

Модомики, даромадингиз кўпайишини хоҳлар экан-сиз, бу сизда кучли истак ва амалиётга айланиши керак. “Шу ишни амалга оширсам, зўр бўларди”, дейдиган кишилар ҳақиқатан ҳам унга эришадилар.

Ҳаётда юқори чўққиларни забт этганлар ўз мақсадларини мавжуд воқеликка мослаштирумайди, балки ўз ишлари билан ҳаётга ўзгартиришлар киритишади. Фолибларни эскича турмуш тарзи кониктирумайди, шунинг учун ўз мақсадлари сари дадил қадам ташлашади.

Мақсад имкониятлари

Қачонлардир юзлаб бўлаклардан иборат расм парчаларини йиғиб, “бутун” холатга келтиришга уриниб кўрганмисиз? Эътибор беринг, бу расм парчаларини ўрни-ўрнига қўйиш, рангларини тўғри жойлаштириш учун биз ўша расмнинг айнан тасвирини ҳам аввал кўрган бўлишимиз керак. Ўшанга қараб парчаларни тиклаймиз. Аксинча, жараён кийин кечади, ҳатто хатога йўл қўйишимиз ҳам мумкин.

Ҳаёт сурати парчаларини “тўплаб”, жой-жойига қўйиш ҳам мураккаб ва жиддий машғулотлар сирасига киради. Бунинг учун бизга кўплаб китоб-журналлар, маслаҳатчилар, семинар-кенгашлар, интернет-сайтлари ва бошқалар ёрдамга келиши мумкин.

Биз намуна бўладиган тасвирни тўла кўз олдимизга келтира олар эканмиз, бу – мақсадимизнинг аниқ кўриниши бўла олади. Дастреба биз уни амалга ошира оламизми-йўқми – иккиланиш, хавотирга ўрин йўқ. Синов даври паст-баландликлардан иборат. Осон кечмайди. Илк мақсадга эришгач, биз ҳаёт йўлимиздаги биринчи босқичга етган бўламиз. Биз ҳаётда дуч келган нарсани бўйсундириш учун яшамаймиз. Мақсадимиз бизнинг ҳаётдан ўз ўрнимизни топишимишни таъминлаши керак. Шу маънода, мақсаднинг қўйидаги ҳолатига эътибор берайлик:

1. Мақсадимиз бизга қайси йўлда эканлигимизни аниклаб беради. Аксинча, нима учун, қаёқка, қачон харакат килаётганимизни ажратолмаймиз.

2. Мақсадимиз онгли харакатимизнинг илгарилашини таъминлайди. Йўлимизда учрайдиган турли тасодиф ва ҳодисалар ҳам бир имконият вазифасини уташи мумкин.

3. Мақсадимиз ҳаракатимиз учун етарли далил ва омилларни ҳозирлайди.

Мақсад моҳияти

Улуғ мақсадларни кўзлашда кўплаб манфаатлар мавжуд. Сиз самарали юксалишга эришмоқчи экансиз, сўзсиз, мақсад ҳам улуғвор вазифаларни қамраб олади. Бу ерда гап сиз сотиб олмокчи бўлган данғиллама уй ёки энг киммат турувчи автомобиль ёки пул ҳақида кетаётгани йўқ. Бизнинг барча ҳаракатларимиз бу жараёнда шахсиятимиз ривожига, ўсишига қай даражада таъсир этишига боғлик. Биз мақсад сари етиб борамизми, йўқми – аҳамиятсиз. Энг муҳими, ниятимиз сари бор-йўғимизни тикишимиз лозим. Шу шароитда биз жисмоний, маънавий-рухий жиҳатдан ўсиш, ривожланишга эришамиз. Улуғвор мақсадни бажариш сари киришиб, ўзимизда ҳам улуғвор фазилатлар шаклланиб бориши сўзсиз. Ҳа, мақсад юксак бўлса, унга эришиш ҳам инсонда акл-

идрок, сабот ва ғайратни, фидойиликни юксалтиради. Ярим харакат эса ярим натижә беради, холос. Биз юксак мэрраларни забт этолмаган чөгимизда ҳам мақсад улуғворлиги сақланиб тураверади.

Сиз олдинга күйилган мақсадга боғлик масалалар билан танишар экансиз, сұзсиз, қарама-қарши фикрларга ҳам түкнаш келасиз. Масалан, бир жойда айтладики, күзланған мақсад сиз учун, албатта, заруриятта айланиши лозим. Бошқа бир жойда эса уни бажариш ёки бажармаслик унчалик ахамиятта эга эмас, дейилади. Сиз мақсадни катта қылаверинг, аммо уни амалга ошириш имкониятлари ва муддатларини ҳам ҳисобға олинг.

Қисқа муддатларда бажариш имконияти мавжуд мақсадлар бизни тез-тез машғул килиб туради. Узок муддатли катта мақсадлар фурсат ҳамда имкониятлар пайдо бўлиши билан боғлик. Кўпчилик бир йилдан сўнг қандай ютуқ-натижаларга эришии мумкинлигини кўрган ҳолда, ўн йилдан сўнг қандай муваффақиятларни қўлга киритишларини баҳолай олмайдилар. Афсуски, калта ўй оқибати-да, биз беш-ўн йилдан кейин қандай кўрсаткичга эришишимиз мумкинлигини кўз олдимизга келтира олмаймиз. Биз қисқа муддатли режаларни амалга оширишни уддалай олмас эканмиз, руҳий тушкунлик огушида қолишимиз мумкин. Узок муддатли лойиҳаларимиз ҳам издан чиқади. Ишончсизлик пайдо бўлади. Бинобарин, қисқа муддатли режаларимиз ўз шакл-шамойилига, имкониятига ва аникликка эга бўлса, бажариш лаёкатимиз ҳам шунга караб ўсади, такомиллашади. Биз бу йил эришган кўрсаткичларимизни келгуси йилда лоақал йигирма фоизга оширишни кўзда тутишимиз лозим.

Бажарин

Биз барча имкониятларимизни қисқа муддатли энг муҳим вазифаларни бажаришга қаратмоғимиз лозим.

Буни улдалай олсак, келгусида бундан ҳам каттароқ, масъулиятлироқ вазифаларни бажара олишимизга турткы бўлади. Бордию муттасил равишда қисқа муддатли вазифаларни адо этишда омадсизликка учрайверсак, узок муддатли режалар рўёби ҳақида гап бўлиши ҳам мумкин эмас. Бизни амалга оширган ишларимиз ким эканлигимизни билдиради, танитади. Бажармаган ишларимиз фаолиятимизни мутлақо бўшашибириб юборади.

Мақсаднинг уч босқичи

Ғолиблар қисқа муддатли мақсадларни амалга оширишнинг накадар аҳамиятли эканлигини яхши билишади. Аммо уни юз фоизга адо этиш насиб бўлавермайди. Улар барча мақсадларни уч босқичга ажратишади: А, Б ва В.

Мақсаднинг В тури қуидагича: Уни амалга ошириш шарт эмас. Факат бу мақсад калламизда саклаб турилади. Токи унга нисбатан бирор кизиқиш пайдо бўлмагунча вактинча қарор қабул қилмайсиз.

Мақсаднинг Б тури: У режалаштирилади, аммо бажариш мажбурий эмас. Бу мақсадлар мўлжалдаги ишлар сифатида ҳисобда туради.

Мақсаднинг А тури. Бу мақсадлар сўзсиз бажарилиши керак. Аксинча, сизнинг шахсиятинингиз ва ўзингизга бўлган ишончингизга путур етади.

Сиз масъулиятли мақсадларнинг бажарилиши шарт бўлганларини юкоридаги ҳарфли босқичларга ажратинг. Бунда, сиз вазифани адо этмаган тақдирингизда ҳам навбатдаги имконият каби ўзингизга нисбатан ишончингиз сақланиб қолади.

А босқичидаги мақсадлар ҳаддан ташқари кўп бўлмаслиги керак. Негаки, сиз албатта, ниҳоясига етказиб бажаришингиз талаб этилади. Бу ўзингизга бўлган ишончингизни янада оширади. Шундагина сиз: “Хозиргача мен барча мақсадларимни рўёбга чиқардим,

бундан кейин ҳам шундай бўлиб қолади”, дейишингизга асос туғилади.

А босқичидаги узок муддатли мақсадлар бизнинг ҳәётимизда ҳал қилувчи таъсирга эга. Юқорида таъкидлаганимиздек, у кўп бўлмаслиги керак. Улар сонини бажарилиши кийин бўлган мақсадлар хисобига белгилаш лозим. Сиз ўзингизни ҳар хил савол ва ўйлар билан банд қилиб кийнаманг. Иш бошланмагунча натижа қандай бўлиши кўзга ташланмайди. Аниқлик татбиқ этишда пайдо бўлади. Че Гевара шундай деган экан: “Келинглар, биз амалиётчи сифатида иложи йўқ нарсаларни бажаришни ўрганайлик”.

Амалий машғулотлар

1. Узок муддатли мақсадларимни қайта кўриб чиқиб, уларга киришиш керакми, йўқми – хисобга оламан. Ҳәётимни тубдаң ўзгартиришда узок муддатли мақсадлар менга таъсир ўтказади. Мақсад қанча улуғвор бўлса, менинг ҳәётим шунчалар ажойиб ва фаровон бўлади.

2. Буюк мақсадлар моҳиятини англаб етмайдиганлар учун тушунтиришга ҳаракат килмайман. Улар билан олиб бориладиган баҳс-мунозаралар ҳеч качон ишни силжитишга кўмак бермайди. Улар вақтимни, имконият ва куч-ғайратимни сусайтиради, холос. Яхшиси, ишнинг кўзини биладиган, ҳақиқий донишмандлар билан мақсадимга эришиш йўлларини маслаҳатлашаман.

3. Мақсадларим мавхум бўлиб қолмаслигига эришаман. Бунинг учун менинг мақсадимга тааллукли бўлган китоб, журнал ва газеталарда эълон қилинган тавсияларни, йўналишларни ҳамда расмларни тўплаб, альбом ҳолатига келтираман. Бу альбом ишга киришганимда мухим кўлланма вазифасини ўтайди.

4. Киска муддатли мақсадларни А, Б, В босқичларига ажратаман. А босқичли мақсадларни сўзсиз амалга

ошириш чораларини құллайман. Чунки бу боскичга мен бажара оладиган максадларни киритаман.

5. Мен үз қалбимга кулоқ соламан ва шундай саволни үзимга күндаланг күяман: “Мен үз қарашимға узок муддатли максадларни қоя олишга рухан, жисмонан тайёрманми? Уларни рүёбга чиқаришга имкониятим, умрим етадими?”

ҮН САККИЗИНЧИ ҚОНУН

ОДАМЛАРГА МУХТОЖ БҮЛГАН НАРСАЛАРИНИ БЕРИНГ

Замонавий латифалардан бирида шундай дейилади. Қүш ва шамол ўзаро баҳслашиб қолишибди. Ким кучли эканлигини аниқлаш учун дуч келган кишини ечинтиришга келишишибди. Шамол бор имкониятини ишга солиб инсонга ташланиб қолибди. Одам эса иложи борича иссикрок ўраниб олишга астайдил ҳаракат килибди. Гал күешга келганды аста ўз хароратини баҳш эта бошлабди. Инсон иссиклаб кетиб, ечина бошлабди. Шамол таслим бўлибди...

* * *

Агар биз инсонларга самимий, меҳрибон, қалби очик, беғараз ва дўстона муносабатда бўлсақ, жуда кўп ижобий ҳамкорликка эришамиз. Атрофимиздагиларга хушфеъллик билан муносабатга киришар эканмиз, уларни ҳамжиҳатликка чакира оламиз, ишонч ва хурматга сазовор бўламиз. Бундай фазилатлар рўйхатини истаганча давом эттиришимиз мумкин. Оқибат сўзи бу ерда меҳр-муҳабbat маъносида қўлланилмоқда. У шунчаки пайдо бўладиган оддий туйғу эмас. У ҳар бир қалбда мавжуд бўлса-да, доим уни ошкор этишга истиҳола қилинади. Аммо мантиқан чукур мулоҳаза юритиб, одамлар кўпроқ нимани кўмсаётгандарини сўрасангиз, улар меҳр-муҳабbat, оқибат, озгина эътиборга зор эканлигини пайқаш қийин эмас. Меҳроқибатли бўлиш ўзгалар билан яқинликни, алокадорликни мустаҳкамлайди. Ҳаёт мазмуни самимий, гўзал тус олади. Унинг ёрдамида ҳал қилиб бўлмайдиган масаланинг ўзи йўқ.

Муҳабbat – энг қудратли куч ва донишмандликка йўғрилган илохий туйғу. Биз яқинларимиз, атрофимиздагиларга қанчалик меҳр-оқибат кўрсатсак, унинг самара-

лари ҳам шунча тез намоён бўлади. Мақсад сари масофалар кисқариб боради.

Сизга мақсадни амалга оширишнинг оғир ва енгил туридан қай бирини танлашни сўрашса, қай бирини хоҳлаган бўлардингиз? Мехр-оқибат ҳар кандай қийинчиликларни енгиб, мақсад сари дадил интилишга даъват этади. Колган ҳаммаси – сизнинг фидойи харакат ва меҳнатингизга боғлиқ. Бусиз ҳеч нарса ўрнидан силжимайди. Инсон ҳар бир нарсага иқтисодий нуктаи назардан меҳр-муҳаббатли бўлишни тақозо этади. Оқибатли бўлиш – ўта кўнгилчанлик дегани эмас. Унинг суистеъмол қилинишига асло йўл қўйиб бўлмайди.

Сиз зинҳор оқибати можаро ва фитнага олиб бориши мумкин бўлган нохуш туйғуларга эрк берманг. Биз кураш мақсадга, ғалабага тез етказишини биламиз. Мақсад сари интилиш кураш натижасида самара беради. Биз тўқнашувлар кам самара беришини унутмайлик. Ундан эришилган муваффакият кисқа муваффакиятдир. Боз устига, ортидан кутилмаган янги муаммолар пайдо бўлиши мумкин. Чунки можаро, тўқнашув туфайли эришилган ютуқ омонатроқ бўлади. Каердадир, кимдадир ғайриихтиёрий мусобақа – уч, қасос, кўролмаслик ёки зўравонлик асоратлари бош кўтариши мумкин. Мехр-оқибат туфайли биз эришган марралар қувонч ва осойишталикни таъмин этади. Бир қошик асал жиғилдон тўла ўт (сафро)ни сўндирганидек, меҳр-муҳаббат ҳам сизни ножӯя холатдан саклаб қолади.

Амалий қўллаш усуллари

Даволовчи шифокор ўз беморининг ишонч-хурматини қозонсагина шифо бағишлиши самарали бўлади. Шифокорнинг самимийлиги, меҳрибонлиги беморни оёқка турғизади. Харидорларига хушмуомала, ҳозиржавоб, мулойим сотувчилар ҳамиша маҳсулотларининг кўп сотилишига муваффақ бўладилар. Ўз қўли остидаги

ишли-хизматчилари билан самимий ҳамкорлик яратса олган жамоа раҳбарининг ишида жиддий муаммо, тўқнашувлар бўлмайди. Самимият, ғамхўрлик туфайли ҳамма ўз ишини билиб қиласади. Ота-оналар ўз фарзандларига меҳр-муҳаббатларини ошкора баҳш этганинг учун ҳам улар намунали хулқ-автор эгалари бўлиб вояга етадилар. Одамлар билан узоқ вақт биргаликда ҳамкорлик фаолияти – айланниб келиб меҳр-оқибат ва ғамхўрликка бориб тақалади.

Кўпчилик инсонлар ўз атрофидагиларга чин дилдан самимий муносабат кўрсатишни хоҳлашади. Аммо уни қандай бажариш кераклигини била олмайдилар. Сизга азалдан олтин қоида ҳисобланган қуйидаги сўз маълум бўлса керак: Сен одамларга қандай муносабатда бўлишни хоҳласанг, улар ҳам ўша тарзда жавоб қайтаришади. Бу гап ҳар бир кишига тааллуқли ва ҳамма учун фойдалидир. Афсуски, бу олтин қоидамизнинг ҳам орқа, иккинчи томони бор: Одамлар ҳар хил, уларнинг хоҳиши ва талаблари бизнинг қарашларимизга мос тушмаслиги мумкин. Биз ўз қарашларимизни дуч келган шахсга тикиштира олмаймиз. Бежиз ўн саккизинчи конун сарлавхаси “Кишилар мухтоҷ бўлган нарсани берайлик”, деб номланмаган. Биз улар нимани хоҳлаётгандикларини хушёрик билан илғаб олишимиз керак. Биз уларнинг хоҳишига, туйғуларига ноҳушлик етказмаслигимиз керак. Уларни чин юракдан тушуна олиш санъатига эга бўлишимиз талаб этилади. Эътибор берсангиз, ҳар бир киши ўз хоҳиши ва эҳтиёжлари ҳакида белги-сигнал юборади. Ҳамма гап ана шу белги-сигналларни тўғри қабул қилиб, тўғри ҳал эта билишдадир. Ўшанда биз ўзимизга эмас, уларга маъқул ва манзур бўлган ишни бажарган бўламиш.

Бу ҳар қандай қарама-қаршиликнинг, етилиб келаётганд мажароларнинг олдини олишда кўл келади. Бирдамлик ҳар доим ишchan вазиятни пайдо қиласади.

Келинг, биз инсонларга ўзаро муносабатимизни банк чеки күринишида тасаввур этайлик. Бордиу чек ҳисоби бүш бўлса, биз тезлик билан тўловни амалга оширишимиз – чекка пул ўтказишимиш керак, аксинча, жиддий муаммо юз бериши мумкин. Агар чекда етарли микдордаги пул бўлса, ҳеч қандай кўнгилсиз воқеа юз бермайди. Ҳамма, ҳаммаёқ хотиржам ва осойишта. Бинобарин, доимий ғамхўрлигимиз – бу қўл остидаги кишиларимиз ҳисобида доимий маблағнинг мавжудлигидир. Бу доимо ўзаро алоқаларимизни сўзсиз мустаҳкамлаб боради.

Йигирма тўртта олтин қоида

Қўйида ҳукмингизга ҳавола этилаётган қоидалар ҳаётий фаолиятингизда муҳим ўрин тутади. Сиз уларни ҳаётда кўллаб, инсонлар меҳр-муҳаббатига сазовор бўласиз. Доимо ҳисоб рақамингиз тўлиб-тошади.

1. Кишиларни кўллаб-кувватлаш, маъқуллаш имкониятларидан яхши фойдаланинг. Арзимаган ютуқлари учун ҳам рағбатлантириб туинг. Рағбат қуёшнинг ёқимли нуридай таъсир этади кишига. Ўсиш рағбат-мақтов билан бўлади. Мақтов ҳеч қачон кўплик қилмайди.

2. Одамларга ўз шахсиятларини сақлаб қолишлирага имконият беринг. Ҳеч кимни ранжитманг ва пастига урманг. Ўзгалар хатосига қизиқиб кетманг.

3. Кўзма-кўз сўзлашганда доимо самимий бўлинг. Сиз ўзингизга мақбул бўлмаган киши билан учрашиб қолсангиз, яхшиси, индаманг.

4. Одамларни эътибор билан кузатинг. Шунда тез орада яхши инсонларни таниб оласиз. Уларга сизнинг мақтовингиз ҳеч қачон хушомад бўлиб туолмайди.

5. Ҳар доим кишиларда олижаноблик ҳисларини уйғотишга интилинг. Ҳар бир инсон ўзи, хулқи, фазилати ҳакида яхши сўзлар эшитгиси келади. Сиз одамларни яхши сифатлари билан қадрланг. Улар бор

кучлари билан меҳнат килишга интиладилар. Мақтov хам тарбия воситасидир.

6. Одамларни иложи борича камрок танқид қилинг. Танбеҳ бериш, кўпчилик олдида изза килиш, ўзингизни раҳбар эканлигингизни билдириб, кўрсатиб қўйишга бўлган иштиёқ – қўл остингиздагиларга малол келади. Хатто, нафратланадилар. Сиз унинг хатоларини самимий тарзда бир бор кўрсатиб қўйинг, ёрдам беринг. Ҳеч качон ёзма равишда ҳеч кимни танқид килишга киришманг.

7. Инсонларга ўзларини ким эканликларини яхши билиб олишларига имкон беринг. Уларнинг шахсиятидаги мақбул ҳаракатлар ва фазилатларни чин дилдан ётироф этинг.

8. Сиз хатога йўл қўйдингизми – кечирим сўранг. Сиз аллакимларни хатонгиз учун айблашга асло уринманг.

9. Сиз одамларга фармонбозлик бўйруқвозлиқ ўрнига таклиф тариқасида мурожаат этишга ҳаракат қилинг. Шунда ҳаммани ўзингизга жалб эта оласиз.

10. Баъзан ходимлар норозилик билан дағал муносабатда булиши мумкин. Сиз бу ҳолатни хушёрлик билан кузатиб, сабабларини аниқланг ва чора кўринг. Кўпинча бундай ҳолат етишмовчилик, ёрдамга муҳтожлик окибатида келиб чиқишини унутиб қўйманг.

11. Одамлар ўртасида камрок сўзланг. Бошқалар ўз фикрларини тўла айтиб олишларига имкон беринг. Яхши тингловчи булишга ҳаракат қилинг.

12. Яхши ғоя ким томонидан биринчи булиб айтилганининг аҳамияти йўқ. Сиз одамларни яхши фикр мулоҳаза, таклиф айнан уларга тегишли эканлигига ишонтириб, миннатдорчилик изҳор этинг.

13. Сўзлаётган киши ноҳақ бўлса ҳам гапини бўлмай, охиригача эшитинг. Уларни охиригача тингламас экансиз, барибир улар сизга қулок солишмайди.

14. Сиз кишиларни бошқалар нуктаи назаридан баҳолашга ҳаракат килиб кўринг. Доимо улар хулқ-

авторини таҳлил этиб, нималарга қизиқишини ҳисобга олиб боринг. Ҳамма нарсани тұғри қабул қилиб тушудың кишиларни айни вактда кечириш ҳам мүмкін.

15. Ұзингизнинг ҳақ эканлигингизни исбот қилишга ھеч қачон уринманг. Ҳар қанча билимдон бұлсанғиз ҳам үзингизни босинг.

16. Инсонларга тез-тез турли ҳадя-тухфалар қилиб туриңг. Бунинг учун бирор тантана ёки байрамни кутиб туриш шарт әмас. Совғалар қандай ҳажмга эга бўлишидан қатъий назар, бериё, таъмасиз бўлсин. Ишга ижодий ёндашинг. Инсонларга шодлик бахш этинг. Ҳар бир ходим үзича сизнинг ғамхўрлигингизни хис қилиб турсин. Уни үйлаётганингизни сезсин.

17. Агар сизга бирор масала юзасидан эътиroz билдиришса, туйғуларингизни жиловлаб, аччикланманг. Аввало, инсонни яхшилаб тингланг. Унинг маъқул келган фикрини тутинг-да, эътироф этинг. Үзингизга таңқидий баҳо беринг. Сухбатдошингизга унинг таклифини ўйлаб кўришингизни айтиб, ташаккур билдириңг.

18. Одамларга, уларнинг манфаатларини кўзлаш ва химоя этиш – ўз манфаатларини ҳам химоялаш демакдир. Уларга ҳар доим ёрдам қўлини чўзишга тайёр эканлигингизни намоён этинг.

19. Самимий табассум қилинг. Сизнинг табассумингизга ھеч ким муҳтож әмас. Балки бошқалар табассум билан бокишни хоҳламас. Сиз эса бундай хатога йўл қўйманг.

20. Кишига мурожаат этаётганингизда унинг исми-ширифини тўла айтинг. Бу унга нисбатан ҳурматингизнинг очиқ белгисидир. Фалон-пистон, деб камситиш одобдан әмас. Ҳар бир кишига ўз номини бошқалар томонидан эшлиши жуда ёқимли ҳисобланади.

21. Бошқалар кўзига осойишта боқиб, нима демоқчи эканлигини, нимага муҳтоҗлигини уқиб олишга интилиңг.

22. Сиз юзма-юзми, телефондами шундай муомала қилингки, сұхбатдошингизнинг сиёки очилиб, кайфияти яхшиланиб кетсин. Самимиятингиз учун унинг шахсан сизга, корхонангизга ва бошқа ходимларингизга нисбатан ҳурмат-әхтироми құтарилсін.

23. Кечиримли бўлинг. Кекчи, аразчи, касоскор ҳолатда муштни тугманг.

24. Атрофингиздагиларнинг ишончини суиистеъмол қијманг.

Юкоридаги қоидаларни тўла қамраб олиш ва қўллаш осон кечмайди. Аммо иш юзасидан кўпинча бундай ҳолатлар рўй бериб туриши маълум.

Биз ким билан, қачон, қаерда, нима учун, қандай ҳолатда мулокотга киришар эканмиз, қоидалар ҳам аскотади. Уни қўллаб, янада самаралирек, таъсирчан ва даъваткор усувлар билан мустаҳкамланг. Бу қоидалар замирида шахсиятимиз ҳам такомиллашади. Иродамиз чиникади, ҳурмат-әхтиром қозонамиз.

Саломга яраша алик

Агар биз атрофимиздаги кишилардан доимо норози ҳолда яшасак, аниқки, айб уларда эмас, ўзимиздадир. Бегараз воқелик мавжуд эмас. Дунё шундай. Ҳамма гап – биз уни қандай тасаввур қилишимизга боғлик. *Биз бирор инсон ҳақида ичимизда қандай фикрда бўлсак, уни шу кўринишда қабул қиласиз.*

Одамларга чин дилдан ва мухабbat билан қарашининг куйидаги йўллари мавжуд:

Биринчидан, биз ўзимизни яхши билишимиз лозим. Ўзимизни ҳурмат қила билсак, бошқаларнинг ҳам иззатини жойига қўя оламиз.

Иккинчидан, биз атрофимиздагиларни ҳаддан таш-қари ков-ков қилишга, текширишга тушиб кетмаслигимиз керак. Биз гулнинг таркибий қисмларини узиб ола бошласак, унинг гўзаллигига путур етказамиз.

Учинчидан, биз ҳамиша энг яхши кишилар даврасида бўлишимиз лозим. Баъзилар ўз яқинлари, танишларини пастга уриб, камситишдан роҳат оладилар. Холис баҳо беришни истамайдилар. Бундайлар ҳамма вақт, ҳамма жойда топилади. Биз таъбир жоиз бўлса, уларнинг терисини шилиб, суюгига етказишга интилсак, улар даврасидаги хато ва ожизликларни ҳис этамиз. Бундай ҳолда гўё олам адолатсизлик ва хатоларга тўлиб кетгандай туюлади. Биз танлашда адашмаслигимиз талаб этилади. Халқда, “Сен инсонга кандай карасанг, ўзингда ҳам шуни кўрасан”, “Нурни кўрсанг – нурга айланасан, ботқоқликни кўрсанг, ўзинг ҳам шундайсан”, каби доно хикматлар мавжуд. Бинобарин биз ўзимизни билишимиз, яхши томонга ўзгариб, ўсишимиз керак.

Ҳақоратга чидайсизми?

Бир қўл жангни устаси эндиликда ҳеч ким билан олишмасликка қарор килди. Бироқ ёш жангчилардан бири уни яккана якка муштлашишга чакирди. Кекса жангчи унинг гапларига парво ҳам қилмади. Ёш жангчи эса мажақлаб ташлаш учун оғзига келган ярамас сўзлар билан ҳақорат қилиб, асабига тега бошлади. Уни ва отабоболарини ҳам ёмон сўзларга қоришириб ташлади. Қари уста индамай, унинг ҳақоратларига чидаб ўтираверди. Ниҳоят, ёш жангчи ўз мақсадига эришолмай жўнаб кетди. Қариянинг шогирдлари бундай аянч манзарага чидолмай сўрадилар:

– Сиз нега унга зарба бермадингиз?

– Кимдир сизга совға қилмоқчи бўлсау уни сиз қабул қилмасангиз, совға кимга тегишли бўлади?

– Совғани кимга бермоқчи бўлса, ўшанга-да, – жавоб беришди шогирдлари.

– Баракалла, ҳасадгўй, ёвуз ва манфур кишилар билан ҳам худди шундай бўлади, – деди уста, – сиз уни қабул килишни рад этсангиз, у бошқалар учун қолади.

Соддароқ қилиб айтсак, аҳмоклар билан ҳеч қачон ўчакишиб бўлмайди.

Одамлар ўртасидаги ўзаро муносабатлар иккала томон учун ҳам манфаатли бўлса, келишув осон кечади. Баъзилар эса бунга тайёр бўлмаслиги мумкин. Улардан сал нари бўлиш афзалроқ. Биз ўрганаётган қонун сиздан кўр-кўрона қурбонлик талаб этмайди. Яхшиси, бундай одамлар билан яна бир самимий муомала қилиб кўриш курашишдан афзалдир.

Шундай воқеаларни кузатишга тўғри келадики, баъзан мутлако нотаниш киши сизга катта ҳурмат ва эътибор билан мурожаат этади. Худди яқин кишилар каби ўзини тутади. Демак, биз инсонларга нима демоқчи эканлигига, нимани хоҳлаётганига эътибор қаратишни унутмаслигимиз керак.

Амалий машғулотлар

1. Мухаббат – энг оқилона ва баракали яшаш усули. Шунинг учун бугундан бошлиб одамлар нимага муҳтоҷлик сезишса шуни беришга ҳаракат қиласман.

2. Ҳаётимда мухим ўрин тутувчи бешта инсон билан алоқаларимга назар ташлаб, муносабатларимизга баҳо бераман ва ўзимга яқин одамлар сонини кўпайтириш ҳакида ўйлайман.

3. Бугундан бошлиб ҳаётнинг олтин қоидаларига амал қиласман. Уларни қофозга ёзиб, кўзим тушиб турадиган жойга осиб қўяман ва ҳар бир сухбат олдидан қайтакайта ўқийман.

4. Турли одамларга бўлган муносабатларимни ёзма равишда ёзиб бораман. 24 қоидани ўз одатларим категорига қўшиб, ички эҳтиёжларим сифатида қадрлайман.

5. Яхши кўрган одамимга нисбатан эътиборли, ғамхўр ва меҳрибон бўлишга ҳаракат қиласман.

ҮН ТҮҚҚИЗИНЧИ ҚОНУН

ИШГА БЕПАРВО БҮЛМАНГ

Том ва Сэм компанияга бир вақтда ишга келишди. Том ҳаракатчан, фаол бўлса-да, негадир ишлари юришмасди. Бир карасанг машинаси ўт олмай қолади, ҳали паспорти йўқолиб, уни тиклашга югуради, ертўласида водопровод қувури ёрилиб кетади... Унга қарши ўларок Сэм унча-мунча нарсага бошини кайириб карамайди, фаолиятсиз. Қачон карасанг, телесериаларни ўтказиб юбормай тўла томоша қилади. Шунинг учун ҳам унча-мунча ишchan мулокотларни камроқ белгилайди.

Орадан бир неча ой ўтгач, фирма директори Сэмни ишдан бўшатиб юборди, у буни ҳеч қандай эътиrozсиз қабул қилди-да, туёғини шиқиллатди. Бир оз кундан сўнг Томни ҳам бўшатди. Бу карорга Том жиддий қаршилик кўрсатди: “Мени ялқов Сэм билан тенглаб, ишдан бўшатяпсизми? Ахир, мен ишлашни хоҳлайман ва биламан. Мен факат ҳар хил ҳолатлар билан банд бўлиб коляпман, холос!”

– Мен, – деди директор унга, – компаниянинг ривожланишига жавобгар кишиман. Агар биз олдимизга қўйилган режаларни бажармасак, фирманинг тақдирини аянчли ахволга солиб қўямиз. Шунингдек, унда ишловчи одамлар учун ҳам вазият оғирлашади. Мен учун режа нега бажарилмаётганинг сабаблари эмас, амалий натижка керак!

Муваффақиятга эришмоқ учун барча куч ва имкониятни бир ишга қаратмоқ керак. Бу кўпчилик учун осон кечмайди. Негаки, улар асосий вазифа бу ёқда қолиб, режага хиссаси тегмайдиган ишлар билан овора бўлиб колишади. Бизни ишдан чалғитади ан омиллар жуда кўп: спорт мусобақалари, янги муаммолар, турли

ҳаётий ҳолатлар, хотин билан жанжал ва ҳатто, об-ҳаво ҳам сабаб бўлиши мумкин. Қачонки, об-ҳаво яхши бўлса, уни чалғитувчи бошқа... баҳона тайёр туради. Ишга бепарво бўлиш бизнинг одатий усулимиизга айланиб қолар экан, вазият нокулайлашиб боради.

Қандайдир аҳамиятга эга бошқа ишни кўнгилдагидек адo этдингиз, аммо сиз масъул бўлган иш иккинчи даражага тушиб қолади. Бепарволик кишидаги масъулиятни сустлаштириб юборади.

Ўзингизни оқлашга интилсангиз...

Ачинарли ва хавфли ҳолат шундаки, ўзимизнинг омадсизлигимиз ва камчилигимизни асосий вазифадан чалғитувчи ишлардан излаймиз. Кўпчилик кучкуватини бошқа ишларда йўқотиб, айнан бекорчиларнинг ҳолатини эслатади. Бизни ишимиз натижасига қараб баҳолайдилар, баҳоналаримиз инобатга ўтмайди. Ҳар қандай ҳолатда ҳам ғолиблар муваффақиятни таъминлашга эришадилар.

Биз қанчалик ўткирзабонлик билан ўзимизни оқлашга уринар эканмиз, кимлигимизни фош этаётганимизни кўпинча сезмай қоламиз. Афсуски, бундай оқловлар билан ўзимизни яхши ҳис этамиз. Бу ишхона деразаси ташкарисидаги кор бўроними ёки шунчаки телевизор кўргингиз келиб қолдими – фарки йўқ, баҳона кўп. Натижа бир хил. Ўз фаолиятсизлигимизни довулда қолганимиз, кейингисида эса ер қимирлаш зонасида бўлганимиз ёки йўлда ўлиб ётган қўйни кўмишга тўғри келгани, кейин сиз ҳайдаб келаётган автомобиль баллони иш кўрсатгани ва хоказо баҳоналарни кўндаланг қилган билан ишдаги кўрсаткич ўзгармайди. Натижа ҳам худди шунинг ўзи бўлади. Буларнинг ҳаммаси сизнинг уйда қолганингизни билдиради. Сабаби аён: Сиз ишга боришни хоҳламаяпсиз!

Сизни ишдан чалғитаётган бундай уйдирмаларнинг қиймати бир хил: сиз асосий ишни ҳеч қачон бажара олмайсиз. Бундай ҳолатда қолганлар эндиликда ўзларини назорат қила олиш имкониятини бой берган бўладилар.

Ўзни қандай ўнглаш керак?

Гёте шундай деган экан: “Олдиндан кўра билишнинг ягона йўли – кутилмаған қандайдир воқеанинг содир бўлишидир”. Бизни асосий ишдан чалғитадиган нарса кўп ва биз унинг ўрнини “босадиган” жавоб топишни биламиз. Аслида, бу асосий ишдан сўнг иккинчи даражали ишлар билан бемалол шуғуллансанк бўладику?! Биз кўп нарсаларга олдиндан тайёргарлик кўриб кўйишимиз мумкин бўлмагани ҳолда бажармаймиз. Эътибор беринг, қорли қишида киракаш ҳайдовчи ишга чиқолмайман, деди. Сабаби, автомобилнинг шинаси ёзги мавсумники экан. Хўш, бу ҳайдовчи ёз, куздан кейин қиши келишини, унга ҳозирлик кўриш кераклигини билмасмиди? “Киши ғамини ёзда е” иборасини қандай изоҳлаш керак? Биз олдинда нима бўлишини билмасада, олдини олиш чораларини аввалдан кўришимиз мумкин-ку? Масалан, машинамиз бир кор-ҳолга учрамай туриб, мутахассис- ёки устага вақти-вақти билан кўрсатиб туриш, ёнгин чикмаслиги учун электр асбобларининг созлигини назорат килиб бориш, касалликка учрамаслик тадбирларини олдиндан ҳал этса бўлади-ку?

Бундан ташқари, ҳафта ёки ойнинг айрим кунларини ишдан ташқари пайдо бўлувчи муаммолар учун ажратиш мумкин. Биз мақсад сари интилар эканмиз, эътиборимизни бошқа машғулотлар банд этмаслиги керак.

Улгуриш санъати

Куйидаги ҳолат сизга яхши таниш бўлса керак: кабинетингизда иш билан машғулсиз. Шу пайт ҳеч қандай огохлантирмасдан хонага бир киши кириб келди. Сиз бундай кўргиликка кўп дучор бўлгансиз ва асабларингизга таъсири этган. Аммо, нима қилиш керак? Хузурингизга кириб келган кишини қувиб солмайсизку?! У ўз арз-доди ёки ишдаги муҳим масала билан келгандир? Балки шунчаки бир “кўришиб кетай, дедим” қабилидаги вакт ўгрилариридир. Унумтманг, дунёда вакт ўгрисидек бекорчи душман йўқ. Улар вақтингни ҳам, кайфиятингни ҳам, умрингни ҳам, келажагингни ҳам издан чиқаради! Улардан иложи борича чекининг, якин йўламанг.

Бордию хонага ўзини кийнаётган масала бўйича бирор ходимми ёки қизингизми кириб келса, унга амалий ёндалинг.

Аслида, бизни асосий ишни тўхтатиб, бошқа масалани ҳал этишга мажбур қиласиган вазиятлар доимо пайдо бўлиб туради. Гўё буларсиз ҳаётда маъно йўқдек. Начора, ҳаммасига вакт ажратишга, ҳал этишга улгуришимиз лозим. Мақсад сари интилишимиздаги бундай “тўғаноқ”ларнинг ҳам ишимизда ўз ўрни, аҳамияти булиши мумкин. Масалан, асосий ишни тўхтатиб, машғул булишимизга мажбур этган нарса ўзига хос, кутилмаган танаффус вазифасини ўташи мумкин. Юкорида таъкидланганидек, ҳеч қачон биз “шунчаки иш”лардан халос бўла олмаймиз. Ҳаммасига вакт топишимиз зарур. Биз қилинган ишлар учун кетган вақтга эмас, бекор кетган вакт учун ачинишимиз керак. Оқилона ечим самарали натижга беради.

Амалий машғулотлар

1. Бугун мен ҳеч қандай ўринсиз важ-корсонни ишлатмайман, амалий ишга ўтаман. Мен ўткинчи ҳолатлар қўлидаги ўйинчоқ эмас, ўз ҳаётимнинг эгаси бўлишни хоҳлайман. Ўз омадсизликларимни тан олган ҳолда, одамлар ва вазият мендан юз карра кучли эканлигини эътироф этаман. Мен турли баҳоналар ўрнига барча имкониятимни мақсадим сари йўналтираман.

2. Ҳар қандай ҳолат рўй бермасин, мени асосий йўлимдан қайтара олмайди. Бугунги кунга нима ишларни белгилаган бўлсан, ҳаммасини бажараман.

3. Олдиндан кўриш мумкин бўлмаган ҳолатлардан ҳеч қачон қутулиб бўлмаслигини тўғри идрок этган ҳолда, вакт жадвалини тузаман. Шундай қилсан, ҳолат мени эмас, мен ҳолатни бошқараман.

4. Кутимаган ҳолат рўй берганида, унинг ҳақиқий кўринишига эътибор бераман. Текшириб, баҳолашга, сўнг ечим топишга харакат қиласман.

ЙИГИРМАНЧИ ҚОНУН

ҲАММАГА ЎРНАК КҮРСАТИНГ

Хиндистон мустақиллигининг йўлбошчиси бўлган Маҳатма Ганди ҳузурига бир аёл келиб, боласига кўп қанд емаслик кераклиги хақида насиҳат қилиб қўйишини сўради. Аёлнинг фикрича, улуғ кишиларнинг насиҳати болага яхши таъсир этаркан. Ганди бу ишни бажариши учун уч ой вақт кераклигини айтди.

Орадан уч ой ўтгач, аёл ўғли билан яна Ганди ҳузурига келди. Ганди оддий сўзлар билан болага тушунтирди. Ҳаддан ташқари кўп қанд истеъмол қилиш соғликка зарап келтиради. Унга қанча кам қанд еса, шунча соғлом ва бакувват бўлишини, тез улғайишини айтди. Болакай Гандининг сўзларини тингларкан, айтганларини бажаришга сўз берди. Аёл Гандини четга тортиб сўради: “Нега шу икки оғиз сўз учун уч ой вақт керак бўлди?” Бусиз ҳам юкоридаги гапларни айтиш мумкин эди-ку... Ганди жавобида: “Ўзим уч ой қанд емасдан яшаш мумкинлигини бошимдан ўтказганимдан сўнг, болангга насиҳат қилдим. Ўзим билмаган, қилмаган ишим юзасидан бошқаларга қандай насиҳат бера оламан”, деди. Бу намуна бўлишга арзийдиган энг оддий мисол. Ваҳолангки, ўзгаларга ўрнак бўлишга арзийдиган нарсаларнинг катта-кичиги бўлмайди.

* * *

Бу гаплар замирида салмоқли маъно бор. Дарҳақиқат, ўз тажрибамиздан келиб чиқиб билдириладиган фикр-мулоҳазаларнинг таъсирчанлиги катта бўлади. Авраам Линкольн: “Сен бажарган ишнинг довруғи унча-мунча сўз ва овозларни босиб кетади”, деган экан.

Ишонтириш намуна кўрсатиш орқали ифодаланса, ажойиб ишchan вазият пайдо бўлади. Аксинча, ўзини оқламайдиган кўрсатма ва талаблар ижроси суст бўлади. Бунда биз тўрт нарсага дуч келамиз.

Бинобарин, ҳар бир иш бошқарувчи ёки раҳбар ҳам ўз фаолиятида ана шу тўрт нарсага рўбарў бўлиши мумкин.

Биринчи босқични маҳсулдорлик деб атай қолайлик. Бунда сиз ишлаб чиқариш билан боғлиқ фаолиятингизни ҳар томонлама ривожлантиришга, кўпроқ пул ишланига астойдил киришиб кетасиз.

Сиз бевосита ишлаб чиқариш билан банд бўлиб, атрофингиздагиларнинг ишончини қозонасиз.

Иккинчиси, бошқариш босқичи. Вакт ўтгани сари иш бошқарувчи шуни англаб етадики, ёлғиз ўзи ҳамма масалаларни ҳал эта олмас экан. У энди ўзига тенг шерик ёки ёлланма ишчи топиши кераклигини тушунади. Энди у қолган вактини ходимларига ишни бажариш тартиби ва қоидаларини ўргатишга, қандай килиб топширикни бажариш усусларини тушунтира олишга ажратиши зарур бўлади. Бу билан ишловчилар малакаси оширилади ва... ўзгача яқинлик, ишchan ислим вужудга келтирилади. Ким ўзига жиддийликни ниқоб қилиб, ходимлар билан яқинлик ипларини боғламас экан, ўз атрофидагилар қаршисида нокулай ҳолатга тушиб қолиши эҳтимолдан холи эмас.

Учинчиси, назоратчилик босқичи. Бунда фирма бошлиги ўзининг барча иш юритувчилари устидан назоратчидир. Хизматчилар ҳар доим бошликлардан ўрнак олишга интиладилар. Оддий ҳолга эътибор беринг: корхонага янги ишловчилар келса, эски ходим (ветеран)лар дарҳол вазифа нимадан иборат эканлигини англаб етишади. Чунки янги ходимга доимо аввал иш бошлаган ходим иш ўргатиши, табиий. Улар ишга кўникумга пайдо қилишда янгилар учун гўё ўзларини бошлиқдек тутишлари мумкин. Бундай кезда бошлиқ ўзининг назорат таъсирини қўллаши лозим.

Тўртинчи босқич назоратчи устидан назоратдир. Эътибор берилса, жуда кўп иш жойларида ишнинг кўпин янги келганлар зиммасига тушиб қолади. Эски ходимлар янгиларга иш ўргатиш баҳонасида кўп ортиқча

вазифаларни беминнат “шогирдлар” орқали бажаришади. Ўзларини хўжайиндек ҳис этишади. Фаолиятидаги маҳсулдорлик пасаяди. Ҳамма иш “шогирд” зиммасида қолади. Бундай кезларда доимий равишда ёлланма ходимларни янгилаб туриш лозим. Собиқ раҳбарлардан энди назоратчи сифатида фойдаланиш керак. Собиқ назоратчилар эса ишнинг бориши билан машғул бўлишади. Сиз учун факат умумий кузатув, йўналиш бериш қолади.

Биз бошқаларда ўт пайдо қилиш учун аввал ёнишимиз керак. Биз факат сўздагина эмас, амалда ҳам намуна кўрсата олишимиз даркор.

Алдамчи ўтмиш

Кўпчилик-кишилар ўтмишда эришган ютукларини юз бор пеш қилиб, мактанишдан толмайдилар. Улар ўз ўтмишларининг соясига айланиб кетганлар. Бундай ҳолатларга тушиб қолишдан сақланиш керак. Бугунги нафас билан яшашни унутмаслик лозим. Ҳар бир фаолиятнинг ўзига хос келиб чиқиши ва қонуний ўрни мавжуд. Масалан, санъат арбоби учун бир йилда икки марта кўргазма намоён этиш кифоя. Жарроҳ бир йилгача операция столига яқинлашмаслиги мумкин. Ҳар соҳада ҳар хил йўналиш, харакат мавжуд. Сотувчини олайлик. У, дейлик ўтган йилларда намунали ишлаган. Кўп маҳсулот сотган, ажойиб муваффакиятларга эришган. Афсуски, кейинги ойларда кўрсаткичлари тушиб кетган. Ўз иши билан етарли машғул бўлмаган. Энди унинг меҳнати килган ишига караб баҳоланади. Қанча ишлаган бўлса, ўшани олади, холос. Бу ўтмишини унуголмаётганлар фаолиятидан айрим лавҳалардир.

Алдамчи келажак

Энди баъзи кишилар келажакда ким бўлмокчи, нима қилмоқчи эканликлари хақида шу қадар тўлиб-тошиб сўзлайдиларки, гўё улар аллақачон ҳамма нарсага эришиб бўлгандек ҳис этадилар ўзларини. Ҳали қаршисида амалга ошириши керак бўлган ишларни ҳам гўё бажарилгандай гапирадиларки, ўзингни ғолиблар билан биргаман, шекилини, деб ўйлайсан...

Йўқ, сиз иккиланманг, ишонманг, алданманг – қаршингизда гапиришдан бошқа ҳеч вақога ярамайдиган қип-қизил маҳмадона турибди. Уни олдингиздан хайдан!

Сиз эришган ва эришмаётган ютукларингиз эвазига ишончга сазовор бўласиз. Яхши раҳбарга келажакни ҳам яхши тасаввур кила олиш ярашади. Одамлар иш фаолиятингизга қараб баҳо беришаркан, курук сўз, ваъдаларга учмайдилар. Демак, сўзимиз билан ишимиз бир хил бўлиши лозим. Одамлар энг зўр кузатувчилардир. Улар иш юритишингизни кузатиб, сиз нималарга қодир эканлигингизни аввалдан билиб оладилар. Сиз айни вақтда янги ишни бажараётган бўлсангиз, тез орада эришган натижангизни намоён этишингиз керак бўлади.

Ҳар қандай чиройли, таъсирчан нутқ сиз заҳмат чекиб эришган натижа олдида ип эшолмайди. Бизни танитадиган, тан олдирадиган, ишончга сазовор этадиган фазилатимиз амалий эришган натижаларимизда кўринади.

Ўтмиш ютуклари ёки келажакда режалаشتарилган ютуклар (!) бугунги кунимиздаги фаолиятимизга ҳеч нарса кўшиб кўя олмайди.

Сиз нима дейсиз?

Кўпчилик кишилар улуғвор ва жиддий лойихаларда иштирок этишга интиладилар. Бордию сиз улар қаршисида ўз мақсадингизни ишончли асослаб бера олсангиз,

тарафдорлар ва издошларни топиш қийин эмас. Күпчилик ҳамкорларни тұплаш қийин кечәётганидан нолиди. Улардан факт жаңы мутахассислар йүқлиги тұғрисидаги нолишларни эшитишга тұғри келади! Ваҳолангки, сиз үзингиз уларни қай даражада мақсад, иш сари қизықтириб, жалб эта олдингиз? Ёдигизда туғинг, сиз кишиларни ишонтириб, илхомлантира олmas экансиз, ҳеч ким ортингиздан әргашмайди.

Үзингизга савол беринг: Үзингиз шундай одам ортидан борган бұлармидингиз? Сиз сүнгги ойларда нима ишлар қилдингиз? Нимага эришдингиз? Үз иш услубингиз ва шахсий интизомингиз ҳақида үйлаб құринг. Сиз қандай меңнат қилдингиз? Үз режаларингизнинг бажарилиши даражаси қай ахволда? Бу саволларга Сизнинг эришган натижаларингизгина жавоб берса олади, намуна бұлади.

Үзингиз иш маҳсулдорлигини таъминламас экансиз, узоқ муддатли мақсадларни ҳеч қаңон бажара олмайсиз. Үйда үтириб бөш котириш, хамма ёққа күрсатма, буйрук бериш ишни юритиш учун жуда хам камлик қилади.

Атрофингиздагиларни қизықтириңг

Сиз ҳар доим нима биландир банд бўлишингиздан кўра, қандай жойда, фаолият тури қандай, даромад яхшими, нима билан машғул эканлигинизни билишингиз мухимроқ. Катта муваффакиятларга эришаёттанингиз соҳангизга тааллуқли масалаларни ҳам ўзгартириб юбориши мумкин. Аниқ натижаларни қўлга киритишда иш қобилиятингиз етарли эканлигини ҳам исботлаб туришингиз керак бўлади. Сиз вактлар оралиғида хизматчиларингизга ғамхўрликни доимо яхшилаб боришингиз зарур. Айни вактда үз иш услубингиз ҳамда унинг самарасини уларга ўргатишингиз, кўрсатишингиз керак. Янги ғоя ва имкониятларни ишга солиб атрофингиздагиларни ҳайратта солинг. Шундагина улар

сизнинг сиймойингизда ўзлари учун етук раҳнамони кўрадилар ва дадил эргашадилар.

Сизнинг хоҳ мақбул, хоҳ номақбул ҳолатдаги кўринишингиз кўл остингиздаги кишиларга таъсир ўтказади, ўрнак мақомига ўтади. Сиз кўпинча асосий иш қолиб, бошқа муаммолар билан машғул бўлар экансиз, ходимларингиз сўзсиз сиздан ибрат олади.

Модомики, сиз интизомли, талабчан, муваффақият сирини биладиган шахс сифатида ходимларингизни харакатга келтирас экансиз, улар сизни қўллаб-қувватлайдилар. Сиз қандай бўлсангиз, ходимлар ҳам изингиздан эргашадилар. Ҳаракатчанликни сиз бошлаб беринг, ходимларингиз ҳам ортда қолмасликка интиладилар.

Амалий машғулотлар

1. Мен ҳамма имкониятларимни ишда маҳсулдорликка эришишга қаратаман.

2. Мен тузган режа ҳар бир ходимнинг ўсиши, маҳсулдорликка эришишига хизмат қиласди. Бунинг учун доимий равишда уларни қўллаб-қувватлаб бораман.

Улар мустақил иш юритиш малакасига эга бўлгунча шахсан кузатиб бораман.

3. Раҳбарликдаги энг синалган усул – шахсий намуна кўрсатиш. Ўзимга қўйидаги савонни бераман: Мен ўзимга ўхшаган раҳбарнинг бўлишини хоҳлайманми?

4. Мен ўтмишдаги ютукларим билан ёки келгусидаги ишларимни бажаришдан аввал мағурланиб юрмайманми?

Режа ва мақсад жуда яхши, аммо у амалий иш билан мустахкамланган бўлиши керак.

ЙИГИРМА БИРИНЧИ ҚОНУН

ИШНИНГ ЭНГ ЗАРУРИНИ ТЕЗЛИК БИЛАН БОШЛАНГ

Бир одам ҳолсиз ҳолда шифокор қабулига кирди. У елкасига юкланган масъулиятнинг оғирлигидан чарчаганди. Унинг хаёллари килиши керак бўлган турли юмушлар билан доим банд эди. Бунинг охири кўринмасди. Уни хавотирга солаётган нарса вактнинг етишмовчилиги эди. Тунлари яхши ухлай олмас, кундузи эса тез чарчаб қоларди. Ишончи сўниб, унинг ўрнини хавотир эгаллаётганди. Ақлли шифокор дарров уни тушунди. Беморнинг бу аянчли ҳолатдаги муаммоси – вақтдан тўғри фойдаланмаётгани эди. Бунинг учта сабаби бор: шошилинч бажариладиган ишларни зарурийлари билан алмаштириб кўйиб, тез бажарилиши керакларини ортга сурарди ва шу билан бирга мукаммалликка ҳам интиларди.

Тез ва зарур

Бу икки тушунча ўртасида белгиланган фарқлар бор. Биз ишни қанчалар ортга сурсак ўша иш тез бажарилиши керак буладиган ишга айланиб боради. Биз бу ҳолатдан ўзимизни бора-бора ёмон ҳис кила бошлаймиз. Ҳатто колдирган иккинчи даражали ишларимиз учун ҳам виждонимиз қийналади.

Ғолибларнинг сирлари шундаки, улар ҳамма зарурий ишларни тез бажарилиши керак бўлган ишларга айлантиришади. Ҳар қандай вазиятда ўша ишларни биринчи навбатга қўйишади.

Биз ишни қанча ортга сурсак (зарурийми, заруриймасми) тез бажарилиши керак ишларга айланиб, охироқибатда, ечимини топишга ҳам анча вақт сарфлашга тўғри келиши мумкин. Мана шу ердан ишлар чалкаша

бошлайди. Тез бажарилиши керак бўлган ишлар билан шуғулланган одам эса ҳамиша зарурий ишлар учун вақт етишмовчилигига дуч келади. Бизнинг ҳаётимизга тезлик ўз таъсируни қанча кўп ўтказса, заруратнинг таъсири шунча пасаяди. Тезлик учун тўлаётган баҳомиз, зарурийларни йўқотиши ҳисобига бўлади. Бизнинг замонамиизда тез бажариш керак бўлган ишларга асосий эътиборни қаратиб, зарурий ишлар учун оз вақт ажратиб ҳам бўлмайди.

Тасаввур қилинг, сиз таътилга чиқиб бирор жойга кетяпсиз. Машина юкхонасига энг аввал майда тугунчалар, кийим-кечак ва бошқа турли нарсаларни жойлаштирдингиз. Навбат каттароқ нарсаларга келганда эса сифдира олмай қолдингиз. Агар сиз олдин каттароқ жомадонларни солганингизда майда-чуйдаларни уларнинг орасидаги очиқ қолган жойларга тиқишириб жойлардингиз. Ишда ҳам шундай, қилиниши зарур ишларни олдин бошлаб, орада пайдо бўладиган баъзи узилиш пайтларда майда-чуйда, унчалик керак бўлмаган ишларни қилишга ўрганишимиз лозим.

Етмиш икки соат қоидаси

Сизда ҳам бўлганми, бирор нарсани режалаштирасиз-у, аммо қилмайсиз? Ўйлайманки, сизда ҳам шундай бўлган. Ўшанда ўзингизни интизомсизман, деб ҳам койиган бўлсангиз ажабмас.

Сиз бундай вазиятда шунчаки етмиш икки соат қоидасини бузгансиз, холос. Қоиданинг асосий моҳияти шундаки, режалаштирган ишингизни етмиш икки соат ичида амалга оширишингиз, бирор аниқ ҳаракатни бажаришингиз керак. Агар бунга эришолмасангиз, юз имкониятдан биттасигина қолади ва режангиз қачондир амалга ошишига ишонч қолмайди. Бу билан сиз миянгизга муваффақиятга ишонмасликка туртки берган бўласиз. Миянгиз ўзингизга ишонмас экан, нияtingиздан

қайтганингиз яхши ва уларни жиддий қабул қилмаслигингиз керак. Сиз ўзингиз онгингизга ишнинг моҳиятини сингдириб, хотирага жойлаб жиддий ҳаракат қилмас экансиз, мақсадга етиш қийин кечади. Ҳаракат учун кечикирилган хар бир соат воқеликни суслаштиради.

“Шошилинч” ва “шошма-шошарлик” ўртасидаги фарқ

Етмиш икки соатнинг қоидаси ишни шошилинч қилишни англатмайди. Аксинча шошма-шошарлик асабни толиқтириб касалликка олиб келиши мумкин. Ишни шошилмай қилиш керак. Инсон доим бирор лойихадан иккинчисига ўтиш учун пойга ўйнашга яратилмаган.

Бир фирма жунгли ўрмонларида савдо иши билан шуғулланишни бошлабди ва африкалик ҳаммолларни ишга жалб этибди. Уларни тез юришга ундан минг ҳаракат қилишмасин, учинчи куни уларнинг ҳаммалари юкларни ерга қўйиб ўтириб олишибди. Уларни ялиниб ҳам ўрниларидан турғизиб бўлмабди. Жаҳли чиққан фирма эгаси бу ҳолни тушунтириб беришларини сўрабди, шунда ҳаммоллардан бири: “Биз шунчалар шошилиб юрдикки, танамиз бу ерда бўлса-да, рухларимиз ортда қолиб кетди”, деган экан.

Эшитганларимизни тушуниб олишимиз, келажакдаги режаларни белгилаш, олдимиизда турган зарур ишларни бажариш учун бизга тинчлик, хотиржамлик керак. Шунинг учун “зудлик билан” ва “тезда” тушунчалари ўртасида фарқ бор. Зарур ишларни кейинга қолдирмай бажариш керак, аммо ўта шошилиб эмас.

Бир нечта ишни бирданига қилиш мумкин эмас, ишни тезлатиш ҳам ярамайди. Бирок зарур ишга тезроқ киришиш керак. Уни “вазифалар кутиси”га ташлаш керак эмас.

“Вазифалар қутиси” касаллиги

Қолдириб бўлмас ишларга киришиш тамойили сизни қониктирмайдиган ишларга ҳам тааллукли. Бу пайтда ишни “вазифалар қутиси”га солиб қўйиш истаги вужудга келади.

Сизнинг ҳаётингизда ҳам қуйидагича воқеа юз берган бўлиши мумкин: Мехмонхонага вақтида хона буюртма килмагансиз. Энди бир қанча вақт сарфлаб, меҳмонхоналарга қўнғироқ қилиб, бўш жой йўқлиги ҳақидаги жавобларни оласиз. Агар сиз бу ишни ўз вақтида килганингизда биргина қўнғирокнинг ўзи кифоя бўларди. Энди бу ҳолат бир неча соатга чўзилиши мумкин.

Биз ўйлаган нохуш ишлар, уларни биз қанчалар ортга сурсак, ўшанча нохуш бўлиб бораверади. Улар бизни бора-бора қаттирок қийнайверади. У ҳақидаги ўйхаёллар бизни заҳарлайди. Шуни билингки, энг арзимаган ишлар ҳам уларни ўз вақтида бажарсаккина, бизни қувончга етаклайди. Ҳаммасини ўз вақтида бажаринг ва хотиржам яшанг.

Муқаммалликка интилиш

Ишни иложи борича тез бошлиш керак. Уни ҳали охирига еткизиш ҳам керак. Ҳаддан зиёд муқаммалликка интилиш ҳам бизга у ёки бу лойиҳани охирига етказишимизга халақит беради. У сизнинг ҳар қандай ҳаракатингизни пайсалга солишга қодир. Муқаммалликка кизиққан одам, ўзининг етмиш фоиз вақтини, қолган уч фоизгина ишини ҳаддан зиёд муқаммалликка бағишлийди. Барибир, тўқсон тўққиз фоиз одам унинг муқаммал деб ўйлаган ишини оддий қабул қилиб, фарқига боришмайди. Ҳақиқий муқаммалликка эришиш инсон учун етиб бўлмас нуқта, бу анча олдин исботланган.

Рассом Пьер Боннар бир куни чүткаси ва бўёкларини кўтариб, Лувр музейига кириб келади ва ўзи чизган суратнинг у ер-бу ерини тузата бошлайди. Музей назоратчилари уни ушлашади. Боннар ўзини оқлай бошлайди: “Бу мен чизган сурат, ҳали чаласи бор эди”. Шунда назоратчилардан бири: “Сурат битган, битмаган бўлганда Луврда осиғлиқ турмасди”, дейди.

Перфекционизм муаммосини кўпинча, хато қилишдан кўркиш, деб тушунса бўлади. Тўғри-да, бирор лойиха битиб, одамларга ҳавола қилинмагунча, ундаги камчиликларни билиб бўлмайди. Бироқ қўп ҳолатларда хато қилганилар эмас, ишлаганлар муваффақиятга эриша олишмайди. Иш хатолар билан боғланган. Хатоларни хисоблаб, ишнинг натижасига баҳо бериб бўлмайди. Шунга қарамай қўп мактабларда ҳали ҳам шундай қилишади. Айтишим керакки, инсоннинг хато қилишга ҳам ҳаққи бўлиши керак. Ахир хатолардан ўрганамиз-ку. Бир куни IBM фирмаси асосчиси Том Уотсоннинг хизматчиларидан бири фирмага ўн миллион доллар зарар келтиради. Уни Уотсоннинг хонасига чакиришганда, хизматчи ишдан бўшатишади, деб ўйлаб хонага кириб боради. Аммо буни қарангки, бошлиқ: “Сизни бўшатаманми? Сизни ўқитиш учун ўн миллион сарф қилиб кўйиб, энди бўшатар эканманми? Ҳеч қачон!” дейди. Биз ўз хатоларимиздан ўрганишимиз керак. Фақат шундагина биз кучли ва умид қиласманки, ақллироқ бўламиз. Бундай пайтда бир қоидага риоя этиш керак: хато қилмайман, деб ишни пайсалга солгандан кўра, озрок хатога йўл кўйиб бўлса-да, ҳаракатни бошлаш мақсадга мувофиқдир.

Амалий машғулотлар

Мен бугун ақл билан иш тутиб, зарурий ишларни тезда бажаришни бошлайман. Бунинг учун қуйидагиларни амалга оширишим керак:

1. Ҳар куни эрталаб ўзимга савол бераман: “Мен нимани бажаргим келмаяпты?” Бу билан мен кераксиз нарсадан холи бўламан. Тезроқ улардан холи бўлсам бугунги куним қувончли ўтади, олдинда мени хушнуд этадиган нарсалар кутиб турибди.

2. Ўзимга берадиган иккинчи саволим: “Қайси вазифа бугун мен учун энг зарури ҳисобланади?” Ўша ишга эътиборимни қаратиб бажаришга киришаман ва менин ҳеч нарса ишни тутатмагунимча ўзига жалб эта олмайди. Бугун бошқа ишга улгурмаган бўлсам-да, мен биламанки, асосий вазифани бажараман.

3. Ўзимга яна савол бераман: “Зарур ишларни бажаришимга кўпроқ вакт қолиши учун ортга суреба бўлмайдиган ишларга камроқ вакт ажратиб, озрок куч сарфлаб ҳаётимда нималарни ўзгартиришим керак?”

4. Нимани режалаштирумайин, ўша ишга етмиш икки соат ичиди киришишим, ҳеч бўлмаса биринчи қадамни қўйишим керак. Бугундан бошлаб ҳаммани тезкор ишларим билан ҳайрон қолдирман.

5. Мукаммаллик учун керагидан ортиқ интилиш тузофига илиниб қолмадиммикан, шуни текшириб кўраман ва лойиҳамни қаерда тўхтатишим кераклигини ўрганиб чиқаман.

ЙИГИРМА ИККИНЧИ ҚОНУН

МАСЬУЛИЯТНИ ҮЗ ЗИММАНГИЗГА ОЛИНГ

Хұжайин үз ишчисини шаҳарга апельсин сотиб келиш учун жұнатди. Ишчи кечкурун қайтиб келди ва ҳисобот берди:

— Менинг омадим чопмади, одамлар бир овоздан мен апельсинларни киммат сотаётганимни айтишди, шунинг учун ҳеч нарса сата олмай қайтдим.

— Ағсус, апельсинчалик ақлинг йүк, — деди хұжайин.

Ишчи хафа бұлды. Хұжайин апельсинни құлига олиб, ундан сұради:

— Агар мен апельсинни құлларим билан сиқсан, нима бұлади?

— Шарбати оқади, — жавоб берди ишчи.

— Тұғри, агар уни болға билан урсам-чи?

— Унда ҳам шарбат чиқади.

— Агар уни әшак туёғи билан босиб олса-чи?

— Барибир шарбат оқади.

— Ана шунақа, — деди хұжайин. — Апельсин билан нима қилинса-да, ундан барибир ичиде нима бұлса, үша чиқади. Сенга шароитдан келиб чиқиб нима қилиш кераклиги имконияти берилган. Сен бұлса бу имкониятни үзгаларга беряпсан, үзинг ахмоқсан-у, үзгаларни айблаяпсан.

* * *

Агар ишимиз күнгилдагидек юришмаса, күпинча масъулиятни шароитта ёки үзга одамларга юклаймиз. Иктисадиётни, ҳаётті шароитни, ота-онамизни, турмуш үртогимизни, фирмани, соглиғимизни, бошлиқларни ва бошқа турли нарсаларни айблаймиз.

Ахир сиз қуйидаги ибораларни күп эшигтансиз-ку:

“Агар бу нарса бұлмаганда, мен...”;

“Вақтим (пулим күп) бұлғандами, мен...”;

“Кайфиятим яхши бұлғанда, сенга...”.

Барча шундай ва шунга ўхшаш иборалар бир маслакни бирлаштиради: ҳаммасига кимdir айбдор, фақат ўзим эмас. Аммо ҳамма жавобгарликни ўзгаларга юклаган киши ўша одамларга ҳокимиятни ҳам бериб қўйган бўлади.

Гап шароитда эмас, биз ундан қандай фойдаланишимизда

Ғолиб бўлишнинг сиз учун ягона йўли – ҳаётингиздаги масъулиятни ўз бўйнингизга олишингиздир. Албатта, баъзи тасодифларга масъул эмассиз, шундай тасодифларни қандай қабул қилиб, қандай йўл тутишга масъулсиз. Ҳозирда йўликиб қолган иқтисодий танглик учун айбдор эмасдирсиз, аммо бу вазиятда ўзингизни қандай тутишингизда масъулиятлisisiz.

Ўзингизни оқлаш учун баҳона сифатида иқтисодий ахволни кўрсатиб: “Энди мен икки баробар хушёр бўлишим керак” ёки “Энди менга барибир, йўқотадиган ҳеч нимам йўқ” дейишингиз ҳам мумкин.

“Масъулият” – ҳамма мажбуриятларга жавобгар бўлиш, дегани. Масъуллик эътиборингизни ўз максадингизга қаратишингизда намоён бўлади. Танлаган йўлингиздан қайтаришларига йўл қўйманг.

Бернард Шоу бунга қуйидагича фикр билдирган: “Биз ҳаммамиз бошимизга иш тушса, вазиятга тўнкамаймиз. Аммо мен ҳеч қандай вазиятга ишонмайман. Агар ким муваффақиятга эришимоқчи бўлса, ўзига керакли шароитни ўзи топади. Тона олмаса, ўзи шароит яратади”.

**Ким масъулиятдан ўзини олиб қочса,
асирга айланади. Масъулиятни ўз бўйнига олган
озодликка эришади**

Виктор Франкл XX асрнинг машхур руҳшунос-
ларидан бири эди. Кўп йилларини у концлагерда
ўтказди. У ерда ўз оиласидан ажralди. Уни кўп
қийноққа солишган ва кўп бор ўлим ёқасидан кайтган.

Асирдалик пайтларида Франкл бир нарсани тушуниб
қолди: “Мендан бошқа ҳеч ким шароитга бўлган
қарашларим устидан ҳокимлик қила олмайди. Сизлар
мени қийноққа солинг, яқинларимни ўлдиринг, аммо
фикрларим факат ўзимга тегишли, ўзимгина ҳар қандай
шароитни баҳолашим мумкин”.

Ва у ўзига сўз берди: “Ҳар қандай шароитда ўз
шахсим ва феълимга содик қоламан, қолаверса, буни ҳар
бир одам қилиши мумкин”.

Виктор Франкл ўзининг кузатувларини биттагина
изоҳ билан шундай ифодалаган: “Инсон учун энг муҳим
озодлик – бу ҳар қандай вазиятда фақат ўзи хулоса
чиқаришидир”.

Турли замонларда ҳисобсиз одамлар қулликка ёки
асирликка маҳкум этилган. Улар биз каби озод
юришлари учун борларини беришга тайёр бўлганлар.
Аммо қандай ва қанчалик озод бўлиш саодатини
англашимиз керак. Ҳар куни ўзимизга савол беришимиз
лозим: “Ўзимнинг чексиз озодлигимдан қандай
фойдаланаյман?”

Бизнинг кунлик танловимиз

Кўпчилик доно одамлар ҳар янги кунни туғилишга
ўхшатишган. Нимага? Чунки ҳар куни бизда янги ҳаётни
бошлашга имконият бор. Бахтимизга раВна солаётган
ёмонликларни ўзгартириш учун – ҳар бир янги кун биз
учун бебаҳо совға.

Одатда имкониятларни унчалик сезмаймиз. Агар танлов ўз кўлимиздалигини билганимизда эди, ўзимизни оқлашга, турли баҳоналар қилишга ҳакқимиз бўлмасди. Бу ҳолатда ҳамма нарса ўзимизга боғлик. Биз одатда бошқариб бўлмайдиган вазиятларга кўп аҳамият қаратамиз. Бундан кўриниб турибдики, биз ўзимиз хоҳлагандай яшай олмаяпмиз. Биз ўзимизни ўзимиз емираяпмиз.

Ўзини емиришнинг турли йўллари бор. Биз ўзимиз ўз танамизни, севгимизни ва орзуларимизни ўлдирамиз. Буни атрофимиздагилар сезмасликлари ҳам мумкин, биз бу вазиятда табиат қонунларини бузаяпмиз, ўзимизга нисбатан жиноят содир этаяпмиз. Кўпчилик, шартшароитни ўзгартириб озодликни қайтариб олишга кучим етмайди, деб ўйлашади. Бундай қилиб улар бор ҳаракатларини кул бўлиб колишга каратишганини англашмайди.

Одамлар ҳамма масъулият фақат ўзларига юкланганини тушунишлари қийин. Ўзидан масъулиятни фориф килган одам бир ҳангома қаҳрамонига ўхшайди. У ҳар куни тушлик пайтида ҳамкасларига ўзи уйидан олиб келган сэндвичига караб: “Қандай жирканч! Яна пишлок ва помидорли экан. Мен буни ёмон кўраман”, дер экан. Бу ҳол ҳар куни қайтарилаверганидан ҳамкасларининг жонига тегибди ва улардан бири: “Агар сен помидорли ва пишлокли сэндвични ёмон кўрсанг, хотинингга айт, сен яхши кўрадиган бошқа таом тайёрлаб берсин”, дебди. У бўлса: “Сен нима деяпсан, ахир мен уйланмаганман, бу сэндвични ўзим тайёрлайман”, деган экан.

Ҳаётда ҳам ҳамма ўзи учун ўзи сэндвич тайёрлайди. Танлов ўз кўлимиизда.

Ишдаги масъулият

Сизнинг маошингиз кўп ёки ўртача бўлиши ўзингизга боғлик. Компания сизга ўта катта даражадаги маошини бериш кафолатини олмайди. Бошлиқ ҳам ишингизда олдинга силжишингиз учун мажбурият олмайди.

Ҳамиша биз хоҳлаган ва тасаввур қилган нарсалар бўлавермайди. Ҳар қандай вазиятни қабул қилиш ва уни ўзгартириш ўзингизга боғлик.

Масалан, маошингизнинг катта-кичиклигига фақат ўзингиз масъулсиз. Ахир маош “олинмайди” – уни ишлаб топиш керак. Ўз имкониятини кўлдан берганларга ачинишдан бошқа иложимиз йўқ. Бир кун бундай одамга ўзи учун куйидаги саволга жавоб беришга тўғри келади: “Сен ўз имкониятингдан қандай фойдаландинг? Бизга озодлик берувчи карорлардан воз кечмаслигимиз керак. Буни инкор қилиш – курашдан воз кечишидир ва ҳаётингиз бесамар ўтганини бўйинга олишидир”.

Атрофдагилар билан муносабатдаги масъулият

Жаҳлимиз учун ҳам масъулиятли эканимизни тан олиш қийин, албатта. Айниқса, бу ҳаракатимиз нохушлик келтирса. Кимdir олдин бошлади, деб жаҳл билан тортишишнинг ҳожати йўқ. Бунга бошқача жавоб топса бўлади. Агар биз илон чакқани учун илонга жаҳл қилиб ўтираверсак, заҳар қонимизга сингий бошлайди, аксинча тезроқ заҳарга карши дори ичиш лозим.

Тортишувга киришишдан олдин биз жаҳлимизни жиловлашимиз кераклиги ҳақида ўйланг. Балки сизга куйидаги фикрлар ёрдам берар:

|| Аввало атрофдагиларнинг бизга бўлган нотўғри ҳаракатларига ўзимиз айбормиз. Агар биз буни тушуниб етсак, ҳаракатларимиз ўз қўнимизда.

|| Үзга одамнинг сизга нисбатан важоҳати ортида кўпинча ҳадик яширинган бўлади. Балки у сизнинг устунлигингиздан кўркар.

|| Одамларга нисбатан қарашларингизни ўзгартиришингиз керак. Балки сиз атрофингиздаги одамларга юқори баҳо бериб юборгандирсиз, шунинг учун ҳам сизни қониқтирадиган инсонни топа олмаётгандирсиз. Бу ҳолатда ажабланишларимизнинг сабабчиси, атрофдагиларнинг ўзларини тутишлари эмас, биз улардан керагидан ортигини кутишимиздадир.

Агар даврамизда кимдир ўзини яхши тутмаса, унинг бу ҳолатига бизда жавоб борлиги ёдимизда бўлиши керак. Бир-икки сония жаҳлимизни босиб, қуйидаги саволларга ўзимиз учун жавоб беришимиз керак:

1. Балки бу олдинги нотўғри ишларим учундир?

2. Балки бу одамнинг жаҳли ортида қўркув яширингандир? Балки бу ҳолатда мен уни тушунишим осон бўлар ва унга ёрдамим тегиши мумкиндири.

3. Аслида нима жаҳлимни чиқараояпти? Бу одамнинг ўзини тутишими ёки мени унга берган баҳойимми?

Балки бунинг сабаби ўзимга ишончсизлигимдир.

Ҳаммаси ўзингизга боғлиқлигини тан олинг

Сизнинг ҳаёtingиз шундай тус олишига сабаб, бошидан шу йўналишни танлагансиз. Агар сиз уни ўзгартиришни хоҳлаб, йўналишни бирор ҳузурбахш томонга бурсангиз, демак, ҳаёtingиз устидан назоратни бошлабсиз.

Ҳамма саволларга хозиржавоб бир ўқитувчи яшаган экан. Икки ўкувчи унинг бу хозиржавоблигини кўра олишмас экан. Бир куни уни чув туширмокчи бўлишибди. Улар күшни тутиб, ўқитувчига савол беришибди. Күшни ортларига беркитиб, “Күш тирикми-ўликми”, дейишади, ўқитувчи “тирик” деса, күшнинг бўйини

кайириб ўлдирмокчи, “ўлик” деса учиреб юбормоқчи бўлишибди. Шу тариқа ўқитувчининг устидан куламиз, деб ўйлашибди. Ўқитувчининг олдига келишар экан, улар савол беришибди: “Айтинг-чи, орқамизга беркитиб олган қушимиз тирикми ёки ўликми?” Ўқитувчи уларга караб хотиржам жавоб берибыд: “Мен нимаики демайин – ҳаммаси сизнинг қўлингизда”.

Сиз ҳаммасини ўзгартиришга кодирсиз – мулокотларингиздан тортиб, банк ҳисоб-ракамларингизгача. Сиз буни қарор қабул қилиб, ҳаракатни бошлаган кунингиз бажаришингиз мумкин. Чунки сиз ўз қилмишларингизгагина эмас, ҳаракат килмаганингизга ҳам масъулсиз.

Кайсиdir эски қўшиқда қўшни маҳаллага сигарет сотиб олиш учун кетган бир одам ҳакида айтилади. Йўл-йўлакай унинг калласига ғаройиб фикр келади: “Шартта Нью-Йоркка кетвортсам-чи?” Паспорти ёнида, пули етарли. У буни бутун умр орзу қилган. У бу ҳаракатини хаёлида турли рангли бўёклар билан тасвирлаб... кейин сигаретни сотиб олади-да, яна уйига кириб келади.

Орзуларни руёбга чиқариб, ҳаётингизга татбиқ этиш ўзингизга боғлиқ. Агар хозирнинг ўзида ишга киришсангиз, ҳаммасини қилишингиз мумкин. Бунга кучингиз етади. Лекин хушёр бўлинг: ўз. эркинлигингизни ва қатъиятлилигингишни тезроқ кўрсатмас экансиз, улар аста-секин кучсизланиб, йўқолиб кетиши ҳеч гапмас.

Амалий машғулотлар

Бугундан бошлаб ҳәётим устидан ҳамма масъулиятни ўз зиммамга олишга қарор киламан. Бунинг учун мен күйидагиларни бажаришим керак:

1. Бугун мен одамларни ҳам, шароитни ҳам айблайман. Агар мен бирор кишини айбласам, унга ўз ҳәётим устидан ҳокимлик қилишига йўл қўйган бўламан.

2. Агар бирор ҳолат менга оғир туюлса, кўзимни юмаман-да, ўзимдан кучлироқ одамни эслайман ва ўзимга савол бераман: “Ўша одам бу ҳолатга қандай баҳо берарди, менинг ўрнимда у нима қилган бўларди?”

3. Агар бугун бирор мақсадга етмаган бўлсам, жавобгарлик менинг бўйнимда. Муваффакиятларим учун ҳам худди шундай масъулиятни оламан, бундан кувонаман ва ғуурланаман. Бу ўзимга ишончимни мустаҳкамлайди.

4. Агар менга бугун бирор кимса жаҳл килса, ундан сўрайман: уни хафа килмадиммикан, у мендан ҳадиксирамаяптимикан? Унинг муносабатларидан кўп нарса кутаяпманми-йўқми, буни ҳам текшириб кўраман.

ЙИГИРМА УЧИНЧИ ҚОНУН

ҮЗИНГИЗДАГИ ҚҰРҚУВНИ ЕНГИШГА ҮРГАНИНГ

Үрмонни сайр қилиб юрган бола кенг далага чиқиб қолди. У ерда иккита боғбон үз даласида ишлаётганди. Боғлар бир-биридан жуда фарқ киларди. Биринчи боғ ёввойи үтга тұлиб кетганди ва бундан боғбоннинг хуноби чикқанди.

Иккинчи боғ эса жуда чиройли ва боғбон хурсанд ҳолда ашула хиргойи қиласынан мекнат унчалик ташвишга солмас зди. Бола үз ишидан мамнун боғбон билан танишиб, нега унинг боғи яшнаб турғанлиги, құшнисининг боғи эса яхши эмаслиги билан қизиқди. Боғбон унга: “Мен ҳам олдин ёввойи үтларға қарши роса олишиб силлам қуриган. Уларни қанча суғуриб ташласам ҳам үсіб кетаверарди. Аммо изланиб мен бир гулни топдым, у гул ёввойи үтлардан тез үсар экан ва унинг соясида қолған ёввойи үтлар үз-үзидан йўқолиб кетди”, деб жавоб берди.

Кетишида эса бола бир боғда үсіб ётган тұла заҳарли үтларға кўзи тушиб, ажабланди. Боғбон унга тушунтириб: “Бу боғнинг эгаси – ажайиб шифокор. У учовимизнинг ичимизда энг ақллигимиз. У заҳарли үтлардан одамларни даволаш учун дори тайёрлайди”, деди.

* * *

Хар кандай одам – гарчи у олий даражадаги ишларни бажарса-да, құрқувни хис этади. Ҳеч нарсадан құрқмайдиган одам довюрак эмас, құрқувни писанд қылмай олдинга интилған довюрак.

Құрқув – бу биз тасаввур этган, аммо бўлишини хоҳламаган нохуш воқеалардир. Нохуш таассуротлар қанчайин тиниклашса, құрқув шунча кучаяди. У билан курашиш қийин, аммо уни фойдали томонга қаратиш ёки унга қарама-қарши хиссиётни қўллаш ҳам мумкин.

Биз құрқув олдида күчсизмиз. Аммо у билан курашиш мүмкін ва унинг ҳәётимизни захарлашига йўл қўймаслигимиз лозим.

Қўрқувни шукроалик билингвистик

Қўрқувни шунчаки қалдан юлиб чиқазиб бўлмайди. Айтайлик, сиз бирдан чирокни учирдингиз ва ҳеч қаерни қўриб бўлмас даражада қоронгиликда қолдингиз. Қоронғиликка қарши сиз қандай чора қўллайсиз? У билан натижасиз курашасизми ёки зулматни ҳайдайсизми? Уни фақат чирокни ёкин енгиш мүмкин.

Қўрқув қоронгиликка ўхшайди. Уни шунчаки қувиб бўлмайди. Уни қувишга қанчайин тиришсак, у шунчалар кучга тўлаверади. Аммо унга бошқа кучлироқ ҳиссиётни қарши қўйса бўлади. Айнан шундай ёруғлик қоронғуликни енгади.

Буни тушунтириш осон. Агар биз қўрқувга қарши ҳис-ҳаяжонни юкласақ, мияда унга жой қолмайди. Қўрқувнинг аксил томони – кучлилик эмас. Кучли одам ҳам қўрқувни ҳис қиласи, аммо уни писанд қилмай харакатланаверса, шундагина биз уни довюрак деймиз.

Қўрқувнинг қарама-қарши томони шукроалик, шунинг учун ҳам қўрқувнинг устидан шукроалик билан ғалаба қозонса бўлади. Агар ёдингизда бўлса, бешта нарса сизда шукроалик ҳиссини уйғотади ва қўрқувдан асар ҳам қолмайди. Бу жуда оддий нарсалар ҳам бўлиши мүмкин. Масалан, юра олишингиз, кўра олишингиз, гапира олишингиз, ўқий олишингиз, колаверса, автомобилингиз, уйингиз, одамлар, сиз севган ва сизни севадиган одамларнинг борлиги...

Олдингдан оққан сувнинг қадри йўқ, дейишади, биз кўп нарсаларни шундай бўлиши керак-да ўзи, деб тушунамиз ва уларнинг қадрига етмаймиз, аслида уларни йўқотганимиздагина қандай аҳамиятга эга эканини

тушуниб етамиз. Мисол учун, юришнинг қадрини. Юролмай колсаккина юриш қандайин катта баҳт эканини тушунамиз.

Бу тұғрида күпроқ үйлаш лозим, шундагина ҳаётингиз тұла ва бутун бўлади.

Олий мақсадлар қўрқувни супуриб ташлайди

Қўрқувни енгишнинг яна бир йўли – ўз мақсадингизга эътибор каратиш. *Мақсадимизни кўздан қочирсан, қўрқув бизни енга бошлиди.* Хар ҳафта энг зарур мақсадларингизни ёзиб боринг. Мақсадга эришган кунларингизни тасаввур қилиб кўринг-а.

Мақсадга етишни орзу қилиб, қўрқувни ёдингиздан чиқарганингизни англаб етасиз. Бунинг учун сиз бир неча дақика сарфлайсиз, холос. Ахир шундай хам харакат килмасдан бекор ётиб, қўрқув чангалида кўп вактингизни ўтказасиз-ку.

Тўғри, бу килган ишингиздан сўнг яна қўрқув қайтади, лекин энди сиз уни тушунган ҳолда кутиб оласиз. Энди қўрқув сизга огоҳлантириш вазифасини бажариб, мақсадларни ёдга солишга хизмат килади.

Ўнта амалий маслаҳат

Агар сизни қўрқув босса, қуйидагиларга амал қилинг.

1. Ўзингизга савол беринг: “Бундан олдин қўрқканимда нима бўлганди?” Бу саволдан сўнг англаб етасизки, илгари қўрқанларингизнинг беш фоизи амалга ошган бўлади. Ортиқча ҳаяжонларингизнинг қанчалик ҳаққоний эмаслиги ҳақида үйлаб кўринг. Балки сиз бекорга безовта бўлаётгандирсиз.

2. Сизни шукроаликка ундейдиган бешта нарсани ёзинг. Ўзингизга айтинг: “Олдин хаммаси яхши бўлганди, бу вазифани ҳам уddyалайман”.

3. Биз қўрқаётган нарсалар келажакда содир бўлиши, балки ҳеч нарса юз бермаслиги ҳам мумкин. Бугунги кунимизга бунинг таъсири йўқ, шунинг учун нимага биз бугун уни деб қийналишимиз керак.

4. Бугунги ва келгуси кунлар сиз учун муваффақиятли бўлишига ўзингизни ишонтиринг. Ахир, ҳаёт кетма-кет келувчи кунлардан иборат.

5. Агар қўрқув жуда кучли бўлса, яхиси ғолиб билан сухбатлашинг. Унинг борлиги сиздаги қўрқувни йўқотади. Яна ўйлаш мумкинки, сизнинг ўрнингизда у ёки бошқаси нима қилган бўларди.

6. Иш билан машғул бўлинг. Тўғри бу қийин, айниқса сизни қўрқув босиб турганда, лекин машғул бўлиш керак. *Axir, қўрқув бизни бекорчилигимизда ўз исканжасига олади.*

7. Ҳеч қачон ўзингизга вазифани бажара олармиканман, деган саволни берманг. Савол бошқача қўйилиши керак: “Мен уни қандай йўл билан бажараман?” Нима бўлганда ҳам сиз тўғри жавобни топасиз.

8. Ижобий тасаввурларингизни мустаҳкамланг. Ўзингиз учун яхшилик билан тугайдиган бирор воқеани тўқиб чикаринг.

9. Ўзингизга ёқадиган мусиқа эшигининг, қўрқув ўз-ўзидан йўқолади.

10. Муваффақиятларингиз ёзилган кундалигингизга қаранг. Шунда қанчалар муваффақиятли инсон эканингиз ёдингизга тушади ва беҳудага безовталанмайсиз.

Қўрқув оғу ҳам, дори ҳам бўлиши мумкин

Баъзан қўрқувни маълум миқдорда мувозанатлаштирувчи сифатида ҳам қўлласа бўлади. У билан заҳар билан муомала қилгандай муносабатда бўлиш лозим. Кўп миқдори шол қилиши ёки ўлдириши, лекин керакли миқдори дори бўлиши мумкин. Шунинг учун ҳам

ғолиблар қўркувга сўз беришмайди, қўркув уларни занжирбанд қилишига йўл қўйишмайди. Улар ўзларига айтишади: “Мен бирор бир ишини бажаришдан олдин қўркувни ҳис қўлмас эканман, демак, мақсад сари ташлаган қадамим қисқа экан”.

Фожиалар

Ғолиблар фожиалардан яширинмайдилар. Чунки улар хаётлари мобайнида нохуш дамлар бўлишини яхши билишади. Бундан ҳеч ким сақлана олмайди. Шунинг учун қуидаги маслаҳатлардан фойдаланинг:

І) Вакт ва кучни сарфлаб, ҳали бирор ёмон нарса бўлмай туриб қайгуриш ярамайди.

ІІ) Ғолиблар ҳаётларидаги қора кунларни енгиш учун кучлари ва акллари етишини билишади.

ІІІ) Фожиа – ҳаммасини бошидан бошлиш учун имконият.

ІІІІ) Фожиалар – ҳаётимизнинг маълум бир қисми, фақат уни излаб топиш керак эмас. Рихард Бах ёзган: “Пилла қурти ўзини пилла ичига ўраб, охир замон келди, деб ўйласа-да, аслида у капалакнинг тугилишига сабабчи бўлади”.

Ўзгача дунёқараш

Ғолиблар учун ҳамма нарсага болаларча ишониш одатий ҳол. Мисол учун, уларнинг ҳаётларини кимдир юқоридан бошқариб туришига ва ҳар бир воқеада қандайдир ҳикмат яширганига ишонишади. Тўғри, бу ҳикматни бирдан англаш қийин, баъзан уни узокроқдан қидиришга тўғри келади.

Баъзиларга бундай дунёқараш соддароқ туюлиши мумкин. Аммо унга қандай бошқа муқобилликни тавсия этиш мумкин? Шунчаки, ҳеч қандай тизимсиз одамлар

орасида тарқалган омад ва омадсизликка ишонищними? Тасодиф курбонига айланишни хоҳламаган, ҳамма нарсадан ҳикмат топишга интилган одам ўзини хотиржамроқ сезади.

Бир томондан ғолиблар ҳар бир нарсадан ҳикмат излашади, иккинчи томондан улар ўзларини борлиқнинг майда зарраси деб хисоблашади. Олам факат улар атрофида айланмаслигини жуда яхши билишади. Улар ҳаётга ўйинга ёндашгандай ёндашишади. Ўйиндаги хато унчалик аҳамиятга эга эмас. Ҳамма вақт ўйинни янгисидан бошлиш мумкин.

Бир карашда юқорида айтилганлар аксил фикрлар сифатида кўриниши мумкин, аммо аслида бундай эмас. Агар ҳаётга ўйин деб қараб, ундан чуқур маъно ахтарилса, сизга маълум бир енгилтакликни ва жиддийликни бирлаштиради. Бўлаётган воқеаларни чуқур маънода тушуниб етиб ишониш, ўз навбатида инсоннинг ўзига ишончини мустаҳкамлади.

Икки танганинг томони шулардан иборат ва бириккеничисисиз йўқ хисоб. Жиддийлик ва ўйин бир-бирини тўлдиради. Кимки ҳаётни ўйин деб билса, ундан маъно қидиради ва қўркувлар олдида қийналмайди.

Амалий машғулотлар

Мен бугун кўркувларимни жиловлашга ўрганаман. Бунинг учун мен қуидагича қадам ташлайман:

1. Кўркув мени исканжасига олишни бошласа, уни енгиш учун дарров юкорида баён этилган ўнта амалий маслаҳатни ўқишни бошлайман.

2. Мен камида бешта нарсага билдиришим керак бўлган шукроналикларни ёзаман. Сурункали кўркув ўз-ўзидан пайдо бўлмаслигини тушунаман, унинг вужудга келиши атроф-муҳитга бўлган муносабатимга боғлиқ. Бу кўркувни хоҳлаган пайтимда бўғишим мумкин.

3. Бугундан бошлаб кўркувга бошқача қарайман. Мен уни муваффақиятга элтувчи сифатида кабул қиласман. Агар қадам ташлашимдан олдин кўркувни сезмасам, унда қадамим қисқа экан, деб ўйлайман.

4. Бугундан бошлаб ўзимга, хоҳишлиримга ва кўркувимга унчалик диққат билан қарамайман. Мен шунчаки бир катта нарсанинг бўлагиман, холос.

ЙИГИРМА ТҮРТИНЧИ ҚОНУН КУЧЛИ ТОМОНЛАРИНГИЗГА ЭЪТИБОР ҚАРАТИНГ

Бир дараҳт ўзининг кичкиналиги, эрги-бугри ва хунуклигидан азият чекар экан. Бошқа күшни дараҳтлар бир мунча узун ва чиройли эканлар. У ҳам ўша дараҳтларга ўхшагиси келар, унинг шох-шаббалари ҳам шамолда чиройли чайқалишини истар экан.

Аммо дараҳт шундоққина жар ёқасида, харсанг тошлар орасида бир озгина тўғланиб қолган тупрокда илдиз отган экан. Унинг шохларини совуқ шамол сийпалар экан. Қуёш бўлса факат эрталаблари тушар ва сал ўтмай қоялар ортига ўтиб кетиб, кечгача пастликдаги бошқа дараҳтларга ўз нурини улашар экан. Дараҳтнинг бошқача ўсишга имконияти йўклиги учун доим ўзининг кисматидан норози экан.

Кунларнинг бирида унга қуёш нурларининг биринчи шуъласи тушганда, кўзи ястаниб ётган пастликдаги ўрмонзорга тушиб, ҳаёти унчалик ҳам ёмон эмаслигини англай бошлабди. Унинг кўз олдида ажойиб манзара турарди. Пастликдаги ҳеч бир дараҳтга бундай манзаранинг ўндан бирини ҳам кўриш насиб этмасди. Қоя уни қордан ва муздан асрар эди. Ўзининг қийшик танасисиз, эгри-бугри, бесўнақай шохларисиз дараҳт бундай шароитда яшай олмасди. Унинг бу кўринишида ўсиши ўша шароитда яшаётган бошқа дараҳтлар сингари бетакрор экан. Унинг бу такрорланмас кўриниши унга кўп устунликларни берарди.

* * *

Ҳар бир инсон ўзига берилган имкониятлар ва сифатларга ҳамоҳанг яшашни ўрганиши керак. Афсуски кўпчилик одамлар ўз эътиборларини бажағ ололмайдиган ишларга, ўзларида йўқ нарсаларга ва ту унмайдиган тушунчаларга каратишади.

Маъносиз орзулар

Кўпчилик агар уларда иқтидор ва қобилият кўпроқ бўлганда яшашим осонроқ кечарди, деб фараз қилишади. Мисол учун, касал ҳолда туғилган одам агар соғлигим жойида бўлганда, ҳаммаси бошқача тус оларди, деб ўйлаши аниқ. Аммо бўлгани шу, нима ҳам қила олардик.

Она болалари билан кўпроқ вактини ўтказишни орзу қиласиди. Аммо унинг бунга вакти йўқ – чунки у ишлаши керак.

Яхши яшашингиз учун ажойиб овозингиз ёки яна бирор бошқа қобилиятингиз бўлиши керак, деб ўйлайсизми? Ўйлашимча, бундай эмас. Ҳар бир муваффақият учун тўлов қилиш лозим. Бироқ асосийси шундаки, биз турли қобилиятларга эгамиз, лекин фақат ўзимизда борига ҳукмонлик қила оламиз, холос.

Балки сиз кўп пулим, яхши соғлик, севувчи рафиқам бўлса ҳаётим яхшиланарди, деб ўйларсиз? Шундай имкониятларингиз бўлганда ҳам сизда бошқа муаммолар туғилаверади.

Ўзингизда боридан фойдаланишни ўрганинг

Қандай яралган бўлсангиз, сизни энди ўзгартириш мушкул. “Ҳамманинг зуваласи турлича узилган”, яъни баъзи одамларнинг қобилият ва иқтидорлари бошқалариникидан кўпроқ бўлишини биласиз ва бунга кўнишиб яшашга ҳам ўрганинг.

Бу ҳақда ҳакиқат талаб қилиш маъносиз. Биринчидан, одамлар ўз иқтидорлари учун қанча тўлов қилаётгандарини биз билмаймиз. Иккинчидан, бизда ҳам бошқаларда йўқ иқтидор ва қобилият бор. Аслида қобилият унчалик ахамиятли эмас. Энг муҳими, ўзимиздаги боридан қандай фойдаланишимизда.

Сиз бутун кун мобайнода янги қобилиятлар ҳақида ўйлаб ўтиришингиз мумкин, лекин бу келажагингизни

ўзгартирмайди. Бу покер ўйинидек гап, кимгадир вақтингча омад қулиб боқади. Охир-оқибат эса покерни тушуниб етган, унинг сирли қирраларини билган одамгина муваффакиятга эришади. Агар танлаган йўлингизда равнақ топишингиз учун қобилиятингиз, иқтидорингиз камлик килаётган бўлса, демак, сиз бошқа йўлни танлашингиз керак.

Бир мактаб ўкувчисининг инглиз тилидан омади чоп-мас экан. Унга мактабдаги чет тилига ўқитиш методикаси тўғри келмасди. У синфида чет тилидан энг охирги ўринда эди. Аммо у қандайдир сабаб билан Америкада бир муддат яшаб қайтибди ва ҳозирда сифдошларини инглиз тилидан жуда ортда қолдириб кетган экан. Гап факат қобилиятда эмас, уни қандай ишлатишда.

Мехнатсеварлик – қобилиятдан заруррок

Атрофдагиларнинг қобилияларини юқори баҳолаш ярамайди. Биз улар эришган муваффақиятларнинг қанча қисми уларнинг қобилиялари, қанчаси машакқатли меҳнатлари ортиданлигини аниқ билмаймиз. Барча ғолибларнинг фикри қуйидагича: “Ҳар қайси олий муваффақият – машакқатли меҳнат маҳсулидир”. Кўпчилик эса бу фикрга кўшилишмайди, чунки бу уларни “Иқтидор бўлмаса, нима кераги бор чиранишнинг?” деган тутуриксиз фалсафаларидан маҳрум қилиши мумкин.

Ҳозирнинг ўзида иш бошланг, қаерда турган бўлсангиз ўша ердан бошланг, ҳеч қандай салбий ҳолатларга, тўсикларга аҳамият берманг. Сиз нима билан шуғулланманг, унинг бароридан келишига урининг, шундай меҳнат қилингки, меҳнатингиз маҳсули бугунгисидан эртага яхширок бўлсин ва шу тарзда қадамма-қадам олға интилинг. Шароитнинг ўзгариб қолишини кутманг. Ўзингизга керакли шароитни ўзингиз яратинг.

Кучли ва кучсиз томонлар

Ҳамма нарсанинг кучли ва кучсиз томонлари бор. Кўпчилик ўзларининг кучсиз томонларига кўпроқ аҳамият қаратганлари учун ҳамма омадсизликлари шунинг учун деб ўлашади. Бундай одамлар учун бизда яхши янгилик бор: муваффакиятга эришишда шахснинг кучсиз томони роль ўйнамайди. Энг яхши атиргул шохи зирачаси камроғи эмас, чиройли очилиб турган атиргули бор шохидир.

Ҳали ҳеч ким ўз камчиликларини йўқотиб бой бўлганмас. Аксинча, бошқариб тура оладиган камчиликларингиз ва фуулингиз сизни бой қилади.

Сиз ўзингиздаги камчиликлардан бирортаси устидан ғалаба қозондингиз дейлик, хўш, бу билан нимага эришдингиз? Айтарли ҳеч нарсага, факат камчиликларингиз биттага камайди, холос. Бу билан пулингизга пул, муваффакиятингизга муваффакият кўшилмайди. Сиз ўзингизнинг кучли томонларингизни кашф килсангизгина, бойликка эришасиз ва гуллаб яшнайсиз.

Сиз ўз камчиликларингиз боис кўп сикилманг. Кўпчилик шундай камчиликлар билан ҳам муваффакиятларга эришишади. Тўғри, камчиликларга ўта бепарволик ҳам ярамайди, акс ҳолда улар муваффакиятга эришишингизга халақит бериши мумкин.

Аммо сиз ҳаммасига ечим топа оласиз. Агар ҳисобкитоб ишларига нўноқ бўлсангиз, маълумотли ҳисобчи ёллаиг. Сиз кучсиз томонларингизни сизга берилган имкониятдек кўриб чиқишишгиз керак, чунки сиз бу камчиликлар орқали янги йўл танлашингиз, соҳангиз бўйича кучли одамлардан ўрнак олишингиз мумкин.

Кучли томонларингизга эътибор беринг ва бор кучингиз билан унинг қанот ёзишига ҳаракат қилинг. Бу ишларни бажарган ва ютукка эришган одамларни топинг. Уларга бирлашинг ва улардан ўрганинг.

Қилган ишларингиз сизни бир умр таъқиб этади

Вакт ўтиши билан тушуниб етасизки, ҳар қандай яхши ва нокулай шароитга тушиб қолишингиз сизнинг виждонингизга ҳавола. Балки вактлар ўтиб, қилган хатоларингиз ва мағлубиятларингиз қанақадир маъно англатар. Бу ерда ҳаммаси карта ўйинидагидек. Ўзўзидан қўлингизга чиқкан карта яхши ҳам, ёмон ҳам бўлмаслиги мумкин. Картани қандай кўллашингиз, сизни ютишингизга ёки ютқазишингизга таъсир кўсатади. Мағлибият ҳам ютук бўлиши мумкин.

Агар ҳаётингизни ўзгартиришга ақлингиз етса ўзгартиринг. Бирор нарсани ўзгартириш қийин кечар, баъзиларини умуман ўзгартириб бўлмас. Шундай ҳолатлар бўладики, сиз қилган ишлардан кулиб юрганлар уялиб қолишлари мумкин, чунки ўша ишингиз олий мақсадларга етишингизда асосий роль ўйнаши ҳеч гапмас.

Ўзингизни ўзгалар билан таққосламанг

Доим биз ўзимизни атрофдагилар билан таққослаймиз, гўё уларнинг ўринларида бўлсак, яхши кўринамиз, деб ўйлаймиз. Ва ўзимизча хulosа чиқариб, қайси бирларидан устунмиз, яна қайси бирларидан ортда қолганмиз, деган фикрга келамиз. Униси ҳам буниси ҳам сизга ҳеч қандай фойда бермайди.

Ўйлаб кўринг, балки биз ундан устунмиз, деб ўйлаган одамимиз шунчаки интилишдан тўхтаган оддийгина одам бўлиб чиқса-чи. Биз бўлса ундан муваффакиятлироқмиз, деб ўзимизни ривожланишдан тўхтатиб қўйган бўлишимиз мумкин-ку. Бундай ишимиз билан атрофдагиларнинг муваффакиятсизликлари ортига яширинган бўламиз.

Энди биз хавас килиб, ютукларга эришиб бадавлат юрган одамни олайлик. Ҳамиша бундай одамларни тошиш мумкин. Аммо улардан ўзингизни паст олишингиз

ярамайди. Бундай ҳолатларда биз ўзимиздаги ишонч ва қатъиятни йүқотиб қўйишимиш мумкин. Агар биз эътиборимизни ўзимизга қаратсак, ўзимиздаги гаройиб иқтидорни англашимиз қийин эмас. Шунинг учун ҳар қандай тақкослашдан маъно йўк. Ўзингиздан келиб чиқиб ўзингизга баҳо беринг, шундай одамга ўзингизни таққослангки, унга ўхашни чин дилдан истанг ва охироқибат ниятингизга етинг, иложи бўлса ундан ўзиб кетинг.

Бетакрорлик

Сизга ўхшаган одам мавжуд эмас. Ҳеч ким сиз бажараётган ишлардек бир хил иш билан банд эмас.

Сиз бунга қўшилмасдан: “Шу пайтгача қилганларим бошқаларнинг ҳам қўлидан келади”, дейишингиз мумкин. Сиз айтгандек бўлиши ҳам эҳтимолдан холи эмас. Аммо барибир қилган ишларингизни сиз бажардингиз, фақат сиз, бошқа одам эмас ва ҳамиша шундай бўлади. Ҳаётда сизнинг ўрнингизни бошқа бирор эгаллай олмайди. Қачонки ўзингизни бошқалар билан тақкослашни камайтириб, эътиборингизни ўзингизга қаратсангиз, сизнинг тарорланмас эканлигингишни сиздан-да устун эканлигингиш юзага чиқа бошлайди. *Бошқанинг фазилатлари сизда намоён бўлишини исташингиз шартмас.* Яхиси ўзингиздаги кучли томонларингизни ривоҷлантиринг.

Агар сиз бошқа одамга ўзингизни таққолайверсангиз, сизда нохуш ҳиссиётлар пайдо бўла бошлайди. Бу нохуш ҳиссиёт ҳасад ва рашидир.

Ҳасад

Атрофдагилардан нимадандир ортда қолаётганингизни сеза бошлаганингизда ҳасад пайдо бўлиши мумкин. Шунингдек, ўзига ишонмаслик ҳам шундай нохуш

ҳиссиётни келтириб чикаради. Ўзини ожиз сеза бошлаган инсон ўзидан устунрок тургандар билан мулоқотга киришса яхши бўлади, деб ўйлашади.

Бундай икки тоифадаги одамлар мулоқотга киришишлари учун иккита йўл бор. Сиздан ўзиб кетаётган одамга етишга ҳаракат қилиш ёки уни ўз мавқеингизга туширишга уринишdir. Биз атрофимиздаги биноларни бузишимиз ёхуд ўзимизга бино куришимиз керак. Ўзларидаги кучга ишонмаган одамларда кўп ҳолларда фисқу-фасод ва ҳasad жумбушга келади. Улар ўзгалар етишган ютукларга ҳasad кўзи билан қараб, уларни ортга тортишга ҳаракат қилишади. Энг ёмони, ҳasadгўй ўзини ҳам муваффакиятлардан қисиб кўяди. Чунки у ўз вактини ўзгаларнинг ўзига ўхшашига интилиб ўтказади. Бу одат юксалиш кушандасидир.

Рашк

Хаддан зиёд рашк – иккиланиш ва ўз кучига ишонмасликнинг бир тури. Бу туйғу ҳам ўзини ўзгалар билан таққослаш ортидан келиб чиқади. Кўп оилаларда эр-хотинлар нохуш рашк саҳналарини қойиллатишади. Бу албатта, ачинарли ҳолат. Фожиа шундаки, рашк килувчи умр йўлдошини ўзига нисбатан қизикиш уйғотиш ўрнига, уни озодликдан маҳрум этишга уринади. Эртами-кечми, умр йўлдошингиз сизнинг кучсиз томонингизни тушуниб етади. *Оқибатда рашк эр-хотинларни бир-биридан узоқлаштиради.*

Шундай хато тушунча мавжуд, рашк чин севгининг белгиси эмиш. Бу ҳақиқат эмас. Қаерда кўркув ва тобелик ҳукм сурар экан, у срда чин севги бўлмайди. *Севги озодлик ҳиссини беради, рашк эса чеклаш ва бўғиш билан озиқланади.*

Рашк домига илинган одам кимнидир тахқирлаб ўзининг борлигини билдиришга уринади. Шу билан бирга у йўлдоши ташлаб кетишидан кўркиб, ҳар қандай

йўл билан унга ёпишиб ҳам олади. Рашкчи ҳамиша бу хисни қизитиш учун қанакадир сабабларни қидиради. Ҳасадгўй бойнинг инқирозга учрашини хоҳласа, рашкчи ўз баҳтини ва уни севадиган одамининг ҳаётини дўзахга айлантиради.

Ишончингизни суисътемол этиб, сизга хиёнат қиласидиганлар ҳам бўлади, албатта. Аммо уларни мажбурлаб ўз олдингизда ушлаб туриш яхши оқибатларга олиб келмайди. Агар одамлар бир-бирларини тушунишмаса, ишонишмаса, ўзаро талабларини қондира олишмаса, яхшиси, ажрашгандари маъқул. Сизнинг ҳам, ўзининг ҳам қийматини билмаган одамни ўзингизни ерга уриб, ёнингизда олиб ўтириб, озодлигидан маҳрум этишнинг нима ҳожати бор? Рашкчини тушунишга ҳаракат қилиш ва унинг талабларига жавоб беришдан маъно йўқ. Уни фақат ўзи тузата олади. Рашкчи одам кўпроқ ўзига ва кучли томонларига эътиборини қаратиши лозим. Қачонки у ўзидаги имкониятларни ҳис этгандан сўнг, уни хотиржамлик ва шукроналик, баҳт-саодат ўз оғушига олади. Рашкчи бўлсангиз, ҳозирдан ижобий томонга ҳаракатни бошланг. Шундай нарсалар борки, сиз уни ўзгартира олмайсиз. Шунчаки улар сизнинг ҳукмингизда эмас, кучингизни бекорга сарфламанг. Фолиблар ўз ҳаётларини турли ранглар билан безашади ва улар буни моҳирлик билан бажаришади.

Амалий машғулотлар

Бугун мен ўз кучли томонларимни ривожлантириш билан шуғулланаман. Бунинг учун мен қуидагиларни бажаришим керак:

1. Тан оламан, ютуқларим иқтидорим туфайлигина эмас, ундан қандай фойдаланишим сабаблидир. Ўз тақдиридан нолимайман.

2. Кучли ва күчсиз томонларимнинг рўйхатини тузаман. Камчиликларимни тузатаман. Энг аввало, ўз кучли томонларимни ривожлантиришга аҳамият карата-ман, атрофимга менга ёрдам бера оладиган одамларни ийғаман.

3. Ўз ҳаётимдаги ҳолатимни ташхис этаман ва қандай ўзгаришлар қилиш ҳақида ўйлаб кўраман. Кейин режа тузаман. Режадаги тадбирларни “вазифалар кутиси”га ташламай, уларни дарров бажаришга киришаман.

4. Ўзгартириб бўлмайдиган ҳолатларни хисобга оламан. Агар бугун ёмғир ёғса ҳам жилмайиб юравераман, чунки биламанки, мен қандай кайфиятда бўлмайин ёмғир тиниб қолмайди.

5. Ҳасад ва рашк менга қанчалик якинрок, шуни текшириб кўраман. Бу туйғуларни шунчаки калбдан юлиб ташлаб бўлмайди, аммо уларнинг йўлини тўсии мумкин. Бетакорлигимни ёзма равишда тасдиқлайман.

ЙИГИРМА БЕШИНЧИ ҚОНУН САХИЙЛИКНИ ВА КЕЧИРИШНИ ҮРГАНИНГ

Тоғлар орасида анчадан бери бир доно аёл ҳаёт кечирипар экан. Бир куни у булоқ ёнидан чиройли қимматбаҳо тош топиб олибди. Бир муддат вақт үтгандан сүнг унга жуда очикқан йўлчи учрабди. Аёл йўлчига бир бурда нон бермоқчи бўлиб халтасини очганида йўлчининг кўзи қимматбаҳо тошга тушибди. У бундай чиройли тошни умрида кўрмаганди. Йўлчи тошдан кўз узолмай қолганини сезган аёл унга тошни совға қилибди. Бир оз ўтиб йўлчи яна йўлга тушибди. Тошни сотса умрининг охиригача тўкин-сочин яшашини йўлчи биларди.

Аммо бир неча кундан сўнг у қайтиб келибди. Аёлни кийинчилик билан бўлса-да топиб, унга тошни қайтариб бериб: “Йўл-йўлакай мен кўп ўйладим. Биламан, бу тош жуда қиммат туради. Аммо бу тошни қайтаришдан мақсадим, сен менга бундан-да қимматроқ нарсани беришингни истайман. Хоҳлардимки, менинг ҳам сен каби шундай совғалар бера оладиган гўзал қалбим бўлса эди”, деган экан.

* * *

Кўпчилик ўз олдиларига мақсад қилиб бойликни қўйишади. Аммо бойликни доим қўлда ушлаб туриб бўлмайди. Уни бўлишиш ҳам керак.

**Атрофимиз энергияга тўла, энергия эса
харакатдан пайдо бўлади**

Ҳеч ким тўла хотиржамликда яшамайди. Бизнинг танамиз ва бутун олам доим харакатда бўлади ва энергиялар билан алмашиниб туради. Агар бу айланма харакат бузилса ҳаёт тўхтайди. Ҳаёт – бу энергия оқими. Қандайдир қисми бизга тегади, қандайдир қисми кетади.

“Олии ва бериши”, асосий ҳаётий қоида шундай сўз билан ифодаланади. Бу бутун олам энергиялар алмашинуви таълимоти сингари ҳаракатdir.

Биз қанча кўп берсак, шунча кўп оламиз. Бу ҳаёт конуни. Одамлар ўртасидаги муносабат ҳам алмашинувга асосланган. Ўзаро ҳурмат ва миннатдорчилик асосида бўлган олди-бердилар инсонлар ўртасидаги муносабатларни мустаҳкамлайди.

Ҳаётда оддий қоида мавжуд: агар хурсанд бўлишни истасангиз, бошқа кишига қувонч баҳш этишингиз лозим. Агар севгини хоҳласангиз, олдин севишни ўрганинг. Сизга эътиборли бўлишларини хоҳласангиз, ўзингиз атрофдагиларга меҳр улашинг. Агар моддий бойликка эга чиқмоқчи бўлсангиз, олдин ўзгаларга ёрдам кўлини чўзинг. Бой бўлишнинг энг содда йўли – бошқаларнинг эҳтиёжини қондиришdir.

Одамларга яхшилик тиланг

Агар ҳаёт сизга ижобий қарашини истасангиз, арофдагиларга яхшилик тилашни ўрганинг ва одамлар шаънига доимо дуода бўлинг. Дуо қилиш – қадимги, афсуски, ҳозирда кам қўлланилаётган одатларимиз қаторига кириб қолаяпти. Олдинлари саёҳатчиларни йўлга чиқиш олдидан оиласлагилари ва дўстлари дуо қилишган. Айниқса, ота-она дуоси улуғ ҳисобланган.

Бу одат кимгадир эскирган қўриниши, кимгадир диний тушунчани англалиши мумкиндир. Лекин бунда катта маъно бор. Агар олам энергиядан иборат бўлса, бизнинг дуоларимиз ҳам қанақадир кувват захираси бўлиши мумкин. Шунинг учун, ўлингизда учраган ҳар бир одамга энг яхши тилакларингизни билдиринг. Унга қувонч, баҳт-саодат ва соглиқ тиланг. Ҳаёти давомида кўп баҳти кунларни тилаб, дуо қилинг.

Шунга иқрор бўлингки, ижобий энергиянгиз оламнинг яхши томонга ўзгаришига ўз ҳиссасини қўйсин. Сизнинг

ўзгаларга қилган яхши тилакларингиз, албатта, сизга ҳам кайтишини унутманг.

Совға қилиш – чиройли одат

Қанийди, кўришганимизда бир-биrimизга совға улашиб бирор конун билан белгилаб қўйилганда эди. Бу ҳар қандай нарса бўлиши мумкин, гулми, қоғозга ёзилган афоризмми ёки шеърми, китоб ёки учрашган одамингизга ёрдам бера оладиган одамнинг манзилими.

Аслида ҳам бу ёмон ғоя эмас, тўғрими? Кимнингдир олдига бориб, совға сифатида, майли у шунчаки мақтov ёки яхши тилак бўлсин, тақдим этиш мумкин-ку? Бу ўша одамга нисбатан бефарқ эмаслигингизни билдиради. Энг гўзал мулокот ва сұхбатлар “Мен сен хақингда ўйлаб тургандим”, “Мен сенга ёрдам бермоқчи эдим” деган сўзлар билан бошланса қандай яхши.

Ўзингизга сўз беринг, сиз ҳар бир мулокотга кирган одамингизга нимадир совға тухфа этасиз. Бериб, сиз арзугилик бирор нарсага эга бўласиз. Қанча кўп олсангиз, сизда шунча бериш истаги ошиб бораверади.

Кечириш

Кечириш – бериш ва бўлишишнинг олий даражадаги кўриниши. Бу инсоннинг олий даражадаги диний ёзтиқодларидан бири. Кечиримли бўлиш – Яратганга хосдир. Қаҳр ва ғазабни кечиримдан бошка нарса босолмайди.

Хафагарчиликнинг оғир турларини, албатта, кечириш жуда кийин ҳам бўлади. Аммо ғазаб отига миниб кек саклаб юриш, фақат одамнинг ўзига зиён. Биз кечиримли бўлишга ўрганишимиз керак. Кечиришни билган одамнинг ҳаёти сокин ўтади. Кечириш билан қалбингиздан ғазабни ҳайдаб, иймонга жой берган бўласиз. Кечиринг ва албатта, сиз ҳам кечириласиз.

Ўзингизни кечиринг

Биз ўзимизнинг барча қилган хатоларимиз ва бебошликларимизни кечиришимиз лозим. Келинг, унутмайлик, биз мукаммалликдан йироқмиз ва унга етишимиз қийин. Биз доим хатога йўл қўямиз ва бу одатий ҳол. Қилган хатоларимиз учун жаҳлимизга эрк бермасак, улар бизга сабоқ ўрнини босади. Хатолар оёқ-қўлимиизни боғлаб қўйиши мумкин, агар биз ўзимизни кечира олмасак. Ўзини кечира олмаслик сабабли кўп одамларнинг тақдирларига дарз кетганлиги сир эмас.

Доимий равища ўзидан қониқмаслик ва қилган ишидан афсусланиш – бу тор феъллиликни кўрсатади. Инсон ўз хатосини тушуниб етса, “Ўз хатоларим ортидан муваффақиятга эриша олмадим, лекин бундан чин дилдан афсусдаман, демак, мен жуда ёмон одам эмасман”, дейиши керак. Қилмишларингиз учун кек саклаб юриш сизни баҳтдан кисади. Олдин қилинган хатолар бугунки кунингизга таъсир ўтказишига йўл қўймаслик керак. Унутмайлик, хатоларсиз биз ҳозирги ҳаётимизни барпо қила олмаган бўлардик.

Ота-оналарингизни кечиринг

Ота-онадан хафа бўлишнинг ўзи бу катта хато. Улар ким бўлишларидан қатъий назар сизнинг ота-онангиз. Ҳеч бир ота-она ўз фарзандига ёмонликнираво кўрмайди. Дилингизни оғритадиган бирор нохушлик ота-онангиз томонидан содир этилган бўлса-да, фақат уларни кечирибгина хотиржамликка эришасиз ва дилингиз равшанлашади. Яна бир сабоқ: биз уларни кечирибгина ўзимизни катталар қаторига қўшишишимиз мумкин. Унгача ёш боладай қолиб кетаверасиз. Ҳеч нарсага акли етмайдиган ёш бола ота-она унинг ҳаётида қандай улуғ зотлар эканини билмайди. Унутмайлик, ота-оналаримиз ҳар қандай вазиятда ота-она бўлиб

coliшаверади. Уларнинг бизга килган яхшиликлари олдида умрбод қарздормиз.

Умр йўлдошингизни афв этинг – иложи бўлса тезроқ

Бошимизда ноxуш хаёллар ва хафагарчиликларга жой қолган экан, демак, биз ўтмиш билан яшаяпмиз ва бугуннинг хузурбахш, ажойиб онлари қўлимиздан чиқиб кетаяпти. *Хафагарчилик ва кек сақлаши мавжуд экан, севги яшай олмайди.* Агар эр-хотинлар дарров бир-бирларини кечира олишмаша, бу тентаклик. *Бунда, севги кейинроққа қолдирилган бўлади.* Нимага? Кўпинча хафа томон, хафа қилган томоннинг ўз хатосини тушуниб етишини, бу хатони қайта такрорламаслигини хоҳлаб, кечиришни бир оз кейинга суради.

Кўпчилик одамлар тез кечиришса, ҳурматим қолмайди, деб ўйлашади. Қандай ҳурмат ҳақида гап бўлиши мумкин, сиз буюк туйғу – севгини рад этиб турганингизда? Бундай муносабат билан оиласда мустаҳкам пойдевор қуриб бўлмайди. Аслида ҳаммаси бошқача бўлиши керак: қанчайин тез кечирсак, тезроқ севиб қоламиз ва ҳаётдан лаззатланамиз. Бир доно аёл айтган экан: “Мен барибир қачондир кечираман, нега буни ҳозирнинг ўзида қылмаслигим керак?”

Бунинг учун севган кишингизнинг яхши томонларини ёдга олиш кифоя. Агар сиз унинг яхши фазилатларидан ўнтасини ёдга олсангиз, кечиришингиз осон бўлади. Агар ажрашиш керак бўлганда хам бир-билингизни тез кечиришга ўрганинг.

Қолган барча одамларни кечиринг

Барчага кечиримли бўлинг, улар сизга нисбатан ноxуш ишлар қилишса-да, инсоф тилаб яхшилик истанг. Кечиримли бўлиш аввало ўзингизга яхшиликлар инъом

этади. Гап кечиришингиз керак бўлган одамда эмас, асосан сизда. Бу сизнинг бахтингиз, муваффакиятингиз ва қалб сокинлиги учун керак. Бу яна келажагингиз учун лозим. *Сизга бефарқ одамдан хафа бўлиши телбаликдан ўзга нарса эмас.* Сиз бундай пайтда фақат ўзингизни заҳарлайсиз, ўша одам буни сезмайди ҳам. Кўп хафа бўлиб жаҳл қилиб юрган одам ўз кучини йўқотади. Айниқса, биз муваффакиятсизлигимизни у ёки бу одамдан кўрсак, бу ҳолат яққол кўзга ташланади. Агар биз айни бирорвга қўйсак, ўз устимиздан ҳокимликни ҳам унга берган бўламиз. Атрофдагиларга вазиятдан келиб чикиб, масъулиятни юклаб, биз ўз кучимизни бўғамиз ва муваффакият йўлимизни тўсамиз.

Амалда қўллаш

Олдин инсонни қалбан кечириш лозим. Сизни ранжитган одамга дилдан инсоф тилаб дуода бўлиш керак. Агар шундай қилсангиз, юрагингиз таскин топганини ҳис этасиз. Қалбингиздаги гараз аста юмшайди, хафагарчиликлар ёдан чиқа бошлайди. Хафа бўлган одамингизга қўнғироқ қилишингиз ёки учрашишингиз мумкин. Учрашганингизда унинг ўзини оқлаб хижолат чекишига йўл қўйманг, унга шунчаки уни кечирганингизни айтинг. Ҳамма масъулиятни зиммангизга олганингизни ёзиб, унга мактуб йўллашингиз ҳам мумкин. Унга унинг кечирим сўрашининг хожати йўқлигини айтиб, ҳамма бўлган ишлар учун хижолатда эканлигингизни тушунтиринг. Шунда муқаддас ва улуғвор қалб соҳибига айланингизни билсангиз эди. Голиблар қалбидарё бўлишади.

Амалий машғулотлар

Бугун ўзимни бировга совға беришга ва кечиримли бўлишга ўргатаман. Бунинг учун мен қуидагиларни бажаришим керак.

1. Мен бугун учратган одамимга, телефон орқали сухбатлашган кишимга ёки хаёлимга келган кимсага кувонч, баҳт ва омад, соғлик тилайман. Унга ижобий кувватимни жўнатаман.

2. Учрашгани борган одамимга совға бераман. Совға моддий ёки яхши ният ва янги ғоя бўлиши ҳам мумкин. Бундай қилишимга сабаб, бу менинг учун жуда ҳузурбахш ҳолат. Унинг хурсанд бўлганини кўрсам, мен ҳам кувонаман.

3. Ўз севгилимга бугун у кутмаган гаройиб совғани бераман. Унинг кувончли чехрасини кўриш менга ҳузур бағишлиайди.

4. Бугун мен ҳаммага кечиримни совға қиласман. Биринчи совға ўзим учун. Кимдан хафа бўлсан, ҳаммани кечираман. Мен уларни чин юракдан кечираман. Узокдагиларга кўнғироқ қиласман ёки мактуб йўллайман. Бугундан бошлаб ҳеч кимга кек сақламайман. Нохуш хиссиётлардан фориг бўламан.

ЙИГИРМА ОЛТИНЧИ ҚОНУН ПУЛГА УСТАЛИК БИЛАН ЁНДАШИНГ

Бир куни камбағал дехқон товуғи олтин тухум туққанини күриб қолибди. Олдинига буни кимнингдир ҳазили деб ўйлабди ва уни заргарга олиб борибди. Заргар тухумнинг ҳақиқий олтин эканини тасдиқлабди.

Дехқон тухумни яхшигина пулга сотибди. Кечки пайтга жуда катта майшат уюштирибди. Эртаси куни оиласи билан товукдан хабар олгани боришибди. У яна битта олтин тухум туғиб кўйганди. Бу ҳол бир неча кун такрорланибди. Олдинига дехқон баҳтига ишонмабди. Кейинчалик уни ҳасислик, очофатлик ўз исканжасига олибди. Унга битта олтин тухум кам кўрина бошлабди. Бир куни дехқон товук катагига бориб, бирданига ҳамма тухумга эга бўлиш учун товукни сўйибди. Аммо у товук корнида битта чала тухумни кўрибди, холос.

Қиссадан ҳисса шуки: олтин тухум туғувчи товукни сўйма.

Бадавлатликка туғилганингиздан бошлаб ҳаклисиз. Ҳеч қачон ҳозирги бизнинг замонамиздагидек бойликка эришиш осон бўлмаган. Сиз сўрашингиз мумкин: “Нега бўлмаса ҳамма одамлар бой эмас?” Жавоб оддий: чунки улар олтин тухум туғадиган товукларини сўйиб еб кўйишади.

Товук бу – сармоя, тухум эса – фоизлар. Сармоясиз фоизлар бўлмайди. Баъзи одамлар бор пулларини сарф этишади, баъзилар боридан ортигини сарфлаб карзга ҳам ботишади. Бу йўл билан товук ўсмайди. Улар товукни тухумга кирмасидан олдин жўжалигидаёқ нобуд қилишади.

Биз эски исботланган ҳақиқатларни унудыб, ўзимизча турли айёrona йўлларни ўйлаб топамиз

Фойданинг асоси тушунарли. Бунинг учун олаёттаганингдан кўра кам сарфлаш керак. Ортиқча пулни бирор нарса сотиб олиш учун ишлатса бўлади, бироқ тежаб, товук бокиш ҳам мумкин.

Бизга ўйлаганимиздек жуда кўп нарса керак эмаслиги ни тан олишимиз даркор. Бунинг учун ўзингизнинг олдингизда ҳакгўй бўлишингиз зарур. Бизга аслида нима керак? Кўпчилигимида ишлатилмаган пуллар қолади. Гап уларни нима қилиш мумкинлигига. Мебель, автомобиль, саёхат, кўнгилхушликка ёки бирор ишга сарфлаш керакми?

Ҳаммаси оддий: пулни сарфлаш ёки уни тежаш. Айтайлик, сиз етти йилдан сўнг балансингизга қараганингизда, у қандай молиявий кўринишда бўлади? Сиз товуқни катта қилдингизмикан ёки жўжалигига даёқ сўйиб юборганмикансиз?

Тежамкорлик мамнуният баҳш этиши мумкин

Ўзингизга ҳам тўлашни ўрганинг. Ноn сотиб олиб, нонвойга пул тўлайсиз, кўкат учун эса кўкатчига. Қачон ўзингизга тўлайсиз? Жавоб: пулингизни тежаганингизда. Кўпчиликда тежамкорлик учун тартибли бўлиш этишмайди. Бу борада сизга оддий тизим ёрдам беради.

Алоҳида “товук учун” ҳисоб-рақам очинг. Асосий ҳисоб-ракамингиздан йиғувчи ҳисоб-рақамингизга пул ўтказиш учун банкингизга кўрсатма беринг. Шундай қилиб, сиз бир ойлик даромадингиздан олдинига ўн фоизини ўтказишни бошладингиз. Бу пуллар янги иш бошлишингиз учун, ундан бошқа нарсаларга умуман ишлатишингиз мумкин эмас. Бу билан чегараланиб қолманг ва ўйин-кулги ва майшатлар учун ҳам ҳисоб рақам очинг. Унга ҳам даромадингиздан, айтайлик, беш

фоизини ўтказиб туринг. Бу пулларни ишлатиб туришингиз мумкин. Бу билан сиз бир ўқ билан икки қүённи отаяпсиз: ўйин-кулги, майшат қилиб яшаяпсиз ва иккинчи томондан келажак учун пул йигаяпсиз.

Маошиңгиз ошганда ҳам пул қўйинг

Аминманки, сиз пул қўйишни бошлаганингиздан бошлаб яшаш тарзингиз ўсиши билан бирга даромадингиз ҳам қўпаяётганини сезаяпсиз. Кўп ишлаб топаётганингиз йигаётган пулингизнинг қўпайишига ҳам сабаб бўлиши керак. Сиз бундай пайтда даромадингиздан йигаётган пулингизга ўн ёки беш фоиз ташламасдан, энди уни эллик фоизга қўтаришингиз керак. Олдинлари маошиңгизнинг маълум қисмини йигиши учун ташлаб юрганингиз учун сизга бундай қилиш қийин бўлмайди. Қолаверса, маошиңгиз ошган. Бу ҳолатда йигаётган пулингиз тезрок қўпаяди.

Агар сиз хусусий тадбиркор бўлсангиз

Тадбиркорлар ва озод касб эгалари айтишларича, улар йифиш учун бир хил микдорда пул қўя олишмайди, чунки уларнинг даромадлари ишлашлари давомида паст-баланд бўлиб туради. Бундай тушунча нотўғри ва хавфли. Бу дегани сиз тадбиркорликдаги асосий молиявий қоидани билмайсиз.

Сиз фирма эгаси бўлиш билан бир каторда унинг хизматчиси ҳам бўлишингиз керак. Бундай ўрин алмашиб хаёлан эмас, ҳисоботларда ҳам кўриниши лозим. Бунинг учун сизга камида иккита ҳисоб-ракам керак бўлади: фирма ҳисоб-раками ва шахсий. Мана шунда фирма даромадининг “сакраб” туриши сизнинг йигаётган пулингизга ва молиявий режаларингизга таъсир қилмайди.

Үзингизга жуда катта маوش белгилаб юборманг. Унинг микдори ўтган йилнинг даромадидан қирқ беш фоиздан ошмасин. Ахир, биз хали солиқларни тўлашимиз, ишлаб чикаришни ривожлантириш учун сармоя тўплашимиз ва захира фондига пул қўйишимиш зарур. Бундай ҳолатда ёлланма ишчи эмас, тадбиркордай иш тутишингиз керак. Шахсий эҳтиёжларингиз фирма фолиятига зарар етказмаслиги даркор.

Бу ўзини оқлади

Агар юкорида кўрсатилган тизимдаги ишларни бажармасангиз, доим сизни виждан азоби қийнаб юради. Айтайлик, бир европи ишлатдингиз, бу сизни кувонтирмади, чунки уни ишлатмай тежашингиз мумкин эди. Агар маблағни ишлатмай тежасангиз-чи, аксинча уни ишлатиш ҳақидаги истак хаёлингиздан кетмайди.

Икки ҳисоб-рақам русуми сизга молиявий режалаштиришга ақлан ёндашишингизга ёрдам беради. Энди доимий пул йиғишининг интизомингиз ва иродангизга боғлик бўлмайди. Тизим ўз-ўзидан ишлайверади. Сиз кильмайдиган ягона иш – асосий йигаётган маблагингизга тегмаслик.

Тасаввур қилингки, бу пуллар сизники эмас, “тобуғ”ингизники. Агар нафсингизга эрк берсангиз, дехқон каби иш тутишингиз мумкин. Сиз тентакдай кўринишни хохламассиз?

Шунинг асосида келажакдаги фаровон хаётингиз курилади. Олдин сиз пул тўплашининг керак. Тўпланган пул ортидан кўп пул ишлаб топишни бошлайсиз ва пул сизга ишлай бошлайди. Аммо барибир олдин пулни тўплаш лозим.

Кейинги кадам – йигилган пулларни сармояга ташлаш. Олдинига бир йилга ўн икки фоизлик даромадни кўзланг. Агар уларни йиллик ўн икки фоизлик ишга

ташласангиз, йигирма түрт йилдан сүнг саккиз юз минг евро бўлади.

Айнан мана шу ҳолат – олдин айтиб ўтганимиз “олтин тухум”дир. Йиллик ўн икки фоиз, асосий маблағга тегмаган ҳолда ойига саккиз минг евро, дегани. Аммо унутманг: ҳаммаси йилига эллик минг евро йигишдан бошланган.

Пул қанчалар аҳамиятли

Пул ҳаётда энг асосийси эмас. Лекин агар у аҳамиятга эга бўлиб қолса, нима юз беришини биласизми? Агар пул етишмовчилиги сезила бошласа, уни қаердан топиш ҳақидаги хаёллар сизга тинчлик бермайди. Пул бизга кўшимча имкониятларни кўрсатади. Бир тасаввур килиб кўринг: агар сизнинг беш миллион евродан ошик пулингиз бўлса, ҳаётингиз қанчалик ўзгариб кетарди?

Ҳар бир инсон ҳаёти учун беш хил ҳудудни ажратиш мумкин. Бу соғлик, фойдали мулоқот, маблағ, ҳиссиёт (диний қараш) ва иш (хаёт мазмуни). Булар ҳаммаси ўз-ӯзидан керакли ҳудудлар. Биз бу ҳудудлардан бирортасининг чўққисига чиқсак, бошқаларига ҳам таъсирини ўтказиши тайин. Агар биз маблағ билан муомалани ўргансак, ҳаётимиз янги яхши босқичга чиқади. Бизда кўп имкониятлар пайдо бўлади.

Ақлан бажарган ишларимиз доим бизни таъқиб этади. Шу билан бирга ножӯя қилган ишларимиз ҳам ортимиздан эргашади ва доим бизни кийнайди ва борлигимизни заҳарлайди. Биз қандай йўл тутишга қарор қабул қилишимиз керак. Пул ҳаётимиздаги бошқа нарсалар каби бизга ишлаши ёки аксинча бўлиши ҳам мумкин.

Кўпчилик ақлли одамлар ўз маблағлари тўгрисида унчалик қайғуришмайди. Окибатда уларнинг молиявий аҳволлари жуда танг аҳволга тушиб қолиши мумкин. Инсон ўзида молиявий фикрларни уйғотиши керак. Пул сиз учун муаммога айланмасин.

Бошқачароқ фикрлаш

Бой бўлиб борганимиз сари атрофдагилар олдида масъулиятимиз ошади. Пулимизнинг ҳаммаси ҳеч қачон ўзимизники бўла олмайди. Ўз яқинларимиз ҳақида қайғуриб, уларга ёрдам бермас эканмиз, биз чинакам баҳтли бўла олмаймиз. Биз бутуннинг бир қисмимиз, атрофдагилардан миннатдорлигимизни кўрсатишимиш ва улар билан топганимизни бўлишишимиз керак.

Баъзилар: “Мен қачонки ҳақиқий бой бўлсан, бошқаларга беришни бошлайман”, дейишида. Бу сўзни айтиб, улар аввал ўзларига беришни ўйлашаяпти. Аммо бундай қилиш ярамайди. Инсон фақат ўзини ўйлаб баҳли бўла олмайди. Буғдойни сепмай ҳосил олиб бўлмайди.

Бунга бошқа нуктаи назар билан қараб кўрайлик. Қандай шароитда бўлманг, ер шаримиз миқёсида олсак, сиз ҳозирги ҳолатингизда бойсиз. Ер шарида яшаётган ҳалкнинг учдан бири сизнинг ҳаётингизни ўзиники билан алмаштиришга тайёр. Тасаввур килинг, сиздаги пул камбағал одам учун қанчалар аҳамият касб этишини. Баъзи қолоқ мамлакатларда саккиз евро пул билан қўр одамни даволаб, операция қилиш мумкинлигини биласизми?

Ўзгалар билан бўлишиб, биз борликка гўё сигнал жунатамиш; “Рахмат. Менда керагидан кўп маблағ бор. Мен бошқаларга ёрдам бера оламан”. Бу вазиятда бизнинг пулга бўлган қарашларимиз ҳақиқий бўлади. Пул бизга ва бошқаларга қувонч келтиради. Пул учун ўзимизни ёввойилашиб кетишдан тўхтата оламиш.

Хайрия – оламдаги энергиянинг туганмас эканини англатади. Биз ошиқчасини бериб, эвазига қилган ҳаракатимиз учун қувват оламиш. Яратган бирни берсанг, мингни бераман, деган.

Сиз ўзингизга ва бошқаларга молиявий озодлик беришингиз керак.

Шунда эртами-кечми нима учун машаққат ила мөхнат күлганингизни тушуниб етасиз. Инсон мақсад сари интилса, албатта, мақсадига етади. Ҳаракатдан баракат, дейишади.

Ғолиблар билишади, фақат пул баҳтли қила олмайди, у билан муомала қилишни билғанларгина баҳтга эришишади. Пул унга муносиблар учундир.

Амалий машғулотлар

Бугун мен пул билан муомала қилишни ўрганаман. Бунинг учун мен қўйидагиларни бажаришим керак.

1. Бугундан бошлаб даромадимдан ўн фоизини ажратиб, йиғишни бошлайман. Биламан, мени фақат сақлаган пулларим бой қила олади.

2. Мен ҳисоб-рақам тизимини тузаман, улар ўз-ўзидан пулларимни тежайди. Фирмам ва шахсий ҳисоб-рақамларимни алоҳида очаман. Мен ўзимга қатъий маош белгилайман ва фирмам ҳисоб-рақамидан ўз шахсий рақамимга ўтказиб тураман. Йиллик даромаднинг кирқ беш фоизига яшашни ўрганаман.

3. Бугундан бошлаб тежамкор бўламан. Ҳар бир харидимдан олдин менга шу керакми, деб ўзимга савол бераман.

4. Мен бугун кимга ўз пулларим билан ёрдам бера оларканман, деб ўйлаб кўраман.

ЙИГИРМА ЕТТИНЧИ ҚОНУН

ЮКСАЛИШ УЧУН ЧИДАМ БИЛАН ПОЙДЕВОР ҚУРИНГ

Бамбукни ўстириш учун унинг яхши униб-ўсишига ишониш ва сабр керак. Дехқон ерни кавлаб, қаламчаларни экади ва уларнинг устини қалин сомон билан ёпиб қўяди.

Хар куни дехқон қаламчаларга сув қуяди. Қаламчаларнинг ёнини юмшатади. Шу алфозда тўрут йил ўтади. Тўрут йил мобайнида у қилган меҳнати натижасини кўрмайди. Бамбук қаламчалари кўкарармикан, деган хаёлга боради. У ҳатто қаламчаларнинг тириклигини ҳам билмайди.

Ниҳоят тўртинчи йилнинг охирида қаламчалар кўкаришни бошлайди. Кейин эса тўқсон кун ичидаги йигирма метргача ўсиб кетади.

Кўпчилик одамлар ўз касбини иш ўрнидан кўнгли тўлмагани учун алмаштиришади. Уларни ишда кўтарилиш, маош, ишнинг моҳияти қониктирумайди. Баъзиларнинг ишлари қизиқарли эмас ва ундан кўнгиллари тўлмайди. Ҳамманинг ўзига хос баҳонаси бор. Иш ўрнини алмаштириб, инсон ўз муаммосини ечмоқчи бўлади.

Аслида эса янги иш ўрнида олдинги муаммоларга яна янгиси қўшилади. Янги касб балки қаттиқроқ шижаот билан ишлашни талаб этар ва унинг масъулияти кўпроқ бўлар.

Мослашини даври

Ўн икки соат самолётда учеб келганингиздан сўнг ўзингизда чарчок сезасиз ва олдинига келиб тушган жойингизнинг шароитига мослашишингиз керак бўлади. Кўп нарса одатдагидай эмасдек туюлади. Соатлар

алмашинувига кўниш керак. Мослашиш даври бир неча кун давом этиши ҳам мумкин. Бу ҳолат иш жойини алмаштирган одамларда ҳам бўлади. Янги ишни бошлишдаёқ унга бўлган иштиёклари сўниши мумкин. Айнан мана шундай кунларда баъзилар енгилишади. Балки улар ҳаёт совға қилаётган омадни рад этаётган бўлишлари ҳам мумкиндир.

Ҳар сафар иш ўрнини алмаштирган пайтимизда биз “мослашиш даври”нинг курбонига айланмаслик учун икки нарсани ўрганишимиз керак:

1. Одам ўзини ёлғон билан овутиши керакмас. Нарсаларни борича қабул қилиш лозим. Янги иш – дарров кўп пул ютиб олиш мумкин бўлган лотерея эмас. Бу ерда машакқатли меҳнат, сабр ва матонат керак. Мисол учун, одам янги шахсий ишини очса, яхши имкониятлар пайдо бўлиши мумкин, аммо бу имкониятлар ортида машакқатли меҳнат ётади.

2. Голиб ишнинг факат услубига эмас, қисқа муддат ичида тез пул топишига эътиборини қаратиши лозим. Олдинига у муваффақият мезони – голиблар қонунини кўриб чикиши лозим. Масалан, у билиши керакки, уни бу йўлда қийинчиликлар кутиб турибди ва уларни енгиб ўтишни ўрганиши зарур. У голиблик қонунини мустаҳкам ўрганиши, ўзининг режалари асосида шахс сифатида ўсиши лозим.

Катта муваффақиятга эришиши хоҳласак, пойдевор мустаҳкам бўлиши лозим

Кўп қаватли бино қурилаётган майдонни кузатиш қизикарли. Бир қарашда гўё бирор аҳамиятли нарса бўлмаётгандай, албатта, қандайдир иш билан машгул ишчиларни ва катта қурилиш машиналарининг овозини ҳисобга олмаганда. Кейин турли темирлардан бирдан уйнинг ковурғаси бунёд бўлади ва тезда баландга бўй чўза бошлайди. Бу қовурға деворлар ва деразалар билан

қопланади. Кейин уйнинг устида том ва пастда ҳовли пайдо бўлади. Кўз очиб юмгунча майдон ҳашаматли бино билан эгалланади. Бу бир қарашда шундай осон, аммо алдамчи таассурот. Аслида бино барпо бўлгунча ойлар ва йиллар ўтади. Янги касбни ўзлаштириб олиш ҳам худди шундай.

Узок муддатли муваффақиятга бир неча кунда эга чиқиб бўлмайди. Муваффақиятни кунлик меҳнат ва голиблар қонунига таяниб “қуриш” мумкин. Ҳа, худди шу тариқа кун сайин пойдевори, деворлари, дераза ва томлари курилиб, муваффақият барпо бўлади.

Агар сизга кимdir бирдан бойиб кетгандай туюлса, бу кўринишга ишонманг. У одам бу мавқега эришиш учун жуда катта машаққат чекканлиги аниқ. Кўпларда сабр-тоқат етишмайди. Ҳаммасига бирданига эга бўлишни орзу қилишади. Ундаилар буюк ғалабалардан юз ўғириб, майда ютуқларга интилишади.

Катта натижаларга бирдан эришиб бўлмайди, бу ҳақиқат. Агар сиз сабр билан, аста-секин, қадамма-қадам олдинга интилсангиз, бир кун келиб эрталаб уйғониб қарасангиз, мақтанса арзигулик баҳт биносини қуриб кўйган бўласиз.

Сабр мослашишга ёрдам беради

Янги иш бошлаганимизда бизга ҳаммаси осондай туюлиши табиий. Аммо кейинчалик бу унчалар осонмаслигини тушуна бошлаймиз. Бошлиғингиз илк танишганингиздагидай унчалик шиҷоатли эмаслиги билиниб қолиши, харидорлар сўзларингизга бепарво бўлишлари, ҳамкасларингиз сиз хоҳлагандай кўринмасликлари мумкин. Шароит ҳам унчалар яхшимас ва бошқа ноҳуш нарсалар янги иш жойингизда намоён бўла бошлайди. Бу одатий ҳол. Аммо бошланишида шундай, кейинроқ буларни тузатса бўлади. Ҳақиқат одатда ўртароқда бўлади. Чидам билан аста мослашиб, шароитни ўргансангиз,

ҳаммаси осон кечади. Янги жойга кўниши ҳаммада ҳам қийин кечади. Ҳаммаси бизнинг қиладиган қарор ва амалларимизга боғлиқ.

Бир куни учта қурбақа қаймоқ тўла кўза топиб олишибди. Кўп ўйлаб ўтирасдан улар дарров кўза ичига ўзларини отиб, маишатни бошлаб юборишибди. Улар қаймоқ ичра сузиб, коринлари ёрилиб кетгудай бўлгунча тўйиб бўкишибди. Аммо улар қоринлари тўйиб, кўздан чиқмоқчи бўлишганда, кўзанинг деворлари сирпанчиқ, ташқарига чиқишининг иложи йўқлигини тушуниб қолишибди. Қанчалик уринишмасин, чиқа олишмабди. Қурбақалардан иккитаси охир-окибат тақдирга тан бериб, қаймоққа чўкиб кетишибди. Учинчи қурбақа бўлса, ҳаракатдан тўхтамабди, у қаймоқ устида гир айланар, корни очса қаймоқдан еб олиб, яна қаймоқни чайқалтиришни тўхтатмабди. Қарангки, маълум бир вақт ўтгандан сўнг қаймоқ мойга айланиб қотиби ва қурбақа бир сакраб кўздан чиқиб кетган экан.

Янги иш жойингиз сизга ёқмаса-да, унинг ижобий томонларини топмагунингизча чекинманг. Аслида сиз иш учун эмас, кўтарилиш ва юксалиш учун ишлайпсиз. Сиз қадай касбий мавқега эришманг, албатта, ўша йўлда нималарнидир ўрганасиз ва ўрганганларингиз сизга ҳаёт йўлингизда аскотади. Чунки ўрганганларингиз бу сизнинг мулкингиз. Уни сиздан ҳеч ким олиб қўймайди. Сабр билан жараённи кузатиб, яхисини олиб, ёмонини ортга отиб, олдинга интилсангиз, бойлик ва фаровон ҳаёт сиз учун кафолатланган бўлади. Тўғри, кутилмаган вазиятлар сиз курган баҳт уйингизни бузиб, кулини кўкка совуриши мумкин, аммо яна қайтараман, ўрганганларингиз ўзингизда қолади. Сиз яна бошидан бошлишингиз мумкин.

Милионга эга бўлиш зарур эмас, уни ишлаб топишни ўрганиш зарур. Агар сиз пулингизни ишлатишни ўрган-

ган бўлсангиз, бу жуда катта ютуғингиз. Ҳақиқий бойлик сизнинг ўзингизда яширингандан бўлади.

Сизни адаштирган бўлишса, буни ўзингиз хоҳлагансиз

Бир одамдан ўлишидан олдин, жаннатгами ёки дўзахга тушишни хоҳлайсанми, деб сўралибди. У танлов қилиши мумкинлигини билиб хурсанд бўлганча: “Олдин мен иккисини ҳам бир бор кўришни истардим”, дебди.

Олдин унга жаннатни кўрсатишибди. У ерда ҳамма хурсанд, узумзорда ашула айтиб ишлашаётганди. Кейин дўзахни кўрсатишибди. Дўзахда ҳамма ноз-неъматлар билан тўлдирилган стол атрофида майшат қилиб қандайдир байрамни нишонлашаётганди. Ҳамма ўзида йўқ хурсанд эди. Бизнинг қаҳрамонимиз шошилганча дўзахни танлабди.

Аммо у майшатнинг охирига ҳам улгурмабди. Олдин унинг оёқ-қўлини занжирлаб, катта печ олдига боғлаб, кун бўйи унга кўмир қалаб туришни буюришибди. Қаҳрамонимиз арз қилиб қўйидаги жавобни олган экан: “Бўтам, ўша кўрганинг қайсиdir фирманинг тақдимот маросими эди”.

Хуллас, янги иш олдинига жуда қизиқарли кўринганди-ку, энди гап нимада? Сизни алдашдими ёки ўзингиз адашдингизми? Балки сиз ўзингиздаги ҳеч нарсани ўзгартиришни истамассиз, муваффақият учун тўлов қилишга имкониятингиз йўқдир? Бирор қатъий жавоб топиш қийин. Шунчаки ёдингизда бўлсин, мослашиш даврида ортга чекинмаслик керак. Гап иш тўғрисида эмас, шахсингизни ривожлантириш тўғрисида кетаяпти.

Юксалиш пойдеворини қуриш учун анча вақт керак. Ишни фикрлашни ўзгартиришдан бошлиш лозим. Ғолиблар қонунини ўрганиш, уни шунчаки ўқиб ёдлаш эмас, ҳаётда қўллаш зарур. Агар шундай пойдевор

куришга улгурган бўлсангиз, энди сизни ҳеч нарса тўхтата олмайди.

Голибларни мослашиш даври чўчитмайди. Улар бу даврга доим тайёр туришади ва биринчи йилдаги ҳар қандай вазиятни тўғри қабул қилишади. Чунки уларни ўн йил ичида катта ижобий ўзгаришлар кутиб турибди. Улар билишадики, илк босқични мардонавор сабр билан енгиб ўтишса, мукофот уларни кўп куттирмайди.

Амалий машғулотлар

Бугун мен юксалишим учун мустаҳкам пойдевор кўйишни ўрганаман. Бунинг учун менга қўйидагилар керак бўлади.

1. Мустаҳкам пойдеворсиз бино қуриб бўлмаслиги ни биламан. Шунинг учун мен жон-жаҳдим билан ишлаб, ўз иш услубларимдан ҳам фойдаланаман. Натижага келсак, мен уни сабр билан кутаман. Катта-катта бинолар ҳам битта-битта ғишт қўйиш билан барпо бўлган.

2. Нима бўлганда ҳам мен чекинмайман. Илгари шундай йўл тутган бўлсам-да, энди ҳаммасини тушуниб етдим. Мақсадим йўлидаги тўсикларни сабр билан енгиб ўтишга қодирман.

3. Буюк ишларга кўз тикаман, майда ютуқларга ўралашиб қолишдан ўзимни тияман. Келгуси йилга мен олий даражадаги ишлар учун режа тузмайман, лекин бир юз ўн фоиз ҳаракат килиб ишлайман. Кейинги касбкорим ёки ишим учун мен чегара қўймайман.

4. Мослашиш даври фақат ишда эмас, балки спортда ва оиласда ҳам бўлиши мумкин. Бу ерда ҳам алдамчи “тақдимотлар” бўлиб туриши эҳтимолдан холи эмас.

ЙИГИРМА САККИЗИНЧИ ҚОНУН

АТРОФИНГИЗГА ҮРНАК ОЛСА АРЗИЙДИГАНЛАРНИ ТҮПЛАНГ

Айтайлик, сиз энг зўр торт пиширувчидан-да яхширок торт пиширишга қарор килдингиз. Сизга бу ғояни амалга ошириш учун аввало кўрсатма керак ва албатта, бир неча бор уриниб кўришингизга тўғри келади. Олдин бу иш билан шуғулланмаган бўлсангиз-да, агар сиз кўрсатма бўйича тортни пиширсангиз, албатта, керакли мақсадга етиб, энг зўр торт пиширувчидан хам ўтиб кетишингиз мумкин. Торт пиширишни ихтиро килган одамга бунинг учун кўп йиллар сарфланган бўлса ажаб эмас. Сиз унинг меҳнати маҳсули бўлган тайёр кўрсатмадан фойдаланиб, ўша йилларни тежаган бўласиз.

Биз доим кимларнингдир таъсирини сезамиз

Қадимги Грецияда ота-оналарга ўз болаларининг мактабда бир кунда арзимаган бир-икки соат билим олишлари ёқмасди. Улар болаларини ўқитувчилари билан йиллар давомида бирга бўлишларини хоҳлашарди. Улар амин эдиларки, ҳар кун доимий муаллим билан учрашиб бирга бўлиш – бу зўр мактаб.

Атрофимиздаги одамлардан ташқари ҳеч нарса, уларчалик бизга таъсирини ўтказа олмайди. Бу мулоҳазам кимгadir ёқмас, аммо бу ҳақиқат. Балки биз инсон миясининг ишлаш фаолиятини эндиғина тушуниб стаётгандирмиз, лекин олимлар бу борада бир тўхтамга келишган. Мия ўзининг атрофида содир бўлаётган ҳамма нарсани ўзига жамлайди.

Тасаввур килишимиз мумкинки, кўзимиз – телекамера, кулоқлар эса микрофон. Биз ташкаридаги ҳамма нарсани ёзиб оламиз ва хотирага жойлаймиз. Кенг доирада тасаввур қилсак, бизнинг онгимиз кўз

ўнгимизда бўлиб ўтган жараёнлар ёзилган катта бир видеотасма. Агар шундай бўлса, бошқа ахборотлар миямизда қаердан пайдо бўлади.

Доимо рок юлдузи Майкл Жексоннинг кассеталарини эшитиб юриб, Моцартни қачондир тушуниб ва севиб қолишга интилиб яшаётган одамни қандай тушунган бўлардингиз?

Ўқишининг илғор методикаси

Биз ён атрофимиздан ўйлаганимиздан кўра керагидан ортигини оламиз. Тўғри, кимлардир ўзгалардан ўзимизга керагини оламиз холос, деб хисоблашади. Аслида эса нимани кўрсак, миямиз онгли равишда ҳаммасини тўплайди.

Бу яхши, чунки бу ҳолат бизга яхши ўрганиб ўқишимизга катта ёрдам беради. Қачонки биз эшитган-кўрганларимизни ёзиб бориб кейин уларни айтиб берсак, ўкиш жараёни кўнгилдагидек ўтаётган бўлади. Бу методика аниқ мақсад сари белгиланган мактабдаги услубдан анча фарқ қиласди ва ундан устун туради. Ҳаммамизга турли мисоллар маълум, инсон бирор чет тилини ўрганиш учун ҳаракат киласди-ю, унчалик эплай олмайди. Кун келиб тақдир тақозоси билан ўша тилда сўзлашадиган юртга бориб қолади. Аммо у ҳеч қанча вакт ўша юртда бўлмай, дарров ва тез хорижий тилни ўзлаштириб олади. Айтмокчиманки, инсон амалиёт ўтамагунча, фақат китобдангина ўрганиб, бирор ижобий ютукка эриша олмайди.

Кичкинтолар ўз она тилларини қанчалик мураккаб бўлмасин, тез ўрганиб олишади ва мамлакатларининг маданиятига bogлиq ҳамма мураккабликларни қабул қилишади. Уларга бу кийин бўлмайди, чунки улар атрофга қараб тақлид асосида ўрганишади. Улар ҳамма нарсаларни кўчиришади, айникса ўзларига яқин атрофдагилардан кўп нарсаларни олишади. Шунинг учун ҳам

биз туғилиб ўсган мұхитдан, шароитдан келиб чикиб, фикр ва ҳиссиётларимизни бойитамиз, ўсиб борамиз.

Атрофдаги одамларнинг ҳис-хаяжонлари ва фикрлари

Кичкінтолар сингари катталарнинг ҳаётлари давомида ҳам шундай воқеалар рўй беради. Биз доим нимларнингдир таъсири остида бўламиз. Доим нимадир бизнинг “кассета”мизга “ёзилиб” туради ва шу ёзилганлар ҳаётимизда ўзини намоён этади. Тасаввур килинг, атрофдагилар ҳайкалтарош, сиз эса мармарсиз. Ҳар бир одам ўз ҳаётий кечинмаларини ҳайкал тасвирида қолдиради. Ҳар ким сизнинг шахсингизга тузатилиши қийин бўлган ўзгартириш киритиши ҳам мумкин. Сиз одамлар билан мулоқот қилмасангиз, қандай бўлсангиз шундайлигингизча қолаверасиз. Аммо бирор инсон билан ҳар бир учрашувингиз сизда оз бўлса-да ўз изини қолдиради.

Айнан мана шу нарса ўқиб-ўрганишга изн беради. Бугунги кунда биздаги бор фикр ва ҳиссиёт қандайлигимизни кўрсатиб туради. Аммо шу фикр ва ҳиссиёт келажакда кимdir бўлишимизга ярамайди. Бу дегани, янги натижаларга қандай бўлсак шундайлигимизча эриша олмаймиз. Биз янги натижаларга эришишимиз учун янгича фикрлашимиз ва ҳис килишни ўрганишимиз керак. Кичкина болалар ҳиссиётларни катталардан ўрганишади ва уларга ўхшашга ҳаракат қилишади. Бу жараён катталарга ҳам тааллукли. Яхшиси, инсоннинг ҳиссиётини ва у сингари ҳаракатланишни ўрганишимиз керак. Ҳаракат ва ҳиссиёт бир-бири билан чамбарчас боғлик. Инсоннинг хаёлидагини қабул қилиб тушуниш учун унга ўхшаб гапириш керак. Бу ўрганиш жараёни бир оз кўпроқقا чўзилади. Биз бир умр ўрганамиз ва атроф-мухитдан жуда кўп фикр, ҳис-хаяжонларни қабул қиласиз.

Афсуски, биз ҳаммасини кетма-кет қабул қиласиз

Бу ўкув методининг афзалиги шундаки, унчалар англамасдан ва танаффузсиз ўрганаверамиз. Бироқ унда ҳам камчилик бор. Гап шундаки, биз қабул қилаётган нарсаларнинг қайсиси керакли, қайсиси кераксизлигини, қайсисини хотирада саклашимизни англай олмаймиз.

Бор куч-ғайратингиз билан муваффақият сари одимлаб, аммо унга эриша олмаётган, шунчаки бошқа “ёзувни” кўраётган бўлсангиз, доим олдингизда тўсик сезсангиз, тасаввурингиздаги магнитофонингизнинг “тўхта” тугмачасини босинг. Сизнингча унда нима ёзилган? Балки ёзувни алмаштириш керакдир. Қайси кассета сизнингча ҳозирги вазиятга тўғри келади? Шунчаки бошқа “мусиқа”га алмаштириб қўйиш истаги етарли эмас. Уни яна қайтадан ёзиш керак, сиз хоҳлагандай яшаётган атрофингиздаги одамлар билан ўзингизни ўрганишингиз керак. Аминманки, улардан сиз яхши сифатларни қабул қила оласиз.

Танлов ҳуқуки ихтиёрингизда

Маълум бир ёшгача кимлар билан мулоқотда бўлишни ўзимиз танлаш ҳуқукига эга эмасмиз ва баъзи давраларда яхши ёки ёмон вазиятларда “жабрдийда”га айланиб қолишимиз мумкин. Бундай пайтда онгимиз хоҳлаймизми-йўқми дастурлана бошлайди.

Катта ёшимизда бизни асосан икки тоифа одамлар ўраб олишади. Бир тоифасига керакмиз, иккинчисига эса – йўқ. Биринчи тоифадаги одамлар олдида мажбуриятимиз бор ва уларга ёрдам беришимиз шарт. Шуни унутмаслигимиз керакки, бизнинг ёрдамимиз ижобий натижга бериши учун ўзимиз ҳам кучли бўлишимиз лозим.

Иккинчи тоифага сизга учалик мухтож бўлмаганлар, ўқиб-ўсишингизни истамаганлар киради. Шундайлар ҳам бўладики, сизни тўхтатишга ҳаракат қилишади, ўсишингизга қаршилик кўрсатишади. Унутманг, одамларни танлаш ўз ихтиёргизда. Биз ҳамма билан, ким йўлимизда учраса, мулоқот қилишга мажбур эмасмиз. Бизнинг инон-ихтиёrimiz биз ўйлаганимиздан кўра кучлилироқ. Биз ўз қисматимизга сезиларли даражада таъсир кўрсата оламиз. Кўпчилик уларнинг кучлари танлов ҳуқуқида эканини тушуниб етишмайди. Баъзилар умрларининг охиригача ёш болалардай ўзларига бошқа давра танлашга ҳаракат қилишмайди.

Ким бизга ўз таъсирини ўтказади, ким бизни дастурлайди, биз шулар устидан онгли равишда қарор қабул қила оламиз. Бизни ҳеч ким бирор нарсага мажбур қилишга, ўсишимизни тўхтатишга ҳакки йўқ. Биз ўз ҳаётимизнинг хўжайинларимиз.

Оқибат

Одамлар бу фикрга турлича аҳамият беришади. Баъзилар эски танишлар билан дарров алоқаларни узиш керак, деб хисоблашади. Бунга ҳожат йўқ. Колаверса, бу мақсадга мувофиқ эмас. Яхшиси танишларга ёрдам берган маъқул, албатта, улар бунга мухтож бўлсалар. Лекин ўз ёрдамингизни ўзгаларга боғлаб кўйманг. Сиздан маслаҳат сўрамаган одам унга мұхтоҗс эмас. Ёрдам катталарга ҳам, болаларга ҳам керак. Лекин асосан уларга ўзларига ёрдам беришни ўргатган маъқул.

Агар сизга ёрдам керак бўлса, сиздан кўра кўпроқ муваффақиятларга эришган одамдан ёрдам сўрашингиз керак. Ҳеч нарсага эришмаган ва фикрлай олмайдиган одамдан ёрдам кутиш бефойда. Чунки улардан маслаҳат ўрнига эшитадиган гапингиз – ўзларининг оғир аҳволлари ҳакида бўлади.

Муваффакиятли одамлардан ўрнак олинг. Тўғри, дарров савол пайдо бўлади: “Муваффакият нима ўзи?” Яхши жавобни Бесси Стэнли беради:

— Яхши яшаб, кўп кулган ва севган одамни муваффакиятга эришган, деб хисобласак ҳам бўлади. Яна у ақлли одамлар ҳурматига эришиб, кичиклар меҳрини қозонган бўлса. Мақтов ва миннатдорчиликлардан талтайиб кетмаса, олам гўзаллигини тан олиб, у ҳақида гапиришдан уялмаса – муваффакиятга эришибди. Яна у одамларнинг энг яхши жиҳатларини кўрса ва атрофидагилар билан ўзидағи яхши нарсаларни бўлишса, ҳаёти давомида одамларни рухлантирса, уларнинг хотираларида ўчмас из қолдирса, демак, у муваффакиятга эришибди.

Кимлар билан учрашишни хоҳлардингиз, улардан нималарни ўрганмокчисиз, шулар ҳақида ўйлаб кўринг. Агар атрофингида муваффакиятли инсонларни тўпласангиз, муваффакиятга эришишингиз осон кечади. Сиздан яхши нарсаларни кутадиган инсонларни қидириб топинг. Сиздан кўп нарсаларни кутадиган одамларнинг ёнингизда борлиги ривожланишингизга кучли туртки бўлиши мумкин.

Қисқичбақалар

Ҳамма танишларингиз ҳам сиздаги яхши томонга ўзгаришларингизни қўллайверишмайди. Уларнинг қайси биридир сизни ўрганишингиз ва ўсишингизни тўхтатиш илинжида бўлади.

Сиз ҳеч кузатганимисиз, бир челак қисқичбақалар ичидан биттаси бирдан чиқиб кетишга уринади? Қолгандари уни ушлаб қолиб ортга қайтаришга ҳаракат қилишади. Кўпчилик одамлар ҳам шундай йўл тутишади. Улар буни ёмонлик истаб эмас, шунчаки бажаришади.

Энг муҳими, тўхтамаслик. Агар одамларга сизни тўхтатишларига изн бериб қўйсангиз, ҳеч қачон кўзлаган

натижангизга эриша олмайсиз. Менинг маслахатим балки сизга қўполрок кўринар, аммо бундай одамлар билан алоқани тез узиш керак. *Оёқ-қўлларингизни боғлаб қўйишларига йўл қўйманг.* Ўсишдан тўхтасангиз ўзингизга ҳам, бошкаларга ҳам ёрдам бера олмайсиз.

Мен бу гапларим билан бундай одамларга баҳо бермоқчи эмасман. Ҳар бир одам ўзича бир олам. Шунчаки вақт ўтган сайин одамлар бир-бирларига мос тушмай қолишиади. Бу ачинарли, албатта, аммо нима ҳам кила олардик. Бундай пайтда бошқа бир одамнинг сифатларига шубҳа уйғотиб қўймаслик лозим.

Интизомдан одатлар туғилади. Одатлар хулқни белгилайди. Улар зарурый ишларни ўз-ўзидан, катта куч сарф этмай бажаришимизга ёрдам беради. Яхши одатларнинг вужудга келиши учун калит – бу биз доим мулокот қилиб юрган одамлар.

Ғолиблар ўзларини сахийларча тақдирлайдилар. Улар ўзларида борига кониқмайдиган инсонлар билан мулокотда бўладилар. Ғолиблар атрофларида ёрдам берадиган одамлар бўлиши учун қуййнадилар ва ўзлари ҳам ўзгаларга ёрдам берадилар. Агар атрофингизга ғолибларни жамласангиз, сиз ҳам доимо ўсиб, ривожланиб борасиз.

Амалий машғулотлар

Бугун мен атрофимда ибрат бўла оладиган одамларни тўплашга, улардан керакли бирор нарсани ўрганишга харакат қиласман. Бунинг учун мен қўйидагиларни бажаришим керак:

1. Бугуннинг ўзида мен интилаётган нарсага эришган одам билан сухбатлашаман.
2. Менга ибратли нарсалар ўз таъсирини ўтказишини хоҳлайман. Шунинг учун бугун телевизор орқали саёз фильм кўрмайман, радио орқали мусика эшифтмайман. Мен бутун онгли равишда танлайман ва хотирамга ёзив оламан.
3. Мен ҳар ой ундан бирор нарса ўргана олишим мумкин бўлган янги одам билан танишаман.
4. Ўз танишларимга қандай ёрдам бера олишим хақида ўйлаб кўраман.
5. Мен ўзимга танқидий савол бераман: “Атроф-муҳитга мен қандай таъсир ўтказа оламан? Ўзгаларга ижобий ибрат бўла оламанми?”

ЙИГИРМА ТҮККИЗИНЧИ ҚОНУН

ЎЗИНГИЗДАН ҚОНИҚМАСЛИКНИ ЮКСАЛИШ УЧУН РАҒБАТЛАНТИРУВЧИ ОМИЛГА АЙЛАНТИРИНГ

Қари сардор бир саёхатчига вулқон отилишидан ғойиб бўлган қабиласи ҳақидаги воқеани айтиб берган экан:

— Бизнинг қабилалар етти қишлоқдан иборат эди. Ҳар бир қишлоқнинг ўз сир сакловчи сардори бўлган. Қабилалар шу еттита сирни бирлаштириб фойдаланишгандагина баҳтли яшашган. Шунинг учун ҳам биз аҳилиноқ ҳаёт кечирадик. Вулқон уйғониб, қишлоқларга хавф туғдирганда, ҳар бир сардор ўз қабиласини куткариш учун одамларни қайиқларга чиқариб, очиқ денгизга олиб чиқди. Окибатда вулқон тутунининг қуюқлигидан бир-биримизни денгизда йўқотиб қўйдик. Мана ўша кундан бери қабилаларимиз бирлаша олмайди.

— Нимага йўқолган олтита қабилани қидиришга одам жўнатмадингиз? — сўради саёхатчи ҳайрон бўлиб.

— Биз одам жўнатдик, кўп бор бу ишни қилдик, аммо жўнатган одамларимиз қайтишмади, -- деди сардор.

— Улар билан нима содир бўлиши мумкин, ахир уста денгизчиларсиз-ку?

— Мен уларни ўлиб кетишган, деб ўйламайман, менимча кидирув давомида улар ўзларига ёқсан жойни топишган ва ўзларига топширилган вазифани унутишган. Ҳозирда улар ўз шароитларидан келиб чиқиб, ҳаётларидан мамнун кўринишади, — деди бир оз ўйланиб сардор.

* * *

Катта муваффакиятларга эришган ҳамма одамларга бир нарса туртки бўлган. Улар ҳаётлари давомида нимадандир қониқишимаган. Шу қониқмаслик ҳаракатланишдаги кучга айланган.

Ишдан қониқмаслик қўйидаги сабаблардан ҳам келиб чиқиши мумкин:

- Иш мазмун ва чукур моҳиятга эга эмас;
- Маош жуда паст;
- Хизмат поғонасидан ўсишнинг иложи йўқ;
- Фаолият қизиқарли вазифалар билан боғлик эмас;
- Ишдан қониқиши ҳосил қилиб бўлмайди;
- Равнаққа йўл йўқ;
- Ўз мулоҳазаларингизни айтишнинг иложи йўқ.

Шукроналик ва қониқиши ўртасидаги фарқ

Кўпчилик инсонлар қониқмасликни тоқатсизликка йўйишади. Орамизда кўпчилигимиз ёшлиқдан: “Сен ўзингда борига шукр қил”, деган сўзларни катталардан эшитиб вояга етганмиз. Бу сўзларни айтган одамлар бизга яхшиликни тилашган, албатта. Аммо бу иборани сал нотўғри талқин қилишган. Улар шукроналик билан қониқиши алмаштириб кўйишган.

Аслида уларнинг ўртасида ўта жиддий фарқ бор. Тўғри, биз борига шукр қилишимиз керак – овқат учун, арофимиздаги одамлар учун, одамларни сева олишимиз ва улар бизни севишлари учун.

Машинангиз эски, уйингиз каталакдек бўлса ҳам, шукр қилиш – бу олий фазилат. Биринчидан, унинг ёрдамида кўркувни ҳайдаш мумкин. Иккинчидан, агар ҳозир борига шукр килмасак, келажакда ҳам бирор нарсага эга бўлсанак, бойиб кетсанак, шукроналик хиссини сеза олмаймиз. Бу туйғу баҳтнинг керакли калитидир. У бўлмагандан, сиз ҳаётидан миннатдор бирорта ҳам баҳтли инсонни учратса олмаслигинги мумкин эди.

Қониқиши – бу жуда хавфли хиссиёт. Ҳеч қачон борлигингизга ва нималарга эга бўлганингизга кўнишиб ҳосил қилманг, бу яхши иш эмас. Ҳамма тирик мавжудот

борки, ўсади. Агар нимадир ўсишдан тўхтаса, демак, у ўлибди. Ҳаммасига кўниккан инсон эса юксалишдан тўхтабди. Қониқмасликни хис қилибгина биз ўзгара оламиз ва юксаламиз. Ҳеч қачон борига кўнишиб ва қониқиб тўхтаб қолмаслик керак.

Ресторанда бирор нарсага буюртма бермаган одам ҳеч нарса еёлмаганидек, ҳаётда ҳам шундай жараён юз беради. Биз ҳаётдан нимани хоҳласак, ўшани олишимиз керак. Мана шу муваффақият. Шу билан бирга ўзимизда борига шукр қилишимиз керак. Бу баҳт. Бири иккинчи-сисиз мавжуд эмас.

Мамнунлик дангасалик ва бефарқликни туғдиради

Ҳаммасига кўниккан одам интилишдан бош тортади. Баъзи тушунчаларга биноан, қониқишнинг асосида дангасалик, бефарқлик ва юксалишга интилмаслик яширинган бўлади. Шунинг учун ҳам ҳаракатсизликка қоникиш баҳонаси кенг тарқалган. Бу алдамчи ҳиснинг тузогига илинган одамлар ўзларини тартибли инсонлар деб ҳам аташади.

Ўзидан қониқкан одамда ишлашга иштиёқ йўқолади, юксалиш эса сусаяди. “Ҳамма нарсам бор, шунинг ўзи менга кифоя”, дейиши дангасаликдан дарак беради. Аммо кейинроқ тушуниб етадики, бора-бора атрофидагилар ундан ўзиги кетади. Чунки ўзидан норози ва юксакликка интилувчи одамлар доимо топилади. Қониқиша кўнишиб дангаса одам учун қамоққа айланади ва ундан кутулиб чиқиб кетиш бора-бора қийинлашаверади.

Ҳеч қачон муваффақиятларингиздан суюниб кетманг. Сизнинг ютукларингиз ўсмаётган экан, демак, улар кичиклашаяпти. Хотиржамлик ҳолати табиатда ҳам, жамиятда ҳам бўлмайди. Агар тўқис муваффақиятга эга бўлишни истасангиз, доим янгиликка интилиб

яшашингизга түғри келади. Үз-үзидан қониқмаслик – яхши фазилатлардан бири.

Қониқмаслик катта мукофотлар олиб келади

Қониқмаслик – ҳаракатланишимиз учун зарур күч. Бу хиссиёт бизга азалдан қонимизга юққан. Бу генетик кодимизга үхшайды. Энг баҳтли одамлар бу хиссиётни хис этишади. Улар күн сайин юксалиб,, ҳаётлари яхшиланиб бораверади.

Шунинг учун ҳам америкаликлар: “Озод бўлиш учун оч қолиш керак”, дейишади. Қониқмаслик – озодлик калитидир. Үзидан қониқмаган одам билади, ҳеч қачон олий нуктага эриша олмайди, аммо унинг мақсади ўша ёққа олиб борувчи йўлдир. У бу йўлдаги ҳар қанча юқорига бўлган ҳаракатидан мамнун ва ҳаётнинг ҳар бир лаҳзасидан миннатдор.

Бир доно киши бу фикрни қуийдагича изоҳлаган: “Тасаввур қилинг, биз ҳаммамиз тилакларимиз ижобат бўладиган жойга поездда кетаяпмиз. Аммо ҳар бир бекатда кимдир тушиб қолаяпти. Улар қулайлик ва яхши шароит ҳоҳлашади. Улар шунинг учун тушиб қолаяптиларки, керакли мағофани босиб ўтдишар ёки тушган жойлари уларга ёқади. Лекин бу билан улар поезднинг қаёққа кетаётганини унумтиб, узокроқдаги юксак нуқтани кўздан қочиришияпти. Тушган жойларида имкониятлар тугаб, ўзларида қониқмаслик пайдо бўлганда эса иккинчи поезд бўлмаслигидан хабарлари йўқ. Улар тушган жойларида бир мартагина мукофотланишилари мумкин”.

Вактингчалик қониқиши ҳам қониқмасликни пайдо қилиши мумкин

Меҳнат қилиш бошқаларнинг ҳожатини чиқаришини унутманг. Кимки ишдан ташқари пайтдагина роҳатланиш мумкин деб ўйласа, у ҳакиқатдан кўз юмаяпти. Ҳаётнинг ҳар бир харакатидан лаззатланишда атрофингиздаги одамларга ўrnak бўлинг. Ҳар бир инсон ўзига ёқкан ишидан мамнун ҳолда ишлашга ҳакли.

Ғолиблар ҳамиша бор нарсалари билан шукр қиладилар, аммо эртага ҳам бундай яшашларидан қониқмайдилар. Улар билишади, юксалишга интилиш инсониятнинг асосий тамойилларидан биридир.

Амалий машғулотлар

Мен аминман, қониқмаслик – харакатдаги куч ва шунинг учун ҳам қуидаги одимларни қўймоқчиман:

1. Мен ҳозирги пайтда беш нарсага шукроналик билдиришни овоз чиқариб айта оламан. Доим бу машқни тақрорлаб кўркувдан халос бўла оламан.

2. Ўзимдан қониқмаслигимдан ҳеч ҳам хафа бўлмайман. Қониқмаслик – бу асосий харакатланувчи куч.

3. Атрофимдагилар эътиқодларимга эътибор каритишларини хоҳламаяпман. Тўғри, ҳар бир одам ўзи хоҳлагандай яшashi мумкин. Аммо мен ўзимнинг қониқмаслик ҳиссиётимдан уялмайман ҳам.

4. Фирмамнинг ривожи учун одамларни жалб қилишим ва уларни мен билан ишлашларига кўндиришим кераклигини биламан. Шунинг учун эътиборимни ўзларидан қониқмаган инсонларга каратаман ва уларга имконият эшикларини кўрсатаман.

ҮТТИЗИНЧИ ҚОНУН

ҮРДАК ЭМАС, БУРГУТ БҮЛИНГ

Сиз оламнинг пайдо бўлиши ҳақидаги ҳинд афсонасини эшитганмисиз? Худо олдин денгиз чифаноғини, кейин эса бургутни яратиб, инсонга чифаноқнинг зерикарли ёки бургутнинг қизикарли ҳаётини танлашга изн беради.

“Бу ерда танлаш учун ўйланиб ўтиришга ҳожат йўқку”, дейишингиз аниқ. Албатта, ҳамма ҳам бургутнинг ҳаётини танлайди. Аммо ҳеч ким кутмаган ҳодиса юз беради. Кўпчилик чифаноқнинг ҳам, бургутнинг ҳам ҳаётини танлашмайди.

Ҳамма ҳам ўзида бургутнинг устунликлари бўлишини хоҳлайди, аммо бунинг учун кўп тўлов қилиш кераклиги инсонга ёқмайди. Ва улар ўзларининг талабларига жавоб бера оладиган бошқа намуна қидиришга тушишади ва топишади ҳам. Буни қарангки, у ўрдак эди.

Ўрдак

Бир қарашда ўрдак ва бургутда кўп ўхшашликларни кўриш мумкин. Аммо аслида уларнинг ўрталарида жуда катта фарқ бор. Агар дикқат билан қарасангиз, уларнинг фарқини тезда ажрата оласиз. Тўғри, иккиси ҳам қуш ва уча олади. Бургут узок вақт осмон-у фалакда учеб қолиб кетиши мумкин, ўрдак эса сувга яқинроқ бўлишни хуш кўради.

Лекин ўрдакнинг ҳам ажралиб турадиган жихатлари бор. У бутун кун мобайнида, уйқудан туриб эрталабдан ғафиллайди. Уни боқишаётганда, нимадир ёқмаса, бошқа ўрдаклар унинг емишини олмоқчи бўлса ёки бирор нарсанинг уддасидан чиқолмаса ҳам ғафиллайверади. Бирор чора қўллаш ўрнига ғафиллайвериш, бу яхши хусусият эмас.

Үрдаклар қандай “ишлашади”

Келинг, яхшиси үрдак ҳақида яхши таассуротга эга бўлишингиз учун унинг фаолиятидан бир нечта лавҳаларни айтиб ўттай.

Сиз ҳеч меҳмонхонада нонуштага ўн беш дакика кечикканмисиз? Агар ўша пайтда үрдакка тўкнаш келсангиз, у сизга шундай дейди: “Келинг, афсуски кечикдингиз, осиб қўйилган ёзувни ўқимадингизми? Бизда нонушта соат ўнгача. Faқ-faқ...”

Бургут эса: “Хафа бўлманг, мен ҳозир сизга тезроқ пишадиган бирор егулик тайёрлаб бераман, нимани хоҳлаган бўлардингиз?” дейди.

Сиз қурилиш бозори нималигини тасаввур қила оласизми? Беш минг квадрат метрли савдо майдони ва унда битта сотувчи ва у доим харидорлар билан банд. Айтайлик, ҳозир у бир катта коттеж қураётган харидор билан савдолашиб турибди. Сиз унинг суҳбатини бўлиб: “Кечирасиз, менда битта савол бор, ёғоч учун ишлатиладиган бўёкни қаердан олсанм бўлади?” деган савол билан мурожаат қилсангиз, нима юз бериши мумкин.

Үрдак жавоб беради: “Кўрмаяпсизми, мен харидор билан гаплашяпман?! Мен ҳамма билан бирданига гаплаша олмайман-ку! Навбатингиз келгунча кутиб туринг! Faқ-faқ...”.

Бир неча ой муқаддам мен Атлантадаги меҳмонхоналардан бирига олдиндан хона буюртириб қўйдим ва уларнинг ваъдаларини олдим. Аммо айтилган вақтда етиб борганимда, ҳамма хоналар банд эди. Рӯпарамда турган аёл ҳамма жой бандлигини ва қўлидан ҳеч нарса келмаслигини айтди.

Мен ўзимнинг фикримни ўтказа бошладим ва эшигадиганимни эшидим: “Жой йўқ бўлса, қаердан сизга жой қилиб бераман? Faқ-faқ-faқ...”. У шундай деди-да, менга аҳамият бермай ўз ишини давом эттириди.

“Ха, навбатдаги ўрдак”, деб хаёлимдан ўтказдим мен ва бошлиқ билан учраштиришини талаб килдим. Аёл хўмрайганча: “У ҳам менинг гапимни айтади”, деб эшик ортига равона бўлди. Эшик ортида, албатта, ўрдаклар кўли бор эди. Аёл яна бир ўрдакни бошлаб чиқди.

Мен ундан бургутни бошлаб келишини сўрадим. У ҳайрон бўлганча саволимни қайтарди. Мен унга тушунтиридим: “Менга бу вазифа бажарилиб бўлмаслигини билмайдиган одамни чақир”, дедим.

Бу сафар аёл тушунди. У бошлаб келган мененжер ҳақиқатда ҳам бургут экан. У менга: “Бизда ростдан ҳам бўш хона йўқ, бу сизга нисбатан лоқайдлигимиз ва бунинг учун сиздан кечирим сўраймиз. Мен бу муаммони тез ечишга киришаман. Ҳозир яқин атрофдаги меҳмонхонага кўнғироқ қиласман ва сиз учун олий даражали хона буюртма бераман. Ҳамма харажатлар бизнинг меҳмонхона ҳисобидан, унгача бизнинг ресторонда тушлик қилиб туришга таклиф этаман”, деганди ўшанда. Бу менга нисбатан бургутларча муносабат эди.

Фарқ нимада?

Бургутни ўрдакдан қандай ажратса бўлади? Бургутлар харакат қилишади, ўрдаклар эса ғағиллашади. Уларнинг ғағиллашлари – кўндириш, чеки йўқ кечирим сўраш, бефойда валақлаш ва қолаверса, турли кулгили ҳолатлардан иборат. Бундай ўрдакларни эртами-кечми ишдан бўшатишади. Улар инкиrozнинг биринчи курбонларига айланишади. Ва албатта, улардан бундай ҳолларда қуйидагича норозиликларни эшитамиз: “Қандайин ноҳақлик! Менимча, бошлиқка менинг тумшуғим ёқмади, шекилли”.

Бургутларни эса аксинча хизмат поғоналаридан юқорига кўтаришади. Ўрдаклар тутимини тутиб, ғағилламасдан, харакат қилишлари лозим. Иложи борича

ўз бўлимингиздан ёки фирмангиздан бундай “қуш”ларни узоклаштиришингиз керак. Ўрдакни ҳам ўргатса бўлади, дейдиган одамлар ҳам бор. Аммо тушунинг, унда сизда ўргатилган нарсаларнигина бажара оладиган ўрдак пайдо бўлади.

Мана сизга бир нечта бургут ва ўрдаклар ўртасидаги фарқлар.

|| Ўрдаклар айтишади: “Мен буни қила олмайман”. Бургутлар сўрашади: “Бу қандай бажарилади?”

|| Ўрдаклар пессимист. Бургутлар оптимист.

|| Ўрдаклар ўзларидаги нохушликларни бошқалар билан бўлишишади. Улар шу муносабат билан ўрдаклар мажлисини чақиришлари мумкин. Бургутлар эса фақат ижобий нарсаларни ўзгалар билан фиклашишади.

|| Ўрдаклар фақат энг керагини қилишади. Баъзи ҳолларда шуни ҳам бажаришмайди. Бургутлар талаб қилинганидан ортигини ҳам қилишлари мумкин.

|| Ўрдаклар секин ишлашади. Уларнинг шиори: “Мен бу ерга ишлагани ёлланганман, юргургани эмас”. Бургутлар ишларини иложи борича ўта тезлик билан бажаришади.

|| Ўрдаклар ўзларини билағонман дейишади, ўзларича ҳамма нарсани билишади ва ҳамиша ниманидир килмасликка сабаб топа олишади. Бургутлар эса доим янги нарсани ўрганишга тайёрлар. Улар ишга шунчаки киришиб, уни бажаришади.

|| Ўрдакларда баҳона кўп. Кўндиришга харакат қилишади. Бургутлар йўлини топиб бажаришади.

|| Ўрдаклар таваккал қилишмайди. Бургутлар баъзан кўркувни ҳис этишади, аммо бу уларнинг харакатларига халақит бермайди.

|| Ўрдаклар соат ўндан олтигача ишлашади. Бургутлар кўпинча олтидан ўнгача ишлашади.

□ Үрдаклар ҳар қандай имкониятдан муаммо топишиади. Бургутлар эса ҳар қандай муаммодан имконият топишиади.

□ Үрдаклар атрофларидағи одамларни йүкликларыда ёмон сұзлар билан ғийбат қилишиади. Бургутлар эса одамларни яхши фазилатлари билан тилга олишиади ёки умуман улар ҳақида гапиришмайди.

□ Үрдаклар учун танлов килишга анча вакт кетади, аммо улар олдин күриб чиқилған ва қабул қилинған қарорларни хуш күришиади. Бургутлар тез қарор қабул қилишиади, чунки уларнинг белгиланған бебаҳо тизимлари бор ва улар узокни күра олишиади.

□ Үрдаклар үз муаммоларига үзларини жалб этиб ғағиллашиади, бургутлар муаммога ечим топишиади ва ҳаракат қилишиади.

□ Үрдак узок вакт кек сақлайди. Бургут кечиришини билади.

□ Үрдаклар уларнинг бокишиларини кутишиади, агар уларга овқат етмаса ғағиллашни бошлашиади. Бургутлар мажбуриятни үз зиммаларига олиб, үзларига керакли нарсани топишиади.

□ Үрдаклар үзларыда бор нарсани севишига мажбурлар. Бургутлар эса севғанларини олишиади.

□ Үрдаклар майда-чүйдаларга үралашиб, ҳаётнинг мазмуни шуларда, деб үйлашиади. Бургутлар майда нарсалар нимага арзиса, шунга яраша эътибор қаратишиади.

□ Үрдаклар учун бутун олам уларнинг кичкинагина ҳовузларидир. Бургутлар этиб бўлмас чўққиларга интилишиади.

□ Үрдаклар шароитдан норози бўлишиади. Бургутлар шароитни ўзгартира олишиади.

□ Шу ва шунга үхшаш нарсалар.

Ким қандай таъсир күрсатади?

Үрдакчалар ўз тўдаларида нималарга ўрганишлари мумкин? Гағиллашга. Бургутлар ҳакиқатда хам ўз атрофидагиларни тарбиялашлари мумкин. Сиз бургутлар полапонларини ҳаётга тайёрлаётганини кўрганмисиз? Олдинига улар индаги майда юмшоқ патларни олиб ташлашади, кейин майсаларни олиб ташлашни бошлашади. Бора-бора индаги қулайлик йўқолиб боради. Кейин силлик, ингичка чўпларга навбат келади. Охир оқибат, инда дағал, эгри-букри шохлар қолади ва полапонларнинг баданларига бота бошлайди. Бу шароит бургутчаларнинг аста-секин меъдаларига тегади ва биринчи учишга ҳаракатни бошлашади. Агар бургутча сал кўрқокроқ бўлса, ота-оналари уни индан итариб юборишади. Агар унинг қанотлари калта бўлиб учишга қийналса, унинг ортидан бориб, вактинча яна қайтариб инга олиб келишади. Бу ҳол тўла учишни ўрганмагунча давом этади. Ниҳоят, бургутча инни тарк этади.

Бургутнинг ёнида давомий бўлган одамлар, албатта, юксалишади. Бургутлар турғунликни ва дангасаликни ёқтиришмайди. Улар ўз полапонларидан кўп нарсаларни кутишади ва уларни ҳаракат қилишга ундашади. Шунинг учун хам бургутларни яхши ўқитувчилар деб айтишимиз мумкин. Уларни атрофдаги одамларнинг ҳаётлари қизиктиради. Улар ўз таъсирларини ўзгаларга ўтказишни исташади ва ҳаммаси яхши томонга ўзгаришини юракдан хоҳлашади. Балки шунинг учун ҳам одамларнинг бургутларга бўлган иштиёқлари баланддир ва шунинг учун ҳам гербларга уларнинг тасвирларини кўйишар. Одамлар улардан ўrnak оладилар. Фолиблар бургутлар ҳаёти билан яшашади.

Сиз қайси күшни ўз гербингизда кўришни истардингиз?

Амалий машғулотлар

Мен бугундан бошлаб бургутдай яшайман. Бунинг учун мен қуидагиларни бажаришим керак:

1. Мен бу китобни яна бошидан ўқийман. Ҳар куни битта бобдан. Баъзи боблар ҳозирдаги ҳаётимга таалукли бўлса, ўқимай ўтказиб юбораман.

2. Мен бугун тинч вазиятда, хотиржам муқаддимани ўқийман ва у ҳақида ўйлаб кўраман.

3. Мен атроф-оламга ўз таъсири мни ўтказаман. Мен одамлардан ўзим учун керакли кўп нарсаларни кутаяпман. Балки бу кимнингдир ғашини келтирар, лекин мен уларни “учиш”га ўргатишга ҳаракат қиласман.

4. Голибликдаги идеалим ҳақида ўйлаб кўраман. Унинг қирраларини ёзib бориш жараёнида ўз қийматим ва фикрларим устида ишлайман.

5. Ҳаммага бирдек тўғри келадиган ғолиблар учун конунлар бўлмаслигини яхши англайман. Лекин мен ўз ҳаётим давомида жорий этишим мумкин бўлган конунлар тизимини ишлаб чикишим лозим.

ХОТИМА

Асл ютуқ хеч қачон бир томонлама бўлмайди. Унда доим ташки ва ички яратувчилик бор. Бизнинг жамиятимизда кўпинча керагидан ортиқ ташки ютуқларга аҳамият берилади. Адабиётда шундай нохуш нарсалар борки, шон-шуҳратга эришиш йўлида виждонни ҳам сотиб юборишади.

Аслида, ички туйғулардан воз кечиб, ташки ютуқларга эришиш мумкиндек кўринар. Матбуот ва ахборот воситаларидан биз кўп одамлар ҳақида биламизки, ўз мақсадлари йўлида ўликлар устидан юриб бўлсада, шуҳрат ва бойликни тез қўлга киритишяпти. Буни бошқаларнинг истакларини менсимасдан, ўз мақсадига интилувчанлик мисолида кўриш ҳам мумкин. Кимки ташки ютуқларга бўйсунар экан, бошқаларнинг ҳиссиётлари уларни қизиктирмайди. Бу ютуқ эмас, бу ўзбўлармонлик ва худбинлик.

Ташки ютуқни ўз ички заруратларидан устун қўймаслик лозим. Бизга ички ташкилий ютуқ ҳам керак. Бу ютуқ қуидаги хислатлар, яъни шукроналик, севги, хотиржамлик, кувонч, донолик, камтарлик, мажбурият ва атрофдагиларга ёрдам сингари сифатлар асосида вужудга келган бўлиши лозим.

Кимки бу фазилатларни ўзидан бўғиб чиқарар ва ўз мақсадидан чекинар экан, у ҳеч қачон мукаммал ҳаёт кечира олмайди. Ўзига хиёнат ва ички хотиржамликнинг йўклиги – бу ютуқ учун ўта катта тўлов. Бинобарин, ички хотиржамлик ҳам – хоҳлаганимиздек инсон бўлишимизга кафолат бера олмайди. Ҳаётнинг ҳақиқий санъати шундан иборатки, икки томонни ҳам ҳисобга олиш керак. Голиблар буни билишади. Шунинг учун ҳам голиблик қонунлари икки томонни ҳам ўз ичига олади. Шунинг учун улар бир-бирига қарама-қаршидай туюлади. Аслида эса қарама-қаршиликлар учун ягона

конун пайдо бўлади. Натижада баъзан айланма узун йўл тезроқ муваффақитга олиб боради.

Бу китоб мукаммалликка даъвогар эмас. Ҳаёт шундайин бой ва серкирраки, уни бир нечта варакларга сифдириб бўлмайди. Ғолиблар ҳеч қачон ҳақиқатга эришдим, дейишмайди. Чунки ҳамма нарса ҳаракатда ва ўзгарувчан. Бу тирикликнинг асоси. Ғолиблар билишади, ҳар қандай ҳақиқатнинг орқа томони бўлади.

Ғолиблар сабрли. Улар билишади, ҳар қандай ҳаётий кўриниш қувонч бағишлайди, аммо мукаммалликка интилмайди. Ғолиблар ҳаётнинг ҳар бир лаҳзасидан лаззат олишади.

Улар завқ билан яшашади, чунки уларнинг ўз қонунлари бор ва унга амал қилишади, яъни уларнинг баҳт-саодат ва қувончга элтувчи қонуниятлари бор.

Ғолиблик қонуниятлари асосида яшаган ҳар бир қунимиз яшашга арзиди. Бу қонунлар туфайли биз ўз ҳаётимизга жуда юқорига интилувчи устун ўрнатишимиш мумкин.

Тан оламан: мен ҳамма қонунларга амал қила оламан, деб айтольмайман. Агар юз баллик шкала бўйича олсак, баъзи қунлари мени кўрсатгичим тўқсон тўртни кўрсатиши мумкин, қолган қунларда эса – етмиш иккини. Умид қиласман, бу сизларни ҳайрон қолдирмайди. Юз фоизлик натижага кимdir эришишига мен ишонмайман. Биз табиатан шундай яралганимиз. Биз мақсадларга кўп маротаба яқинлашамиз, аммо тўла эга чиқа олмаймиз. Шунинг учун ҳам бу қонунларни такрорлаш керак. Шундагина биз босиб ўтган ҳаётимизни ёдга оламиз ва ким бўлишимизни, кимга ўхшамоқчилигимизни тасаввур этамиш.

Мен чин юракдан сизга бой бўлишни тилайман. Ғолиб ҳаётингиздан баҳра олиб, баҳтли яшашингизни истайман. Бу ҳамма вакт ҳам осон кечмайди, лекин сизни мукофот кутмоқда.

Агар биз шу йўлда учрашсак, хурсанд бўлардим.
Иккимиз бу учрашувдан, албатта, бирор нарсалик
бўлардик. Голиблар бу дунёда ҳозирча камчиликни
ташкил этади, аммо улар бир-бирларига интилишади ва
албатта, учрашишади.

Голиб бўлинг ва сизнинг ғалабангиз бошқаларнинг
ҳам ғалабасига айлансин.

МУНДАРИЖА

(Фолиблик қонунлари ҳақида кисқача билдириш)

Муаллиф мұқаддимаси.....	3
1. Қарор – дил амри.....	6
2. Үқиши – үсиш демакдир.....	15
3. Үтаётган ҳар бир күнингизга оқилюна ёндашинг.....	24
4. Мафаат көлтирувчи фаолият билан машғул бўлинг.....	35
5. Шахс дарајасига кўтарилинг.....	42
6. Кўлингизга олинг ва бажаринг.....	49
7. Ҳис-туйғуларингизни тўғри тарбияланг ва асранг.....	59
8. Қийинчилекларни енгишни ўрганинг.....	69
9. Қайтадан фидирик ясаманг.....	79
10. Ҳамиша интилиб яшанг.....	88
11. Орзуга интилинг ва уни ҳаётингизга татбиқ этинг.....	93
12. Соғлиғингизга ғамхўрлик қилинг.....	103
13. Танқиддан чўчиманг.....	110
14. Ишни бир юз ўн фоизга бажаринг.....	119
15. Муаммолар – үсип, камолот омили.....	124
16. Ўзингизга бошлиқ ва тобе бўлинг.....	130
17. Юксак максадлар сари.....	138
18. Одамларга муҳтож бўлган нарсаларини беринг.....	146
19. Ишга бепарво бўлманг.....	155
20. Ҳаммага ўрнак кўрсатинг.....	160
21. Ишнинг энг зарурини тезлик билан бошланг.....	166
22. Масъулиятни ўз зиммангизга олинг.....	172
23. Ўзингиздаги қўркувни енгишга ўрганинг.....	180
24. Кучли томонларингизга эътибор қаратинг.....	187
25. Сахийликни ва кечирищни ўрганинг.....	196
26. Пулга усталик билан ёндашинг.....	203
27. Юксалиш учун чидам билан пойдевор қуиринг.....	210
28. Атрофингизга ўрнак олса арзидиганларни тўпланг.....	216
29. Ўзингиздан кониқмасликни юксалиш учун рағбатлантирувчи омилга айлантиринг.....	224
30. Үрдак эмас, бургут бўлинг.....	229
Хотима.....	236



БОДО ШЕФЕР

Хаётда фаровон турмуш асосларини барпо қилиш ёки ношудлик орқасидан қашшоқ яшаш – шахсан ўзингизга боғлиқ эканлиги руҳий-фалсафий тарзда содда баён этилади.

Қўлингиздаги бу китоб хаётда музaffer бўлишни хоҳлаганлар учун ёзилган.



ISBN 978-9943-4336-9-4

9 789943 433694